

近代中國史料叢刊續編第九十輯  
沈雲龍主編

皇朝政典類

纂

席裕福  
沈師徐輯

職官一

文藻出版社

有限公司

印行

近代中國史料叢刊續編第九十輯  
沈雲龍主編

皇朝政典類纂  
席裕福  
沈師徐輯

職官二

文海出版社  
有限公司  
印行

皇朝政典類纂

職官一

官制 設省 移駐 裁汰

天聰五年設六部官每部設一員勒主之吏部設承政一員戶禮兵刑工五部承政各二員蒙古承政六部各一員漢承政吏戶禮兵工五部各一員刑部二員每部各設參政八員啟心郎一員工部增設漢參政二員蒙古參政二員漢啟心郎二員其辦事筆帖式各酌量繁簡補授凡稱榜式俱著停止稱為筆帖式如 欽賜榜式名者仍稱榜式通考

九年設蒙古八旗官員先是八年以和碩貝勒德格勒等所獲察哈爾國千餘戶分給八旗是年正月復以察哈爾來歸官兵均隸各旗至是始編審蒙古壯丁及在內舊喇嘛沙壯丁為蒙古八旗每旗設固山額真一人梅勒章京扎蘭章京各二人及佐領驍騎校等官通考

十年改文館為內三院曰內國史院掌記注 詔令編纂史書及撰擬諸表章之屬曰內祕書院掌撰外國往來書狀及 勅諭祭文之屬曰內宏文院掌注釋歷代行事善惡勸講 御前侍講 皇子並教諸親王及德行制度之屬各設大學士掌之會典事例

崇德元年設都察院通考

二年命巴山貝子尼堪等與議政事每旗設三員以鞏阿岱等為議政大臣復集和碩親王多羅郡王多羅貝勒固山貝子固山額真都察院承政及新設議政大臣 諭之曰議政大臣或出兵或在家向時甚少若遇各



處差道則朕左右及王貝勒之前竟無議事之人矣議政雖乏人然不令妄與會議者以卑微之人參議國家大事彼必逢迎其主且以賢能自居諂諛之詞既誤其主復誤國政今特選擇以爾等爲賢置於議事之列正欲令各念其主爲國効力耳通考

三年定蒙古衙門爲理藩院通考

又定都院官制先是六部都察院理藩院各設承政三四員其餘皆爲參政官止二等至是范文程等奏請每衙門止設滿洲承政一員以下酌量設左右參政理事官副理事官額哲庫各官凡五等 上可其奏更定八衙門官制六部理藩院都察院承政各一員吏部左參政二員右參政三員理事官四員副理事官六員戶部左參政二員右參政四員理事官十員副理事官十六員禮部左參政二員右參政三員理事官四員副理事官七員兵部左參政二員右參政三員理事官十員副理事官十六員刑部左參政二員右參政三員理事官六員副理事官八員工部左參政二員右參政三員理事官九員副理事官十二員啟心郎每部三員滿一員漢一員額哲庫每部二員理藩院左右參政各一員副理事官八員啟心郎一員都察院左右參政各二員理事官六員滿漢蒙古各二員通考

七年定漢軍八旗官員先是二年分烏真超哈爲二固山每固山設固山額真一人編壯丁爲牛彙旗用元青色四年分爲四固山每固山增設梅勒章京二人扎蘭章京四人牛彙章京十八人其三旗以黃白紅色鑲之一旗純用元青色至是始編爲八旗增設各官其色與滿洲同通考

八年設守 陵官通考

順治元年 世祖章皇帝定鼎燕京定內外交官制內官自內都以至庶司外官滿泉守令提鎮將弁略仿明制而損益之兼用滿漢人通考

又定八旗都統副都統統領駐防將軍都統副都統均由兵部開列具題補授守衛 陵寢總管翼領白塔監守信礮總管犧牲所所牧黑龍江吉林管水手官皆係八旗中公陞補之缺均由兵部引 見補授在京驍騎參領以下官駐防協領以下官由各旗引 見補授前鋒護軍參領以下官由各該統領引 見補授五品以上咨兵部月終彙題六品以下咨兵部註冊其駐防領催陞補驍騎校附入月終彙題會典事例

二年以翰林院官分隸內三院稱內翰林 國史院內翰林祕書院內翰林宏文院會典事例

四年更定八旗官名禮部遵 諭議定固山額真按班章京堆章京梅勒章京扎蘭章京牛景章京噶佈什賢噶拉按班噶佈什賢章京皆係管兵官銜不畧世職大小有授此官者卽照此銜稱之凡箭號等項亦書此銜於上其世職按班章京改爲精奇尼哈番梅勒章京改爲阿思罕尼哈番扎蘭章京改爲阿達哈哈番牛景章京改爲拜他拉布勒哈番半個前程改爲拖沙喇哈番其在部院官員各省駐防章京官銜仍照舊通考  
十年給事中劉顯績奏請設立記注官凡 皇上詔諭一言一動及諸臣奏啟俱隨事直書以爲萬世法則通考

十五年改內三院爲內閣大學士俱改內閣銜會典事例

十八年復改內閣爲內 國史院內祕書院內宏文院裁翰林院會典事例

康熙九年 改內三院爲內閣其大學士等官銜俱照順治十五年之例設滿洲學士二人滿洲侍讀學士四人

蒙古侍讀學士二人漢軍侍讀學士二人滿洲侍讀八人蒙古漢軍侍讀各二人滿洲漢軍漢典籍各一人會  
典事例

十年增設滿洲學士四人設漢軍學士二人漢學士二人滿漢均兼禮部侍郎銜會典事例

十二年定漢軍學士併入漢缺共爲四人會典事例

十五年增設直隸各省儒學教職各一員通考

五十七年命部院增設蒙古官增蒙古旗分御史二員六部郎中六員員外郎八員主事六員通考

雍正元年 世宗憲皇帝諭吏部八旗滿洲翰林向無陞轉之途深爲可憫伊等如何陞轉之處著議奏議  
嗣後翰林院滿洲侍讀侍講諭德洗馬國子監司業缺出將各部俸滿應陞之人補授一員將翰林院編修檢  
討補授一員分缺補用從之通考

又 諭都察院巡視五城御史甚爲緊要一城滿洲漢軍漢人三員殊爲太多難得如許好官有一不肖卽難  
肘廢弛一城之事嗣後一城只派二人漢軍著歸併於漢人班內筆帖式亦著隨御史更換如有生事不守分  
者卽行題參雍正內閣 上諭

又 諭翰林院自古帝王臨朝施政右史記言左史記勳蓋欲使一舉動一出言之微無不可著爲法則垂範  
百世也 皇考聖祖仁皇帝英年踐阼卽設日講起居注官於詞臣中擇其才品優長者以原官充補鉅典茂  
昭度越前代誠爲聖帝哲王之盛事御極六十一年紹精一執中之統勵敬 天勤民之心文謨武烈經緯萬  
幾盛德日新大業鴻顯天下臣民仰瞻至治不啻日月麗天江河行地莫不敬信悅服記注之臣美不勝書

皇考聖祖仁皇帝謙德彌光聖不自聖唯恐史官或多溢美之詞故康熙五十六年以後裁省記注祇令翰林五員於理事時輪侍班行凡有重務要有仍命內閣諸臣記而存之意至肩深也茲朕繼承大統夙夜兢業日昃不遑思所以上繼 皇考功德之隆下致四海晏安之治願惟涼德深懼寶荷之難今御門聽政之初益當寅畏小心綜理庶事咸期舉措允宜簪筆侍臣何可闕歟當酌復舊章於朕視朝臨御祭祀 壇 廟之時令滿漢講官各二人侍班不獨記載諭旨政務或朕有一言之過一事之失皆必據實書諸簡策朕用以自警冀寡悔尤庶幾凜淵冰之懷以致久安慎樞機之動以圖長治其仍復日講起居注官如康熙五十六年以前故事爾衙門卽遵舊行雍正內閣 上諭

二年諭以邊外地方遼闊墾田畝甚多將京城無產業兵丁移駐于彼總理事務王大臣等會同兵部詳議具奏尋議熱河喀喇河屯樺榆溝三處駐兵派京城兵八百名熱河駐四百名喀喇河屯樺榆溝二處各駐二百名以五十名爲一佐領每佐領設佐領一員驍騎校一員于派出兵丁內設領催四名再設總管一員翼長一二員令其統理管轄其總管駐劄熱河翼長二員分駐喀喇河屯樺榆溝二處通考

又 諭戶部各倉監督向有年限滿漢一同更換立法最善唯通州坐糧貯有通濟倉關係錢糧數十萬兩而坐糧廳一差並無年限或滿員或漢員陞轉則滿漢參差更換彼此牽制迴護勢難徹底澄清爾部可將通濟庫錢糧確查明晰其坐糧廳一差或限二年或限三年滿漢一同更換卽確議具奏尋議三年一次滿漢一同更換從之通考

三年領侍衛內大臣前鋒統領護軍統領等處設辦事官通考

四年設漢侍讀二人會典事例

又設觀風整俗使九卿奉 詔議仿唐貞觀中置觀風整俗使巡省天下觀風俗之得失今遣官前往浙江省問風俗授爲浙江等處觀風整俗使鑄給關防以重職守至七年福建廣東各設觀風整俗使一人會典事例

又添設中倉南倉滿漢監督戶部議覆倉場侍郎托時等議御史殷式訓條奏漕務各款一各倉例設滿漢監督各一員辦理倉務中倉南倉相隔一城一倉一人難於查看應於中倉添設漢監督一員南倉添設滿漢監督一員可無顧此失彼之虞應如所請從之通考

五年 盛京戶部刑部工部添設漢郎中各一員員外郎各一員主事各一員從監察御史傅色納請也通考

又 諭兵部前科武進士大半皆授爲侍衛餘亦依次俱得選用今科進士朕恐其多選侍衛反不能盡心學習所以揀選侍衛者甚少但伊等未得一時錄用置之閒散殊爲可惜今特廣爲加恩將未選侍衛之滿洲蒙古進士授爲藍翎交與領侍衛內大臣効力行走漢軍進士交與該旗以驍騎校補用其餘漢進士有人材可用者分發各省賞食千總俸命督撫提鎮試看如果材力勇壯効力勤謹者以守備題補通考

七年諭內閣大學士滿漢俱各全備辦理事務亦屬妥協無庸再爲增添朕因 聖祖仁皇帝時所有年久老臣目今在朝者甚少時深注念禮部尙書陳元龍左都御史尹泰歷奉 聖祖仁皇帝多年履經任使今雖年近八旬而精力尙健特加恩授爲額外大學士以示朕優眷老臣成全耆舊之至意會典事例

又添設八旗都統衙門司務每旗二員從正紅旗漢軍都統朱國極請也通考

八年復設漢中書四員大學士疏言雍正七年十一月奉旨內閣本章各于正本之外立一副本另行收貯以備查對臣等伏查各部院議覆事件副本內不載案呈日後案牘繁多難以查核應將各部院議覆副本與通政使司送進原題副本聯合一處專派滿中書二員漢中書四員敬謹收掌但漢中書額三十六員于康熙三十八年裁去八員今存二十八員分派鑲房本房以及稽查各部院註銷案件繕錄抄寫各項事務人員不敷請復設漢中書四員以敷分派辦事之用從之通考

十年設杭州駐防蒙古八旗每翼防禦二員從杭州將軍阿里衮請也通考

十二年吏部議覆詹事府詹事顧祖鎮條奏起居注衙門止滿主事二員請增設漢主事一員於舉人進士出身之現任中書內揀選引見補授從之通考

乾隆元年奏准八旗滿洲參領員缺照宗室侍衛等補授護軍參領例行文領侍衛內大臣及宗人府將近支宗室侍衛鎮國將軍以下奉恩將軍以上揀選咨送與副參領一同引見簡補會典事例

十三年諭向來協辦大學士之設原因大學士有在內廷行走或奉差在外者閣務需人坐辦是以另簡人員協同辦理初非額設之缺若因協辦而簡任封疆則不必仍帶虛銜嗣後大學士兼管總督者著帶大學士銜其協辦大學士兼管總督者不必仍帶協辦大學士銜著為例會典事例

又諭大清會典開載內閣滿漢大學士員缺無定出自簡任等語本朝由內三院改設內閣大學士未有定數自是官不必備惟其人之意而康熙年間滿漢大學士率用四員至雍正年間以來多用至六員更或增置一二人協辦朕思內閣居六卿之首滿漢大學士應有定員方合體制嗣後著定為滿漢各二員其協辦滿漢

或一員或二員因人酌派又大學士官銜仍兼殿閣會典所載中和保和文華武英四殿文淵東閣二閣未為書一其中和殿名從未有用者即不必開載著增入體仁閣名則三殿三閣較為整齊再大學士缺出定例請旨開列亦有遲至一月後始行請旨者朕思大學士職司贊襄如其宣力有年遇有告休病故不忍遽行開缺應俟至一月以後乃國家眷念舊臣加恩輔弼之意若緣事降革則機務重地未容久曠自應即行開列不必請旨將此載入會典永著為例會典事例

三十五年諭向來各省鹽政關差一年任滿例由該部院題請更換而關差內間有自行奏請並不經部辦理者究非體制嗣後除將軍督撫鹽政織造兼管各關仍由該將軍等照例自行題奏外其九江粵海等關將屆一年期滿並著一體報部聽該衙門具題請旨著為令通考

四十一年諭昨四庫館呈進袁集永樂大典散篇內有麟臺故事一編為宋待制程俱撰具詳當時館閣之制所載典掌三館秘閣書籍以執政領閣事又有直秘閣秘閣校理等官應稱賅備方今蒐羅遺籍彙為四庫全書每輯錄奏進朕親披閱整正特於文華殿後建文淵閣弄之以充策府而昭文治淵海縹緲蔚然稱盛第文淵閣國朝雖為大學士兼銜而非職掌在昔並無其地茲既崇構鼎新瓊環列不可不設官兼掌以副其實自宜酌衷宋制設文淵閣領閣事總其成其次為直閣事同司典掌又其次為校理分司註册點驗所有閣中書籍按時檢曝雖實之內府官屬而一切職掌則領閣事以下各任之於內閣翰詹衙門內兼用其每銜應設幾員及以何官兼充著大學士會同吏部翰林院定議列名具奏候朕簡定令各分職繫銜將來即為定額用

書久雖通考



大學士舒赫德爲遵旨議奏事臣等伏查周官外史掌四方之志三皇五帝之書聖建官師以守典策嗣後漢之蘭台東觀有校書之員唐之麗正集賢有學士之秩逮及宋初厥制彌備自淳化始令儒臣兼祕閣職名參設長貳藝文圖籍各有攸司所以總理書林崇嚴策府任至重也欽惟我 皇上稽古觀文總輯羣籍瑯嬛苑委奇祕咸臻美富儲藏爲亙古所未有 特命建文淵閣列庋四庫全書輪奐鼎新縹緗玉積蓬山西室流略充盈實足光日星而緯雲漢允宜參考古制創置閣職俾各備官芸局典掌祕文用以垂示億年永昭右文之法守至宋制非省官毋得借書故中祕藏編外人罕睹我 皇上蒐羅典訓 乙夜親披嘉與儒林同游淵海 特許臣僚借讀得觀延閣之儲尤仰見 嘉惠藝苑昌明經籍之至意臣等遵逢 盛軌欽忭交深謹遵 旨悉心詳議分條臚列開具于後○一乘宋初以昭文集賢史館爲三館其昭文集賢大學士皆用宰臣充後建祕閣以執政兼領復置直閣以朝官充校理以京朝官充立制差爲詳備今文淵閣爲圖書之府典籍充積視宋三館祕閣尤爲嚴重應參訪其制置文淵閣領閣事二員以大學士協辦大學士翰林院掌院學士兼充總司典掌置文淵閣直閣事六員以由科甲出身之內閣學士由內班出身之滿詹事少詹事讀講學士漢詹事讀講學士等官兼充同司典守釐輯之事置文淵閣校理十六員以由內班出身之滿庶子讀講洗馬中贊編檢漢庶子讀講洗馬中贊修撰編檢及由科甲出身之內閣侍讀等官兼充分司註冊點驗之事以上皆設爲定額仍仿宋代館職結銜之例一切章奏文移令其繫銜於本職之上以昭體制○一各員自定額以後如遇領閣事直閣事關員應由翰林院列名具疏題請 簡授其應充校理之庶子以下員數較多如遇校理關員應請由領閣事大學士會同翰林院掌院學士遴選學問優長者



數員帶領引見請旨充補以慎其選如各員中有出差等事依日講官例請旨簡員署理○一繕關  
尊嚴儲藏清祕凡符鑰啟閉等事並屬內府司存亦宜設立兼銜以重職守考宋制祕書省有提舉官以從  
臣充應仿其制請旨交內務府將經管之大臣開列名單奏請特派一員令其兼充文淵閣提舉閣事  
銜用資管理至閣內收發宿直諸事應于內府司員筆帖式內分派掌管其應設幾員兼管之處即交派出  
之提舉大臣酌量奏明管理似于制度更爲詳密○一案宋制館職有寓直禁中之制又有祕書省官日輪  
一員宿直之法蓋所以慎司祕籍昭示官常今文淵閣緘鐫出入典之內府稽查維嚴自毋庸別議宿直而  
一切勘核登載均係閣職所掌自當量予直廬用資料理應請俟四庫全書告竣後于文淵閣就近酌撥房  
屋數間作爲閣職直舍令校理各員輪番日直如有查取書籍之處即同內府官員前往檢出收還隨時存  
記以備查核其直閣事官亦令不時赴直公同照管庶職掌既專益可昭垂久遠○一案宋代祕書省每歲  
于仲夏有曝書之令其制甚重蓋亦慎守典策之意今四庫全書次第繕竣應請俟書成安設以後參仿其  
制每歲五六月內提舉閣事大臣定期奏請曝書令直閣校理各員咸集公同啟閣繙晾用昭鉅典惟是全  
書卷帙頗重必須明習典故者方排次清整似非內府員役所能幫同整理查宋制祕書省又有檢閱文字  
官係不當置應請酌仿其制再設文淵閣檢閱官八員由領閣事大臣于科甲出身之內閣中書遴選奏明  
兼充令其于檢曝書籍時詣閣隨同檢閱更足以昭慎重○一閣中書籍皆經我皇上親加釐訂甲乙分  
儲玉笈牙籤珍逾球璧若槩許開函繙閱恐不無踈損之虞查四庫全書各種其由永樂大典採摺裒輯者  
俱有藁本若係舊本流傳更有原書足資檢覽應請俟全書告竣後各藏其副于翰林院署繕寫高燥之

地立架分貯按舊書目次四部編排標錢安皮活簿詳記派本院辦事翰林誠幹之員數人公司其籍如翰  
林及大臣官員內欲觀祕書者准其告之領閣事赴署請閱有願持筆札就署抄錄者亦聽之其司籍之員  
隨時存記檔册點明帙數不許私攜出院致有遺缺如所抄之本文字遇有遺誤須參校者亦令其識明某  
卷某頁某篇彙書一單告之領閣事酌派校理一員同詣閣中請書檢對仍須敬謹緝展不得少致汚觸如  
此則尊藏寶册既可毋慮輕襲而外書之掌副在有司海寓儒流益得以誦神經而窺祕牒于我 皇上嘉  
惠來學之意尤足沾溉無窮矣 以上各條臣等謹分晰條具酌定章程用垂館閣之閱規益懋文明之盛  
治如 俞允卽載入會典則例永遠遵行至應派之領閣事直閣事各員恭候 命下後卽遵照開例職  
名請 旨簡放其校理各員查有現在四庫館行走之提調纂修庶子以下各官俱係辦書熟手于典籍源  
流更爲明晰此次擬卽于此項人員內詳慎揀選一併開列名單請 旨簡放似于註冊點驗事宜較有裨  
益如事屬可行臣等請卽遵照揀選 回鑾後帶領引 見將來四庫全書告竣後遇有闕員再于內閣翰  
詹衙門內通行揀選引 見是否有當並候 訓示遵行 皇清奏議

四十三年奉 諭向來步軍統領衙門設有協理刑名部臣一人參酌刑律原以步軍統領或從武職簡放於  
一切刑名律例未及周知是以酌設協理以資參核今步軍統領係朕簡用部院內親信大臣遇有刑名事件  
皆能自辦無所用其參酌且協理所辦刑名不過杖罪以下之稿又大抵隨同贊諾初未嘗置可否於其間殊  
屬有名無實嗣後步軍統領有由都統等官簡放者該部聲明請旨簡派其由尙書侍郎簡放者卽不必復派  
協理之員所有原派之侍郎阿揚阿卽毋庸協理著爲令通著

四十八年諭向例總督俱兼兵部尚書右都御史銜巡撫俱兼兵部侍郎右副都御史銜漕運河道總督並無地方之責究與各省總督不同況又有由道員陞署及簡擢初任之員若一例兼銜未免太優不可不量為區別嗣後漕運河道總督該部俱奏請給與兵部侍郎銜著為令通考

五十八年諭內閣浙江鹽務向係巡撫兼管遇有出納之事無人稽察巡撫得以任意動支易致滋弊嗣後應將杭州織造改為鹽政兼管織造事務其鹽道本無分巡地方之責著改為運使巡撫既不兼管鹽務則鹽政運使於錢糧出入如有侵那等弊該撫即可隨時糾察據實劾參該省織造現改鹽政所有南北二關稅務難以兼顧著歸巡撫管理 聖訓

嘉慶四年上諭內閣自古六卿分職各率其屬原未嘗有總理之名致取專權之漸現在所以令成親王永琿總理戶部者因川省軍務將次告竣軍需銷算事務殷繁自應仍行綜理俟軍務奏銷事竣即不必總理戶部事務至儀親王永璇乃係宗人府宗令領侍衛內大臣正紅旗滿洲都統並管理武英殿御書處樂部及雍和宮中正殿各處事務職任較多恐難兼顧著不必總理吏部事務 聖訓

道光十二年御史馮贊勳奏請復設巡察官觀風整俗一摺得旨著大學士軍機大臣會同吏部都察院妥議具奏尋議奏該御史請照雍正年間設巡察官徧行各府專司巡察其地方呈詞督撫已審結而翻控者准其親提審訊惟各省督撫悉由灼知慎簡受恩既深敷衍亦久若盡委其任於巡察是未示信任於重臣而專寄耳目於新途設奉使非人私謁苞苴皆所不免是長以糾劾官吏之權適足開餽遺逢迎之漸所請應無庸議從之 東華續錄

二十年添設雲南邱北縣知縣裁恩樂縣知縣移師宗縣訓導爲邱北縣訓導恩樂縣典史爲邱北縣典史改鎮沅直隸州知州爲鎮沅直隸廳同知駐恩樂縣改邱北縣丞爲鎮沅廳分防經歷鎮沅學正爲教授吏目爲司獄恩樂縣教諭爲鎮沅復設訓導移臨安府捕盜同知駐阿迷州雙水塘改開化鎮屬石榴紅汛爲營阿迷州屬雙水塘爲汛移開化鎮右營都司千總把總各一外委二額外委一駐石榴紅營臨元鎮千總一駐雙水汛添設廣西州屬鳳皇汛移廣西州營把總外委各一駐守移臨元鎮右營都司把總外委各一及蒙自縣屬簸巖汛外委一駐蒙自縣城仍撥簸巖營守備歸臨元鎮右營留外委一駐簸巖汛改蒙自縣屬二塘爲汛移縣城把總一駐守改阿迷州屬大小石牙隸文山縣歸開化鎮轄東華續錄

二十二年改江蘇揚州府總捕同知爲糧捕同知通州糧河通判爲運河通判東華續錄

二十三年改浙江定海縣知縣爲定海廳直隸同知東華續錄

二十四年添設奉天捕盜千總把總各三經制外委六虛頂外委十二撥馬步兵隸之東華續錄

二十七年諭兩江總督向來有兼轄河務之責自道光二十二年起因他務未能兼顧嗣後仍著該督兼管以

符舊制東華續錄

三十年改山東登州鎮爲水師兼轄陸路原設水師後營遊擊爲登州鎮水師中軍遊擊文登協陸路副將爲水師副將兼轄陸路原設陸路都司一員仍爲文登協陸路中軍都司添設水師守備一員爲文登協水師中軍守備撥水師前營東汛千總水師後營把總各一員水師後營登中營登右營卽墨營外委各一員文登協存營水師後營登中營卽墨營額外外委各一員俱隸文登協水師令新舊三營分轄洋面東華續錄

咸豐五年諭內閣軍機大臣大學士會同吏部兵部議覆侍郎兆霖奏請暫設皖南巡撫一摺安徽甯池太  
廣五屬介在江南當此軍務繁多恐該撫鞭長莫及自應專責文武大員俾資督率該侍郎願請暫設巡撫既  
屬窒礙難行著卽照軍機大臣等所議將安徽甯池太廣道暫改爲徽甯池太廣道加按察使銜並添設皖南  
鎮總兵一員暫照臺灣鎮道之例准其會銜專摺奏事所有該四府一州地方軍務緊要機宜均著責成專辦  
俟軍務告竣道員仍歸舊制總兵卽作爲額缺以重地方而符定制 聖訓

又 諭軍機大臣等何桂清奏遵議皖南添改鎮道事宜一摺詳閱所奏係爲各專責成起見此時徽甯兩府  
甫就肅清池太各屬尙未悉數收復地方公事與軍務交涉者多原不能過爲區別惟據奏稱石景芬所帶兵  
勇現已陸續裁汰是以責令專任地方而以防剿事宜仍責現辦文武亦屬因時制宜卽著照所議辦理徽池  
防剿善後既係張芾一手經理該員現無職守自可專心籌辦若甯太兵勇雖歸鄧紹良調度而該員四出征  
剿並非專顧皖省之人皖南既新設總兵卽應令其專司防剿豈可以本境軍務概委客兵現在簡放之豫祺  
本係浙江副將何桂清必能深悉其人著卽詳加體察該員於新設重鎮能否勝任如果明白勇往則皖南軍  
務儘可責令督辦儼不能勝任亦卽據實具奏不可稍存成見總之皖南既特設鎮道卽當專恃鄰省爲依  
傍惟事屬草創需兵則不能不仰給於金陵需餉則仍賴浙江爲協濟惟在不分畛域互相聯絡使可戰可守  
則地方日有起色該撫如有所見仍當隨時奏聞將此由五百里諭令知之 聖訓

同治二年諭議政王軍機大臣等王憲奏邊陲地方緊要請將隴西縣丞仍改爲漳縣知縣一摺甘肅鞏昌府  
屬之漳縣於道光九年改爲隴西鄉設立縣丞歸併隴西縣管轄原爲因時制宜起見茲據王憲奏稱漳邑原

設縣治距西七十里西南接洮州岷州東南接岷州甯遠延袤三百餘里毗連皆係邊要地方遼闊自裁併隴西改設縣丞後書役刁詐盜賊出沒土棍強橫有非縣丞所能治理且該處舊有驛井課項攸關甘省回逆俶擾河州狄道等處均與漳邑舊治相去非遠尤非縣丞所能籌辦各等語隴西界連邊徼復近回氛練勇籌防在在均關緊要該藩司精練漳縣於該處地勢情形所籌尙爲明晰現值滿目民瘼地方彫敝之際所有改官定制苟於時事有裨不妨量爲變通著熙麟於到省後詳察情形妥議章程具奏因不必徒事紛更亦毋庸拘泥成例總期斟酌盡善經久可行方爲妥協 聖訓

兩江總督曾國藩奏准兵部咨開同治三年四月十九日內閣奉 上諭江南提督著李朝斌補授欽此同日奉 上諭江南水師提督著黃翼升補授欽此欽遵行文到臣查江南全省額設提督一員兼轄水陸駐紮松江此外并無江南水師提督員缺惟元年二月間臣於覆奏改建安徽省城摺內曾有添設長江水師提督之請旋經部臣議准在於蕪湖地方建立長江水師提督衙署而於總兵副參以至千把應設幾缺暨分汛脩艦各事宜行令臣熟籌妥議臣以軍務倥傯尙未議奏又因部臣所論上接九江下連江甯係專指安徽江面而言徵臣所擬則當上起岳州下抵福山係通指五省江面而言必須會同五省督撫查楊岳斌彭玉麟等往來熟商始克定議是以遲遲未及具疏上陳自奉准新設此缺至今未蒙 簡放有人此次欽奉 諭旨李朝斌補授江南提督自係李世忠所遺之缺其黃翼升所補江南水師提督是否卽係新設長江水師提督之缺如卽係此缺應請 敕部撰擬字樣新鑄印信頒發來南以昭信守至長江水師提督設官分汛修艦撥餉各事宜臣當遵照部文會同沿江督撫及楊岳斌彭玉麟等詳悉議奏恭候欽定合先附

片陳請伏乞 皇太后 皇上聖鑒訓示謹 奏 文正公奏稿

四年諭內閣軍機大臣會同吏兵等部議擬兩江總督曾國藩等奏請添設安廬道員等缺一摺著照所請安  
徽省准其添設安廬道一員分巡安廬廬州二府滁和兩直隸州卽著作為安廬滁和道其原設之鳳廬潁道  
著改爲鳳潁六泗道分巡鳳陽潁州二府六安泗州兩直隸州仍兼鳳陽關監督以重職守咸豐五年曾國藩  
南軍務緊要將徽甯池太廣道暫加按察使銜並添設皖南鎮總兵准其會銜專摺奏事俟軍務告竣道員仍  
歸舊制總兵作為額缺現在江浙肅清皖南安謐除皖南鎮業經作為額缺外所有徽甯池太廣道暫加按察  
使銜著卽撤銷亦不必與該鎮會銜奏事用符舊制雉河集濱臨渦河地當衝要並著照該大臣等所擬添設  
渦陽縣治藉資彈壓鳳臺縣與壽州同城殊爲無益著卽將縣治移於下蔡鎮俾沿淮要區得所控扼宿州之  
龍山地勢極關緊要並准其添設遊擊一員仍歸壽春鎮節制所有添設各官應行分建疆界設立佐貳營汛  
及一切應辦事宜仍著該督等奏明辦理 聖訓

又 諭內閣前因曾國藩等奏准徐揚海道轄境遼闊請仍設淮揚道員缺以重地方而專責成諭令議政王  
軍機大臣會同該部議奏嗣據給事中福寬奏請將江蘇揚州府改歸常鎮通海道管轄毋庸仍設淮揚道員  
缺復諭令議政王等彙入前摺一併會同議奏茲據議政王軍機大臣會同各該部悉心酌覈奏明請旨會國  
藩等因准徐揚海道轄境遼闊難以周顧請復設淮揚河務道員缺係爲因時制宜起見著照所請准其復設  
淮揚河務兵備道作為由外題補之缺管理淮揚兩屬其海州一屬巡道應管事件仍歸徐道管轄作為徐海  
河務兵備道所有前經奏明統歸淮徐揚海道管轄之淮安府同知徐州府同知淮安府督捕通判揚州府清



頭補同知四屬內應將何屬撥歸淮揚道管轄何屬撥歸徐海道管轄暨應否於淮揚河務道轄境添設移撥武弁官兵之數並籌會國藩等體察各處地段情形分別奏明駁辦至給事中福寬所奏請將揚州府改歸常鎮通海道管轄毋庸仍設淮揚道意在藉免裁設紛更而淮揚兩屬屬汛員弁仍屬無所稟承殊未盡善著毋庸議尋會國藩等奏淮安同知淮安通判揚州同知皆隸淮揚境內應歸淮揚道管轄徐州同知所屬河務汛地應歸徐海道管轄以專責成該淮安通判所管汛地移歸改設之淮安同知專管駐紮清江浦其同知所遺汛地多在山陽境內即改歸淮安通判兼管此外向歸淮海道專管之蕪蕩左右兩營以樵採蕪柴為專責近年柴款變價僅徵等事奏明專派大員經理今既復設道缺應改歸淮揚道專管以符舊制而免紛更至淮揚道轄境操防各營各有舊制見又添設淮揚鎮標應毋庸另議移改其修防官弁俟河運復興再行體察駁議下部知之東華續錄

五年改浙江台州府同知駐家子管理海門巡防海口事宜移原駐海門之臨海縣丞於花橋黃巖縣丞於烏巖甯海縣丞於亭傍分司緝捕東華續錄

光緒二年兩江總督沈葆楨奏為海州相距徐州府城較遠控制難周擬請改隸淮揚道就近管轄恭摺具陳仰祈 聖鑒事竊查淮揚徐海四屬向設淮揚淮海徐州三道兼管河務地方事宜淮揚道管轄揚州府所屬各州縣及淮安府所屬之山陽鹽城清河桃源四縣淮海海道管轄海州所屬各縣及淮安府屬之阜甯安東二縣徐州道管轄徐州府所屬各州縣咸豐十年裁撤南河各缺將淮揚淮海兩道一併裁汰所有應管事宜統歸徐州道兼管作為淮徐揚海道同治三年經前督臣曾國藩等奏請復設淮揚道管轄淮揚兩屬



其海州一屬巡道應管事宜仍歸徐道管轄作爲徐海兵備道奉部覆准在案伏查海州一屬幅員遼闊政務殷繁自海至徐遠隔五百餘里實有鞭長莫及之勢兼之道路荒僻適有文報必須遞至清河縣驛正站再遞徐州動經旬日事體既虞遲滯控制尤屬難周加以該州拳獲重犯例解巡道提勘後解司勘轉計自該州北解至徐再由徐南解赴省往返多繞千里不特重犯遞解堪虞卽解道勘審之軍流徒犯亦覺遠道接遞徒多跋涉擬請將海州一屬改歸淮揚道就近管轄以資控制飭據藩臬兩司會同徐海淮揚兩道核詳覆請奏前來臣等往返函商意見相同合無仰懇 天恩敕部准將淮揚道改爲淮揚海道徐海道改爲徐州道如此一轉移間官制一切均無須更張而於地方公事實有裨益謹合詞恭摺具奏伏乞 皇太后 皇上聖鑒敕部議覆施行謹奏 沈文肅公政書

二年盛京將軍崇厚奏竊查奉省東邊外南北延袤千有餘里東西相距亦數百里至數十里不等上年鳳凰邊門外東溝一帶丈清地畝之後隨經前署將軍尙書崇實奏明設立安東一縣委員試辦迄今一年之久地方公事漸經辦有條理民心尙爲帖服上年經徵錢糧俱已掃數完納其安東以北暨雲陽礮廠汪清三邊門外並鳳凰城沿邊以及延溝各處地畝續經總辦邊務候補道陳本植知府恆泰提督左寶貴督飭各委員分路設局逐段清查現據旗民各戶赴局投報者約可增至七十餘萬畝合之安東縣上年升科五十萬餘畝及前數年已報升科之五十餘萬畝通計熟地不下一百七十餘萬畝此外尙有未經清丈之地甚多所有安東一縣元年已收押荒者二年起徵錢糧其前此已經升科之地則照章納糧勢難再辦押荒此次續行丈出之地則先收押荒再行起徵錢糧以每畝徵銀三分計之以一分津貼各州縣辦公統俟一

律丈完升科之後每年酌可徵收正款三萬數千餘兩此外葦塘爲數無幾山貨雜貨糧石斗租燒鍋各稅甫經試辦亦難約計成數至木稅一項元年因東溝賊匪甫經蕩平其多年堆積木植均行下運商賈雲集徵收較旺共收東錢九十餘萬吊二年則木植下運漸少商販亦稀僅收東錢五十萬吊有零查此項木植來源現離水路較遠下運漸難稅自漸少歲入確數勢難豫定臣崇厚臣恩福到任後節據陳本植等稟報前情正在核辦間臣崇厚承准軍機大臣字寄奉 上諭恩合奏東邊新墾地畝請添設旗署招佃旗丁無庸添練勇營各摺片著崇厚體察情形妥議具奏等因欽此 臣等公同商酌該副都統原奏不爲無見除所陳添練勇營一條另行附片覆奏外查前署將軍尙書崇實以邊外結廬耕種業已多年不特各處流民託以爲業卽各旗間散亦不免藉地營生因而推廣 皇仁奏辦升科納稅等事以爲私化爲官之計而邊氓甫經向化若必區分旗民畸輕畸重又恐不足壓服人心所以奏請但凡認地開墾者一律編入戶口冊籍以示旗民一體之意仰蒙 聖明洞鑒恩准在案而所編冊籍復經前署將軍尙書崇實飭各委員等於本戶名下分別註明旗民字樣以杜改旗爲民之弊是該副都統所慮旗人隱名於民間墾地者前署將軍尙書崇實固已早籌及此也至此次投報升科各戶或數十畝或數百畝不等且皆各管各業尙無套報情事該副都統所稱一人任意指報極多可以分段出兌招佃旗人此事或指從前而言與現在情形又不相同其所稱邊外添設旗署一節查奉省邊內前此本係旗多於民嗣則旗民聚處所以各城設立城守尉協佐等官又設州縣官以便旗民分治邊外民多於旗且旗人不過民人十分之一二奉省州縣各官業經奏准不論滿漢一律請補均加理事同知通判銜現在設立州縣照舊加銜請補卽可旗民兼理 臣等察看邊務

所最要者上年試設之安東縣在管遼南一隅之地迤北一帶幅員遼闊現經清查地畝業有成數若不即行添設州縣委員試辦散而無紀不足維繫人心當經札調陳本植來省面加詢問逐細籌商目下亟應擇地設官修築營堡建置衙署兵房以爲經久之計因擬於六甸之寬甸添設一縣名曰寬甸縣六道河添設一縣名曰懷仁縣頭道江添設一縣名曰通化縣分疆畫界委員試署並於每縣各設巡檢一員管典史事但此三縣所轄地面較廣尙須躡擇地勢添設分防佐雜各官以資襄理其寬甸縣卽與已設之安東縣及邊內所設之岫巖州統歸鳳凰廳管轄懷仁通化兩縣則歸興京廳管轄庶幾地方有所責成既免人心渙散之虞尙有未經丈完之地亦可由各該縣會同委員就近查勘所有各處分局當卽酌量裁撤歸并以節經費惟先後既經改設二廳一州四縣則前署將軍尙書崇實原擬於鳳凰城添設邊關兵備道一員亦應及時設立派員試署俾令提綱挈領巡視東邊第邊外地方南北相距迢遠臣等體察情形公同商酌夏初江海之交南路帆船雲集該道應駐東溝一帶稽查木和慎重海防秋後水涸冰凝北路邊防緊要又應馳赴頭道江以上彈壓督催徵收一切迨至冬末再回鳳凰城清查公件一年之間南北分巡周歷始能彼此兼顧至於邊外扼要之地甚多且北接吉林防務尤關緊要現時東邊駐紮本省並客兵各隊已有兩千數百名之多將來邊外非留重兵不能鎮懾臣等再四思維惟有將奉省議准滿漢練軍酌撥數營換防駐守若無統領之員實不足以資控制查興京副都統係駐旺清門內離邊較近所有邊外各軍統歸節制現任副都統色楞額道員陳本植本係委派練軍翼長應卽仿照各省鎮道體制派興京副都統及邊關道會同辦理東邊防務臣等充練軍翼長至邊關道南北分巡若無親兵不足以備緩急擬將前設大孤山步隊及

邊外新添各兵設立道標馬兵二百名步兵五百名作爲兩營以便該道親統所有該副都統節制之兵亦准該道調遣庶文武和衷共濟始足以綏靖地方除繪具邊外地圖貼說咨呈軍機處備查外其餘未盡事宜臣等當隨時體察情形悉心籌畫妥議具奏請 旨遵行 經世文緒編

二十四年上諭朝廷振興商務籌辦一切新政原爲當此時局冀爲國家圖富強而吾民籌生計並非好爲變法棄舊如遺此朕不得已之苦衷當天下臣民所共諒乃體察近日民情頗覺惶惑總緣有司奉行不善未能仰體朕意以致無識之徒妄相揣測議論紛騰卽如裁并官缺一事本爲沙汰冗員而外間不察遂有以大更制度爲請者舉此類推將以訛傳訛伊於胡底若不開誠宣示誠恐胥動浮言民氣因之不靖殊失朕力圖自強之本意所有現行新政中裁撤之詹事府等衙門原議將應辦之事分別歸并以省繁冗現在詳察情形此減彼增轉多周折不若悉仍其舊著將詹事府通政使大理寺光祿寺太僕寺鴻臚寺等衙門照常設立毋庸裁并

又 諭前因湖北廣東雲南三省巡撫並河道總督應否復設先後諭令軍機大臣吏部會同參議具奏茲據詳加擬議會奏請旨辦理各摺片各省總督巡撫國初以來屢經裁移改設本已斟酌盡善現在應行整頓諸大端不在裁減職官而在綜核名實總督專重兵制巡撫專重吏治誠能各盡其職自可相得益彰倘使坐擁封圻辜恩溺職同域則各執意見專任則益形叢脞徒事更張無裨實際甚無謂也所有湖北廣東雲南三省巡撫均著悉仍舊制勿庸裁併湖北巡撫著會錄補授廣東巡撫著鹿傳霖補授雲南巡撫著丁振鐸補授至河道總督一缺專司防汛修守事宜亦非河南巡撫所能兼顧並著照舊設立任道鎔著仍回河道總督之任

該督撫等務當體念時艱實事求是毋負朝廷慎重設官之意又片奏遵設雲南糧道各缺等語督撫既未經裁併其餘各員自應一仍其舊雲南糧儲道並南關同知二缺均著毋庸裁撤嗣後除各局所冗員仍應認真裁汰外其實缺地方各員不必輕議裁撤以重職守該部知道以上各鈔

二十八年頭品頂戴陝甘總督臣崧蕃甘肅新疆巡撫臣饒應祺跪 奏為新疆幅員遼闊開省十八年地闢

民繁原設地方官太少遠轄難周擬請增改廳州縣並升三直隸州為府以資治理合詞奏懇仰祈 聖鑒

事竊維綏邊置吏因地以制宜增治建官隨時而盡善新疆為古西域三十六國週迴二萬餘里前任督臣

左宗棠於光緒四年克復全疆後 奏請改建行省擬設郡縣頗多督臣譚鍾麟以地方新復議暫於南路

喀什噶爾阿克蘇兩處各設巡道七城各設一官復經撫臣劉錦棠通籌全局會商具奏於東西地設喀喇

沙爾直隸廳溫宿直隸州轄拜城庫車直隸州烏什直隸廳西四城設疏勒直隸州轄疏附縣英吉沙爾

廳莎車直隸州轄葉城縣和闐直隸州轄于闐縣嗎喇巴什廳南八城建置既定始建省治於迪化城十一

年 簡放劉錦棠為甘肅新疆巡撫調甘肅布政使魏光燾為新疆布政使原設鎮迪道加按察使銜兼管

全疆刑名驛傳事務奏請升迪化直隸州為迪化府添設迪化縣為附郭首縣餘仍舊升伊犁廳為伊犁府

增綏定甯遠兩縣添設庫爾喀喇烏蘇直隸廳精河直隸廳升塔城通判為直隸廳同知裁霍爾柔斯巡檢

改設分防通判計通省四道二府十二廳四直隸州十一縣其時種民多未復業地曠人稀所設地方官足

資控制迄今已十有八年土戶客籍生齒日眾邊境安謐歲事屢豐關內漢回攜眷來新疆就食承墾備工

經商者絡繹不絕土地開闢戶口日繁而原設州縣所轄或千餘里數百里撫字催科遠難親到不得不分

派司事並用鄉約回目以助之而弊端歧出良懦之民多受其魚肉狡詐之民動肆其刁強牧令疏於防範  
率多撤任遇有命盜案件呈報勘驗往來動經彌月傷形腐變兇犯遠颺辦理實多爲難且府少而直隸廳  
州較多升調鼓舞之術有時而窮表察之權亦欠專重揆之今日形勢非增設廳縣升設郡守不足以  
宏治化而安邊氓查喀什噶爾道屬無知府惟三直隸州而疏勒州爲道下轄廣延一千一百餘里徵糧一  
萬八千餘石地富民繁五方雜處極關重要擬請改升爲府名曰疏勒府原轄疏附縣徵糧一萬九千餘石  
兩處轄境均寬訟獄錢糧多難兼顧查有距府百八十里之排素巴特當去路之衝居民繁庶應駐防營彈  
壓不如添設縣治劃附近罕愛里克大莊轄之地設一縣其地屬唐伽師城擬名曰伽師縣莎車直隸州該  
延一千一百餘里地廣而狹近年新墾三十餘畝爲通省之最英商磨集交涉尤繁擬請改升爲府名曰  
莎車府所轄葉城縣地亦膏腴且廣應劃府南之坡斯坎再益以縣北之一肯蘇各莊增設一縣其水爲澤  
勒普善河擬名曰澤普縣又莎車西南一百四十里之色勒庫爾爲坎巨提出入要路西踰阿克塔什又與  
英俄接壤年來駐紮防營實多交涉採運糧草開墾地畝必需得人經理擬請設分防通判地爲古浦犁國  
擬名曰蒲犁通判和闐直隸州廣延一千八百里徵糧一萬五千餘石銀一千四百餘兩轄縣于闐徵糧八  
千三百餘石銀九千八百九十餘兩距縣四百里之洛浦莊地廣民強擬劃西屬地糧增設一縣名曰洛浦  
縣瑪喇巴什直隸廳水利迫與廣延八百里徵糧九百石銀一千三百餘兩時與疏勒有爭收爭界之事擬  
請改廳爲知州歸疏勒府管轄庶無畛域之分地爲古巴爾楚名曰巴楚州此擬西四城增設大略也阿克  
蘇道屬溫宿直隸州廣延一千五十里徵糧一萬九百九十餘石銀六千八百餘兩地腴民富南疆要衝擬



請升為府曰溫宿府歸城巡檢距府二十餘里巡檢職卑難資管轄擬請升為縣曰溫宿縣距縣四百八十里之柯爾坪地連民頑擬請增設分防縣丞曰柯坪縣丞一員以咨佐理焉舊府南六百三十里布告爾分防巡檢地廣民多詞訟錢糧向由該巡檢就近代理不如分設一縣以專責成其地為古輪台擬名曰輪台縣新平縣轄境二千餘里光緒二十四年臣以羅布淖爾撫輯纏回均已歸化安插甘回亦已就緒奏請改設縣以資撫綏近因升署該府現任阿克蘇道江馮璞與現署該府劉嘉德設法開通溝渠招民屯墾業已水利暢行足灌地數十萬畝該縣令草創經營近且不遑難再遠及距縣十餘站之卡克里克分防縣丞地小而腴轄境甚遠東接敦煌南通于闐為邊隅衝要之區擬請升為縣以便專意開墾地方經理民事其地為古塔羌國即名曰塔羌縣庫車直隸廳廣延八百里徵糧一萬餘石銀五千五百餘兩土性沃饒轄境遼闊擬請改為州曰庫車直隸州州南一百八十里之沙雅爾民風強健地僻而寬先年開辦善後本局庫車分局不可無官鎮攝擬請添設一縣名曰沙雅縣仍歸庫車管轄此擬東四城增設大略也至於北路原設廳縣尚多惟迪化府阜康縣屬濟木薩縣丞距縣二百五十里土地膏腴錢糧戶口較阜康為多未便未大於本擬請升為縣其底縣為孚遠即名曰孚遠縣吐魯番直隸廳同知廣延六百餘里徵糧一萬七十餘石銀二千一百餘兩距廳三百四十里關展巡檢轄境甚遠物產饒為東南路衝要擬請分劃地糧改升為縣地為古鄯善國即名曰鄯善縣仍歸廳轄濟木薩縣丞既升為縣昌吉所屬之呼圖壁巡檢向收錢糧應改為縣丞以便升調以上計擬升設三府改一直隸州知州增一通判九縣兩縣丞並各縣擬增設一典史如此分地而理庶民事可就近經理地利亦可逐漸墾興邊防亦益增嚴密矣其升設之知府即仿照焉

書府例仍舊徵收錢糧管理訟獄卽以該直隸州舊有之養廉移爲知府養廉直隸鹽政直隸州與知州亦然其缺均優原准公費悉行裁減增設分設之縣卽以該州縣原有之公費移作養廉所升之府之州吏目卽改爲府經歷改直隸州之庫車照磨改州之瑪喇巴什廳照磨均改爲州吏目其餘有應添廉俸及縣丞典史俸薪書役工食修理衙署倉廩監獄經費擬仿照內地經費錢糧例加收耗羨酌留勸支升增各州縣皆舊有驛站不過酌增數處不須多添驛費均暫從善後項下開支不另請款除原有防營照舊駐防外其無防營者由就近防營撥駐亦無須再添防兵此皆亟應變置之事就地可以籌辦臣應祺自光緒十五年出塞宣藩察看地勢民情卽擬變通辦理而未敢操切圖功歷經十四年悉心考察欲圖長治久安之策實無逾此亦何敢苟且遷延因循以廢吏治與臣舊再三往復函電交馳臣舊查從前設官甚少係因地廣人稀現在人稠地闢政務殷繁委屬艱難及增設邊縣實爲良圖亟應詳議入告於吏事邊事均有裨益所有酌擬增設郡縣情形據甘肅新疆布按兩司會議請 奏前來謹會同伊犁將軍臣長庚署喀什噶爾提督臣谷振傑合詞恭摺具奏是否有當仰懇 天恩俯念邊疆重要 飭部議准照辦如蒙 俞允卽請 飭鑄各府廳州縣印信並補刊焉者府新平縣印信派員祇領頒發敢用以昭信守至各府廳州縣如何劃分地界勻撥錢糧及各應作何項缺分與一切未盡事宜容俟奉准部覆後再行陸續分別 奏陳伏乞

皇太后 皇上聖鑒訓示遵行

右設官

乾隆二十四年時以準部蕩平伊犁等處內屬議准督臣楊應琚奏移安西提督駐巴里坤於沙州安西柳溝



靖逆赤金五衛地置安西府領淵泉玉門燉煌三縣移駐安西道於哈密以一府三縣屬焉通考

二十八年烏嚙木齊爲天山北路總匯要區自西陲平定議駐兵四百名屯守其地增設副將一員酌分安西提標兵丁一千四百餘名分左右營其他營願往者聽至是兵丁陸續加增陝甘總督楊應琚疏請更立一營爲城守三營時立總理稽察責任匪輕應將副將改爲總兵並增設鎮標中營以符營制統聽巴里坤提督節轄從之通考

移駐巴里坤提督於烏嚙木齊改設烏嚙木齊總兵於巴里坤時烏嚙木齊地廣土腴分兵屯駐設副將一員並特旨令內地民人攜家赴墾兵民羣集勢成重鎮是年二月改副將爲總兵公立三營至是兵部議准督臣奏移巴里坤提督於烏嚙木齊其原設總兵應移駐巴里坤所設弁兵悉令互改分轄通考

二十九年諭曰前因西陲辦理軍需令陝甘總督駐劄肅州以便調遣迄今大功久竣新軍屯政亦已酌定章程而該督仍駐肅州距西安會城較遠於腹地屬員案牘控馭轉多隔礙朕意若將總督移駐蘭州巡撫原署則東西道里適均不難居中節制而甘肅巡撫亦可裁汰當經傳諭楊應琚令其熟籌妥議今據覆奏與朕所見脗合著將蘭州巡撫衙門改爲督署令該督移駐並兼管撫事毋容吏設巡撫所有原設撫標改爲督標其舊設西安營標改爲提標即令固原提督回駐西安管轄至所奏河州鎮總兵改爲固原總兵並摺內條議各標營弁兵一切裁汰撥給事宜該部詳悉定擬具奏著議陝甘總督回駐蘭州固原提督改駐西安俱爲地處適中甘肅巡撫即行裁汰固原係平涼重鎮固將河州鎮改駐其地河州改設副將以花馬池協標移駐其花馬池改設參將以地僻事簡之鎮番營移駐又於蘭州增設城守營以資巡防應以甘肅靖遠下馬廠參將

等官改駐得 旨允行通考

三十年諭曰巡視臺灣御史前已降旨三年簡派一次事竣卽回毋庸駐留候代今思該處現有道領大員駐劄一應地方事務俱可隨時經理而向來巡察御史在彼並未聞有所建白原屬有名無實若於行蒞撤則地方官或以遠隔海洋無人稽察日久不免廢弛亦不可不防其流弊嗣後屆三年請派該衙門仍照例奏請或暫停派往或數次後派員一往巡查候朕隨時酌量辦理其盛京五處分班簡派稽察亦照此例行通考

三十一年御史素爾訥奏各門城關以外地方遼闊請將各城吏目移駐城外各屬適中之地以便約束經吏部等議覆吏目微員移駐關外恐不足資彈壓應將副指揮移於城外東城則駐朝陽門外南城則駐永定門外西城則駐阜成門外北城則駐德勝門外並請另鑄副指揮印信其城內副指揮所轄地方改歸正指揮與吏目分管中城原未管關外地方仍照舊經理從之通考

嘉慶二十五年十月移四川成綿龍茂道駐成都兼管水利 東華續錄

道光元年十月移福建霞浦縣杯溪巡檢駐三沙 東華續錄

又移吉林釣魚臺伊吉斯運邊卡駐海清溝三岔嶺 東華續錄

二年移江西贛州府通判駐大湖江 東華續錄

十年七月移江蘇揚州營守備駐高郵改原設千總爲城守千總 東華續錄

又移福建漳州左營守備駐赤湖並添撥弁兵換防 東華續錄

十一年七月諭軍機大臣等據長齡等奏會籌議後事宜一摺前將內外諸臣各條奏回摺管後事宜發交長

齡駁議並派玉麟一同悉心籌酌務期經久可行茲據奏參贊總理八城應請移駐葉爾羌乃能適中扼要措  
置咸宜該處地廣戶繁可以多駐官兵去秋回子用命善有明效該城距喀什噶爾六站外東進卡接見在不  
遠不近之間足資控制其幫辦大臣仍照例專管本城事務再將和闐領隊大臣移駐一員隨同參贊就近聽  
其調遣喀什噶爾卽留換防總兵一員在彼統兵駐守英吉沙爾仍駐領隊大臣一員在於葉爾羌阿克蘇適  
中之巴爾楚克一帶添調總兵一員統兵駐守以爲樹窩子咽喉鎖鑰添此一鎮則六城相距均不過數百里  
聲氣易爲聯絡和闐在一隅止留領隊一員足資辦理其滿漢防兵額數請於西四城見有兵六千餘名外再  
酌留伊犁烏嚕木齊馬隊二千名陝甘綠營兵四千名通計原額新增共滿漢兵一萬二千餘名除阿克蘇烏  
什見各有兵一千二三百名無庸議增外喀什噶爾擬駐綠營兵三千名以總兵統之作爲前敵防守邊卡如  
探有卡外情形隨時具報如遇大股賊匪卽稟報參贊發兵援剿英吉沙爾擬駐伊犁馬隊五百名綠營兵一  
千名領以遊都佐領等官統歸領隊大臣管轄爲前後二城中權接應巴爾楚克擬駐綠營兵三千名以總兵  
統之擇地築堡駐紮和闐僅有防兵二百餘名擬再添兵二百餘名共足五百名以上各處防兵均令各該管  
官認真操練此外滿洲兵二千名漢兵四千餘名擬令全駐葉爾羌應以副將協領等官分領該參贊等務令  
加意訓練合力操防至防兵應需糧餉於各省綠營兵額內暫裁百分之二每年可節省銀三十餘萬兩所有  
酌添防兵六千名卽在此項節省銀內支給有贏無絀等語均著照所議辦理至所稱新增兵額酌量隨時抽  
撤之處究竟將來如何情形方可裁撤及裁撤之後又將如何辦理始臻妥善必須豫爲籌畫計出萬全見經  
此次籌議自必控制得宜賊匪斷不敢窺伺儼萬一入卡來犯總要無須內地籌餉調兵方爲妥善必應

從長計議庶免撥運之勞而成久遠之計卽屯田一事以回疆物產供回疆兵糈均應酌之章程書為條將  
來各城改設各官必須慎揀得力之員以資委任該將軍等久駐回疆該處各員賢否自必深悉若出員切實  
考語詳晰開單保奏候朕簡放至茶葉大黃等物准其弛禁其遠部落輸忱納款並在空果能賊出賊日請罪  
投誠再准其通商交易以示羈縻至上年入卡各賊目前次開單交該將軍等按名拏務須將首犯之犯多  
獲數名不可任其逃匿惟卡外夷情詭詐百出借縛獻賊目為名妄希重賞切勿受其所愚致為外夷所笑又  
喀什噶爾換防總兵多隆武見已革職著卽先行派員署理以重職守東華續錄

辛丑長齡等奏回疆參贊大臣請移駐葉爾羌總理八城統轄兩鎮兼提督銜其幫辦大臣一員仍照舊制專  
管葉爾羌本城兼轄和闐裁和闐領隊大臣一員移駐葉爾羌為領隊大臣共駐滿漢防兵五千名改喀什噶  
爾幫辦大臣為領隊大臣又駐總兵一員共滿漢防兵四千名駐和闐辦事大臣一員兵五百名英吉沙爾鎮  
隊大臣一員兵一千名巴爾楚克總兵一員兵三千五百名四城兩鎮合舊駐新增計滿漢防兵一萬四千名  
其印房等處各官既將參贊大臣移駐應將喀什噶爾葉爾羌兩城章京筆帖式互易葉爾羌設經牧章京一  
員專司牧事裁喀什噶爾葉爾羌糧餉章京二缺改設糧餉同知二員再於葉爾羌喀什噶爾英吉沙爾巴爾  
楚克各設巡檢一員下軍機大臣等議尋議上諭軍機大臣等軍機大臣會同吏部兵部議擬長齡等奏請據  
設回疆官兵一摺回疆地方遼廓見辦善後事宜自應將官制兵數量為變通悉臻妥協為長治久安之計所  
有參贊大臣移駐葉爾羌有總理八城統轄兩鎮之責著兼提督銜參贊大臣業經移駐其印房等處各官亦  
著將喀什噶爾葉爾羌見設之章京筆帖式互相移易並著於葉爾羌添設經牧章京一員專司牧事喀什噶

爾葉爾羌糧餉章京二缺著裁去改設喀什噶爾糧餉同知一員葉爾羌糧餉同知一員添設巴爾楚克糧餉同知一員再著於葉爾羌喀什噶爾英吉沙爾巴爾楚克等處各設巡檢一員同知管商民回子詞訟戶籍屯田巡檢管緝捕盜獄稅課均作爲邊遠差缺由陝甘兩省派往其英吉沙爾分防巡檢歸喀什噶爾糧餉同知兼轄新添文職各官由各該大臣專轄參贊大臣統轄至拜城距阿克蘇較遠著設分防拜城巡檢一員管理拜城賽哩木二處商民回子詞訟由陝甘選派作爲差缺此次所設同知三員巡檢五員俱著陝甘總督遴選操守廉潔辦事勤能之員前往該管大臣隨時甄別儻有不職之員將濫行派往之各上司參處至喀什噶爾等處添設滿漢防兵俱著照該將軍等所請辦理東華續錄

辛亥諭軍機大臣等軍機大臣會同吏戶兵三部議覆長齡等奏各城換防員弁並新設差缺文職各章程分別准駁一摺著卽鈔給長齡等閱看回疆情形非內地可比見在議屯添兵雖爲慎固封守起見第兵增固足示威而官增究嫌糜帑況各城營伍惟期慎重操防俾收實效足以震懾夷回原不必悉照內地營制該將軍等請添各城武職員弁之處著照軍機大臣等所議令其仍照前奏再行酌量刪減以節糜費而昭實至請添文職同知巡檢各員雖前經照議准行此次復酌擬由內地選派及期滿升用各章程惟思該將軍等此番籌畫均係尋常計議湖查乾隆年間戡定西陲廟謨廣運妥協周詳六十餘年邊圉綏靖爾時從未議及增兵亦未議及增官如果必須添設文職方資治理當日諸臣定當早經籌及詎行今日且果照所議增設未必歷久行之無弊况文職尤非武職可比武職員弁性情粗率儻或任意妄爲尙屬易於覺察文職各員由內地調派若年老衰庸者自難任事其年富力強稍有才具者希圖任滿升遷致資緣謀調轉不足以收得人之

效況夷回異俗必不能以內地禮法繩之徒滋紛擾又既添文員必須書吏此輩舞文弄法因緣為奸必致貪婪需索若虐窮回即經發覺官畏處分巧為彌縫避睡僻遠易於消弭是內地回子先受添官之累於控制外夷之道實屬無益而有損即令得人而在而回疆紛紛添設文職衙門是儼然添一省會殊失居重馭輕之策亦不值如此辦理所有添設同知等官雖經議准仍著該將軍等悉心籌畫從長商酌自以不必添設文員更為妥善總之久安長治全在撫馭得宜斷不可徒事鋪張顧此失彼日後轉多流弊以致內外俱困則悔之晚也東華續錄

乙巳諭軍機大臣等長齡等奏酌議善後事宜一摺據稱葉爾羌等處毋庸改設同知仍留葉爾羌喀什噶爾糧餉章京二缺令其管理民事著照所議辦理惟所稱倖裁英吉沙爾巡檢一員仍留葉爾羌巴爾楚克喀什噶爾及阿克蘇所屬拜城等處巡檢共四員此時葉爾羌等處既不改設同知所有此項巡檢四員亦著毋庸議增免滋流弊見計各城共添滿漢營官四十五員於喀什噶爾綠營額減去官弁三十四員實於西四城原設官弁外僅添十一員各該城邊界共設大小卡倫三十餘處需用綠營官弁較多准照前奏減定之數以資差遣至所稱將來通商事定夷情靖謐即可由該參贊隨時酌量減撤見在添設防兵原係暫時權宜之計既據奏請通商事定即可隨時酌量裁撤究竟如何減撤之處著長齡等再行切實籌敘並詳議章程具奏以免將來藉詞延緩其烏什所添滿洲營官三員又由喀什噶爾原防額內減去綠營兵三百一十五名移駐該處酌用守備千總把總各一員仍著照前議准其安設該將軍等所保出力各員已另降諭旨酌量分別加恩已足以酬其勞績其另片奏請將革員牛坤扣滿戌限三年釋回之處著不准行東華續錄

二十年移直隸霸州營遊擊爲萬沽營遊擊萬沽營都司爲蘆臺營都司永甯營守備駐霸州滴水崖千總駐永甯撥天津鎮把總經制外委各一駐北塘口宣化鎮經制外委一駐滴水崖東萊鎮

二十二年直隸總督訥爾經額奏天津大沽南北兩岸暨地南糧坨子一帶天津鎮總兵足資控取惟北塘五十餘里距甯河縣城二十餘里之蘆台地方爲北塘後路南界天津東北昆連營濶承平府一帶西北地接通州寶屬扼要之區請以新添總兵駐紮蘆台名爲通永鎮總兵官將北塘海口暨濶玉田采育三河寶坻張灣等營通州協右營暨提標山海石門二路瀟河樂亭二營共十五營均歸統轄於蘆台安設中左右三營左營應設總兵之中軍兼左營遊擊一員左營守備一員右營都司一員並左右兩營分設左哨千總二右哨千總二頭司把總二二司把總二又分防把總二經制外委六添設遊都守千把外委十九員數計裁撤伊犁鎮標之遊擊等缺移抵外尚不敷守備一員千總一員卽於直隸簡僻營分內裁撥移駐並將新設鎮標之分防把總二員撥駐新河營城二汛將原設之經制外委二員撤歸鎮標差操其蘆台之專汛千總一員卽歸新鎮右營都司兼轄中左右三營撥兵一千名專操水陸技藝除蘆台本有專汛千總存營兵八十名外尙需兵九百二十名查蘆台營遊擊駐紮北塘計存營兵一千一百二十四名新鎮見駐蘆台爲北塘後勁擬將駐紮北塘之蘆台營遊擊作爲北塘營遊擊仍駐北塘於存營兵一千一百二十四名內撥兵六百二十名移駐蘆台其不敷兵三百名擬於大沽協左右兩營暨萬沽營新兵內撥兵三百名共一千名連北塘之兵五百零四名作爲新鎮親標統計撥歸新鎮兵五千四百八十六名仍歸舊鎮管轄兵七千五百零四名下軍機大臣等議從之東萊續錄



二十三年改裁西安鎮總兵移置天津爲通永鎮總兵其西安鎮兵一千六百餘名撥歸撫標一千二百名添設中營原設左營參將改爲撫標中軍參將右營遊擊改爲左營遊擊應設右營遊擊卽以鎮標左營遊擊改撥其鎮標餘兵四百餘名准其歸併西安城守營原設城守參將改爲副將移神木協副將並中軍都司歸西安城守營移西安城守參將歸神木營西安鎮原設官弁一併裁減通永鎮添設各缺東華續錄

又諭軍機大臣等前據耆英等奏改設巡檢移駐附近香港之九龍地方稽察出入牌照等語朕以香港爲售貨總匯若僅責成巡檢稽查恐立法尙未周密令該大臣等再行妥議茲據耆英奏稱體察情形不在驗照官之大小全在行之以實所有前赴香港之船既由給照口岸按月報明粵海關業已互有稽考九龍巡檢不過查其已到未到並無稅銀可收似可無虞偷漏等語著照所議辦理所有祁墳等前奏廣東新安縣屬之官富司巡檢請移駐九龍地方改爲九龍巡檢作爲海疆要缺卽照所請准以試用從九品許文深試署俟試暑期滿如果稱職另請實授並定爲在任三年如經理得宜卽予保舉升擢毋庸扣至六年俸滿其見准試署之許文深能否經理得宜仍著祁墳等隨時察看如不勝任卽行撤回另爲酌調毋得稍事因循至該巡檢雖無徵收稅課之責而稽查出入務令相安斷不可任吏胥勒索別生事端是爲至要東華續錄

二十四年八月移湖南鄱縣千總駐耒陽縣撥外委一駐鄱縣東華續錄

二十五年改廣東惠州府海防同知爲廣州府虎門屯防同知廣州府永甯通判爲惠州府海防通判東華續錄

咸豐七年諭軍機大臣等御史王德固奏請添設總兵一摺據稱河南額設總兵二員河北鎮在省西北南陽



鎮在省西南其東南之歸德等處並未設有專關大員歸德府爲東面入省門戶地無險阻接壤頗廣竊嘗單向爲匪徒出沒之區僅有參將一員難資鎮壓現值剿擒喫緊請添設總兵一員其毗連歸德之光州陳州府各屬營伍均歸管轄並請將歸德原設參將一員量移光州藉資策應自爲地方緊要酌量變通起見著英桂酌度地方形勢及營伍兵數多寡是否應行添設移改之處妥議具奏

聖訓

同治十三年船政大臣沈葆楨奏爲臺地善後勢當漸圖番境開荒事關勦始請旨移駐巡撫以專責成以經久遠事竊臣等於十月二十七日將收回草房營地各情形奏明在案因思洋務稍鬆卽善後不容稍緩惟此次之善後與往時不同臺地之所謂善後卽臺地之所謂勦始也善後難以勦始爲善後則尤難臣等竊爲海防孔亟一面撫番一面開路以絕彼族覬覦之心以消目前肘腋之患固未遑爲經久之謀數月以來南北諸路繚幽巖險斬棘披荆雖各著成效卑南歧萊各處雖分列軍屯祇有端倪尙無綱紀若不從此悉心籌畫詳定規模路非不已開也謂一開之不復塞則不敢知番非不已撫也謂一撫之不復疑則不敢必何則臺地延袤千有餘里官吏所治祇濱海平原三分之一餘皆番社耳國家並育番黎但令薄輸土貢永禁侵陵意至厚也而奸民積匪久已越界潛蹤驅番佔地而成窟穴則有官未開而民先開者入山既深人迹罕到野番穴處涵育孽生則有番已開而民未開者疊嶽外包平埔中擴鹿豕遊竄草木蒙茸地廣番稀棄而弗處則有民未開而番亦未開者是但言開山而山之不同已若此生番種類數十大概有三壯丹等社恃其悍暴劫殺爲生醫不畏死者曰卑番卑南埔裏一帶居近漢民略通人性若是者曰夏番臺北斗史等社離羶面向不外通屯聚無常種落難悉獵人如獸雖社番亦懼之若是者曰王字兜番是

何言撫番而番之不同又若此夫務開山而不先撫番則開山無從下手欲撫番而不先開山則撫番仍屬空談今欲開山則曰屯兵衛曰刊林木曰焚草萊曰通水道曰定壤則曰招墾戶曰給牛種曰立村堡曰設隘調曰致工商曰設官吏曰建城郭曰設郵驛曰設廉署此數者孰非開山之後必須週辦者今欲撫番則曰選士曰查番戶曰定番業曰通語言曰禁仇殺曰教耕稼曰修道塗曰給茶鹽曰易冠服曰設番學曰變風俗此數者又孰非撫番之時必須並行者雖然此第言後山耳其繁重已若此山前之入版圖也百有餘年一切規制何嘗具備就目前之積弊而論班兵之惰窳也盡役之盤踞也土匪之橫恣也民俗之悖淫也海防陸守之俱虛也械鬪禁屠之迭見也學術之不明庠序以容豪猾禁令之不守賭以爲賽殮官斯土者非無振作有爲正已率屬之員始苦於事權之牽制繼苦於毀譽之混淆救過不遑計功何自使不力加整頓一洗浮澆但以目下山前之規模推而爲他日山後之風氣雖多一新闢之區適多一藏奸之藪臣等竊以爲未可也嘗綜前後山之幅員計之可建郡者三可建縣者有十數固非一府所能轄欲別建一省又苦器局之未成而閩省向需臺米接濟臺餉向由省城轉輸彼此相依不能離而爲二環海口岸處處宜防洋族教堂漸漸分布居民向有漳籍泉籍粵籍之分番族又有生番熟番屯番之異氣類既殊撫馭匪易況以創始之事爲善後之謀徒靜鎮之非宜欲循例而無自使臣持節可暫而不可常欲責效於崇朝兵民有五曰京兆之見倘逾時而久駐文武有兩姑爲婦之難臣等再四思維宜仿江蘇巡撫分駐蘇州之例移福建巡撫駐臺而後一舉而數善備何以言之鎮道雖有專責事必稟承督撫而行重洋遠隔文報稽延率意徑行又嫌專擅駐巡撫則有事可以立斷其便一鎮治兵道治民本兩相輔也轉兩相妨職分不相統攝

意見不免參差上各有所疑下各有所恃不齊者以爲推卸地步其賢者亦時時存形迹於其間駐巡撫則統屬文武極歸一尊鎮道不敢不各修所職其便二鎮道有節制文武之責而無遴選文武之權文官之責廉武弁之勇怯督撫所聞與鎮道所見時或互異駐臺則不待采訪而耳目能周黜陟可以立定其便三城社之巨姦民間之冤抑親閱親切法令易行公道速伸人心帖服其便四臺民烟瘴本多臺兵爲甚海營營制久壞臺兵爲尤良以弁兵由督撫提標抽取而來各有恃其本帥之見鎮將設法羈縻只求其不生意外之事是以比戶窩賭如買之於市農之於田有巡撫則考察無所瞻徇訓練乃有實際其便五福建地瘠民貧州縣率多虧累恆視臺地爲調劑之區不肖者執法取盈往往不免有巡撫以臨之貪黷之風得以漸戢其便六向來臺員不得志於鎮道及其內渡每造蜚語中傷之鎮道或時爲所挾有巡撫則此技悉窮其便七臺民遊惰可惡而慙直實可憐所以常聞蠶動者始由官以吏役爲爪牙吏役以民爲魚肉繼則民以官爲仇讎詞訟不清而械鬪紮屠之端起奸宄得志而壓旗聚衆之勢成有巡撫則能預拔亂之而塞禍源其便八況開地伊始地殊勢異成法難拘可以囚心裁酌其便九新建郡邑驟立營堡無地不需人才丞倅將領可以隨時割調其便十設官分職有宜經久者有屬權宜者隨事增革不至廩食之虛糜其便十一開煤鍊鐵有第資民力者有宜參用洋樁者就近察勘可以擇地而興利其便十二夫以臺地向稱饒沃久爲他族所垂涎今雖外患暫平旁人仍耽耽相視未雨綢繆之計正在斯時而山前山後其當變革者其當創建者非十數年不能成功而化番爲民尤非漸漬優柔不能渾然無間與其苟且倉皇徒滋流弊不如先得一主持大局者事事得以綱舉目張爲我 國家億萬年之計況年來洋務日密偏重在於東南臺灣海

外疆七省以爲門戶其關係非輕欲固地險在得民心欲得民心先修吏治營政而整頓吏治營政之權操於督撫總督兼轄浙江移駐不如巡撫之便臣等明知地屬封疆事關更制非部民屬吏所應越陳而夙夜深思爲憂民計爲閩省計爲沿海籌防計有不得不出於此者敢不據實上聞以爲芻蕘之獻謹將全臺善後情形及請移駐巡撫緣由恭摺由輪船到湖付驛六百里馳奏伏乞 皇上聖鑒訓示遵行謹奏 沈文肅公政書

光緒十二年兩廣總督張之洞奏竊臣等於光緒十一年七月二十八八月初二等日先後承准軍機大臣字寄光緒十一年七月初五日奉 上諭鎮南馬白二關爲滇桂入越邊要處所等因欽此仰見 聖主鞏固邊防精核武備之至意臣等無任欽服當卽公同詳加籌議伏查廣西南邊綿亘二千餘里原設隘所一百零九處分卡六十六處與越南之諒山高平宣光等省接壤山箐紛歧路路可通而鎮南關至龍州一路較爲寬平故曩爲中越使命商賈往來之通衢東出太平南寧西出歸順鎮安之總匯且自龍州以東河灘漸廣舟行下水直達潯梧其視全桂腹地東省上游據有建瓴之勢實爲兩粵利害所關係當此款議既成外防游匪內靖伏戎鎮南一關尤爲中外鈐轄 聖諭所謂扼紮要隘重兵者無以易此惟南關固居極衝而關之中後關之左右各路均須擇要設防而後氣力不至單薄庶免腹背受敵肘腋乘虛之慮大要分爲三路鎮南關口及關以內之關前隘再近內之憑祥土州爲中路白關以東明江廳轄之由隘靈明州轄之羅隘思陵土州轄之愛店隘上思州轄之百峯隘剝機隘爲東路白關以西龍州廳轄之平而水口兩關下凍土州轄之布局隘峒花隘歸順州轄之頻峒隘龍邦隘小鎮安廳轄之平猛峒隘淦隘百懷大隘等爲西

路以上各隘皆須屯兵中路最急東路隘口較少西路地段較長原有防軍三十二營聲勢僅能聯絡現在  
餉需極絀須籌經久之計而越境游勇蔓延全邊未靖又值勘界未定之時未便示人以弱勢難多議裁減  
茲於本年三月起認真汰留裁去八營并爲二十四營以十二營專防鎮南關中路以四營分防東路六營  
分防西路路寬者築亭安礮路窄者設卡安濠甚僻者掘斷禁阻戍所豫設地營營外多栽刺竹無事則各  
分守地督飭操練有事則酌量緩急抽調赴援俟冬間界務大定再當裁去四營中路酌減兩營西路酌減  
兩營以節餉需以後全桂大勢注重邊防必宜有大將親臨控制調度擬請將廣西提督由柳州移駐龍州  
原有提標制兵五營擬撥中軍參將一營隨來龍州以資策遣而符體制將原屬新太協之龍感營都司改  
爲龍州城守營遊擊隸於提標照例設該遊擊中軍守備新太協駐紮太平府距龍最近應並將新太協副  
將率其所轄左營都司廬羅營都司共兩營改爲專屬提督毋庸轄於左江鎮其新太協右營守備一營應  
卽裁汰柳州東屏桂省北控黔湘苗疆緊要擬請添設柳慶鎮總兵一員鎮守柳州慶遠義甯融懷等處地  
方駐紮柳州府以提標存留左右兩營遊擊改爲鎮標左右兩營左營卽爲該鎮中軍提標左右兩營應俟  
邊軍規模詳定後卽行裁汰所汰之兵發給一年餉銀兵米俾資改業官弁遇缺另補並撤柳州城守營都  
司一營附近之慶遠協副將義甯協副將融懷營參將率其所屬各營俱統轄於柳慶鎮其沿邊常駐二十  
營提督爲總統其下酌設分統現在提臣蘇元春係奉 旨督辦邊防之員熟悉邊情深孚衆望一切白應  
統歸調度以後若提臣不兼督辦者亦宜於防勇內指定十營屬於提督本標以厚兵力龍州開關通商重  
兵所萃宜有文職大員同任邊事擬請設太平歸順道一員總轄全邊駐紮龍州廳以左江道所屬太平府

全境暨東邊南寧府屬之上思州西邊鎮安府屬之小鎮安迺判歸順州隸之沿邊統屬一道以期聯絡一氣上思州卽撥歸太平府屬小鎮安歸順距太平較遠應升歸順州爲直隸州小鎮安改爲鎮邊縣加通判銜屬於歸順州該道兼轄太平一府歸順一直隸州所有漢土廳州縣土司管理整飭邊防監督關稅以及經理一切中外交涉事宜設道庫大使一員總管關稅瑣務應用編譯委員由該道選擇調委惟查左江道駐南寧轄泗鎮南太四府鹽法道駐省轄桂平梧鬱四府州今左江道既撥出太平一府而鬱林州連在全省東南一隅距南寧止五百餘里距省將及千里督察難及諸多不便該州屬之博白陸川等處毗連廣東高廉素爲匪徒出沒之區擬撥鬱林直隸州改屬左江道以協形勢而資治理其需餉之數沿邊水土惡劣瘴癘蒸白物昂貴與腹地情形迥異與向年防剿土匪尤相懸殊若照內地桂勇餉章萬難得力應照從前奏案正勇月餉三兩二錢以及營哨各費俱照現章合計邊軍二十營加以軍火軍裝轉運製造修葺營壘電局雜支各費以及遣處游勇撫恤邊氓所費不資而軍火尤爲鉅款每月至少亦需銀六萬兩現就本省儘力搜羅再能此後釐金不致短收地方安謐每年可得三十萬兩計每月仍短銀三萬五千兩無可再少日前二十四營所需尙不止此數若非外省接濟無從支持查現准戶部咨以後滇餉除四川原解餉餉抵捐兩項共銀二十八萬五千兩照常抵解外再由湖南月協銀二萬兩廣東月協銀二萬兩四川月協銀三萬兩是滇省一年外協的餉已有八十八萬五千兩之多廣西所請協餉僅四十二萬尙不及雲南之半實係刻苦節省免致部撥爲難惟有仰懇 天恩飭部指撥近省有着之款可否仿照從前西征協餉近日東北協防經費者成按月源源撥解以濟急需而免遲誤所慮者新約原有法稅較輕之議關稅開收以後

三聯票暢行沿江釐金必然大減彼時稅  
關費用外免撥他用若稅多於釐則請減  
通省綠營馬步戰守兵丁原額六萬二千  
迨十二年與光緒元年三年三次復補新  
標裁汰前後兩營新太協裁汰左營一營  
近日懷集貴縣博白等縣疊出聚匪滋擾  
一律裁減以冀稍資節省此外兵勇一時  
察或就龍州現存勇營內改勇補兵或裁  
有可裁之處自當行之以漸力圖撙節以  
久至計日綠營規制細密其間分汛地段  
礙目前猝難定議日綠營積習驟難更改  
營辦法則恐難資飽騰若改稱練軍比照  
標營永久之經費竊擬俟兩三年後體察  
籌或尙能再加并省儉作為額兵規制既  
事變通隨時議奏較為活便據廣西藩臬  
並將圖說郵寄參考意見相同謹遵 旨



呈 御覽其添設鎮道等官建置經費事及改撥標兵營汛詳細章程暨其餘未盡事宜仍俟陸續陳奏  
官保政書

十四年浙江巡撫衛榮光奏竊准吏部咨會議浙江巡撫劉秉璋等奏請將永康縣丞改為永仙分防縣丞  
金華協中軍都司改為巡防都司移設八保山等因一摺於光緒十一年十一月十九日具奏奉 旨依議  
欽此黏抄原奏內開將原駐改駐地方情形詳細繪圖貼說並造具改駐分別管轄節制各員并營制銜名  
清冊一併隨摺送部以憑查核覆奏到日再行核辦所有分防建置一切事宜應令該撫等另行籌議辦理  
等因行文到浙當經轉飭遵辦去後茲據布政使許應鑾按察使蕭韶會詳據金華府知府陳文驥稟稱親  
至八保山相度山川采風問俗其地為永康縣管轄距縣治二百二十餘里民貧而瘠又與仙居縣壤地錯  
雜以致匪蹤據為淵藪良民被害難以呼訴現在分定地面會同台州府知府成邦幹確查妥議應以永康  
四十六七都仙居二十三四都地方歸縣丞專管遇有疏防盜案承緝不力處分即將縣丞開參其都司改  
駐營制又與金華協副將蕭尹農會議請將金華協中軍都司改駐八保山為巡防都司並將右營永康汛  
千總襄溪汛千總東陽縣城守汛把總夾溪白峯兩外委歸該都司管理該都司仍歸金華協節制毋庸更  
易營名並照撫標參將之例金華協不再另設中軍左右兩營公牘悉由兩營守備徑達副將核辦至左營  
備原為都司中軍守備今相去較遠即刪去中軍字樣其撥歸都司節制之五汛本係右營汛地遇有大  
股台匪由都司就近調遣平時操防巡緝公文上下等事仍歸右營管理承緝開參之案亦仍照原制毋庸  
另議都司所駐八保山之桂川莊其山表延永康縣四十六七都應即定為都司專管地面其仙居二十三

四都仍以仙居潘灘汛外委爲專汛各營各地不必更張都司所帶兵丁四十名遇有開補均由都司自主仍申報副將查核錢糧兵米概由副將札發無須再由守備管理以歸簡易並聲明縣丞衙門額設門子一名皂隸四名馬夫一名今改駐八保山責重事煩不敷差遣擬就永康仙居兩縣各撥壯役二名共壯役四名每名每年給工食銀六兩各移各縣給領都司衙門應給稿書一名清書一名亦在該營額設數內撥給建造縣丞都司衙署經費由外籌辦不動正款所建基地由縣查明畝分另請豁糧除額等情由司核明具詳前來臣查永康縣八保山地方界於金台兩郡之間山深林密最易藏奸建置事宜分定地面扼要撫馭爲第一關鍵既經金華府知府陳文騷親詣履勘並與台州府金華協一再會議應請卽以永康縣四十六七都仙居縣二十三四都撥歸移設之縣丞管理並以永康縣四十六七都爲都司專管地面以專責成遇有疎防盜案分別照例開參金華協本無中軍同治八年始將左營都司改爲中軍都司現因該都司移設八保山離郡較遠議請裁去中軍名目左營守備亦刪去都司中軍字樣擬歸都司節制之永康等五汛操防開參各仍舊制事歸簡便免涉紛更均應照辦其添撥壯役書識既不另請開銷建署所需經費亦不動支正項將來豁除糧額應由縣查明科則畝數另行專案詳辦以昭核實經世文續編

右移駐

崇德八年停諸王貝勒管理部院通考

順治十五年裁蒙古侍讀學士一人侍讀二人滿洲漢軍漢典籍各一人會典事例

又裁尚寶司初設卿少卿等官順治元年裁二年以給事中朱徽疏請復設如舊至是 諭吏部曰向以官制

宜備設立尙書司衙門滿漢文官專理用寶事務朕近見該司事簡員多且既有尙書監承收又經內三院看用該司理事副理事卿丞等官似皆可省今暫行裁之各官照品改用通考

又論大學士覺羅巴哈納等曰朕思大理寺衙門所管事務無多不過三法司會議時少有事耳此等事堂上官三人辦理足矣工部衙門有左右侍郎部中諸事郎中主事同辦之其總理稽查則左侍郎辦之有餘即無右侍郎亦何不可中書科中書舍人所管事務有何繁劇允宜裁汰至於道員管理事務繁多當增員不可復汰科員甚多全無職掌一科中用都給事中等足矣設漢軍副理事官何爲原因從外行取不過御史員缺故改用耳又在外布政司衙門左布政使事繁右布政使有何職掌此非冗員而何內外官員中此等冗員甚多但部院堂官不肯詳察豈有本衙門官不知其有用無用者乎漢官動稱總兵官及各武官併無用兵丁應行裁汰有肯將文職裁汰者乎此皆伊等偏執之處爾等可將朕諭傳諭議政王員勒大臣九卿詹事科道等官當此錢糧匱乏之時故爾暫行裁汰嗣後錢糧充裕再行增設未爲晚也通考

十六年裁滿漢學士其滿洲侍讀學士以下俱改爲中書舍人照現在品級加卿寺衙會典事例

十八年罷十三衙門以其事歸內務府順治十一年裁內務府置十三衙門曰司禮監尙方司御用監御馬監內官監尙衣監尙膳監尙寶監司設監兵仗局惜薪司鐘鼓司織染局十二年改尙方司爲尙方院十三年改鐘鼓司爲禮儀監尙寶監爲尙寶司織染局爲司經局十七年改內官監爲宣徽院禮儀監爲禮儀院至是年聖祖仁皇帝御極諭吏部刑部等大小各衙門朕惟歷代理亂不同皆係用人之得失大抵委任官寺未有不召亂者加以兪邪附其間則爲害尤甚我太祖太宗痛鑒往轍不設宦官先帝以宮闈使令之役俱

用斯輩繼而深悉其好是以遺詔有云祖宗創業未嘗任用中官且明朝亡國亦因委用宦寺朕深承先志釐剔弊端因而詳加體察乃知滿洲佟義內官吳良輔陰險狡詐巧售其奸熒惑欺蒙變易祖宗舊制倡立十三衙門名色廣招黨類恣意妄行錢糧借端濫費以遂侵牟權勢震於中外以竊威福恣肆貪婪和濟爲惡假竊威權要挾專擅內外各衙門事務任意把持廣興營造糜費錢糧以致民力告匱兵餉不敷此二者朋比作奸撓亂法紀壞本朝清樸之風俗變祖宗久定之典章其情罪重大稔惡已極通國莫不知之雖置於法未足蔽辜吳良輔已經處斬佟義若存法亦難貸已服冥誅著削其世職十三衙門盡行革去凡事皆遵太祖太宗時定制行內官俱永不用通考

康熙二年裁苑馬寺卿一員主簿一員監正七員通考

六年吏部議覆左都御史王熙奏戶部關倉等差工部抽分釐政造船等差俱歸併地方官應將戶部主事裁減十員工部主事裁減七員從之通考

三十七年裁上林苑監初設漢監丞一員所屬林衡嘉蔬良牧蕃育四署漢署丞各一員順治十五年裁林衡嘉蔬署丞二員至是監丞及良牧蕃育二署悉裁之通考

三十八年裁滿洲侍讀二人中書五人清文撰文辦事各一人清漢文撰文一人辦事二人蒙古中書三人撰文一人辦事二人漢軍中書五人撰文一人辦事四人漢中書八人撰文二人辦事六人會典事例

三十九年吏部等衙門會議直隸各省督撫題裁閒冗官員直隸井陘道口北道山東青州道浙江金衢嚴道福建督糧道及直隸各省屯都司同知通判布政使司理問都事照磨按察使司照磨檢校都司斷事衛經歷

州同州判縣丞府照磨知事司庫巡檢副丞倉庫大使所官等共三百三十六員俱應照各督撫等所題裁汰  
得旨口北道缺不必裁餘依議通考

四十年裁張家灣宣課司大使一人會典事例

乾隆七年 命王大臣總領樂部並汰太常寺樂員通考

十三年諭曰向來各衙門京堂員缺屢經酌定其中仍不免於參差如欽都御史則有漢而無滿員左參議則  
滿員有二而無右參議大理寺少卿少詹事則滿一缺漢一缺太僕寺少卿則滿二缺國子監司業則滿二缺  
漢員俱止一缺於官制均未允協今既新定會典以上參差不齊各員缺應作何裁改更正之處著該部定議  
具奏尋議都察院裁欽都御史一缺通政司裁漢右通政一缺改滿左參議一缺為右參議大理寺裁漢少卿  
一缺詹事府裁漢少詹一缺太僕寺裁滿少卿一缺國子監裁滿司業一缺從之通考

又裁行人司衙門歸禮部辦理通政司裁滿洲漢人參議各一人內閣中書裁漢人二人通考

三十一年裁廣西小鎮安土巡檢設流官時以交匪潛匿廣西小鎮安地土巡檢岑繩武年壽無知失察土目

總督楊廷璋奏請專設流官以資彈壓從之通考

雲南永北府缺增設通南道大學士管雲南總督楊應琚奏永北向隸通東道管轄相距萬遠輟長莫及應  
增通南道一員駐普洱將普洱及附近之鎮沅元江臨安四府地歸其管轄永北府知府裁改掌印同知兼  
地方從之通考

三十四年諭向來真善殿有年幼太監十餘人在內讀書漢教習一員專司其課太監職在供給使令就使

讀書不過教之略識字體何必選派科目人員與之講授令其通曉文字乎現今讀清書之太監等在長房一帶派內務府筆帖式課之此等讀書之人原可附近該處另選內務府筆帖式之會讀漢書者授之句讀又何必爲之專設一漢員教令讀書乎所有萬善殿派用漢教習之例著永遠停止通考

謹按內使之職供給使令即讀書亦不過識文義通姓名乃前明壞政初猶內官監掌文籍尚寶監掌圖書及承樂時口選教官入內教習宣宗時竟特開書堂聚至四五百人且令大學士陳山翰林朱祚等專司教習於是內官悉嫻文墨掌章奏照閣票批硃漸與外庭往來交結正統初內有司禮秉筆之事貽毒至不可勝言我朝立法謹嚴一洗勝代陋習太監等惟令內府筆帖式課讀俾粗知字體萬善殿漢教習一員一併裁之

仰見 皇上官方整肅防制盡善慎幾微之漸飭宮府之規豈特遠越有明三代後無此良法也通考

三十八年裁多倫諾爾監督 諭自來多倫諾爾知專管水旱木稅另設監督一員管理該處一切落地雜稅今思該同知既管木稅則雜稅亦當歸其兼管何必另設專員現在監督將屆期滿著自明年正月爲始將多倫諾爾監督之缺卽行裁汰其所管一切雜稅俱著多倫諾爾同知管理以歸畫一通考

又裁車里土司 諭據彰寶奏將車里土司官土缺裁汰於其地改設專營移駐都司守備撥兵巡防等因一摺所見甚是車里土司設立之初原因其宰士投誠願給印信號紙授以官慰之職遞傳四輩前此莽匪滋擾該土司刁紹文懦弱無能躲避罪雖經革追仍令其子承襲已屬格外施恩乃刁維屏無故棄地潛逃實係自行滅絕斷不應令其再襲自應將車里官慰司卽行裁汰改設專營移駐都司等官帶兵鎮守兼轄十二土弁於邊境夷情更爲得要通考

五十年論滿洲由科目出身爲翰林者本應認真讀書通達事理爲國家有用之才方各稱其實向來滿洲之習舉業者其文義本屬淺陋及俾登科目列名翰苑間以文學則曰身係滿洲豈漢人可比及至問以清語騎射又曰我係詞林豈同武夫戰卒兩處躲避進退失據而落於無用之流朕所深惡卽從前尹繼善鄂容安鐘音觀保等在翰林中俱稱出色者止能隨常辦事而於邊疆重務並不能經理裕如雖其中鄂容安曾購軍旅重寄臨危遇變亦惟知一死塞責究於國家大事何所裨補耶此次考試翰詹朕嚴加甄別滿員出缺甚多除簡擢數人外餘竟無員可補與其濫竽充數毋寧核實酌裁所有現出之侍讀侍講學士二缺侍讀侍講二缺已另降旨裁汰嗣後滿洲人員益當自知愧勉讀書敦行砥礪成材以備國家器使如果能蒸蒸日上一變從前積習人材蔚興彼時朕自當再復舊額也通考

道光七年諭那彥成奏裁汰通省挂名吏役覈實查辦完竣所辦認真甚屬可靠直隸大小衙門挂名吏役過多包差滋擾苦累閭閻前經該督奏諭旨酌定應留名數造立循環冊簿年終報明該管道府具報總督衙門查點餘皆革退不准額外增添茲據奏嚴飭各屬將各該衙門酌留吏役名數分別造冊具結呈送查覈並委道府丞等分往確切查點按名寫榜出示懸掛城鄉俾衆知曉見據冊報通省革除吏役竟有二萬三千九百餘名之多官官相護朋比爲奸尙復成何政體直隸如此他省諒亦不免著通諭直省各督撫一律飭查據實裁汰按照那彥成所奏章程辦理儼於查辦後地方官復敢額外私增或棍徒冒充肆擾一經查出卽將該地方官嚴參議處吏役加等治罪此係各該督撫必當認真查辦之事要在行之以實持之以久毋得視爲具文用副朕整剔弊端至意東華續錄



十一年諭內閣朕恭閱康熙五十九年 聖祖仁皇帝實錄內載吏部等衙門會議各督撫題裁閒冗官三百三十六員應照所題裁汰奉 聖諭曰北道缺不必裁餘依議欽此復據吏部查明單開雍正年間共裁二百五十餘員乾隆年間共裁三百三十餘員嘉慶年間共裁二十餘員道光年間裁汰二員朕詳加披閱仰見我朝 列聖相承澄敘官方刪除冗濫至爲詳慎國家設官分職原以保乂民生必使闕閤獲益方收指臂之效若任令冗員充數本任既無事可辦而各員一切公用不能盡出己資勢必取之民間多設一官百姓反多受一官之累朕心虛保赤非爲節省俸糈起見總期有裨民生官不虛設著直省督撫及各河督鹽政悉心核議於所轄文職閒員如有可裁者酌量裁汰奏聞請旨用副朕慎簡官僚勤恤民隱至意將此通諭知之 聖諭十二年正月諭朕前次降旨因各城添設文員流弊滋多竟可概不議增此次請將巡檢一併裁撤仍照舊制所辦是其請暫留哈豐阿郭繼昌二員教演操防俾曠曠專辦地方事宜哈豐阿郭繼昌俱著准其留駐督同各該弁演操防勤加訓練俟通商事定再奏明各回本任其從前齊慎駐兵處所既據查明在烏什卡外該處久已平靜自未便再往紮營轉令布瞻特等疑懼見在烏什有防兵一千七百餘名足壯聲威該將軍請就西四城留防兵數通融分設較卡外紮營更爲得力著照所請行仍准留周悅勝唐倬二員分投巡防彈壓俾聲勢益爲聯絡設遇緊急相機應援出奇截擊至喀什噶爾英吉沙爾和闐兵數據該將軍等查明驟難減撤著俟通商後再將喀什噶爾換防總兵裁撤並將各城換防官兵次第刪減喀什噶爾見無籌辦事件長齡等卽赴葉爾羌巴爾楚克一帶會同履勘後在阿克蘇暫駐候旨遵行 東華續錄

又裁江蘇華亭縣主簿江甯府鎮江府照磨金壇縣巡檢揚州府檢校 東華續錄

又裁陝西鄜州同蒲城縣巡檢甯羌州褒城縣驛丞延安府學河縣學府各縣學訓導東華續錄

二十一年撤陝安漢中二鎮派赴巴爾楚克換防兵丁二百名以巴爾楚克屯民募補並裁把總一經制外委

#### 四東華續錄

二十二年諭天津為京畿藩衛前曾降旨將巴里坤總兵裁撤移置天津交兵部詳查具奏茲據該部奏稱嘉峪關外設立兩鎮一為巴里坤一為伊犁而巴里坤尤為扼要該處總兵未便裁撤惟伊犁鎮總兵與伊犁將軍駐紮相離甚近且綠營將備向歸將軍統轄可由該將軍就近稽察等語著照所議即將伊犁鎮總兵裁撤移置天津其舊有之官弁著兵部酌裁十分之二三詳細覈議具奏至伊犁屯田兵丁應歸何員專轄兼轄之處並著陝甘總督伊犁將軍參贊大臣會同妥議章程奏明辦理東華續錄

又諭訥爾經額奏請大沽設立海防同知一員作為題缺稽察入口出口船隻查驗與照有無夾帶違禁貨物及兵民強買盜買漏稅等弊准理兵民客商詞訟其命盜重案仍歸縣辦照海疆三年例滿本例升轉即於本省簡僻同知通判內酌裁一缺等語著照所議辦理所有善後經費該督請於蘆綱加價銀內酌撥二十五萬兩以五萬兩作為購備商船建造衙署之用以二十萬兩發商生息以八千兩陸續歸本以一萬六千兩作為歲費如有盈餘年終報查盡數存貯天津道庫歸入交代等語准其酌撥籌辦東華續錄

#### 二十三年裁稽查崇文門稅務滿漢御史東華續錄

三十年諭內閣通政司副使扎克丹奏請仍設巡漕御史一摺科道巡漕舊例久經停止道光十九年該員御史任內曾經奏請復設欽奉 皇考宣宗成皇帝諭旨此項差使裁撤已久著毋庸議扎克丹以必不可復之

事又行陳奏實屬不知事體現今河漕諸臣本屬不能和衷共濟然操縱之權惟朕持之何得輕議紛更沽名市譽況省事不如省官徒滋流弊著不准行 聖訓

咸豐三年戶部侍郎王慶雲奏爲河漕冗缺甚多擬提案裁併以節糜費請 旨飭下廷臣集議事竊思理財之方首在節用節用之要首在省官今耗蠹最甚亟宜分別裁併者莫如河工漕運兩衙門河工耗國漕運耗民而因以耗國然其弊總由於官多如山東河南既有兩巡撫兼管河務而又設河東河道總督專管黃運兩河此河督之冗也沿河道員皆有管轄廳汛之責皆應管理錢糧而又設河庫道司其出納此河道之冗也自河夫改爲河兵沿河設營統以裨弁平時駐宿河干熟諳水性者弁兵也搶險防護雲梯礮築以性命與水爭者弁兵也乃以廳官專管錢糧汛官分司工段以冒支多寡爲缺分地瘠求其識水性之平險諳修守之機宜者百無一二此廳汛文員之冗也伏思當 國家豐亨豫大之時河工多設員弁寬估經費原以保安瀾而衛民生帑項在所不惜乃積弊至於近日官愈多愈不治費愈多愈不足卒至河患頻仍求安瀾而不得地方困敝帑項且不能爲繼蓋其耗國甚矣至漕糧爲 天庾正供凡有漕各督撫及各糧道孰不當盡職掌而專設漕運總督此漕督之冗也各省押運有糧道有丞倅每幫領運千總二人本屬人浮於事且候補多人但圖委署委催以資養贍此幫弁之冗也漕糧取民有定額出運有定數經此層層剝削幫弁取之州縣州縣取之百姓以致兌運不前倉儲未裕所謂耗民而因以耗國者也溯查康熙年間裁冗官三百三十六員雍正年間裁二百五十餘員乾隆年間裁三百三十餘員嘉慶年間裁二十餘員見於道光十一年十一月 諭旨所謂官不虛設始足以臻上理者 聖旨至爲剴切是冗官本應裁汰況今日經費

支絀已極若非大加改併終不免病國病民巨積之成案參以時宜特將河漕各官應行裁併各事宜謹擬

### 六條奏呈 御覽

一河東河道總督擬撥案裁併兩巡撫管理也 國初設河道總督一員駐劄濬寧兼管東南兩河事務康熙十六年移駐清江將河南工程奏歸巡撫管理康熙四十四年奉 上諭山東河道照河南例令各巡撫就近料理至雍正二年始設副總河於武陟兼管山東河務逾年升爲總河伏思雍正以前東河並未專設總督而黃運歲報安瀾竊以爲總河兼管兩省鞭長莫及不如巡撫各司一省稽察既便呼應亦靈況河南山東兩巡撫本係兼管河務情形亦無虞不熟擬請遵照康熙四十四年 諭旨裁河東河道總督一缺令山東河南兩巡撫各司本省河務以專責成如有交涉事件仍令會商辦理前者雍正年間設直隸河道總督乾隆十四年裁歸直隸總督管理此實裁併總河之成案再查道光十一年兩淮鹽政裁缺案內奉 上諭陶澍奏恭繳養廉裁減浮費一摺所奏甚是現鹽務改歸總督管理總督養廉優厚足敷辦公所有鹽政應支養廉銀兩著歸入節省項下解交戶部充用至鹽政衙門浮費較多統計前後裁減每年費用銀十六萬兩有零其外支浮費著查明一併刪減等因欽此今河督改歸巡撫與鹽政改歸總督事同一律所有刪節養廉費用各事宜應由各該撫詳細查奏至江南既有河道總督其兩江總督即無庸兼管河防庶事權專一平時既免牽制有事亦無可推諉請一併 敕下廷臣集議以聞

一南河河道宜徑行裁汰也雍正八年始於清江設河庫專管收放河工錢糧外此別無職掌查東河河庫係運河道兼管淮揚清與總河同駐清江原可仿照管理即謂南河錢糧較多亦應歸揚徐海三道分

司收放伏思多一庫道即多一庫官且多無數庫中胥役而各屬支領報銷仍由該管道撥轉誠屬無益有損擬請 旨將南河河庫道一缺即行裁汰其所管收放錢糧或應歸淮揚道兼管或應歸揚徐海三道分管併請 敕下廷臣集議施行

一東南兩河冗缺應遵 旨裁撤併請將修守事宜歸營經理也道光二十八年十一月欽奉 上諭河工各廳員冗缺甚多著兩江總督山東河南巡撫會同該河督等公議裁撤等因欽此旋經南河奏裁揚運一廳東河奏裁泉河歸河兩廳其餘均未裁撤臣愚以為兩河修守事宜必須裁廳歸營乃可以省費而得力查河營之設始於康熙年間 聖祖仁皇帝巡視河防而河臣如靳輔于成龍輩變創立營設兵使民免召募之煩工有修防之益立法實為盡善其時廳員不過十餘經費取諸額徵無多估播百餘年來官愈設而愈多費愈增而愈濫糜帑誤工不知伊于胡底此 宣宗成皇帝裁撤冗員 諭旨蓋留未竟之緒亟有待於 聖人之繼述者也伏思裁廳歸營實有數便廳員侈靡成風一宴破中人之產一擲盡千金之貲不如河弁之習於艱苦局面小而用度無多也廳員善於酬應巧於開銷不如河弁之粗拙無文可冀工歸實用也廳員來從外省修防機宜須臨時學習不如河弁生長其間熟諳水性於工之平險不待講求自了然於心目也廳員深居簡出但憑探報不如河弁風晨雨夜親歷河干沾體塗足素耐勞苦也且廳員於上游聲息聯絡平日既已分肥臨事安能執法而河弁一有失誤輕則棍責重則枷示無情面之瞻顧則諸事皆可認真也夫河工設立弁兵本應以軍興法從事乃使文員奉制武弁亦不得盡其長殆漸失立法之本意矣相應請 旨飭下廷臣集議將南兩河廳員盡行裁撤所有修守事宜改歸河營轉弁經理其收支

錢糧卽由各營詳報該管道覈轉一切購料雇夫毋令地方官干預惟責任既專礙分亦應從重出納所寄廉俸亦應從優至於廳屬各汛雨夜梭巡險工搶護無一不藉弁兵之力其專汛佐雜實屬贅疣應併請旨敕裁汰伏乞 宸斷施行

一河員既定議裁汰則經費可亟籌節省也河工之浮冒人人知之而不能力行撙節者恐工員藉口因而工程不固耳臣愚以爲工程之固與不固不在乎經費之多與不多卽如南河歲修搶修嘉慶十二年以前額定五十萬兩嗣因料價昂貴將每案五百兩者增至一千五百兩是三倍於舊也購料雇夫皆係用錢昔時銀價每兩不及千文今且加倍查近年南河歲修搶修約需一百五十萬兩若以鉅計是六倍於舊也昔之歲工用錢五十萬串而不免於決口今之歲工用錢三百萬串而仍不免於決口然則多費之無益可知矣又如歷屆大工有用至千餘萬者有用至二千餘萬者上年鹽工僅用四百萬業已合龍及走占之後尙有存工料物何其懸殊至此卽以復堵工程而論半工復堵用銀五百萬號爲節省今鹽工復堵據該河督奏稱僅用銀一百五十餘萬前後數年之間五百萬而合龍百餘萬而亦合龍以此見工員之非盡無良而工程之無難覈實特以積習相沿但使有款可以支銷則亦無人肯從節省耳現在議請裁廳歸營正可乘此崇儉黜奢還瀆返樸擬請以後東南兩河工用皆大加節省南河歲料以五六十萬爲率大汛工需以六七十萬爲率另案一切不得過百萬東河歲工以二十萬爲率另案不得過七八十萬皆除去額解再行請撥總之東南兩河爲宇宙兩大漏卮非不知員缺驟裁經費驟減實衆情所大不便然臣部職主度支不能飽工員之所欲而致有意外之虞臣責無可追不敢減往日之所需而致無可撥之款臣亦罪無所逃兩者

相衡不如裁定錢糧而使力圖節省果肯掃除積習自能料實工堅不至有意外之慮相應請 旨將裁減事宜交廷臣集議併祈 乾斷施行

一裁缺及候補各員請嚴加甄覈分別改補留省咨回也道光十一年裁撤兩淮鹽政案內欽奉 上諭兩淮鹽政現經裁撤至鹽務各官額缺甚少候補之員人數太多著該督另議變通或改歸地方或回籍候調至現任人員卽照州縣之例量爲調換等因欽此仰見 聖慮周詳於裁汰冗濫之中兼寓愛惜人材之意今擬裁撤河員事同一律惟查前屆奏裁河廳因係實缺人員請俟出有河缺照例卽補現擬將各廳概行裁撤無缺可歸應由吏部掇案酌覈奏明辦理至河工候補人員應遵照道光十一年 諭旨由各該督撫會同該河督嚴加甄覈擇其材堪造就者改歸地方或留省差委或回籍候調詳晰妥議請 旨遵行總期無冗官亦無棄材以仰副 聖主澄敘官方之至意

一漕運總督請裁併江南河道總督管理也治河本以爲漕我 朝定鼎燕京仰給東南粟米因明制設漕運總督責甚重矣然 臣嘗考前代都燕者如遼如金皆於京師設都轉運使在外設各路轉運使則今糧道之職也元時河海兼運於江淮濟州設兩都漕運司亦與今之糧道等明初以侍郎都御史督運總理河漕兼提督軍務後乃以淮揚巡撫兼漕運總督見於 欽定歷代職官表是前代都燕者皆未嘗專設總漕也 臣嘗覈其職掌如發弁造船派單兌運本可由有漕各督撫就近督辦押重撥空覈勘漂沒督追漕欠亦應由各糧道分任責成今專屬之總漕徒使各督撫得以委卸惟過淮盤掣催撥重運必須總漕然使盤掣足憑何以回漕難禁催趨得力何以頻歲愆期蓋近年之總漕幾同虛設而與地方督撫動輒齟齬事雖繁而



實冗樞雖重而實分徒使幫弁吏胥依爲城社擬請將漕運總督一缺卽行裁汰所有過淮盤掣催趨重運事宜查總河駐劄清江兼管黃運應卽歸南河總督兼理其餘總漕所管簽并造船派單兌運各事宜卽改歸有漕各督撫督率各該糧道分任責成其應行裁減養廉公費等項亦著照道光十一年裁併兩淮鹽政成案辦理查淮安爲南北要衝今擬裁漕督應改設專鎮武職大員歸總河節制以資控馭所有漕標弁兵統歸該鎮管轄遇過淮水手卽督率弁兵彈壓其總漕所領 王命旗牌應就近歸總河收管以重事權至催重趨空總漕之職在此幫丁之累亦在此恭查道光六年十月奉 上諭漕委各員往往藉催重趨空爲名任意添派員數太多難免婪索殊爲幫丁之累各省軍船行走沿途催趨稽走辦理已屬嚴密何必增派多人徒加紛擾著楊懋恬酌定派委員數開單奏明立案總期可省則省毋得多派致滋擾累等因欽此伏思派委之多總由於候委之多衙干總一項捐納者尤多其調劑所取資悉出軍民之膏血併請 敕下各督撫將現任幫弁及候補人員嚴加甄別毋留閹茸之員以增漕務之累

以上各條臣爲籌節經費因議裁併冗員惟事體重大相應請 旨飭下廷臣將臣所議各條體察經費支細情形悉心覈議其未盡事宜如河漕各標應如何歸併管轄養廉公費應如何裁減歸公應俟奏奉 諭旨後由該管各衙門詳晰議奏請 旨欽遵辦理所有詳議改併河漕冗缺緣由是否有當伏乞 皇上聖鑒訓示謹世文續

十年諭內閣前據御史薛書臺侍郎宋晉御史福寬等奏請裁汰河員並改設漕運總督簡員駐守各摺片當交御前大臣軍機大臣會同該部議奏茲據載垣等奏遵議裁汰河工文武官員酌改操防營伍各事宜開單

流改道舊黃河一帶本無應辦之工官多闕冗兵皆疲惰虛費餉需莫此爲甚所有江南河道總督一缺著卽裁汰其淮揚淮海道兩缺亦卽裁撤准徐道著改爲淮徐揚海兵備道仍駐徐州所有淮揚淮海兩道應管地方河工各事宜統歸該道管轄廳官二十員內豐北蕭南銅浦宿南北桃南桃北外南外北海防海阜海安山安十三廳均係管理黃河見在無工又管理洪湖之中河裏河運河高堰山盱揚河江運七廳見在工程較少均著一併裁撤惟中河等七廳有分司儲蓄宣洩事宜所有裁撤之運河中河二廳事務著改設徐州府同知一員兼管裁撤之高堰山盱二廳著改設淮安府同知一員兼管裁撤之裏河廳著改爲淮安府督捕通判兼管裁撤之揚河工運二廳著改歸揚州府清軍總捕同知兼管至裁撤黃河無工十三廳原轄各工段汎地卽著落各該管州縣官管轄不得互相推諉各廳所屬之管河佐雜人員除揚莊等廳官十員專司啟閉毋庸裁撤外其宿州等管河州同五缺高郵州等管河州判三缺東臺等管河縣丞十九缺高良潤等管河主簿二十一缺阜甯等管河巡檢十六均著一併裁撤清江地方緊要著添設總兵一員作爲淮揚鎮總兵駐紮該處俟軍務平靜再行改駐揚州原設河標中營副將一員著卽裁撤改爲鎮標中軍遊擊駐紮蔣壩其淮徐遊擊一員駐紮宿遷所有鎮標中營員弁並右營副將洪湖佃湖等五營遊擊以下官五十四員馬步守兵共二千五百餘名原屬操防悉仍其舊至蕭楊等營所屬修防兵六千九百餘名著一律改爲操防將二十四營改設蔣壩宿遷蕭睢豐沛桃源安東山阜高郵蘆蕩左右等十營除酌留遊擊以下八十一員外其餘六十一員悉行裁撤以上各營官兵均歸新設淮揚鎮總兵統轄著卽裁汰老弱簡選精壯認真操練以資戰守見在江

南軍務未竣該省督撫勢難兼顧所有江北鎮道以下各員均著歸漕運總督暫行節制東華續錄

同治二年諭內閣前因御史劉其年奏裁減河工經費並請將河東河道總督一缺裁去降旨交張之萬詳細妥議具奏茲據奏稱河東河道總督一缺兼轄兩省黃運河工關係非輕未敢率議裁撤俟詳加體察再行奏請惟南岸所屬四廳北岸所屬三廳河道均已乾涸各廳員一無所事均可裁撤所有山東所屬之曹河曹單二廳著山東巡撫酌量辦理其河南所屬之南儀儀惟惟靈商虞曹考五廳著照該撫所請即行裁撤並著該部接照河南裁缺成案查議具奏東華續錄

河督喬松年奏竊維設官分職總在因時制宜事有必須專任者舊雖無官可以增設事有易於兼領者舊雖定缺可以議裁查河南山東河道總督一缺從前事體煩重因黃河經由河南山東兩省所轄黃河堤工共十四廳而又有運河六廳且全漕數百萬石糧船絡繹北上人夫衆多宵小易於濶跡濟甯爲山南門戶亦須大員彈壓是以設此總河駐於濟甯以其專治兩省黃河又治運河兼催漕運事固煩劇非巡撫所能兼也迨咸豐初年河決銅瓦廂之後河南黃河工裁去五廳山東黃河工全行裁汰是黃河工惟有河南現在之七廳其運河工惟以捕河所屬自戴廟至張秋鎮一段爲最要因彼時河臣防河駐於豫省捕河運道遂改歸山東撫臣就近派員隨同運河道辦理循爲成案是運河之事亦大減於昔年矣河運之米不過十萬石視從前祇三分之一船小而人亦無多無復有匪徒藏匿其內則彈壓亦不須大員矣是以河臣常計開封誠以黃河工爲重也然黃河即在開封城外距城只二十餘里河南撫臣極可兼顧且撫臣本有兼理河務之責若將河南河工交河南撫臣兼辦山東河工交山東撫臣兼辦於事理極爲允協不至有鞭長

莫及之慮臣初履任時卽思維及此時因東省方有治河之議果其興工則事關兩省誠須有大員督辦是以未敢遽卽請裁此缺今既未舉大工再三揆度總河實非必不可少之官莫如裁汰以期省費省事臣披閱舊牘見同治元年御史劉其年卽有請裁總河之奏二年親王僧格林沁亦有此奏奉 旨交議經前河南撫臣張之萬以詳加體察再行奏請覆奏以至於今臣揣之萬之意亦祇因山東河勢未定撫臣或不能兼顧耳今又閱數年臣詳加體察目前東省臨黃皆係民堰已無官工並運河皆可歸於巡撫兼管豫省黃河距省極近亦可由巡撫兼管山東撫臣丁寶楨署撫臣文彬皆在山東多年於河工極爲熟悉河南撫臣錢鼎銘講求河務利弊已及三年與臣同心併力克奏安瀾以之兼辦運河黃河皆綽有餘裕斷不至於貽誤夫總河雖不爲冗員然分併其事於撫臣而不至於貽誤則亦不必定設此總河之官縱慮將來山東仍有黃河工程或非巡撫所能兼管顧其事尙遠目前總河可暫裁但關防不必銷毀封存藩庫如果數十年之後情形又復不同仍設總河亦甚易也臣去年曾有添設泉河通判之請今乃請裁總河兩事似爲不類因泉河分隸十七州縣散而無紀必須有專員以責其成是以增設通判黃河運河本分兩省公事少於昔年改由兩省撫臣兼辦洵爲簡易是以擬請裁汰總河皆係酌度時宜不敢逞其臆見可否仰懇 飭下吏工兩部會議如臣言可採荷蒙 允准施行所有河工候補人員應如何分撥河標各營應如何分隸及未盡事宜容臣另行會同兩省撫臣妥議具奏所有敬陳管見緣由理合恭摺具陳伏乞 皇上聖鑒謹奏 硃批五年廣東巡撫鄭嵩奏爲 國家設官如督撫同城一條急宜酌量變通謹就 閩歷所及推論其源流而究明其得失恭摺仰祈 聖鑒專摺查明永樂初潯桂柳三府變亂遣給事中雷瑱巡撫廣西爲巡撫之

名所自始景泰三年潯橋獠亂廷議以兩廣宜協濟應摺乃設總督是總督巡撫二者皆肇端於兩粵終明之世以十三布政使爲定員而總督巡撫或分或併或設或罷大率與兵事相始終成化以後建置日繁如京東北一路有薊遼總督保定總督宣大總督又有順天巡撫永平巡撫保定巡撫遼東巡撫宣府巡撫大同巡撫天津巡撫密雲巡撫開府相望然考其時督撫駐紮地方從無同城者保定添設總督而保定巡撫別駐真定宣大分設巡撫而宣大總督別駐陽和至兩廣督撫沿革其初分設巡撫而後改設總督天順二年遣右僉都御史葉盛巡撫兩廣則又稍易其名成化元年又以總督兼巡撫嘉靖中添設廣東巡撫總督祇兼巡撫廣西由梧州移駐肇慶隆慶三年又添設廣西巡撫總督改兼巡撫廣東是兩廣總督巡撫明時亦未嘗兼設 國朝以來總督巡撫著爲定制中間小有裁併而視明世紛更變易規模固遠勝矣其督撫同駐會城者三曰福建曰湖廣曰雲南本不同城而後移駐會城遂成定例者一曰兩廣推原立法之始地方吏治歸各省巡撫經理聽節制於總督而總督專主兵是以河南山東山西專設巡撫卽不復設提督爲不欲使武臣主兵而巡撫又不得統轄提督故爲巡撫兼銜直隸四川甘肅專設總督仍兼巡撫銜大致以兵事歸總督以民事歸巡撫此 國家定制也而巡撫例歸總督節制督撫同城巡撫無敢自專者於是一切大政悉聽總督主持又各開幕府行文書不能如六部尙書侍郎同治一事也而參差枘槿之意常多道光之季兩廣蘊孽已深叛匪一起亂民從之如歸蔓延徧及東南而皖豫之捻匪陝甘之回匪乘之以逞爲亂者皆民也則各省撫臣之失職多矣額設營兵多或六七萬人少亦萬餘人竟不得一兵之用鎮將參游循資超擢任爲將帥者更無一人所用以轉戰者皆勇也而兵爲虛設積久又益加累歲糜錢糧千餘萬相

與處之怡然則各省督臣之失職尤甚矣而自軍興以來江忠源胡林翼羅澤南李續賓及今劉長佑曾國  
荃劉坤一劉嶽昭等皆以司道主兵或積力主督撫兵權日分總督僅守虛名而例定分年查閱營伍考覈  
將弁均係總督專政出巡之日爲多兩省情形亦資周覽軍興數年此典竟廢同治元年兵部議奏御史陳  
廷經變通營制一摺奉 旨江蘇浙江安徽江西陝西湖南廣西貴州等省各鎮協武職陞遷調補暫由巡  
撫辦理工總以下徑由巡撫咨報部所有校尉營伍考覈將弁並本省籌辦防剿卽專責成巡撫經理其  
總督兼轄省分軍政考覈徑由巡撫就近督考會同司道至巡撫同城者仍照舊章辦理等因欽此因查一  
省千餘里之地能考求其利病周知其情狀已難其人至於兼轄省分原不過奉行文書周旋應付稍求整  
頓隔閡必多所以議歸巡撫經理蓋亦窮而必變之勢也而與總督分省之巡撫軍政民事一聽主裁與總  
督同城之巡撫軍政既不得與聞民事又須受成總督一則虛列其銜一則兩操其柄是從前督撫同城名  
存而實去者僅一巡撫自頃數年則督撫之名實兩乖而巡撫乃尤爲失職臣請析其得失利病爲我 皇  
上一陳之傳曰天下之動貞乎一者也惟其一也故能齊百姓之耳目而定屬吏之從違宋置監州而兵以  
弱明置巡按而政以肅知道者惜之然於政之所出猶未有分也督撫同城愛憎好惡之異情寬嚴緩急之  
異用同爲君子而意見各持同爲小人而講張偪出如舉一人也此譽之彼毀之則是非淆劫一人也此達  
之彼近之則趨避易徒令司道以下茫然莫知適從其君子逶迤進退以求兩無所忤其小人居間以達其  
私 國家定制錢糧及陞調缺員總之藩司刑案總之臬司督撫專任其成本不易有所設施而又水火交  
攻戈矛互進是 皇上設官以求治也而督撫同城乃萬無可言治今使一縣而置兩令一郡而置兩守必



不能以安矣此理勢之固然者也臣自道光二十七年通籍假歸過武昌目悉吏治之偷氣習之深心憂其將亂其後五年而亂作前後督撫殉難三人伏誅二人被劾四人賴胡林翼開立規模風氣爲之稍變雲南之亂則既成矣前督臣張亮基每言及撫臣徐之銘奉掣情形輒至慨歎而各直省吏治人心之儆閩粵爲尤甚細究其由來數十年瞻顧因循釀亂保姦竄以督撫同城之故以言其事既如彼以言其效又如此歷來同城督撫互懷猜忌相爲敵讎獨於公事一切雍容坐視求免於嫌怨承平日久循例守職亦庶幾可以寡過處多事之時承積疲之裕而多所牽掣苟安無事謂之和衷 明廷獨爲賴之自古中材多而賢人少皇上委任疆吏但使中材足以自守其間一二賢者弛張以時自可相維於不敝督撫同城則賢者永不得有爲中材亦因以自廢此臣所謂急宜變通者也近年雲南督撫皆浮寄境外一無憑藉臣愚以爲雲貴總督一缺宜暫停罷資成巡撫剿賊以一事權其閩浙兩廣總督則或援照明制兼併一員福建情形臣不能知其詳廣東督撫兩標及兩署書吏分別裁併營政吏治關稅鹽務四者未嘗不可整飭權分則時多乖資專則事易集不獨於地方補益甚鉅其有裨於 國家之經費亦必多矣臣伏見明臣韓雍在兩廣總督任內疏言兩廣地大事殷請裁總督東西各設巡撫當時立見施行韓雍請分其責於兩省今臣請重其任於專城義取因時事亦同揆臣撫粵兩年於地方利弊源流知之頗悉懷此欲陳久矣又慮語言稍涉切直或疑其有他意是以欲言復止今旦夕交卸以切身之閱歷求及時之變通用敢推明得失利病之原上備 聖明採擇可否仰邀 天恩飭軍機大臣吏部兵部會議並交各督撫公同核議以求妥善之處伏祈

聖鑒施行 奏知書屋全集



馮桂芬汰冗員議周禮設官分職鄭註謂各有所職而百事舉有是官始能舉是事無是官即不能舉是事而後是官不可廢不然者皆冗員也 國家多一冗員不特多一糜廩祿之人即多一賸民膏之人甚且多一債國是之人亦何苦而設此累民累國之一位哉今之冗員多矣不冗於小冗於大不冗於閒冗於要不冗於一二冗於十百試備言之漕運衙門夫南漕三百餘萬石耳彼富商大賈挾數百萬之資致數十里之遠踰山涉淵艱難險阻有數倍於運道富者曾不假尺寸之勢什伍之衛而不慮不達矧煌煌然 天庾正供耶脫無漕督以下各官經過之地有郡縣有營汛有河員莫非王臣將袖手而聽其不達耶 朝廷之力乃不富商大賈若耶天下有非常大事而於理不可通者此類是也令制漕督以少司馬令行臺開府握兵符控制七行省豈不巍巍然大官哉夷考其職不知何所為也攷漕營始於明隆慶間漕撫方廉為備倭患而設厥後因而刪久乃忘其所自始漕督所轄衛弁三百標兵二千煖衣飽食安坐無事將約束水手耶萬艘綿延千百里鞭長不及將做備不虞耶不足以當肱腋探囊之盜矧其夫者復有旗丁一項然則費糜 國帑需索漕船之外無餘事矣是為一最大冗官至糧道一官於公事無絲毫之益蓋一臨倉庫州縣陋規取盈而去州縣倚為護符彈壓生監恫喝平民以為陋規之酬然則所謂公事者助旗丁勒索州縣助州縣魚肉小民而已今河運不可復漕督糧道更無所用此外又有督糧同知管糧運判主簿之類皆坐食漕規不與漕務此漕督下一切官弁兵丁之必宜全裁者也一河務衙門兩河歲修 百萬費用不過十之一二耳其餘皆河督以至兵夫瓜剖而豆分之開馴謹河員常以十之三辦工貪官者遞減甚有非狃險不使一錢者夫既不辦工自以并歸地方為便至河兵之制創自

國朝初設時其人皆諳習水性持土石與波濤爭勝合龍下埽不失尺寸故辦工不調民夫今皆不然  
是河兵亦毫無所用此河督以下一切官弁兵丁之必宜全裁者也一各關監督體統與督撫均糜費繁  
多故視道府兼管之關徵收信糧織造公事更簡故諺謂之喫飯官至各口監督稅課更尠能如另議概  
撤各關大善卽不能儘可歸督撫委員兼理康熙六年以王熙言裁關差歸并地方官此監督織造之必  
宜全裁者也一鹽務衙門鹽鐵置使由來已久運使固不可省至鹽政領之督撫已足至運同運副提舉  
等官或有或無毫無深義大使似州縣非州縣亦兩歧惟各場邊關不可無官可移吏目巡檢駐劄兼理  
鹽事但存運同或運副一人爲運使之屬驅策奔走可矣此鹽務中同副等官之必宜量裁者也一督撫  
司道攷郡縣之始守令而已令準古大小侯守準古方伯連帥其官重矣後世始設監臨官守權漸輕至  
有道司有督撫而守令等於輿臺非重親民官之道也督撫始於明不常置後乃爲專官總督多至十二  
人巡撫號至二十九人 國朝多并省而例亦不一督撫或並設或偏設並設者不必治偏設者不必不  
治是督撫可省其一大省督兼撫如直隸等省小省撫兼督如山西等省爲便各直省以布政司爲主又  
設按察司掌刑名按劾之事而刑名不過視成按劾久無其實可并之布政又各道本布按之副兵巡鹽  
糧各分一職無非贅疣折中之法酌以三四府設一員兩司各道之事而上其成於督撫至郡縣皆以  
各設一副爲限制此督撫司道以下各官之必宜量裁者也一京官六卿九列後先奔走備員品而壯觀  
瞻 帝者上儀固不能概從簡陋且從古已然宜仍舊貫惟東宮不設安用官屬詹事府可併歸翰林院  
以副名實科道爲耳目之官宜多不宜少然今制八十人之中仗馬寒蟬居大半何取乎具臣不如減額

之半而許科甲出身之中書以上及外任司道言事殆不啻八十人之效也有可采耶固拾遺補闕之攸  
實無可采耶亦詢事考言之一法其餘閱曹亦減其半內務府糜費更多必應大減康熙二年裁苑馬寺  
三十七年裁上林苑編檢在二十名外者部曹五年內不能補闕者概令回籍元山長一以廣教化一以  
示體卹爲兩得之術此京官之必宜量裁者也一內外武職王公將軍都統之外提督十三人總兵六十  
二人亦大官太多又如準部回部新疆各官亦太多率多養尊處優惡勞好逸能糜帑不能殺賊宜無論  
大小皆減其半此內外武職之必宜量裁者也恭攷會典內文武官共二萬七千餘員其編檢庶吉士  
侍衛以及準部回部官無定員者不與焉我朝設官於古不爲多而大官之多爲漢以來所未有國  
家鼎盛之時物力豐盛雍容揖讓無形之弊人所不覺今則自微而著有不能不大加芟薙者而節費固  
其小焉者也校罪虛抗議

薛福成敘督撫同城之損 國朝例設總督八缺巡撫十五缺近又添設新疆巡撫一缺而移福建巡撫  
於臺灣當未移以前凡督撫同城者四閩浙總督與福建巡撫同駐福州湖廣總督與湖北巡撫同駐武  
昌兩廣總督與廣東巡撫同駐廣州雲貴總督與雲南巡撫同駐雲南厥初總督不常設值其時其地用  
兵者設之軍事既平遂不復罷亦俾與巡撫互相稽察所以示維制防恣橫也然一城之中主大政者二  
人志不齊權不壹其勢不得不出於爭若督撫二人皆不肖則互相容隱以便私圖仍難收牽制之益如  
乾隆間伍拉納浦霖之事可睹矣若一賢一不肖則以小人惑君子力常有餘以君子抗小人勢常不足  
卽久而是非自明賞罰不爽而國計民生之受病已深如康熙間噶禮張伯行之事可睹矣又有君子與

小人共事不免稍事瞻徇者如乾隆間孫文淦許容之事可睹矣若督撫皆賢則本無所用其牽制然或意見不同性情不同因而不能相安者雖賢者不免曾文正公與沈文肅公葆楨本不同城且有推薦之誼尙難始終浹洽其他可知矣郭侍郎嵩燾於去廣東巡撫任時疏陳督撫同城之弊謂宜酌量變通言甚切至茲余姑就見聞所述之吳文節公文鎔總督湖廣時粵賊勢方張爲巡撫崇綸所齟齬迫令督師出省而隱掣其肘軍械糧餉皆缺文節由此死綏武昌旋陷厥後惟胡文忠公與總督文恭公官文相處最善爲天下所稱誦文忠既沒文恭劾巡撫嚴樹森去之威毅伯曾公國荃爲巡撫又劾去文恭曾公亦不安其位以去迨伯相合肥李公總督湖廣爲巡撫者本其屬吏諸事拱手受成李尚書瀚章繼之一循舊轍又在位日久自此巡撫幾以閒散自居而督撫無齟齬政權無紛撓矣郭侍郎之巡撫廣東也適故相瑞麟以將軍遷總督頗贖貨賣官治軍尤畏愆侍郎心弗善也上疏微糾其失以無與援罷去蔣果敏公益濫爲巡撫英銳喜任事瑞麟心憚之嚴劾蔣公去職因愈專橫無顧忌其後英翰爲總督以允闈姓繳捐事爲巡撫張兆棟所劾罷近今張尙書之洞總督兩廣與歷任巡撫皆不相能 朝廷至今兼攝巡撫以專其任則督撫同設之無益亦可概見矣咸豐同治間徐之銘巡撫雲南爲叛回所脅制復倚回寇以自固殺升任陝西巡撫鄧爾恆於境上張尙書亮基爲總督至引疾求退以速出滇境爲幸潘忠毅公鐸爲總督方圖以回攻回之銘洩其謀忠毅遂遇害光緒初年總督劉嶽昭與巡撫岑襄勳公毓英不相能輿論皆不直總督寔三罷黜潘鼎新巡撫雲南盛氣陵總督劉武慎公長佑頗蔑視之劉公鬱鬱上疏求去 朝廷罷鼎新慰留劉公此皆督撫不能相容之明證也福建督撫之外又有將軍及船政大

臣政令歧出尤不能畫一自巡撫移臺灣復裁船政大臣而總督兼理船政及巡撫事未始無裨於政體  
余謂湖北廣東雲南三省皆可廢巡撫而以總督兼理如福建之例不特此也各省之道府同城者皆  
可廢知府而以道員兼理其事庶幾紛爭之釁可弭民生吏治受益多矣竊攷宋代節度安撫稱使皆兼  
知一府故雖使相亦稱大府此誠意美法良非近制所及者也夫尊如督撫尙可兼知一府然則以總督  
兼巡撫以道員兼知府事尙何不可之有海外文編

光緒二十四年上諭國家設官分職各有專司京外大小各官舊制相沿不無冗濫近日臣工條奏每以裁汰  
冗員爲言雖未必盡可准行而參酌情理實亦有亟當改革者朕維授事命官不外綜核名實現值開創百度  
需款孔多度支歲入有常豈能徒供無用之冗費致碍當務之急需如詹事府本屬閒曹無事可辦其通政司  
光祿寺鴻臚寺太僕寺大理寺等衙門事務甚簡半屬有名無實均著卽行裁撤歸併內閣及禮兵刑等部辦  
理又外省如直隸甘肅四川等省皆係總督兼管巡撫事惟湖北廣東雲南三省督撫同城原未劃一現在東  
河在山東境內者已隸山東巡撫管理河南河工由河督專辦彼此情形多有不同著將督撫同城之湖北廣  
東雲南三省巡撫並東河總督一併裁撤其湖北廣東雲南三省均著以總督兼管巡撫事東河總督應辦事  
宜因歸併河南巡撫兼辦至各省漕糧多由海運河運既屬無多應征漕糧亦多改折准鹽所行省分亦各分  
設督銷其各省不辦運務之糧道尙無鹽場僅管疏銷之鹽道亦均著裁撤歸各藩司各巡道兼理此外如各  
省同運佐試等官有但氣水利鹽捕並無地方之責者均屬閒冗卽著查明裁汰除應裁之京外各官本日已  
降諭旨及裁缺之巡撫河督京卿等員聽候另行錄用其餘京外所有應裁文武各缺及一切裁減歸併各事

宜均着交大學士六部及各直省督撫分別詳議趕辦仍將所議情形迅速具奏內外臣工卽行遵照切實辦理不得藉口體制攸關多方阻撓並不得以無可再裁敷衍了事至各省設立辦公局所名目煩多無非爲位置閒員地步薪水雜支虛糜不可勝計迭經諭令裁撤乃竟置若罔聞或任其奸員劣幕舞文一奏塞責殊堪痛恨着各督撫凜遵前旨將現有各局所中冗員一律裁撤淨盡並將候補分發捐納勞績等項人員嚴加甄別裁汰限一個月辦竣覆奏似此實力剔除庶幾庫款漸裕得以宏振新規斷不准瞻徇情面陽奉陰違致干咎戾當此國計艱難朕宵旰焦勞孜孜求治詎書敢勉動以至誠爾在廷諸臣及封疆大吏等具有天良尙其仰體朕懷力矯疲玩積習一心一德共濟時艱庶幾無負委任若竟各挾私意非自便身圖卽見好倣屬推諉因循空言搪塞必當予以重懲決不寬貸欽此

邸鈔

又諭詹事府通政使光祿寺鴻臚寺太僕寺大理寺等衙門現已裁撤所有各該衙門一切事宜當併歸內閣六部分辦著大學士六部尙書侍郎卽行分別從速妥議限五日內具奏

邸鈔

大學士李鴻章等覆奏竊惟裁併官職誠爲今日當務之急然各衙門承辦多年另改舊規非取其素有交涉者以類相從不足以臻妥善謹案會典內載詹事府掌文學侍從擬請歸併翰林院通政司掌納各省題本擬請歸併內閣光祿寺恭辦典禮及燕勞薦饗鴻臚寺掌朝會燕饗擬請歸併禮部太僕寺掌牧馬政令擬請歸併兵部大理寺掌平天下刑名擬請歸併刑部惟歸併之後事既更張有同新創其中頭緒繁多一切事宜非倉猝所能遽定應由各該衙門移取職掌文卷悉心校閱體察情形斟酌辦理另行詳議具奏庶名雖改而實猶存不至冒昧從事致滋貽誤以仰答我皇上宵旰焦勞孜孜求治之至意如蒙 兪允

由臣等即日行知各該衙門隨時具奏  
又奏再通政司歸併內閣臣擬派滿蒙漢  
鼓撥請移都察院設立鞫同批文之通政  
員派充大理寺業已歸併刑部內閣所票  
應由吏部查明照例題奏聽候 錄用其  
地址應留作中小學堂及各項公所合併  
又 諭翰林院侍讀學士徐致靖奏冗官既  
又 諭河東河道總督一缺前經降旨裁撤  
又 諭現在裁撤各衙門業經分別歸併所  
於鐵路礦務總局酌設大小官數缺以備將  
又 諭孫家鼐奏遵議翰林院侍讀學士徐  
當朝廷振興百度自應博采衆論廣益集思  
職遇有對品之卿缺並翰林院衙門對品缺  
應如何詳立條款著爲定例著該部妥議具  
又 諭前經降旨裁撤詹事府等衙門並諭  
切裁減除併各事宜分別詳籌籌辦迅速具



衙門應裁文武各缺尙未據將籌辦情形具奏應再申論該大學士六部尙書侍郎及各省督撫等遵遵前旨將在京各衙門冗員缺何者應裁應併速即切實籌議外省道員以及通同佐貳等官及候補分發捐納等項人員認真裁併並嚴行甄別沙汰其各局所冗員一律裁撤淨盡本日據戶部代遞主事吳錫樞條陳內稱漕督所轄衛所各官既係武職並無管帶漕糧之兵名實殊不相符所有軍田可以撥歸各州縣徵收等語此項人員本在應行裁併之列卽著該督撫等妥速議辦並漕督一缺究竟是否應裁亦著兩江總督江蘇巡撫一併詳議具奏至京外已裁實缺候補各員應如何分別錄用及飭令回籍候缺著妥議條款請旨辦理該大學士尙書侍郎督撫等務當從速籌辦不准稍事遷延尤須破除積習毋得瞻徇情面用副朝廷綜核名實之至意將此通諭知之以上均邸鈔

按二十四年 諭旨裁汰各官卽於是年十月中 諭旨復舊

二十七年兩江總督劉兩湖總督張奏盡更害政相沿已二千年今仰蒙 乾斷一旦剷除天下臣民無不欽頌臣等歷年所見部文不過查核舊案核算數目從未論及事理下等司官皆優爲之其准者不過曰與某案尙屬相符尙屬實在情形其駁者不過曰與舊案不合窒礙難行間有援據古今發爲議論指陳事理語有斷制者則必係司官秉筆或經堂官改定一望而知決非經承稿書所能爲然則此輩一無所爲但工作弊索賄至外省各衙門書吏弊竇亦多若督撫衙門之兵房藩司之吏房戶房州縣之糧戶房稅契房皆所不免而州縣爲尤甚緣兵費以後魚鱗册多已無存催徵底册皆在書吏之手緩欠飛灑弊混極多把持州縣盤剝鄉民稅契一項包攬隱匿官無如何其實無論大小衙門書吏伎倆皆極庸劣凡緊要奏牘咨札詳

或本官親自屬稿或委員幕友擬稿從無書吏能動筆者所能爲者不過例行公事依樣畫廬而已若各局文件多非循例之事則皆係委員辦稿至清書則滿紙俗別謬誤脫落尤爲惡劣實於公事有妨正擬推闡諭旨之意將外省書吏積弊大加整飭昨讀電傳邸鈔已奉明諭將各省書吏概行裁汰自應欽遵辦理茲擬將各省書吏一律汰除改用委員其額設辦稿經承督撫司道知府直隸州衙門用本省候補佐貳雜職爲之稱爲稿委繕寫清書用本省生員爲之稱爲寫生惟各衙門清書人數甚多如生員可選充寫生者一時不能足數則於生員之外就該衙門清書中挑選謹慎守法者充作書手稱爲貼寫生同通州縣首領佐貳教職衙門則稿書用生員如生員不敷則監生童生亦可稱爲稿生清書另雇讀書安分之書手爲之亦稱爲寫生所以必改名爲生者以示改用士人之意緣書吏一項久已爲世詬病人既視爲不足重吏亦遂不自重而輕於犯法今一律改用士人極其名目則稿生寫生皆有顧惜廉恥之心化去執法營私之習督撫司道知府衙門書吏向有飯食津貼各項銀兩卽以撥充稿委寫生薪水之用州縣等衙門應就地籌款以臣等所到各省論之其候補佐雜文理通暢心地明白而無差困苦者甚多足數稿委之用查委員辦稿乃古人州郡有大書掾屬之意生員繕寫乃鄉會試謄錄用生員之意似此辦法中等省分可用佐雜百餘人生員千餘人大省加多既可候補人員練習公事又可爲本省寒士開一生計實屬一舉數善惟此項裁除書吏皆係世業擬請按已滿吏加等給與官職並將其每年應得飯食津貼之數發給兩年令其自謀生理以示體恤州縣書吏令其自行酌賞如虛新換稿生寫生等一時未能熟習或由各省自行酌量情形分爲兩年裁汰惟各州縣戶房糧房藏匿收捐底冊以爲居奇最爲藐法可惡今聞將裁汰必多抗

置不交甚且別造僞冊州縣按照申稟原不難於清查但恐繁細需時於催科稍有阻礙擬請將各省州縣戶房糧房應分爲數年裁汰由督撫體察情形一年先辦六七縣或十餘縣擇其易於清理者辦起如該吏有敢抗匿銷燬糧冊者卽行奏請正法俟辦有規模卽可一律推行永除要官賤民之弊矣至各部則例亦擬請 敕各部臣刪繁就簡因時制宜以省虛文而收實效應願既省則以吏爲師者自無所藉口矣臣等兩廣總督陶模奏爲請除數千年之弊政以光盛治謹陳管見仰祈 聖鑒事竊維國家興衰繫乎主德自古人君未有親君子而不致治者未有親小人而不致亂者治亂之幾不可不察也夫以人民之衆事幾之繁遠而外國近而宮廷悉待治於一人之身位則至尊而事實至難誠知其難雖日進正直明智之士討論於前猶懼未足以應萬幾而乃以小人間之則天下之不危者幾何蓋小人者豈必皆大姦大惡但使不讀經史不識道理惟伺人主之喜怒爲向背則朝夕侍側卽足以損君德於無形夫廷臣雖有不肖人主無由而近之其得以常近人主者惟宦官而已人主與宦官日近必與賢士大夫日疏德之不明過之不聞內外之相隔上下之不通莫不由此是以宦官干政之禍史不絕書至其有關君德者其幾甚微而爲害尤烈我朝家法嚴明二百餘年從未有內監預聞政事致治之盛往古所無然臣謂除弊當如除莠留其芽孽終恐發生不若絕其根株永無滋長在 皇上春秋鼎盛 聖德日新豈至習於近侍而爲億萬世計似有應煩 聖慮者伏思前代之用宦官蓋由妃嬪衆多之故我 皇上後宮減少左右使令本有宮女至 內廷各項差使悉可改用士人不必定須內監今者 乘輿西幸屢從內監其數尙多臣愚以爲宜及此時大加裁汰酌留忠謹者二三十人餘悉遣散 回鑾之後請 旨飭下王公大臣公同籌議定宮府一體之制永

不再選充內監則是數千年相沿之弊政至我 皇太后 皇上而始除非惟一時之感事亦千古之美談  
方今外務紛乘事機危迫誠如 聖諭欲求振作當議更張惟興革之事本非一端中外臣工當已陸續上  
陳微臣之意竊謂事有似細微而實重要者官官是也此等弊政若不早除何以爲變法自強之本且環球  
各國均無內監獨中國尙仍舊習彼中人恆相譏議若改此制則風聲所播各國傾心於樽俎折衝之事不  
無關係臣備職外臣不應妄言內政惟是受 恩深重未報涓埃冀竭愚忱以仰禱 聖治於萬一伏乞  
皇太后 皇上 聖鑒訓示謹奏 鳳鈔

二十八年河道總督錫良奏查黃河自咸豐五年改道北趨南河壩廢同治初年忠親王僧格林沁遂有請裁  
總河之奏奉 旨交部經前河南撫臣張之洞以詳加體察再行奏請尋奏至同治十一年山東黃河工程  
改歸山東撫臣兼辦河臣責任稍輕前河臣喬松年復有請裁總河之奏奉 旨交議部臣以未便裁撤覆  
奏蓋彼時河運未廢河臣兼有黃運總河之責關係緊要故也今既漕米改折運河從此無河臣所司僅止  
豫省兩岸隄工事甚簡易雖有桃伏秋澆四汛惟伏秋兩汛爲重餘皆次之如能料石籌積有素自可有備  
無虞故奴才到任以來專以購備石方爲急然此區區之屢畫俾之撫臣足可兼顧擬請將河東河道總督  
一缺卽予裁撤仿照山東成案改歸河南巡撫兼辦撫臣本有兼次河道之責無可委卸且事權歸一辦理  
尤覺裕如非僅爲節省廉俸起見也此河道總督之宜裁者一也河運既停山東運河道一員同知二員通  
判四員佐貳雜職五十二員額夫二千七百餘名幾成虛設似應酌量裁汰惟該處關壩甚多專司蓄洩以  
通商運而衛民田擬請將兗沂曹濟道移駐濟甯兼辦運河事務其歲修河工改歸地方官辦隨時由山東

撫臣專派委員經理免致虛修經費又入州縣之私囊致運河日久淤塞此運河官員夫役宜酌裁者一也  
河標向設中左右三營專爲護運計中營副將一員都司一員千把外委九員額兵二百九十六名左營參  
將一員守備一員千把外委九員額兵三百八名右營遊擊一員守備一員千把外委九員弁兵三百一十  
一名河運既停既無催趨之勞又無護送之責自應裁汰惟官弁兵丁將及千人遽予擴棄未免可憫擬請  
將官弁兵丁分限五年陸續裁減其官弁歸入山東撫標當差遇缺補用此河標中左右三營宜分限陸續  
裁汰者一也河標向設城守營專司捕盜彈壓地方計都司一員守備一員千把外委六員額兵三百九十  
七名又運河道屬運河營專司修防計守備一員協備一員千把外委十三員河兵三百八十名以上二營  
應否裁留者一也河南河工向設南北兩道八廳計巡守地方兼理河務道二員專管河工同知五員通判  
二員佐貳雜職二十三員又豫省河營都司一員守備二員協備五員千把外委十九員額兵一千二百四  
十九名專司修工防汛關係至重以上各員名應請仍舊此河南黃河文武員弁兵丁應全留者一也以上  
裁各員如運河道係簡放之缺本缺裁後擬請由軍機處開單請旨簡放其外補文武各員弁應由所  
屬省分歸入裁缺卽用缺內照例序補以免向隅抑奴才更有請者運河爲南北關鍵漕運雖停河道仍不  
可廢必須逐歲認真挑修務使河水寬深隄堰鞏固方能商賈流通之益農田無漫溢之虞應請旨勅  
下山東撫臣嚴行責成該管地方印委各員照常加意修濬不得以無關運道遂作緩途惟如何釐定功過  
章程由山東撫臣奏明辦理

政務處會同吏兵兩部覆奏竊維黃河改道以來直隸山東兩省修守工程久歸督撫管理山東工段之長

險工之多視豫河尤爲繁重東省既可由撫臣兼管豫河似不必專設督臣今之論裁官者每以河漕兩督所屬員弁爲言現值整頓官制力除冗濫之時臣等正擬咨行各省疆臣體察情形核實裁減而錫良已先有此奏該河臣現任河道總督兼署河南巡撫其言由於身親目擊自屬確實可憑所擬宜裁宜留及分別緩急各節籌畫甚爲詳明白應如所請行並請 飭下該河臣即將裁併各事宜一手經理足昭妥慎俟諸事辦有頭緒卽由該河臣奏明請 旨開缺其裁汰各員弁吏部查裁汰各員應歸裁缺卽用班內補用該河督所奏既經政務處核議准如所請其裁汰現任文職各員應俟該河督裁併覆奏到日臣部再行照例分別辦理兵部查該河督奏請陸續裁汰河標三營武職官弁豫省兩岸隄工改歸河南巡撫兼辦政務處既經議准俟該河督覆奏後再由臣部將裁缺人員照例辦理其應裁兵丁既據該河督奏請分限五年陸續裁減應如所奏辦理所有每年裁減兵丁數目應令分年報部以備查核運河道缺既裁該處開闢甚多專司漕漕所請查沂曹濟道移駐濟寧兼辦運河事務係爲兼顧河防起見及河標城守營運河道屬運河營兩營弁兵應否裁留之處應並請 飭下山東巡撫察酌辦理奉

上諭政務處會同吏部兵部奏遵議河東河道總督錫良奏陳河工變通事宜一摺黃河改道以來直隸山東兩省修守工程久歸督撫管理錫良原奏所稱漕米改折運河無事河臣僅司堤岸撫臣足可兼顧等語該河督身親目擊自屬確實可憑所有河東河道總督一缺著卽裁撤一切事宜改歸河南巡撫兼辦另片奏宜裁宜留及分別緩急各節均著照所請行仍責成錫良將裁撤各事宜一手經理俟諸事辦有頭緒再行奏明請 旨至裁汰各員弁及應裁兵丁著吏部兵部隨時查核辦理至現既裁撤總督請將查沂曹濟道移駐濟寧分

管營運事務並河防城守營運河道各河營弁兵應否裁留及此後運河修濬事宜著山東巡撫察酌地方情形詳議具奏

又諭詹事府係沿前明官制名實本不相符即著歸併翰林院昨已將吏部請簡漢庶子兩缺摺件留中嗣後出有該衙門滿漢各缺均著扣除毋庸奏請簡補至通政司專管題本現在改題爲奏其官缺著一併裁撤各官缺出照詹事府辦理該衙門官署著留爲改建翰林院之用所有未盡事宜各衙門妥議具奏

又倉場侍郎榮慶等奏倉儲出納倉向有御史一員專任稽查按年更換原以從前京通十餘倉坐落既非一處而各倉糧米存積尤多每屆兌收南漕倉臣於春夏兩季必須移駐通州其餘各倉收放事宜督察勢難遍及所以各倉均有稽查御史一員責任亦云重矣然歷來倉弊之深虧空之鉅罕有經查倉御史摘發者蓋因御史與監督向無統屬呼應不靈臣等查舊例在京各倉或都統或副都統各派員專任稽查與御史同至乾隆五十九年始將都統副都統查倉之例停止道光年間銀庫虧案發覺將查庫御史裁撤各在案現在整頓京倉事事求其核實倉厥既經併歸漕運亦已改章米數無多稽查較易隨時由倉臣就近責令監督各員遇事盡心自可消除積習如有花戶人等仍前舞弊則監督責無旁貸一經部臣倉臣與科道各員訪聞確實人人可以奏參較之以確查之任專責之查倉御史一人者更爲有益臣等於本年業經奏請將簡派抽查漕糧御史二員撤回茲復將各處倉厥酌量歸併所有擬定裁撤之通州中西兩倉城外儲濟本裕兩倉又擬暫不裁撤之城內北新海運兩倉及留爲南漕米棧之城外太平一倉目前既不儲米自應請旨將各倉稽查御史撤回至現擬留用之祿米南新富新興平舊太豐益等大倉臣等體察情



形亦無須專派御史惟事關更改舊例可否將祿米等倉批查御史一併撤回並准此後停止 簡派之處  
臣等未敢擅便伏候 聖裁奉 硃批著照所請

又 諭御史吳鴻甲奏請裁併三庫並陳銀庫積弊及庫吏需索解費情形各摺片著戶部議奏

管部大學士榮祿等議覆查原奏內稱三庫蠹弊以銀庫爲最其郎中一缺任滿輒挾資數十萬員外郎以  
下次之此款率取之庫書之平庫書之下有庫丁又有保護庫丁者無不以財自蒙則庫丁庫書得贓之多  
可想上年庫房悉燬戶部僑設北城所積帑餉惟添派漢司員數人助司筭鑰雖事屬權宜尙無弊竇向時  
庫書庫丁等人一概未用此正廓清積弊之時所慮戶部工竣之後一切規復舊制或並三庫二百餘年之  
蠹弊而盡復之應祈 宸衷獨斷舉銀庫郎中等缺立予裁罷以管庫之任責成戶部堂官擇本部滿漢實  
缺郎員資深而廉靜者遞司其事作弊之人悉去則作弊之法悉除又片奏外省餉員到京不敢遽投公文  
必先尋銀庫書吏講明規費交訖後定期收納如未饜所欲必守候多日及收納之時又上下其手每秤千  
金輒補數十兩若內務府等衙門則規費無定需索更苛委員搭解此項銀兩奔走關說尤以爲苦部庫苟  
能整頓應先禁解餉索費及入庫浮補之弊內務府稱經費各項雜款銀兩可否 飭下各省悉交戶部收  
由該衙門隨時赴部支領以歸劃一各等語臣等伏查銀庫顏料庫緞疋庫原隸於臣部其每年出入款目  
及折價銀數臣部本有總核之責故臣部左侍郎係管三庫因另有 簡派大臣管理是以一收一支向由  
三庫專司其事未嘗概歸臣部經理前年聯軍入城佔據銀庫不得已將京餉等項暫在臣部公所存儲卽  
派臣部司員經營從前庫書庫丁一概未用所有銀庫收支各項及收發文批搬運餉鞘等事卽督飭司員

賬同書手差役辦理自經營以來收支相符實存無虧尙約盈餘三萬餘兩該御史所稱尙無弊竇倘有可  
徵現在臣部衙署修葺庫工亦將告竣前係權宜管理仍須照舊移交竊慮交收以後難保不藉弊復作臣  
等正在詳慎會商設法整頓間適有御史吳鴻甲奏併三庫之奏竊維三庫積弊銀庫尤甚盡人皆知皆由  
庫書之需索庫丁之偷竊該御史謂作弊之人去則作弊之法除誠爲扼要之論方今時艱款絀籌餉萬難  
卽概絕贍餉亟清宿弊尙恐難資挽救何堪稍涉遷就再容營私舞弊之人暗蝕國帑理財爲臣部專責  
整飭部庫尤爲理財急務臣等不敢引嫌亦不敢避怨應請准如該御史所陳卽將庫書庫丁悉數革除並  
將銀庫郎中等缺裁撤所有銀庫一切事宜統歸臣部遴派妥員經理以專責成如蒙 諭旨允准再將裁  
併各節詳細繕圖定章程奏明遵辦再顏料緞疋兩庫存儲物件無多有吞取顏料緞疋者率係折價放  
給尤多不實不盡之弊現在既擬將銀庫歸併臣部亦擬將顏料緞疋兩庫一體裁併嗣後除專擬 上用  
各件外凡各物咨取之件如查明並無存儲均按照市價折銀給發以昭核實而省周折至內務府等衙門  
兌收經費雜款有無需索規費應由臣部飭該御史原奏知照該衙門自行查明辦理奉 旨依議以上  
均邸鈔

右裁汰

皇朝政典類纂卷一百三十八終

皇朝政典類纂卷一百三十八終

皇朝政典類纂卷二百三十九

職官二

封爵 宗室 聖裔 外藩 功臣 外戚 明代後嗣

宗室封爵十有四等一和碩親王二世子三多羅郡王四長子五多羅貝勒六固山貝子七鎮國公八輔國公九不入八分鎮國公十不入八分輔國公十一鎮國將軍十二輔國將軍十三奉國將軍十四奉恩將軍 天潢宗派以 顯祖宣皇帝本支為宗室伯叔兄弟之支為覺羅宗室束金黃帶覺羅束紅帶諸王授封以素行為封號和碩親王親王世子皆金寶龜鈕多羅郡王飾金銀印麒麟鈕 皇子生十五歲由宗人府請封其爵級出自 欽定通典

崇德元年四月始定王公以下九等爵以封宗室一等和碩親王二等多羅郡王三等多羅貝勒四等固山貝子五等鎮國公六等輔國公七等鎮國將軍八等輔國將軍九等奉國將軍敘兄弟子姪軍功封親王郡王貝勒有差通考

是年定庶子受封例凡 皇子係庶妃生者封鎮國將軍親王側室妾媵子封輔國將軍郡王側室妾媵子封奉國將軍通考

四年八月封宗室為固山貝子鎮國公輔國公鎮國將軍奉國將軍等爵有差通考

八年定親王以下九等爵授封年歲親王至奉國將軍子年二十列名具題請 旨授封通考

是年定親王以下九等爵襲封例親王至奉國將軍有薨故者其子弟即准承襲不必俟其歲滿若年及二十

未襲封者先與餘子同授封爵至襲封時仍予以襲封之爵如應襲之爵與前封爵相等即改授封爲襲封換給 誥冊通考

順治六年定宗室列爵十等親王一子封親王餘子封郡王郡王一子封郡王餘子封貝勒貝勒子封貝子貝子子封鎮國公鎮國公子封輔國公輔國公子授三等鎮國將軍鎮國將軍子授二等輔國將軍輔國將軍子授三等奉國將軍 以上鎮國輔國奉國將軍初封俱三等後遇加封至一等一等奉國將軍子授奉恩將軍郡王以上准襲封貝勒以下不准襲封通考

九年定王爵襲封例王爵必以適妃子承襲若適妃無子方准次妃子承襲通考  
謹按前所定親王郡王襲封降封未及適妃次妃所生受封之差等至是增定通考

十年定軍功所封郡王歲滿所封郡王襲爵例軍功封授郡王已經子孫承襲者如無親生子孫准親兄弟及親兄弟之子襲封至親王之子歲滿照例封郡王者有親生子孫准子承襲如絕嗣不准承襲通考

十八年更定歲滿所封郡王襲爵例歲滿所封郡王原係世襲王爵如有絕嗣者應否襲封奏請 欽定通考  
是年定王以下等爵庶子襲封例王貝勒貝子公將軍等有適室所生子照例襲封如適室無子准以庶出之子襲封通考

康熙九年 詔諸王襲封者即稱其祖父封號凡襲封之子孫即稱其祖父封號 冊寶俱無所更換但將承襲之名於原冊內增註通考

二十三年定親王一子封世子候襲親王餘子皆授貝勒郡王一子封長子候襲郡王餘子皆授貝子通考

謹按自順治六年定親王一子封親王郡王一子封郡王其時親王餘子封郡王郡王餘子封貝勒至是宗人府議減等授封奉 諭旨改定通考

二十七年定考試法王貝勒以下至奉恩將軍之子應授封者考試國語及馬步射優者封應得之爵平者降一等劣者降二等封授通典

乾隆八年定親王側福晉子考授二等鎮國將軍郡王側福晉子考授三等鎮國將軍貝勒側室子考授一等輔國將軍貝子側室子考授二等輔國將軍鎮國公側室子考授三等輔國將軍輔國公側室子考授一等奉國將軍親王妾媵子考授三等輔國將軍郡王妾媵子考授三等奉國將軍貝勒貝子妾媵子均考授奉恩將軍其餘妾媵所生子爲閑散宗室不授封通典

十一年定考試法其學業平庸者降等封授奉恩將軍無級可降如考試降等仍授奉恩將軍停俸三年通典  
十三年欽定親王以下封爵表凡爵十有四等和碩親王世子多羅郡王長子多羅貝勒固山貝子鎮國公輔國公不入八分鎮國公不入八分輔國公鎮國將軍輔國將軍奉恩將軍凡親王適子 特恩封世子候襲親王如未封與餘子同考授不入八分公世子適子授爵視親王餘子考授一等鎮國將軍郡王適子 特恩封長子候襲郡王如未封與餘子同考授一等鎮國將軍長子適子授爵視郡王餘子考授二等鎮國將軍貝勒適子降襲貝子餘子考授二等鎮國將軍貝子適子降襲鎮國公餘子考授三等鎮國將軍鎮國公適子降襲輔國公餘子考授一等輔國將軍輔國公適子仍襲輔國公餘子考授二等輔國將軍不入八分鎮國公適子降襲不入八分輔國公餘子考授三等輔國將軍不入八分輔國公適子降襲三等鎮國

將軍餘子考授三等輔國將軍一等鎮國將軍適子降襲一等輔國將軍二等鎮國將軍適子降襲二等輔國將軍三等鎮國將軍適子降襲三等輔國將軍餘子均考授三等輔國將軍一等輔國將軍適子降襲一等奉國將軍二等輔國將軍適子降襲二等奉國將軍三等輔國將軍適子降襲三等奉國將軍餘子均考授三等奉國將軍一二三等奉國將軍適子均降襲奉恩將軍餘子考授亦如之奉恩將軍適子仍襲罔替餘爲閒散

宗室通考

二十六年十二月奉旨定例降等遞封至奉恩將軍雖無可降之等然未經出缺以前其嫡妻所生之子年已及歲卽考試封奉恩將軍是多一奉恩將軍矣殊覺太優嗣後此等奉恩將軍之子應封時暫行賞給五品虛銜仍食原錢糧俟應襲之奉恩將軍缺出再行承襲永著爲例通考

三十九年又定親王世爵遞降之法親王遞降至鎮國公郡王遞降至輔國公貝勒遞降至未入八分鎮國公貝子遞降至未入八分輔國公鎮國公遞降至一等鎮國將軍輔國公遞降至一等輔國將軍俱世襲罔替通考

四十二年正月初十日 上諭閣臣曰睦親彰善王政宜先繼絕昭屈聖經所重朕自臨御以來閱日恭閱列祖 列宗實錄一册因得備知 祖宗創業艱難及爾時慈親 聖祖勤勞佐命底定中原偉伐殊功實爲從古所未有而當時策勛錫爵兼職兼封所以酬答者本從優厚迨其後或有及身緣事旋被降削者或有子孫承襲更易封號者迨今平情準理若不爲之溯述闡揚追復舊恩於心實有所未愜因念睿親王多爾袞當開國時首先統衆入關掃蕩賊氛肅清宮禁分遣諸王追襲流寇擬定疆圖一切創制規模皆所經營尋卽奉迎



世祖車駕入都定國開基以成一統之業厥功最著願以攝政有年威福不無專擅諸王大臣未克畏而忌之遂致歿後爲蘇克薩哈等所搆授款於其屬人首告誣以謀逆經諸王定罪除封其時我世祖章皇帝實尙在沖齡未嘗親政也夫睿親王果萌異志則方兵權在握何事不可爲且吳三桂之所迎勝國舊臣之所奉止知有攝政王耳其勢更無難號召卽我滿洲大臣心存忠篤者自必不肯順從然彼誠圖爲不軌無難潛鋤異己以逞逆謀乃不於彼時因利乘便直至身後以斂服僭用明黃龍衰指爲覬覦之証有是情理乎況英親王阿濟格其同母兄也於追捕流賊回京時誣報李自成身死且不候旨班師睿王卽遣員斥責其非並免王公等往迎之禮又因阿濟格出征時魯令巡撫李鑑釋免逮問道員及擅至鄂爾多斯土默特取馬會議其罪降爲郡王平日辦理政務秉公持正若此是果有叛志無叛志乎昨於乾隆三十八年因其瑩域久荒特敕量爲繕葺並准其近支以時祭掃然以王之生平盡心王室尙不足以慰彼成勞朕以爲應加恩復還睿親王封號追諡曰忠補入玉牒並令補繼襲封照親王固寢制度修其瑩墓仍令太常寺春秋致祭其原傳尙有未經詳敘者並交國史館恭照實錄所載敬謹輯錄添補宗室王公功績傳用昭彰闡宗勛至意又如豫親王多鐸從睿親王入關肅清京輦卽率師西平流寇南定江浙實爲開國諸王戰功之最乃以睿親王之誣獄株連降其親王之爵其後又改封信郡王雖至今承襲罔替但以王之勛績超邁等倫自應世胙原封以彰殊眷豈可以風影微眚輒加貶易乎朕以爲應復其原封又諸王中披堅執銳拓土開疆共成一統之業者如禮親王代善後改封康親王鄭親王濟爾哈朗後改封簡親王肅親王豪格後改封顯親王克勤郡王岳托後改封平郡王當時俱茂著壯猷克昭駿烈載在宗盟今其子孫所襲均非始封之名外人不知妄疑宗藩當國家

締造時有大勳勞而後裔均不得長延帶礪似為闕典即其本支承家慶以去祖漸遠幾忘其先世錫封之由弗克顧名奮效所係於宗室子孫者甚重況功臣世封內如揚古利之英誠公費英東之信勇公額亦都之果毅公俱以本號相傳其子孫承襲者各能溯勛開以宣偉績不失故家喬木之遺今以親賢世胄竟改其初封嘉號何以垂貽奕禩示酬庸追本之義乎朕以為應復其原號著交軍機大臣會同宗人府悉心妥議具奏其餘宗室諸王貝勒等如有顯著功績其封爵後經降奪者除本人身罹重譴自不當復邀優典若係承襲之子孫獲咎議處者僅當斥其本身而不當追貶其祖宗世爵方為平允亦著一併會查議奏通考

四十七年復定親王之子給以一品章服郡王貝勒以下俱照蒙古王公台吉塔布囊等嗣子之例給與三品頂帶其餘閑散宗室一概給與四品頂帶通典

嘉慶二十四年甲午封 皇三子蘇愷為惇郡王 皇四子綿忻為瑞親王 皇長孫奕緯為貝勒東華續錄

又晉封貝勒綿志綿勳郡王銜賞三眼花翎貝子奕紹為貝勒鎮國公綿德輔國公綿懋為貝子晉封科爾沁

貝勒鄂勒哲依圖郡王銜賞三眼花翎東華續錄

二十五年諭朕弟慶郡王永璘幼齡時仰蒙 皇考高宗純皇帝鍾愛每逢 巡省必蒙 考命同朕及成親

王隨扈共荷 恩慈因伊幼年讀書資性稍次騎射亦未甚嫻習仍邀 眷愛封為貝勒朕親政後晉封為郡

王因其材質中平亦未令管理事務至今二十餘年府第優閒安分守己謹慎小心甚屬可嘉今春患病命皇

子連次看視二月二十九日朕親往視疾本日據英和等奏伊病勢沉重幾至不起朕心深為感動慶郡王永

璘著加恩晉封為慶親王以示優眷東華續錄

道光二年上諭內閣宗人府奏恩封王公援照成案酌擬章程請旨一摺嗣後恩封親王著撥給外旗滿洲佐領六蒙古佐領三漢軍佐領三郡王撥給外旗滿洲佐領四蒙古佐領二漢軍佐領二貝勒撥給外旗滿洲佐領三蒙古佐領一漢軍佐領一貝子撥給外旗滿洲佐領二蒙古佐領一奉恩鎮國公奉恩輔國公均撥給外旗滿洲佐領一蒙古佐領一如恩封王公將來降襲至何爵卽按所降之爵應得之數存留餘俱裁汰至不入八分公卽全行裁撤軍功世襲罔替之王公內除縣課已降郡王照擬裁撤外其餘皆無庸查辦著該部旗等衙門照此辦理以崇體制而昭畫一並著鑲白旗蒙古都統等先於該旗所屬佐領最多之固山貝子祥瑞門上撤出蒙古佐領一補給惇親王屬下以符應得之數其餘應裁撤者著查明現在浮多人數此時暫緩裁汰俟將來遇有分封王公時再將此項人數陸續裁撤酌量撥給該王公屬下著宗人府一併纂入續修則例永遠遵行 聖訓

十八年諭前因各親郡王貝勒貝子公等所屬哈喇阿名數多寡不齊降旨令宗人府妥議章程具奏茲據該衙門查明將軍功王公及恩封王公所屬外旗佐領各數目分別開單呈覽道光二年曾特降諭旨嗣後恩封親王著撥給外旗滿洲佐領六蒙古佐領三漢軍佐領三郡王撥給外旗滿洲佐領四蒙古佐領二漢軍佐領二貝勒撥給外旗滿洲佐領三蒙古佐領一漢軍佐領一貝子撥給外旗滿洲佐領二蒙古佐領一奉恩鎮國公奉恩輔國公均撥給外旗滿洲佐領一蒙古佐領一該衙門並未隨時查辦亦未纂入則例以致此次單開恩封各王公見有佐領數目仍復參差不齊自應照數增減以歸畫一至軍功世襲雖與恩封不同而所屬之哈喇阿亦不可漫無限制所有軍功單內除輔國公恆明見無滿洲蒙古佐領崇錫見無蒙古佐領毋庸撥補

外其軍功襲封之各親郡王應有佐領均著照恩封親郡王准給之數各加外旗滿洲佐領二蒙古佐領一漢軍佐領一輔國公應有佐領均著照恩封輔國公准給之數各加滿洲佐領一舊有逾額者查明裁撤不足額者卽予增添其恩封單內王公除貝子繇輔國公載寬向無佐領毋庸撥補餘俱著照道光二年所定額數分別裁撤增添以符定制此次軍功恩封各王公名下裁去各佐領除見抵應添各處外著歸各該旗公存以備將來分封王公時撥給之用宗人府卽將此旨纂入則例永遠遵行至該衙門並未隨時查辦於續修則例時又未將道光二年所降諭旨纂入實屬玩忽所有歷任該管堂司各官著查明自道光二年十一月起在任年月交部分別議處東華續錄

三十年諭內閣朕長兄大阿哥早年薨逝 皇考深爲悼惻蒙 恩追封多羅貝勒今朕嗣承大位緬維同氣倍切槍懷著晉封爲郡王其有應行典禮著宗人府會同禮部內務府酌議具奏 聖訓

又 諭內閣朕弟奕訢著封爲恭親王奕譞著封爲醇郡王奕訢著封爲鍾郡王奕譞著封爲孚郡王百日釋服後俱加恩准其其戴用紅絨結頂冠朝服蟒袍俱准用金黃色 聖訓

咸豐六年丙辰正月己未諭內閣奕訢著加恩賞還悼郡王 聖訓

諭內閣本年朕三旬慶辰茲屆屆端初吉業經特沛恩綸延釐中外因念推恩之序允宜首重親親悼郡王奕訢著加恩晉封親王貝子奕劻著加恩晉封貝勒惠親王之子奕詳恭親王之子載澂均著加恩封爲入八分輔國公惠親王之子奕訥奕謨均著加恩封爲不入八分鎮國公貝勒載治溥莊均著加恩賞加郡王銜醇郡王奕慶著加恩賞銀二千兩鍾郡王奕訢孚郡王奕譞均著加恩賞銀二千兩俱由內給發用示朕覃敷闡溥

篤念宗支至意 聖訓

十一年諭內閣朕奉 母后皇太后 聖母皇太后懿旨恭親王之長女聰慧軼羣素爲 文宗顯皇帝所最鍾愛屢欲撫養宮中晉封公主 聖意肫肫言猶在耳自應仰體 先帝之心用沛特恩著卽晉封爲固倫公主以示優眷所有服色體制均著照固倫公主之例 聖訓

又 諭內閣宗人府奏應給貝勒官員甲數請旨遵行一摺瑞敏郡王奕誌之承繼子載漪已封爲貝勒其從前所留郡王分內官員甲數著卽照貝勒分內應得之數裁減給與 聖訓

同治元年諭內閣朕奉 母后皇太后 聖母皇太后懿旨惠親王之子奉恩輔國公奕詳恭親王之子奉恩輔國公載澂均著加恩賞戴三眼花翎惇親王之子載濂著加恩封爲二等鎮國將軍 聖訓

又 諭內閣宗人府奏恩詔內應行查辦廢生品級請旨遵行等語不入八分公以下鎮國將軍輔國將軍及宗室內爲一二品大臣者均准給廢會典所載例有明文不入八分公嫡出子與鎮國將軍嫡出子均係應封輔國將軍品級亦屬相等惟不入八分公子弟該衙門應廢品級溯查道光元年咸豐元年兩次查辦廢生均無辦給成案亦無因何不行給予明文此次辦理恩廢若不一體給予俾得共沐恩施未免向隅所有不入八分公子弟著准其按照鎮國將軍應廢品級給予七品廢生以昭平允此旨並著纂入宗人府則例永遠遵行

聖訓

又 諭內閣向來年終考試王貝勒貝子公並世職章京之子應封宗室道光二十四年酌改乾隆年間條例將繙譯馬步射三項分優平劣五等分別應封罰俸停封及永不准考在案嗣於咸豐六年 文宗顯皇帝特

降諭旨以停封永不准考未免過嚴交宗人府酌  
各在案茲據宗人府奏請仍照舊章酌量變通等語  
劣者永不准考封不准入考一條改爲停封三次仍准  
廷優待宗支砥礪人材至意

二年諭內閣理藩院查明達支王公之女格格額  
理錯誤歷任堂司各官分別議處一摺另片奏莊襄  
公之女格格額等應領俸項乾隆三十六年欽奉  
無區別等因交宗人府議奏嗣經議准以世祖章  
嗣給予俸祿等項其餘王公之女僅給格格額等  
派均經辦給俸銀俸給原屬錯誤惟係因支派日繁  
免其議處其單開照例應行裁撤之格格額等暨  
因念近來宗支蕃衍譜牒愈繁世次愈遠亦應格遵  
格格額等旨高宗純皇帝之子孫以下各王公  
等項其餘均作爲遺派僅依王公之職封授格格額

四年諭內閣本日朕奉 慈安皇太后 慈禧皇太

特沛殊恩封爲固倫公主以示優容茲據恭親王面奏寵異逾分夙夜難安請收回成命等語情詞懇摯具見  
悃忱卽此一端亦足見其毫無驕矜之習若不勉從所請轉無以愜其敬慎之懷恭親王之長女著撤去固倫  
名號所有一切儀制服色仍照公主例封爲榮壽公主以示區別而昭寵眷

五年諭內閣一等雄勇公符珍已指爲榮安固倫公主額駙其品級章服照例用外恭親王長女榮壽公主額  
駙一品廣生志端著先行賞給頭品頂帶該部毋庸照例奏請並著賞戴雙眼花翎悖親王第五女額駙一等  
公堃林第七女額駙一等男恩銘均著賞戴花翎親王銜醇郡王長女額駙多羅貝勒那爾蘇著賞戴雙眼花  
翎

### 右宗室封爵

衍聖公世襲正一品掌奉至聖孔子闕里廟祀通典

順治元年題准封爵一如前朝階正一品班列尙書上通典

二年改賜衍聖公三臺銀印會典事例

十三年依例授光祿大夫會典事例

十六年依例給清漢文三臺銀印會典事例

康熙六十一年定衍聖公 錫廡視正一品廡一子五品官著爲例會典事例

乾隆十四年改給清漢篆文一品三臺銀印會典事例

道光七年諭軍機大臣等御史吳敬恆奏衍聖公官屬濫給劄付請嚴示限制一摺據稱近年坊刻摺紳內載



衍聖公官屬自林廟守衛司百戶管甸司樂以至各屯官等職或每年更換或數月更換雖給劄付咨查原籍並非該員自充實皆託人頂替其僅執劄付未刊入簿紳者又不知凡幾並聞該處有包攬之徒攜帶劄付自赴各省私行濫給誣騙招搖其弊百出且司樂一官秩止七品即挂朝珠黃綠咨送賄賂公行再衍聖公官屬一接劄付無論父母存歿捏告終養所遺之缺即另補他員展轉遞讓俱為將來覃恩地步難保無身家不清等語國家尊崇至聖先師至優極渥惟四民學教授學錄例由衍聖公咨送吏部具題如該御史所奏該員竟有託人頂替及包攬之徒攜帶劄付私行濫給並捏告終養展轉遞讓等情或即係不肖屬官之所為該御史既有此奏著賀長齡秉公確查具奏毋任有頂替滋弊並濫給混咨情事其將來呈請封典亦著衍聖公詳悉查明不得以身家不清之人濫竊恩綸以昭覈實

東華續錄

右聖裔封爵

天命十一年蒙古歸順其尊者 賜號汗通考

崇德元年定諸藩爵六等一和碩親王二多羅郡王三多羅貝勒四固山貝子五鎮國公六輔國公秩視在內王公世襲罔替通考

順治十三年八月 敕諭蒙古四十九旗王貝勒貝子公等曰爾等當 太祖 太宗開創之時誠心効順結為姻婭請為屏藩 太祖 太宗嘉爾勳勞崇以爵號恩至渥焉朕荷 祖宗鴻庥統一寰宇念爾等効力年久戰伐多功雖在寤寐未之有歉朕方欲致天下於太平爾等毋忘 太祖 太宗恩寵我國家世世為天子爾等亦世世為王享富貴於無窮垂芳名於不朽豈不休乎通考

康熙三十年喀爾喀全部歸順土謝圖車臣扎薩克圖 特賜留汗號餘封親王郡王貝勒貝子鎮國公輔國公等爵世襲通考

三十二年覆准達賴汗自伊祖顧實汗以來敬謹納貢應請給與 勅書會典事例

三十五年覆准喀爾喀郡王有軍功者陞為親王貝子有軍功者陞為郡王該部撰給 勅命會典事例

四十一年覆准蒙古王等襲封 誥勅實因水火盜賊失毀者准其復給寬免罰俸議處會典事例

雍正四年奉 諭旨厄魯特之官爵原因歸順 聖祖仁皇帝特恩加授雖無世襲之 旨而伊等各有效力

之處嗣後俱著降一等承襲如承襲人員或能守分勤謹克盡職業者仍將所降品級賞給通考

乾隆二年奉 諭旨蒙古王扎薩克等當日襲封根源修譜奏聞理藩院議奏蒙古王扎薩克等原係 太祖

太宗時輸誠向化率屬歸附各論其所著勞績封為王貝勒貝子公編設旗分佐領其科爾沁等十旗之王

以下在 聖祖時皆因繫 太皇太后 皇太后姻戚會將世次具奏今重加考訂其餘五會扎薩克等均俟

造冊奏聞並令外藩之喀爾喀青海厄魯特等發明錫封根源襲爵世次造冊奏聞通考

十二年議准喀爾喀四盟長均給與印信與內扎薩克六盟長同會典事例

十七年奉 諭旨蒙古親王之長子賞給公品級郡王貝勒之長子賞給頭等台吉貝子公之長子賞給二等

台吉將來承襲父爵如長子不稱襲爵欲於餘子內擇其優者以備將來襲爵著即報理藩院將朕加恩增賞

之爵移授永著為例通考

喀爾喀青海以下諸部封爵例喀爾喀以下王貝勒貝子公等其子孫或襲封原爵或減一等承襲由理藩院

具奏候 旨獎封或降封通考

二十年奏准給杜爾伯特汗等印信管理扎薩克事務會典事例

四十年諭喀爾喀及內扎薩克王貝勒等之妻及格格等應得誥勅向來由該院遣官齎送雖係舊例但現今青海杜爾伯特烏梁海土爾扈特等台吉之妻應得誥勅皆係咨送各該將軍大臣等轉行頒給今喀爾喀內扎薩克等之妻格格等應得誥勅若仍由京遣官齎往既非畫一之道而該扎薩克等又須備用廩給往來迎送亦非體卹伊等之意再伊等誥勅皆係彙題後始行頒給已不無稍遲又須特派官員前往尤覺耽延嗣後喀爾喀及內扎薩克王貝勒等之妻及格格等不必遣官封贈著照青海等處例一體咨送各盟長轉行頒給此次東路西路應行分封人等卽照此辦理會典事例

四十九年諭內扎薩克蒙古王公等誥勅年久字蹟不清該院奏請更換頒給但此誥勅俱係 太祖 太宗 世祖時隨同創業懋著功績旌獎伊等勳伐賜與者也今若因年久更換將伊等原得誥勅撤回存部則從前 太祖 太宗 世祖撫綏伊等旌獎勵勞賞給傳代之寶伊等轉不獲世守著該院照原給誥勅復辦一分給與外將舊有誥勅仍交伊等敬謹尊藏作爲萬年子孫傳世之寶以昭我 太祖 太宗 世祖撫綏旌獎之至意將此通諭各蒙古王公等知之會典事例

五十三年諭哈密吐魯番二部皆國家世僕其餘各城回人雖經朕平定新疆時歸降但效力幾三十年奮勉急公是以分別施恩賞給王貝勒貝子公台吉等封爵乾隆四十八年曾令理藩院查明伊等封爵或定爲世襲罔替或定爲出缺後降等承襲雖係照例辦理但伊等來歸年久共感朕恩各勤職業如哈密郡王品級貝

勒額爾德錫爾之始祖額貝都拉歸誠以來已歷數世額爾德錫爾之祖玉素布在軍營勤勞懋著貝子鄂斯璘之父鄂對在軍營奮勉封授貝勒品級後因罪削爵旋以鄂斯璘抒誠效力復封貝子色提巴爾第先在軍營奮勉又在阿奇木伯克任內數年留心辦事公伊巴喇伊木一等台吉鄂囉木咱卜二等台吉巴阿布勒丕爾敦三等台吉阿卜都呢咱爾帕爾薩等所得封爵或因軍前效力封授或因伊祖父功績賞給若照原議於出缺後降等承襲日久遞降殊非朕撫恤回眾之意著加恩將額爾德錫爾色提巴爾第鄂斯璘伊巴喇伊木鄂囉木咱卜巴阿布勒丕爾敦阿卜都呢咱爾帕爾薩等十人見襲之王貝子公台吉等封爵出缺時不必降等俱著世襲罔替以示朕優恤回部世僕之至意東華續錄

五十七年諭據理藩院奏喀爾喀公銜台吉達瑪琳缺出達瑪琳並無頭等台吉之處等語此等賞銜係朕格外恩施非行陣勤勞得有錫賚者可比嗣後備有會襲二次查明另有勞績者候朕定奪如係尋常賞銜卽著削去止令承襲本職著爲令見在達瑪琳遺缺卽照此辦理東華續錄

道光三年上敕諭哈薩克汗愛畢勒達曰昨據伊犁將軍奏爾遣第占圖喇蘇勒坦呈遞回子文稟內稱爾父瓦里蘇勒坦上年病故爾父喪事完畢卽遣爾弟占圖喇蘇勒坦等呈報事故恭進貢馬並爾父故後爾哈薩克等衆公議願爾承襲汗爵因未奉諭旨不敢稱汗祈朕矜恤施恩等語朕聞爾父身故甚爲軫惜爾祖爾父均屬恭順仰受朕恩茲爾父身故爾雖管轄哈薩克等衆因無朕旨不敢稱汗特遣爾弟占圖喇蘇勒坦稟稱衆皆願爾爲汗請朕諭旨尙屬出於至誠實堪嘉尙汗爵係爾祖父所遺爾父在時爾卽幫辦遊牧事務屬下哈薩克等均皆敬服爾能約束伊等朕所確知特命大臣齎去銀紙等物賜奠爾父爾父汗爵如恩卽著襲封

賜以詔書爾接奉此詔惟當感戴朕恩哈薩克等眾留心妥為管束友睦子弟勿生事端肅清邊陲嚴擊盜匪和輯鄰封凡一切事務悉聽伊犁將軍塔爾巴哈台參贊指示妥為辦理不可絲毫冀幸取巧爾果能如爾祖父勤恪朕必倍加優眷爾宜欽遵恩旨以期萬萬年永受朕恩欽哉勿怠今因頒詔賞爾大緞四匹齋到祇領軍據伊犁將軍轉奏爾遣爾姪阿布查蘇勒坦伊弟丕賴伊里蘇勒坦等祈將爾故兄阿帕斯蘇勒坦公爵恩賞阿布查蘇勒坦承襲等語此公爵係爾祖父宣力多年特恩賞給並非世襲今阿帕斯蘇勒坦病故理應停襲惟念爾姪阿布查蘇勒坦遠遣伊弟丕賴伊里蘇勒坦等恭請朕安併進貢馬尚為恭順將此公爵即賞阿布查蘇勒坦承襲此係朕矜恤外藩恩施格外不可為例爾將此明白曉諭爾姪阿布查蘇勒坦知之特諭

聖訓

同治五年庚戌諭內閣理藩院奏烏凌阿蒙恩賞還公爵請旨遵行一摺烏凌阿新授之公爵著作為恩封其德木齊扎布見襲之員勒著仍作為色楞所立之爵東華續錄

右外藩封爵

天聰八年四月始設一等公一二三等昂邦章京梅勒章京先是總兵副將遊擊備禦等官俱仍明朝舊稱太宗特諭漢文官名易以滿洲五備禦之總兵官為一等公一等總兵官為一等昂邦章京二等總兵官為二等昂邦章京三等總兵官為三等昂邦章京一等副將為一等梅勒章京二等副將為二等梅勒章京三等副將為三等梅勒章京通考

順治四年十二月禮部議改昂邦章京為精奇尼哈番梅勒章京為阿思哈尼哈番通考

雍正元年諭我國家膺圖受命則有佐命元臣際會風雲開拓疆宇至於承平之世亦有勞臣宣力綏靖不庭凡厥鴻猷駿烈焜耀旂常於是酬庸獎功賜以公爵其中分爲一等至三等所以第其勳勞表其閭閻同於古者河山帶礪之盟爰及苗裔永久勿替其盛典也朕考古封爵之制漢唐以來公侯皆係以郡縣之名而漢世功名顯著者則加以美號如信武冠軍建忠定遠之屬並以榮名垂光史冊本朝封王者皆選用嘉美字樣其詞襲封則因之而公爵則但分等次未有封號字樣朕意欲考其當日勳庸錫以嘉名追加爲某公使勳勞之臣顯功丕績常赫赫在人耳目而其子孫承襲封號亦皆顧名思義共加奮勉世爲國家効忠抒力期踵美前人之光以副朕褒念勳舊之至意至於宗室外戚則仿古恩澤侯之例命爲奉恩公或承恩公以昭寵錫其如何命名定制並將歷來功臣勳戚加錫美號之處著該部詳查定議具奏欽此遵 旨恭擬進呈 欽定一二三等公美名褒績公忠遠公奉義公超武公雄勇公果毅公信勇公建烈公勇勤公英誠公會典事例乾隆元年奏定精奇尼哈番以下世爵清文並改用漢文一二三等精奇尼哈番爲一二三等子一二三等阿思哈尼哈番爲一二三等男一二三等阿達哈哈番爲一二三等輕車都尉拜他喇布勒哈番爲騎都尉拖沙喇哈番爲雲騎尉清文仍從其舊會典事例

十三年 欽定公侯伯以下封爵表一等公襲二十六次二等公襲二十五次三等公襲二十四次一等侯兼一雲騎尉襲二十三次一等侯襲二十二次二等侯襲二十一次三等侯襲二十次一等伯兼一雲騎尉襲十九次一等伯襲十八次二等伯襲十七次三等伯襲十六次一等子兼一雲騎尉襲十五次一等子襲十四次二等子襲十三次三等子襲十二次一等男兼一雲騎尉襲十一次一等男襲十次二等男襲九次三等男襲

八次通考

十四年諭我朝定鼎以來酬庸賞功列爵惟五分等惟三以表世閱而第宏勳雍正年間因公爵居五等之首  
 仿古封號字義錫以嘉名此誠篤念勳勳俾奕世子孫承襲者顧名思義意至厚也但封爵之制公侯伯一體  
 優崇前代侯則有冠軍定遠之稱伯則有誠意威靈之號今公爾令名炳著而侯伯僅分等次似屬闕略朕欲  
 推廣其意凡我朝所封侯伯考厥成勞追加美號庶伊嗣人咸念乃祖乃父之忠勤紹修令緒國家實有賴焉  
 至於子男同位自古以地為號未有別封可仍其舊其侯伯如何詳稽勳績定制命名之處該部妥酌定議以  
 聞欽此遵 旨恭擬進呈 欽定奉義侯恭誠侯順勳侯順義侯昭武侯延恩侯敦惠伯翼烈伯宣義伯襄寧  
 伯昭毅伯威靖伯襄勳伯誠毅伯昭信伯懋烈伯誠武伯勤宣伯其公侯伯美名由內閣撰擬奉 旨後載入  
 職職 誥勅內頒給會典事例

四十五年二月初六日 上諭閣臣曰朕恭閱 寶錄見薩拜以從征屢立戰功歷封公爵 聖祖仁皇帝嗣  
 統與內大臣蘇克薩哈等為輔政大臣並加太師是時 皇祖沖齡踐祚薩拜受事以後即專權自恣擅作威  
 福因與內大臣費揚古有隙坐伊子倭赫並侍衛西住折克圖覺羅塞爾弼等以擅乘 御馬及取 御用弓  
 矢射鹿罪俱棄市並坐費揚古怨望亦棄市並殺其子尼堪薩哈連籍其家以與其弟穆里瑪又蘇克薩哈係  
 薩拜姻婭亦以論事齟齬積而成讐因蘇克薩哈籍隸正白旗薩拜欲以瀚州遷化遷安諸屯莊改撥鑲黃旗  
 而別圖民地給正白旗 詔遣大學士管戶部尚書蘇納海與直隸總督朱昌祚巡撫王登聯丈量酌易昌祚  
 等勘明奏請停止圖換薩拜即坐蘇納海以擾地違誤昌祚等以紛更妄奏悉逮治棄市且以蘇納海族人英



俄爾岱爲睿親王私黨令部臣盡削世職以洩其忿並以蘇克薩哈疏稱往守陵寢得以生全之語卽誣坐以懷抱奸詐存蓄異心二十四大罪應干磔死 皇祖鑒其枉堅不允所請薩拜攘臂強奏累日竟予絞決並誅其族屬又入 對時輒請申禁言官不得上書陳奏時有竊薩拜馬者卽捕斬之并殺 御馬羣牧長 皇祖以薩拜黨權不法怙惡弗悛用人行政專恣妄爲文武各官欲盡出伊門下與穆里瑪等結成羽翼凡事在家定議然後施行倚仗凶惡毀棄國典 特降諭旨嚴拏勘審並 親加鞫問情罪俱實諸王大臣擬請正法 皇祖念其効力年久不忍加誅從寬革職籍沒同其子那摩佛一併拘禁迨伊死後仍 念其舊勳追賜一等男令其弟孫相繼承襲 皇考世宗憲皇帝御極後 賜薩拜祭葬復一等公世襲罔替是薩拜一身之功罪載在冊籍昭然不爽朕惟大臣爲國宣勤功銘鐘鼎尤當深自歛抑律已奉公以保全終始況以輔臣親承顧命翊御機務更宜小心謙謹不可稍涉恣縱乃薩拜當日自恃政柄在握輒敢擅權飲法邀結黨羽殘害大臣罪蹟多端難以枚舉若非 皇祖英明剛斷立予拏究漸將跋扈難馴而政事亦不可問至圈地一案相持不決百姓環訴失業幾至釀成大事 皇祖不卽加誅僅予褫奪并仍給以男爵正屬格外之仁至 皇考復還公爵時因念薩拜舊勞伊孫達福才具又尙可用仍予 施恩蓋於薩拜擅權縱恣固所熟聞至其不法狀蹟 實錄所載累累如此未必一一臚悉也今朕備稽事實蹟狀顯然若不核其功罪明示創懲在薩拜一家之僥倖所關猶小而後之秉鈞執政者無復知所顧忌將何以肅綱紀而杜僉邪乎所有現賜薩拜公爵之德勝本身既無過犯且令承襲俟出缺時卽行停襲公爵仍照 皇祖所降諭旨給予一等男爵世襲罔替已足以示國家法外施恩勸勵之意矣通考

右功臣封爵

原定凡外戚推恩皇太后 皇后之父 特封一等公歿者追贈其子孫世襲罔替由該旗具奏承襲咨部會典事例

乾隆四十三年諭后族承襲世爵向來俱准一等公此等特因椒房至戚恩澤加封其與佐命功臣櫛風沐雨拓土開疆者實難並論況宗室王公之以近支恩封者尙以世次遞降而外戚轉得以崇封延世未免過優著將所有承恩公爵俱改爲三等公世襲罔替著爲令會典事例

道光十三年上諭內閣會典內載皇后母家例俱應封公爵其不係嫡后及誕聖推恩所封俟承襲時請旨等語若是轉致參差不能書一旦無限制嗣後嫡后之父及誕聖推恩所封者俱著封爲三等承恩公其不係嫡后者著封爲一等承恩侯皆世襲罔替並著將此旨纂入會典則例永遠遵行 聖訓

三十年丁亥諭內閣向例推恩襲爵之人罪至革爵者不准承襲從前和世泰外任將軍獲咎革去公爵其應否承襲 皇考諭令該旗候旨辦理仰惟 聖意亦欲從緩加恩朕追思 孝和睿皇后母家尙未襲封有人敬體 皇考諭令候旨之意和世泰之子崇恩著加恩准襲承恩侯爵其敬慎從公以保祿位毋忝朕命東華

續錄

咸豐十一年庚午諭內閣吏部具題推封外戚以光盛典一本后族承恩世爵敬查乾隆年間 諭旨俱改爲三等承恩公又敬查道光三十年 諭旨嗣後嫡后之父及誕聖推恩所封者俱著封爲三等承恩公其不係嫡后者著封爲一等承恩侯皆世襲罔替 聖訓昭垂後世允宜遵守惟朕兢兢在疚皆賴 母后皇太后

聖母皇太后親裁大政 撫育藐躬宵旰 恩勤莫能殫述若拘泥成典於推封之例稍有區別朕心實有未安迺我 母后皇太后謙抑爲懷援據典章力辭至再經我 聖母皇太后申明願復恩勤與誕育無異典禮毋得參差朕思禮宜酌古尤貴因時 懿旨諄諄權衡至當況朕以子臣而推恩外戚其間準情酌理與道光年間所降 諭旨原非一致天下臣民當無不共諒朕心也除 孝德顯皇后母家業於道光三十年奉 旨照例追封承襲公爵外 母后皇太后 聖母皇太后母家均著援照乾隆四十三年成案推封公爵以示尊崇之至意所有追封承襲各事宜著各該衙門查照辦理 東華續錄

右外戚封爵

雍正二年諭朕近於 聖祖仁皇帝所貽書笥中檢得未經頒發 上諭一道以明太祖崛起布衣統一方夏經文緯武爲漢唐宋諸君之所未及其後嗣亦未有如前代荒淫暴虐亡國之跡欲大廓成例訪其支派一人量授官職以奉春秋陳薦仍世襲之朕伏讀之下仰見我 聖祖仁皇帝海涵天覆大度深仁遠邁百王超軼萬古朕思史紀東樓詩歌白馬商周以來無不推恩前代後世頗多疑忌以致歷代之君宗祀殄絕朕仰體 聖祖如天之心遠法隆古盛德之事謹將 聖祖所貽 上諭頒發爾等訪求明太祖支派子姓一人量授職銜俾之承襲以奉春秋祭饗但恐有明迄今年代久遠或有姦徒假冒致生事端爾內閣大學士卽會同廷臣詳明妥議以副 聖祖仁皇帝寬仁矜卹之至意欽此遵 旨確訪明代後嗣鑲白旗漢軍知府朱之璉等六人引見奉 旨朱之璉著授爲一等侯會典事例

右明代後嗣封爵



皇朝政典類纂卷二百四十

職官三

在京文武官宗人府 師備保 內閣 軍機處 政務處 翰林院 詹事府 總理衙門 外務部

宗人府宗令 左右宗正 左右宗人 府丞 左右司理事官 副理事官 主事 經歷 堂主事 筆帖式

宗人府宗令一人 左右宗正各一人 左右宗人各一人並順治元年置掌 皇族之屬籍以時修輯 玉

牋辨昭穆序爵祿均其惠養而布之教令凡親疎之屬胥受治焉 初制宗令以親王郡王統理宗正以貝勒貝

子兼攝宗人以欽國輔國公及將軍兼攝後擇賢任使不復以封爵為限 通典

府丞漢人一人順治九年置掌校理漢文冊籍 初制有覺羅啓心郎二員漢軍啓心郎二員與丞均為正官康

熙十二年裁 通典

左右司理事官宗室各二人 副理事官宗室各二人 主事宗室各二人分掌左右翼宗室覺羅之籍並書

其子女適庶生卒婚嫁官爵名諡以備 玉牒紀載凡承襲次序秩俸等差及養給貧幼優恤婚喪之事時為

稽核綜理焉 初 設郎中六員員外郎四員主事四員康熙十二年始分隸左右兩司三十八年兩司各裁郎

中一員雍正二年改郎中為理事官改員外郎為副理事官惟主事仍舊名初制皆以覺羅為之後以覺羅滿

洲參用雍正二年定以宗室滿洲參用乾隆二十九年定制悉以宗室為之 通典

經歷宗室二人掌出納文書 順治九年制經歷二員其一員參用宗室滿洲一員用漢人康熙二十八年裁

漢人經歷一員乾隆二十年定制以宗室為之 通典

堂主事宗室二人掌奏疏稿案初制以宗室滿洲參用乾隆二十九年定制以宗室為之 通典

漢主事二人掌漢文冊籍雍正元年增置

筆帖式宗室二十四人掌繙譯文書初制以宗室滿洲參用乾隆二十九年定制以宗室為之 通典

嘉慶四年諭向來宗室人員止在宗人府供職陞轉科道其途亦屬稍隘嗣後各部院司官准以宗室補用其

如何酌定額缺之處著吏部會同宗人府議奏欽此遵 旨議定宗人府額設理事官四人副理事官四人主

事六人經歷二人計十六缺照宗人府司員額缺之數於六部理藩院滿洲司員內撥出十六缺作為宗室額

缺郎中以副理事官陞用員外郎以經歷主事陞用經歷主事以委署主事及兩翼宗學之總管陞用均由宗

人府論俸擬定正陪帶領引 見補授會典事例

五年奏准宗人府効力筆帖式缺出先用議敘二人次用考取一人議敘內如舊班有人先用舊班一人再用

新班一人各按議敘考取名次先後挨次補用會典事例

十一年定宗室文進士奉 旨以部屬錄用者歸於宗人府及各部額外主事上學習行走會典事例

又定宗室繙譯進士奉 旨以主事即用及額外學習行走者亦以宗人府各部院主事分別辦理會典事例

又定宗室文舉人繙譯舉人專以宗人府筆帖式補用會典事例

右宗人府

師傅保加銜 太師 太傅 太保 少師 少傅 少保 太子太師 太子太傅 太子太保 太子少師

太子少傅 太子少保

凡師傅保皆有少皆虛銜無職掌亦無員額凡大臣宣力中外勞績懋著者則奉 特旨加銜或為 贈典以示 優寵焉通典

右師傅保加銜

內閣大學士 學士 侍讀學士 侍讀 典籍 中書 中書科中書

殿閣大學士滿漢各一人 兼各部尚書銜 協辦大學士滿漢各一人掌宣 綸綽贊理庶政內外諸司題疏

到票擬進 呈得報轉下部科凡上 徽號進 冊寶 冊印俱由內閣撰擬文案至 皇子 皇孫及王公

公主名號俱承 旨擬奏凡纂修 實錄史志諸書充監修總裁官 經筵領講官會試充考試官 殿試充

讀卷官凡擢任大學士膺 簡命後奏請殿閣名及各部兼銜其協辦大學士以六部尚書 簡充滿漢各一

人均為贊理機務表率百僚朝位班次俱列六部尚書之上自 國初置文館設八大臣及十六大臣凡事與

諸員勒會議天聰十年改設內三院曰內國史院曰內祕書院曰內弘文院各設大學士一人內國史院掌記

注 詔令編輯 實錄史書撰擬 郊祀祝文慶賀表文 誥命印文 冊文內祕書院掌撰外國往來書狀

及 敕諭祭文之屬內弘文院掌注釋歷代行事善惡進講侍講並教諸親王德行制度之屬通典

乾隆十三年諭向來協辦大學士之設原因大學士有在內廷行走或奉差在外者閣務需人坐辦是以另簡

人員協同辦理初非額設之缺若因協辦而簡任封疆則不必仍帶虛銜嗣後大學士兼管總督者著帶大學

士銜其協辦大學士兼管總督者不必仍帶協辦大學士銜著為例會典事例



又論大清會典開載內閣滿漢大學士員缺無定出自簡任等語本朝由內三院改設內閣大學士未有定數自是官不必備惟其人之意而康熙年間滿漢大學士率用四員至雍正年間以來多用至六員更或增置一二人協辦朕思內閣居大卿之首滿漢大學士應有定員方合體制嗣後著定爲滿漢各二員其協辦滿漢或一員或二員因人酌派又大學士官銜仍兼殿閣會典所載中和保和文華武英四殿文淵東閣二閣未爲畫一其中和殿名從未有用者卽不必開載著增入體仁閣名則三殿三閣較爲整齊再大學士缺出定例請旨開列亦有遲至一月後始行請旨者朕思大學士職司贊襄如其宣力有年遇有告休病故不忍遽行開缺應俟至一月以後乃國家眷念舊臣加恩輔弼之意若緣事降革則機務重地未容久曠自應卽行開列不必請旨將此載入會典永著爲例會典事例

又定大學士滿漢各二人尙書協辦大學士滿漢或一人或二人俱從尙書本銜以大學士分兼 保和殿

文華殿 武英殿 體仁閣 文淵閣 東閣會典事例

嘉慶七月上諭內閣內閣爲絲綸重地大學士均應常川到閣閱看本章其中有在軍機處行走者每年春夏在圓明園之日居多散直後勢難再令赴閣視事至在城之日偶值樞務稍簡朕仍令其赴衙門辦事卽應閣部兼到若不在內廷行走之大學士則稟擬輪音是其專責豈可稍涉閒曠是以保靈到京後雖兼領侍衛內大臣朕不令其在園居住以便赴閣辦公無曠職守嗣後在軍機處行走之大學士值朕進城諭令到衙門辦事時著先赴內閣再赴所管之部院衙門其不在內廷行走之大學士俱著常川到閣閱本以重綸扉而後體

制 聖訓

同治元年諭內閣御史劉慶奏各省題本到關後每多積壓請申嚴進本限期一摺各省督撫具題本章先由  
通政使司轉送內閣俟票籤進呈奉旨後咨部始能覈覆辦理近來內閣呈進各省題本每多積壓稽延其或  
移前抽後百弊叢生至外省官員補缺題本內閣接到後並不依限進呈以致吏部無從題覆往往應補人員  
有經年累歲等候部覆不能到任者其餘各項本章積壓正復不少內閣爲總諸曹廳之區似此因循玩愒積  
弊相沿殊屬不成事體著大學士嚴飭承辦各員嗣後各省督撫題本到關按照日期編立冊檔後卽挨次繕  
寫呈進其各部院題本或清漢字樣偶誤亦卽立時更正進呈如仍前積壓或移前抽後不按到關日期呈進  
致滋弊端卽行查明嚴參懲辦毋稍徇縱 聖訓

學士兼禮部侍郎銜滿洲六人漢人四人掌數奏本章傳宣 綸綍初制置漢學士三員漢軍三員自順治元  
年以後增減不一康熙九年定滿學士二員十年增四員又定漢軍二員漢人二員十二年以漢軍併於漢  
共四員今定滿六人漢四人兼禮部侍郎銜通典

侍讀學士滿洲四人蒙古二人漢人二人掌收發本章總稽繙順治二年置初兼太常寺銜後停兼銜八年  
設滿侍讀學士三員漢軍侍讀學士三員十八年增滿侍讀學士三員蒙古侍讀學士三員康熙九年定滿  
侍讀學士滿文二員漢文二員共四員蒙古侍讀學士二員漢軍侍讀學士二員乾隆十四年改定滿四人蒙  
古二人漢二人漢軍侍讀學士缺出以漢軍漢人通行銓補通典

侍讀滿洲十人蒙古漢軍漢人各二人掌勘對本章檢校籤票順治二年置初兼太常寺少卿光祿寺少卿尋  
停兼銜滿侍讀初設滿文五員滿漢文六員共十一員康熙三十八年省滿文一員滿漢文二員共八員乾隆

增二員爲十員雍正四年置漢侍讀二員今定滿十八蒙古漢軍漢人各一人通典

典籍滿洲漢軍漢人各二人掌收貯圖書出納文移內閣爲典掌絲綸之地自大學士以下皆不置印信典籍給印以鈐往來文牒順治九年置初設滿洲漢軍漢人各三員康熙九年定各設二員今定滿洲漢軍漢人各二人俱以中書舍人掌理通典

中書滿洲七十人蒙古十有六人漢軍八人漢人三十人貼寫中書滿洲四十人蒙古六人掌撰擬紀載編譯繕寫之事順治十六年置滿中書初設滿文撰文二十員辦事二十員滿漢文撰文十七員辦事十八員共七十五員康熙三十八年省清文撰文辦事各一員清漢文撰文一員辦事二員共七十員蒙古中書初設撰文九員辦事十員共十九員康熙三十八年省撰文一員辦事二員共十六員漢軍中書初設撰文五員辦事八員共十三員康熙三十八年省撰文一員辦事四員共八員漢中書初設撰文六員辦事三十員共三十六員康熙三十八年省四員乾隆十三年又省二員共三十員今定滿七十人蒙古十有六人漢軍八人漢三十人貼寫中書滿四十人蒙古六人通典

中書科中書滿洲二人漢人四人掌繕寫誥敕初設滿中書舍人一員漢中書舍人八員乾隆十三年省漢中書舍人四員十四年增滿中書舍人一員今定滿二人漢四人通典

謹按內閣自侍讀學士以下辦理本章分爲五所曰滿本房專司繕寫清字校正清文曰漢本房專司繕寫清漢文曰蒙古本房專司繕譯外藩章奏及繕寫頒行西番屬國詔敕曰滿票籤處曰漢票籤處專司繕寫清漢票籤記載諭旨及撰文之事又有稽察房稽察各部院遲延事件月終彙奏大學士鈞委侍讀學士侍讀

中書兼司之又稽察欽奉 上諭事件處雍正八年置以滿漢大學士各部院堂官兼領其文移鈐以典籍印以上各處雖非設有專官而職守所存均關綸扉典則通志

右內閣

辦理軍機處軍機大臣掌書 諭旨綜軍國之要以贊上治機務常日直 禁庭以待 召見 駐蹕圓明園入直亦如之 行在所亦如之凡 諭旨明降者既述則下於內閣 諭軍機大臣行者既述則封寄焉凡有旨存記者皆書於冊而藏之屆時則提奏議大政獻大獄得 旨則與軍旅則考其山川道里與兵馬錢糧之數以備 顧問文武官 特簡者承 旨則進其名單缺單差 特簡者亦如之凡大臣之換防於西北兩路者則稽其班書其名以備覽旬有五日而更之凡文武官記名者遇缺則奏其名道若府記名者遇請 旨缺則奏焉新贖章京之用廢員者豫期集而選焉以引 見記名則用以其次會典

軍機大臣無定員由滿漢大學士及尙書侍郎奉 特旨召入通考

雍正十年三月大學士等遵 旨議奏辦理軍機處密行事件所需鈐封印信謹擬用辦理軍機印信字樣移咨禮部鑄造貯辦理軍機處派員管理並行知各省及西北兩路軍營通考

乾隆二年十一月奉 諭莊親王等奏辭總理事務朕勉從所請但目前兩路軍務尙未全竣且朕日理萬幾亦間有特旨交出之事 皇考當日原設有辦理軍機大臣今仍著大學士鄂爾泰張廷玉公訥親尙書海望侍郎納延泰班第辦理嗣後承以爲制至軍機章京以內閣滿漢侍讀中書及各部郎中員外郎主事簡其賢能者奏充無定額 謹按軍機處機務要地不設專署卽附設內閣之後 通考

五十六年諭國初以來設立議政王大臣彼時因有議政處是以特派王大臣承充辦理自雍正年間設立軍機處之後皆係軍機大臣每日召對承旨遵辦而滿洲大學士尙書向例俱兼議政虛銜無應辦之事殊屬有名無實朕向來辦事止崇實政所有議政空銜著不必兼充嗣後該部亦無庸奏請東華續錄

王昶軍機處題名記軍機處蓋古者知制誥之職其制無公署大小無專官直廬始設於 乾清門外西偏繼遷於門內與 南書房鄰復於 隆宗門西供夜直者食宿其大臣惟尙書侍郎被 寵眷尤異者始得入然必重以宰輔其屬例用內閣中書舍人舍人改庶吉士則不復入改六曹御史給事中遞遷卿寺至都察院副都御史內閣學士入直如故惟權侍郎亦不復入間有以舊以蔭爲郎得預者率大臣子弟爲然而張公若靄鄂公容安又以庶子侍講入直蔣公炳程公巖又以巡撫罷還京入直皆奉 特旨行非故事也先是雍正七年青海軍事興始設軍機房領以親王大臣予銀印印藏內奏事太監處有事請而用之後六年 憲皇帝晏駕 上設閣改名總理處三年喪畢王大臣請罷之 詔復名軍機處時大學士爲鄂公爾泰張公廷玉徐公本蔣公廷錫尙書爲海公望每被 旨各歸舍繕擬明日授所屬進之後大臣避專擅名乃令所屬具草視定進呈自是擇所屬益精慎至大位者益衆而 上賞賜亦異於庶僚紗緞餅餌果蘇時 賜歲暮 賜魚鹿肉諸物率以爲常以故 上所游幸無不從其職掌在恭擬 上諭及內外臣工所奏有 旨敕議者審其可否以聞又外臣章奏書爲副以藏之蓋 本朝諭旨誥命其別有四凡批內外臣工題本常事謂之旨頒將軍總督巡撫學政提督總兵官權稅使謂之敕皆由內閣撰擬以進凡南北郊時享祝版及祭告山川予大臣死事者祭葬之文與夫后妃 室三公封冊皆

由翰林院撰擬以進然惟軍機處恭擬 上諭爲至要 上諭亦有一巡幸上陵經延闕版及內臣自侍  
耶以上外臣自總兵知府以上黜陟調補暨曉諭中外謂之明發上諭誥誡臣工指授兵略查核政事  
問刑罰之不當者謂之寄信上諭明發交內閣以次交於部科寄信密封交兵部用馬遞或三百里或四  
五六百或至八百里以行其內外臣工所奏事經軍機大臣定議取 旨密封遞送亦如之然內而大部  
各卿寺暨九門提督內務府太監之敬事房外而十五省與北至奉天吉林黑龍江將軍所屬西南至伊  
犛爾羌將軍辦事大臣所屬迄於四裔諸屬國有事無不綜彙且內閣翰林院撰擬有弗當又下軍機  
處審定故所任最爲嚴密鑿鉅昶以乾隆庚辰由中書舍人入直又遷刑部郎中蓋八年於此矣中間平  
定準噶爾回部西北數十年之患一朝剷削殆盡仰見 聖天子武功旁魄超越萬古而時又開方略  
國史三通諸館昶皆爲斟酌條例用副 右文稽古之至意下至梵夾釋典隸於經說館有所繙譯輒往  
討論故雖職事至繁竊以躬逢美盛爲大幸軍機處設立垂四十年尙無記前人姓氏多亡軼不可考乃  
詢於大宗伯張公泰開給事中明公晉並以所聞於先聖者次第書之稱職與否可指數也詞詳而不殺  
者俾後世得以考見故實且善遺際太平之榮遇云爾 春融堂集

趙翼軍機處述軍機處本內閣之分局 國初承前明舊制機務出納悉關內閣其軍事付議政王大臣  
議奏康熙中 諭旨或有令南書房翰林撰擬是時南書房最爲親切地如唐翰林學士掌內制也雍正  
年間用兵西北兩路以內閣在太和門外僻直者多虞漏泄事機始設軍需房於隆宗門內選內閣中書  
之謹密者入直繕寫後名軍機處地近宮庭便於宣召爲軍機大臣者皆親臣重臣於是承旨出政皆在

於此矣直廬初僅板屋數間今上特命改建瓦屋然擬有獨軍機大臣之事先是世宗憲皇帝時皆桐城張文和公廷玉爲之今上初年文和以汪文端公由敦長於文學特薦入以代其勞乾隆十二年間金川用兵皆文端筆也國書則有舒文襄赫德及大司馬班公第蒙古文則有理藩院納公廷泰皆任屬草之役迨傅文忠公恆領揆席滿司員欲藉爲見才營進地文忠始稍假之其始不過短幅片紙後則無一非司員所擬矣文端見滿司員如此而漢文猶必自己出嫌於攬持乃亦聽司員代擬相沿日久遂爲軍機司員之專職雖上亦知司員所爲其司員亦不必皆內閣人凡部院之能事者皆得進焉而司員數且數倍於昔此軍機前後不同之故事也按出納詔命魏以來皆屬中書故六朝時中書令極貴必以重臣爲之而中書令官尊不常親奏事多令中書舍人入奏於是中書舍人亦最爲權要地唐初猶然高宗時始分其職於北門學士元宗時又移於翰林學士於是中書門下之權稍輕迨唐中葉以後實者操國柄設爲樞密使之職生殺予奪皆由此出而學士及中書俱承其下流是以樞密一官極爲權要昭宗時大誅宦官宮中無復奄寺始命蔣元暉爲之此樞密移於朝臣之始地居要津人所競羨故宣徽使孔循欲得其處輒譖元暉於朱全忠而殺之朱梁改爲崇政院以敬翔爲使後唐復名樞密以郭崇韜爲使明宗時安重誨爲使晉高祖以樞密使劉處尙不稱職乃廢此職歸其印於中書而通密院學士亦廢出帝時桑維翰復之再爲樞密使周世宗時王朴爲之是五代時之樞密院卽六朝之中書其於唐則國初之中書中葉之學士末季之樞密合而爲一者也至宋金則樞密使專掌軍事宰相分職當時謂之兩府而他職務不與焉元時軍國事皆歸中書省明太祖誅胡惟庸後廢中書省不設令六部各奏



事由是事權盡歸宸斷然一日萬機登記撰錄不能不設官掌其事故永樂中遂有內閣之設批答本章撰擬諭旨漸復中書省之舊其後天子與閣臣不常見有所諭則命內監生寫事曰付閣撰文於是宮內有所謂秉筆太監者其權遂在內閣之上與唐之樞密院無異矣 本朝則宦寺不得與政 世祖章皇帝親政之初卽日至票本房大學士在 御前票擬康熙中雖有南書房擬 旨之例而機事仍屬內閣雍正以來本章歸內閣機務及用兵皆軍機大臣承 旨 天子無日不與大臣相見無論宦寺不得參卽承 旨諸大臣亦祇供傳述繕撰而不能稍有替畫於其間也按五代宋金樞密院皆有學士供章制今軍機司員亦猶是時之樞密院學士

軍機處有 廷寄 諭旨凡機事慮漏泄不便發抄者則軍機大臣面承後撰擬進呈發出卽封入紙函用辦理軍機處銀印鈐之交兵部加封發驛馳遞其遲速皆由軍機司員判明於函外曰馬上飛遞者不過日行三百里有緊急則另判日行里數或四五百里或六百里并有六百里加快者卽此一事已爲前代所未有機事必頒發而後由部行文則已傳播人口且驛遞遲緩探事者可僱捷足先驛遞而到自有 廷寄之例始密且速矣此例自雍正年間始其格式乃張文和所奏定也軍機印藏大內需用則請出用畢卽繳進自用兵以來軍報旁午日或數起難於屢請屢繳故每請印出則鈐就封函數百以便隨時取用而封函無專員收掌不免狼籍遺失宜專派一員登記月日數目庶更爲慎重

軍機大臣同進見自傅文忠公始 上初年惟訥公親一人承 旨訥公能強記而不甚通文義每傳一旨令汪文端撰擬訥公惟恐不得當輒令再撰有屢易而仍用初稿者一稿甫定又傳一 旨改易亦

如之文端頗苦之然不敢較也時傅文忠在旁竊不平迨平金川歸首揆席則自陳不能多識恐有遺忘乞令軍機諸大臣同進見於是遂爲例諸臣既感和衷之雅而文忠實亦稍釋獨記之勞然 上眷倚有加每日晚膳後閱內閣本章聖有所商推又獨召文忠進見時謂之晚面云

往時軍機大臣罕有與督撫外吏相接者前輩嘗言張文和公在雍正年間最承 寵眷然門無竿牘饋禮有價值百金者輒却之訥公親嘗 今上初年亦最蒙 眷遇然其人雖苛刻而門庭峻絕無有能干以私者余入軍機已不及見二公時傅文忠爲首揆頗和易近情矣然外吏莫能登其門督撫皆平交不恃爲奧援也余在汪文端第凡書牘多爲作答見湖撫陳文恭伴函不過獲錦二端閱撫潘敏惠公同年也餽節亦不過烏紗而已至軍機司員吏莫有過而問者軍機非特不與外吏接也卽在京部院官亦少往還余初入時見前輩馬少京兆環嘗正襟危坐有部院官立階前輒拒之曰此機密地非公等所宜至也同直中有與部院官交語者更面斥不少假被斥者不敢置一詞云

軍機撰述 諭旨向例撰定後於次日進呈自西陲用兵軍報至輒遞入所述 旨亦隨撰進或 巡幸在途馬上二降旨傅文忠面奉後使軍機司員歇馬撰繕馳至頓宿之 行營進奏原不爲遲也然此營至彼營七八十里必半日方到而兩營之間尙有一大營以備 駕中途小憩者 國語謂之烏墩司員欲誇捷遂倉猝繕就急飛馳至烏墩進奏名曰趕烏墩斯固敏速集事然限於暑刻究不能由盡事理每煩 御筆改定云余直軍機時直舍卽在軍機大臣直廬之西僅屋一間半又逼近降宗門之牆故窄且暗後遷於對面北向之屋五間與滿洲司員同直則余已改官不復入直矣扈從木蘭時戎帳中無几案

率伏地起草或以奏事黃匣作書案而懸腕書之夜無燈檠惟以鐵絲燈籠作座置燈盤其上映以作字  
偶繁輒蠟淚汚滿身非特戎帳中爲然木蘭外有 行宮處直房亦如此惟多一木榻耳余歸田後歲庚  
子 上南巡余恭迎於宿遷見 行宮之軍機房明牕淨几華裯繡毯不覺爽然失也

聖躬勤政 上每晨起必以卯刻長夏時天已向明至冬月纔五更盡也時同直軍機者十餘人每夕留  
一人宿直會又恐詰朝猝有事非一人所了則每日輪一人早入相助謂之早班率以五鼓入平時不知  
聖躬起居自十二月二十四日以後 上自寢宮出海過一門必鳴爆竹一聲余輩在直舍遙聞爆竹  
聲自遠漸近則知 聖駕已至 乾清宮計是時尙須燃燭寸許始天明也余輩十餘人閱五六日輪一  
早班已覺勞苦孰知 上日日如此然此猶尋常無事時耳當西陲用兵有軍報至雖夜半亦必 親覽  
趣召軍機大臣指示機宜動千百言余時撰擬自起草至作楷進呈或需一二時 上猶披衣待也舊聞

雜記

嘉慶四年諭內閣本朝自設立軍機處以來向無諸王在軍機處行走正月初間因軍機處事務較繁是以暫  
令成親王永理入直辦事但究與國家定制未符成親王永理著不必在軍機處行走現在軍機處大臣人少  
傅森著仍在軍機處行走 聖訓

又 諭內閣部院各衙門文武大臣及直省督撫藩臬凡有奏事之責者及軍營帶兵大臣等嗣後陳奏事件  
俱應直達朕前俱不許另有副封關會軍機處各部院文武大臣亦不得將所奏之事豫先告知軍機大臣臣  
如各部院衙門奏章呈遞後朕可卽行召見而爲商酌各交該衙門辦理不關軍機大臣指示也何得豫行宣

露致啟通同扶節之弊即將此通諭知之各宜凜遵 聖訓

又 諭內閣軍機處爲機密要地向來行走章京未定額數俱由軍機大臣挑補並不帶領引見因思各衙門各旗官員卽筆帖式騎校護軍校等微員無不由引見補授軍機章京職事較重豈有轉不帶領引見之理嗣後滿漢章京各定爲十大缺由內閣六部理藩院堂官於司員中書筆帖式等官內擇其人品端方年力富強字畫端楷者交軍機大臣帶領引見候朕簡用其記名人員遇有缺出按次陸續充補此次應挑之滿漢章京卽照新例辦理 聖訓

又 諭軍機大臣等從前和珅意圖專擅用印文傳知各省抄送摺彙因此帶有投遞軍機處另封事件業經降旨飭禁並隨摺批諭今和珅業經伏法所有隨帶文書當永遠停止儻經此番飭禁之後尙有仍蹈前轍者必當重治其罪決不姑貸 聖訓

五年諭內閣裴行簡已補授太僕寺少卿著仍在軍機章京上行走嗣後軍機章京有升任至通政司副使大理寺少卿者卽著軍機大臣奏明不必在軍機章京上行走 聖訓

又 諭內閣向來軍機大臣出差隨帶軍機章京原以堂司統屬故令帶往辦事乃年來出差及簡放外任大員如阿迪斯長麟長齡等並非軍機大臣亦在朕前率意請帶軍機章京殊屬非是大臣等奉派出差各有屬員可以隨往何必將素非所屬之員帶往辦事至簡放外任向無隨帶京員之例況軍機章京現有定額若出差大臣俱請帶往軍機處安得有如許人員且難保無軍機章京向出差大臣營謀前往沿途倚仗軍機處處張聲勢此時軍機大臣實皆小心謹慎不敢作福作威章京等亦皆奉公守法若屢派出差恐小軍機之故態

復萌沿途又受苦累是朕並非欽派各大臣出差實係派軍機章京出差矣嗣復出差人員除軍機大臣仍准其隨帶軍機章京外其餘如有率行奏請者即將該大臣治罪另行簡派 聖訓

又諭內閣軍機處爲辦理樞務承寫密旨之地首以嚴密爲要軍機大臣傳述朕旨令章京繕寫均不應稍有漏洩自去年正月以後軍機處頗覺整飭嚴肅閒雜人等亦覺稀少近日又覺廢弛軍機處堂階上一窗外廊邊擁擠多人籍回事查察爲名探聽消息摺奏未達於宮庭新聞早傳於街市廣爲談說信口批評非政體必應嚴定章程以昭法守此後軍機大臣止准在軍機處承寫本日所奉上諭其部院案案不准在軍機處辦理本管司員不准至軍機處回事軍機章京辦事之處不准閒人窺視自王貝勒貝子公文武滿漢大臣俱不准至軍機處同軍機大臣談說事體違者重處不赦自今日每日著都察院科道一人輪流進內在隆宗門北首內務府官員直隸監視軍機大臣散後方准退直如有前項情弊卽令直班科道參奏候旨嚴懲若科道曠班或推故早散亦准軍機大臣指名參奏再此後有通諭王公大臣之事俱在乾清門外階下傳述不准在軍機處傳旨此旨通諭中外各衙門敬謹凜遵違者不恕特諭 聖訓

七月上諭內閣御史王寧焯奏請重軍機大臣責成以肅綸言一摺自雍正年間初設軍機處於大學士各部院尚書侍郎中遴派數人在內行走本爲籌辦軍務而各直省寄信事件以及在京各衙門遇有應降諭旨勢不能紛紛令羣工承繕是以俱由軍機處擬寫交發令事有統彙以昭畫一是軍機大臣承旨書諭並非將臣工翊贊之職盡責之此數人也內外滿漢大臣俱經朕特加擢用誰不宜盡心匡弼必專責之軍機大臣則其權過重若承奉諭旨之事軍機大臣得以力阻不行則外人又將以攬權指摘矣況我朝 列聖相承乾綱獨

覽 皇考高宗純皇帝臨御六十年於一切 綸音宣布無非斷自 宸衷從不令臣下阻撓國是卽朕親政以來辦理庶務 皇考遺訓雖虛懷延納博采羣言而至用人行政令出惟行大權從無旁落朕初因該御史所奏以爲必有指陳時務臚舉切要者及詳開摺內乃專指上年停止前往盛京一節 陵展敬爲登極後應行大典朕彼時明降諭旨於六年秋孟啟 事關禮制豈臣下所可阻止嗣因御史沈琨張鵬展等以軍務未竣懇請展期交王大臣等會同妥議以爲應如所請是以降旨暫行停止卽上年春間曾有旨巡幸木蘭後因夏間雨水過多亦停止秋獵此皆朕臨期酌度豈軍機大臣能於春間卽逆料夏雨情形豫爲阻止耶至該御史稱鑾輅所經地方官早爲備辦永平一帶糜費已多不能開銷等語 陵諭旨係五年十一月初二日頒發至六年正月二十七日降旨停止爲時無幾且距七月取鑾之期又遠地方官有何豫辦不能開銷之處乎至該御史所奏前諭已發復行改擬不敷於先遂至不信於後等語試思前史所稱爲詔令不信者如恩旨已降或應行蠲貸而實未均霽或業已豁免而仍行科斂我國家會有此等事乎至於明發諭旨有經朕再四思維尙有未盡周妥之處或臣工陳奏未便因而復行停止者此正欲事臻盡善故不厭反覆精詳若必迴護前旨固執己見勢將文過飾非蹈言莫予違之習豈古帝王從善如轉圜之道乎又所稱軍機大臣昧於大體不當僅於語句筆畫小誤始行自請議處所論亦屬非是謬爲論旨雖係章京之責但軍機大臣於進呈事件理當敬謹校覈既有錯誤自應請議況朕亦時加寬免何嘗僅於細務加之責備耶國家設立官原期於國計民生指陳利弊近日科道陳奏其略有確據者朕無不立加根究卽如朕擢用明安因御史汪鏞參奏關鎮一案經軍機大臣會同刑部審出朋安聽情受賄情節請旨解任當卽將朋安革職至定擬時承審大臣

奏請發往烏嚙木齊又經特旨改發伊犁而汪鏞即予升擢何嘗不獎言路以宏采納但其敷奏毫無指據者亦安能概予施行現在邪教餘匪未淨科道等並未將如何設法緘輯如何籌及生計及功竣後如何辦理善後事宜卽外省地方倉庫如何積貯充實等事一一酌籌切實具奏而直隸州縣被災飢民節次發帑設賑及散給棉衣以工代賑近日京城附近地方飢民領賑者至二萬五六千人現又於城外增添飯廠亦從未有御史一言奏及其曉曉瀆奏者如用平恕則王蘇以爲不應復任江蘇學政用黃永沛則游光繹以爲不應僅循資格用人黜陟爲朝廷大柄該御史等於諭旨既發後尙欲奏請撤回而王靈焯於應行改撤之旨轉以爲不宜更易若國家用人行政其是非得失悉聽諸言官臆說勢必假公濟私把持朝政如明季科道劣習亦豈能於朕前嘗試耶王靈焯所奏謬妄著將原摺擲還嗣後科道等遇有應行陳奏者仍直言無隱毋得似此率意妄陳自干咎戾將此通諭知之 聖訓

十六年上諭內閣軍機處樞密重地滿漢章京趨公執事先以謹慎爲本從前御史吳邦慶條奏大員子弟不准充補軍機章京經軍機大臣議覆自道員以上子弟皆令迴避其有行走在先者並隨時請旨定奪茲據慶桂等奏新授南贛道查清阿之子誠端應否迴避朕思謹慎與否總視乎其人而防閑之道亦必當定以限制嗣後文職京官三品以上外官臬司以上武職京官副都統以上外官總兵以上其親子弟均不准在軍機章京上行走其行走在先者亦無庸隨時具奏卽令照例回本衙門當差誠端係道員之子無庸迴避 聖訓

又諭軍機大臣等方維甸前任陝西巡撫時曾迎養伊母在署辦公之餘克資孝養迨簡放閩浙總督之後伊母因道途遙遠於南方風土未習難於就養方維甸當經具摺陳奏一面將伊母送歸江甯原籍自赴閩省



任事上年秋間伊到熱河陛見時朕施恩詢及伊復瀝陳忱悃朕念伊母高年患病方維甸孝養情殷兩地朕  
違殊增戀慕若將伊調任兩江庶可就近侍養而又係伊原籍應行迴避祇得令其開缺回籍養親此朕不忍  
拂人子至情曲爲禮恤也方維甸自回籍以後承歡侍奉伊母自己日就安健現在大學士戴衢亨因在臺灣  
偶患時證不意爲醫藥所誤遽於昨日溘逝朕心悼惜此時軍機漢大臣人少樞務至重朕於中外諸大臣遍  
加遴選惟方維甸性情公直在軍機章京上年久熟諳事務人地相宜今特簡用爲軍機大臣將來補放尙書  
用資倚畀伊母從前本在京邸久住於北方風土素能習慣卽此時在江甯居住亦未必如在京邸之服習伊  
若奉母來京於散直之餘朝夕侍奉豈不公私兩遂卽遇巡幸亦不令伊隨往朕於方維甸母子之間所以優  
加體念者實爲無所不至今當辦事需人方維甸亦當仰體朕用人不得已之苦衷勉思報効 聖訓

二十五年諭從前軍機處滿漢章京皆由軍機大臣於內閣等衙門傳取嘉慶四年改由內閣六部理藩院保  
送引見嗣後將保送人員先令軍機大臣考試分別去取帶領引見其記名者挨次傳補立法至爲允當惟大  
員子弟設有迴避之例殊可不必防弊之道初不在此如大臣子弟有挑入軍機處者藉以學習教政未嘗不  
可造就人材嗣後保送軍機章京著無庸迴避大員子弟其軍機章京有升通政司副使大理寺少卿及補授  
科道者卽回本衙門行走著仍照舊例行 東華續錄

道光三十年軍機大臣大學士祁寯藻等奏遵旨酌擬軍機處章程九條一軍機處應立用印簿於用印之日  
滿漢章京內輪派一員監印登簿書押用過印花數目於下一次請印時覈對一兵部送來印花數目應  
與用過數目詳細覈對一字寄中遇有機密查辦事件於承旨後派章京一二員在堂上繕寫密封呈遞發下

後仍由堂上用印封交兵部領去將底彙押封記俟查辦事竣再行拆封登檔如有漏洩查明繕寫之章京嚴參一逐日改定章彙應責成每日該班章京與領班章京公同檢齊焚銷一每日明發諭旨同奏摺交內閣發鈔寄信印封夾板交兵部驛遞速議事件交各該衙門領去應嚴飭各衙門仍遵照舊有堂諭承領事件人員未到傳領時不得進軍機直房違者參處並嚴禁各衙門人員不許在軍機堂並章京直房階外附近處所站立竊聽一方略館值宿章京佩帶請印金牌接收各處文書關繫較重應責令稽查館上庫上一切事務不得曠班貽誤一軍機堂章京直房蘇拉人等由堂司隨時稽查其方略館供事蘇拉廚役應責令滿漢提調收掌各員認真稽查毋許任意出入滋生事端仍密訪如有串通在外間人將補授官員等事爭先送信報喜者即行革役究辦一隆宗門內軍機章京直房後身另有小門空院恐供事等於此傳遞消息應將此門封閉以昭慎重一軍機冊檔二分一存方略館一存圓明園該章京等在內該班不及兼顧園中直房應片行圓明園八旗值宿官兵小心守護如有應行取用檔案開單交片提取派員領回從之東華續錄

咸豐元年諭內閣軍機處爲絲綸重地滿漢章京繕寫諭旨尤宜慎重考選嘉慶年間疊奉 仁宗睿皇帝諭旨令各衙門堂官於司員中書筆帖式擇其人品端方年力富強字畫端楷者出具切實考語保送並限其額數又定濫保處分 聖訓煌煌永垂法守現當保送軍機章京之時著各該堂官認真揀選必須先取人品並察看年力文字照例咨送勿許徇情濫軍機大臣傳集考試著將試卷彌封公同校閱擬定次第帶領引見候旨記名如該員等充補之後怠惰不職即咨回原衙門當差儻查有舞弊營私劣蹟即著該大臣等據實嚴參朕必寬其失察之咎如徇隱姑容經朕察出惟該大臣等是問並將濫保之各衙門堂官一併議處該章京

等內廷供職向例覈其勞績甄敘從優當如何砥厲廉隅以圖報稱嗣後各宜倍加謹飭於一切交遊書札均須慎重毋得仍蹈積習致干重罪 聖訓

陳康祺曰軍機處寄信直省將軍督撫向例於恭錄 諭旨前一行用滿漢唇首大臣掛銜嘉慶二年阿文成公卒九月 太上皇召見樞臣於萬壽山 諭和珅曰阿桂宣力年久且有功汝隨同列銜事尙可行今阿桂身故單挂汝銜外省無知必疑事皆由汝甚至稱汝師杜汝自揣稱否詞色甚厲嗣後遂止寫軍機大臣不列姓名著爲例卽潛二筆

又曰軍機大臣穿綠牙縫鑲自嘉慶二十一年 特旨賞托津盧蔭溥始並 諭嗣後軍機大臣俱準穿用同上

姚文棟軍機處故事補遺雍正十年三月初三日大學士等遵 旨議奏辦理軍機處密行事件所需鈐封印信謹擬辦理軍機印信字樣移咨禮部鑄造貯辦理軍機處派員管理並行知各省及西北兩路軍營今辦事軍機處銀印乾隆初年所換鑄清漢篆其文曰辦理軍機事務印記兩旁鐫刻年月字號一曰乾隆十四年正月日造九字一曰禮部造三字一曰乾字一百二十九號八字○滿洲軍機大臣奉 旨軍機處行走者是否準看漢摺之處歷由本處繕片請 旨均得 旨準其閱看惟乾隆二十五年尙書兆惠都統侯官德在軍機行走時奉有閱清字不閱漢字之 旨自道光年間以後滿洲大臣一體閱看漢摺均未繕遞摺片○乾隆初年恭遇 聖駕時巡軍機大臣是否隨往皆候 旨遵行乾隆四年十月二十六日本處奏 皇上南苑大閱臣等辦理軍機處除臣訥親臣海望總理 行營隨往外臣鄂爾泰

張廷玉徐本訥延泰隨駕之處合行請旨奉旨大學士徐本尚書訥延泰  
朕駐蹕南苑天氣寒冷吏兵二部輪班之日大學士鄂爾泰張廷玉不必前往近  
京辦事或先已出差外省及鄉會典試外凡恭遇時巡無不隨往者不待奏請矣  
軍機大臣進止仍循舊章一摺當史館諸臣撰和坤傳時徧檢不得今見於滇南  
得之謹錄於後臣伏觀我朝設立軍機處向來大臣與其職者皆萃止其中用  
地一則勢無所紛居同則情可共見卽如司員咨事書稿亦得有定所而無殊歧  
觀近日惟大學士阿桂一人每日止軍機處大學士和坤或入止於內右門內  
卽止於隆宗門外近造辦處之廬大學士王杰則入止於南書房尙書董誥  
於造辦處每日惟召見時聯行而入退則各還所處雖亦有時暫止軍機處而  
稿司員未免趨步兩歧以我皇上乾行之健離照之明大小臣工戴德懷刑決  
之漸然行之萬世無弊莫過於率由舊章況內右門之內相近禁寢向來因  
見之事須先一刻預備恩加大臣不令與各官露立是以設廬許得暫止不應  
入止而隨從軍機司員亦更出更入爲日既久不能不與內監等狎熟萬一有無  
刑辟而所絀已多自宜及早至南書房以備幾暇顧問俟軍機事務既畢入  
直廬及造辦處則各色應差皆得覘聽於外大臣於內辦事亦屬未便請敕諸  
機處庶匪懈之忱各申五夜協恭之誼共勵一堂其圓明園辦事亦同一體近

如意門外南順牆東向之廬王杰董誥止於 南書房之處並請 敕禁止謹奏○親王奉 旨存軍機大臣上行走者惟成親王恭親王二人成親王於嘉慶四年正月入直辦事是年十月 諭云本朝自設立軍機處以來向無諸王在軍機處行走者究與定制未符隨 命出直恭親王歷咸豐同治光緒三朝 靈奉 恩綸入直在軍機處領班最久 眷倚隆重正未有艾此向來未有之異數也○自乾隆以來定例軍機大臣同進見無獨 召一人者道光二年夏湘浦太宰緣事出直文秋潭大司馬出差黃左田大司農病假曹儷奎相國遂獨對者匝月時稱爲異數云○乾隆時裴修日爲軍機大臣令鹽道之堵某持書寄鹽商牛兆泰上知之 諭責軍機行走之人當以慎密防閑爲要裴日修雖無囑託之言明有囑託之意 命卽日出直又軍機章京徐步雲於查辦揚州提引一事預先通信奉 旨徐步雲與盧見曾認爲師生此等緊要事件敢於私通信息致慮見曾預行寄頓甚屬可惡著發往伊犁効力 天語煌煌前事可鑒直樞曹者不可不知○嘉慶四年御史何元烺奏請酌改軍機處名目一摺內稱軍機處承辦一切事務與兵部之專司戎政者不同現在軍務久經告成似應更改名目以見偃武之隆奉 旨軍機處名目自雍正年創設以來沿用已久一切承旨書諭及辦理各件皆關係機要此與前代所稱平章軍國重事相仿並非專指運籌決勝而言目今三省邪匪久已肅清大功告成薄海內外共慶昇平不必改易軍機二字始爲偃武何元烺摺著擲還又十四年戶部議奏摺內將軍機處三字據寫 上惡其開詔諛之漸 嚴旨誡飭此兩事皆經 諭行駁正亦一時只聞也○向來軍機章京未定額數自嘉慶四年以後定例滿漢兩班每不得過八人後於每班八人之外復添額外章京一員咸豐三年因軍務較繁復添

傳 記名漢章京四人在額外行走同治十一年停減其半○嘉慶四年奉 諭云軍機處行走章京向來俱由軍機大臣挑補並不帶領引見因思各衙門各旗官員卽筆帖式驍騎校護軍校等微員無不由引見補授軍機章京職事較重豈有轉不帶領引見之例軍機章京之由引見 見擢用自此年始也○嘉慶十年定例滿漢現在京官文職三品以上武職二品以上及外官文職督撫司道鹽政關差武職提鎮以上各大員子弟均不得保送挑補軍機章京從御史吳邦慶之議也二十五年 諭旨大臣子弟有挑入軍機者藉以學習政事未嘗不可造就人材防弊之道初不在是嗣後著無庸迴避○軍機章京例用內閣中書舍人舍人改庶吉士則不復入改大曹御史給事中遞遷卿寺至都察院副都御史內閣學士入直如故惟擢侍郎亦不復入間有以資以廢補郎得預者率大臣子弟爲然而張公若靈鄂公容安又以庶子侍講入直蔣公炳程公燾又以巡撫罷還京入直皆奉 特旨行非故事也王蘭泉司寇云乾隆年間滿洲大員如侍郎保成松筠內閣學士博清額索琳福德等漢大員如順天府尹蔣炳副都御史胡寶琬傅顯劉秉恬孫永清大理寺卿王昶光祿寺卿申甫太僕寺卿程燾候補三品京堂袁守侗等皆令在軍機章京上行走嘉慶以來始專用司員無二三品大員爲章京者矣經世文續編

光緒二十四年戶部主事蔡鎮藩奏中國之大弊曰無名寶宰輔樞衡之任魏晉以來病其專擅一以他官與領豈知有權卽能專擅欲懲其弊莫如兼任故惟我 朝定制爲最善 國初內三院皆設大學士康熙時改爲內閣分其職而設翰林院雍正時又分其職而設軍機處內閣翰林院軍機處卽 國初之 國史院宏文院祕書院也惟軍機處因西北軍務而設未遑定官迄今百數十年贊理 萬幾政事無所不統並非

專辦軍務事平可議裁撤現在內政外交事繁重尤匪尋常輔弼之責任宜仿內三院大學士均係本官之例改軍機處爲樞密院或卽名祕書院除親王貝勒 欽派管理無定員外設大學士若干員協辦大學士若干員一二三等章京各若干員秩約三四五品建衙署廣直房略如內閣向來大臣多有部務差事早夜奔馳無復從容論思之暇雖未明而入亦輒未明而出一切要件決於片時此後新政章奏日益繁多變法 詔旨時須承擬且交議各項事件規畫必期精審既未可倉卒定議亦不能稍涉遲延大學士等無簿書期會之煩自朝至於日中督同籌辦必能發摠勳業補救時艱仰贊開物成務之治矣 卹鈔

右軍機處

光緒二十七年三月諭曰上年十二月初十日因變通政治圖自強通飭京外各大臣各抒所見凱切敷陳以待甄擇近來陸續條奏已復不少惟各疆臣多未奏到此舉事體重大條件繁多奏牘紛煩務在體察時勢抉擇精當分別可行不可行並考察其行之力不力非有統匯之區不足以專責成而繁綱領著設立督辦政務處派慶親王奕劻大學士李鴻章榮祿崑岡王文韶戶部尙書鹿傳霖爲督辦政務大臣劉坤一張之洞亦著遙爲參預各該王大臣等於一切因革事宜務當和衷商榷悉心評議次第奏聞俟朕上稟 慈躬隨時更定回鑾後切實頒行示天下以必信必果無黨無偏之意其政務處提調各官該王大臣等務擇心術純正通達時務之員奏請簡派勿稍疎忽此事予限兩個月現已過期其未經陳奏者著迅速彙議具奏勿再延逾觀望

政務處開辦條議



向來軍機處爲政事統匯今別設政務處以軍機大臣領之並添派王大臣領之事體重要天下望風在事之員皆當力任其難勿勞怨變法宗旨見上年十二月初十日 上諭果能內外一心實事求是則轉貧爲富轉弱爲強皆於是乎在若辨之不明行之不力私心不化積習不除雖有良法仍無實濟遠有弊蓋之前鑒近有戊戌之前車所當深思熟計也辦事不當畏難不可不知其難立法豈能徇衆不可不謀於衆集思廣益公爾忘私其根本也渾化中西折衷至當其指要也端不輕發令出推行其措施也知人善任適觀厥成其時行也茲當開辦之始略具條議如左

二本處王大臣以下應設提調二員章京八員或十員欽遵 聖諭以心術純正通達時務者充之朝官自京堂以下外官自監司以下迄於布衣均可選充首論心術兼取才望以示 朝廷簡任賢能不拘成格盡除徇情面採虛聲之積習其堂司相見之禮亦較各部院衙門優加禮紀蓋政務重大非其人不得預既用之須重之也

一政務千端萬緒約而言之興利除弊而已大利當興而不興者非常之原黎民所懼可與樂成難與圖始也積弊當除而不除者弊之人窟穴於斯衣食於斯一人革之而衆人撓之也今既奉 旨舉辦當首破因循瞻顧之習事無輕發發則惟行不惟反其阻撓者以溺職論先事示立木之信乃可次第收破竹之功書曰允執厥中又曰惟斷乃成兩言盡之矣

一政務處之設略仿宋三司置條例司遺意而變通之王安石之變法舉青苗保馬方田水利諸政與其竄倣謀之一室分別條流通行天下失詢謀效同之意故天下以爲不便今則欽奉 明詔俾中外大臣各抒所見

行竭所知以俟 聖明裁擇大哉 王言遠邁前古各官章奏均交政務處詳審分別可行與不可行開辦之初首在細心閱看其不可行者暫從閣置仍條列其難行之故呈覽候核至其可行者分別緩急量爲刪增其或一人言一事而可取者其言其意善矣其辦法未必精到也當由政務處斟酌損益祈於盡善請 旨施行其或數十人同言一事而可取者則當彙萃羣言去其重複補其未備請 旨施行政務二字包舉萬端今之上言者不及百人有利害與有弊當革而中外臣工未經言及者則當由政務處自擬辦法酌妥籌請 旨施行將來奉 旨舉辦之事勒爲成書卽是一部政典故此斷非一手一足之烈亦非一朝一夕之故亟當旁求俊乂勸發嘉猷若仍照各衙門事例凡當行之政於各奏疏中抽取一條由政務處辦一通行由各省辦一復奏有名無實有始無終則與變法自強之本意大謬矣

一政務殷繁各官章疏別擇以後當區分門類各認各股專心辦理類如官制學校科舉吏治財政軍政邦交商務工藝刑律舉辦雖有緩急者訂不容疏漏而每門之中又分子目如官制則有文官武職裁併添置諸事學校則有國子監府州縣學以及各省書院學堂而報館譯書局方言測繪天算均隸之科書則有小試鄉會試特科諸目吏治則有清訟催科荒政保甲巡捕諸目財政所包最廣如農田水師屯墾畜牧樹藝關權賦役礦務鐵路錢幣銀行鹽法漕運倉儲捐餉棉桑紡織諸局皆隸之軍政則有水師陸師操法戰術餉章營制軍械炮臺營壘以及調防裁汰諸事邦交則外務出使洋稅教堂游歷以及條約公法皆屬之商務乃財政之大端別爲一門用昭鄭重工藝則有關製造者皆屬之刑律一門似應與公法參訂互證以辨民教交涉之案而商律附焉每舉一事各歸各股由該管章京妥議辦法再由提調覆核商訂參議公同斟酌呈堂審定然後奏

請 聖裁

一變通法制大綱有二一則舊章本善奉行既久弊竇叢生法當規復先制認真整理一則中法所無宜參用西法以期漸致富強法當屏除成見擇善而從每舉一事宜悉心考求凡中國政書及上海所譯各種西書皆當購存公所東洋與我同洲變法未久遠臻強盛此尤切近可師者當咨由出使日本大臣將彼國變易各大大政行之已有實效者概行鈔錄齎送並徧咨出使各國大臣將各國財政軍政商務工藝諸大端擇其尤要者分別錄送以備稽核

一政務處之設爲自強計中國之弱由於貧列國之強由於富是救貧又爲自強之始基然變置之初斷斷不宜從理財入手方今中國一絲命脈惟在人心而匪黨蔓延時相誘煽若此時先事搜括天下將謂利百病一無興除所變者特厲民之法耳從此人心一失雖有良法亦難措置當先取天下所甚疾者剔除一二事所甚願者施行一二事使天下之人曉然於 朝廷變法實爲吾民興利除害人人有悅服之忱而專事有求實之意則此後下令如流水矣前之洋債未清今之償款又迫每年二千餘萬於何取償夫理財祇有兩途曰開源曰節流開源之事或緩不濟急或放利多怨不如自節流始節流之法不外汰冗兵以節餉汰冗官以節祿汰無益之局廠以經節費餉也祿也經費也皆天下之民之膏血也既去其膏血而虛糜之今爲時世所迫凡虛糜者一切如故而別事敲骨吸髓以應外人之求不惟民心不甘 朝廷亦決不忍出法當盡裁冗費之付償款再有不足然後取之於民庶可以篤祐而對天下矣

一上年 諭旨嚴禁新舊之名以渾融中外之迹而申之以去私心破積習此卽政務處簡明切要之宗旨也

同爲 大清臣子而自分新舊苟爲異同隱患中於國家黨禍及於士類維新之極而有康逆之亂守舊之極而有拳匪之亂 朝廷旰食薄海攬心列國所譏亦中華之恥也今當盡化偏私恪遵 聖訓迂謬之論一切屏除惟是崇尚西法者往往不揣本末銳意更張則亦賢智之過今言變法動引日本爲例殊不知日本幅員非廣風氣齊一號令易行且以外國學外國譬猶楚學齊語不甚懸殊故事易舉而效甚速中國地方四萬餘里歷代相承二千餘年從不知西學爲何事東南諸行省風氣已開者語以西法尙不驚疑若西北之民質性忠樸耳目未廣驟令變革何異彈俗鳴球修陵蒂藕乎故欲變法斷難以通行之文告處四海之齊民法當因地制宜因勢利導且卽以西法論有西政西藝之不同今學西法欲學其事先學其心西人之心公而中人多私西人之文簡而中文太繁西人之事實而中事多虛西人之言信而中人多僞本原大異而徒取則於事爲文貌之間雖累萬人不爲功累百年難求效也自同治初年以來非不講求洋務局廠如櫛船砲如雲積三十年有何成效所以然者西人作事千人一心共利其國國利而身亦利中人作事百人百心各利其身身有利有不利而國則決無一利此所以股票不售公司渙羣凡西人有利之事中國效之皆賠錢之事必先正中國之人心乃可行西人之善法正本清源匪異人任矣

一破除陋習先自政務處始近年方略會典諸館三年一保蠲等遷除名器不遵適長奔競今奉 上諭以純正通達見待則在事者已結 主知自毋庸三年列保以免希速化者視爲捷徑競事實緣其供事諸人則照軍機處例優予出身以示鼓勵

一舉行要政其事體重大須考訂精覈商權者應俟 回鑾以後悉心詳議其有芟除積弊有益民生可以立

見施行者應由 行在政務處奏請 特旨即日分別興除以慰天下之望

一為政在人千古不易政務處無論立法如何詳密要須中外大臣實心實力破除因循敷衍之習始能望成  
功而收明效此處乃天下政治之管轄當廣集英賢資其策力非其才不當循情面得其人不當限資格 朝  
廷用人一秉大公當自政務處始邸鈔

右政務處

翰林院掌院學士 讀講學士 侍讀 侍講 修撰 編修 檢討 庶常館教習 庶吉士 典簿 孔目

待詔 筆帖式 經筵講官 日講起居注官 起居注主事 筆帖式 文淵閣領閣事 提舉閣事

直閣事 校理 檢閱 內務府辦事司員

翰林院掌院學士滿洲漢人各一人 侍讀學士滿洲二人漢人三人 侍講學士滿洲二人漢人三人 侍

讀滿洲二人漢人三人 侍講滿洲二人漢人三人 修撰編修檢討無定員凡翰林官掌 國史圖籍制誥

文章之事 南書房侍直 尚書房教習自讀講學士以下咸得與選凡遇祭告郊 廟神祇則擬上祝文恭

上 徵號 册立 册封則擬上 册文寶文内外文武官碑文祭文皆撰詞以 進而行之修輯諸書則以

掌院學士充總裁官讀講學士以下充纂修官其直省耆官及提督學政磨勘鄉會試卷皆預焉通典

禮親王曰 國初沿明制惟修 列聖實錄附載諸臣勳績履歷官階康熙中 仁廟欽定功臣傳一百

六十餘人名曰三朝功臣傳藏於 內府雍正中修八旗通志諸王公大臣傳始備然惟載豐沛世家其

他中州士族勳業懋著者仍缺如也所取皆憑家乘筆詞臣又復視其好惡任意褒貶如開國名臣何

溫順公和選直義公英東等諸傳寥寥數則而蔡綬連蘇侍耶拜幾至於曾皆刪刻碑版中語一純所知其弊乾隆庚辰特命託國史館於東華門內簡儒臣之通掌故者司之將舊傳悉行刪燹惟遵照實錄檔冊所載詳錄其人生平功罪案而不斷以待千古公論真修史之良法後又重修王公功績表傳恩封王公表傳蒙古回部王公表傳等書一遵是例焉嘉慶庚申上復命補修列聖本紀及天文地理諸志乘儒林烈女等傳附之其納錄者以十年爲期陸續修之以爲萬誤計也

又曰國朝鑒往代奪嫡之禍永不建儲皇子六齡卽入上書房讀書書房在乾清宮左五楹面北向近在禁禁以便上稽察也雍正中初建上書房命鄂文端張文和二公充總師傅二公入講皇子背北面揖二公立受之定制卯入申出攻五經史漢策問詩賦之學雖窮寒酷暑不輟較往代皇子出閣講讀片刻卽歸徒以節觀者不啻霄壤也國朝圖書房在勤政殿東屋三進地宇幽邃有純廟御書先天不違中天立極後天不老三匾額時呼爲三天後改前垂天殿中天景物後殿額仍舊

禮亭續錄

又曰唐宋優重詞林最爲清祕凡制誥草麻外一切機務皆與商榷明代設翰林院於東長安門外與都院等坐耗俸毫無一事惟以爲入閣之階大拜後不嫻政事動爲胥吏所欺如周道登不識情面二字鄭以偉誤認何況二字安問整理之道也本朝自仁廟建立南書房於乾清門右階下揀擇詞臣才品兼優者充之康熙中諭旨皆其擬進故高江村權勢赫一時仁廟與諸文士賞花釣魚剖晰經義無異同堂師友如張文和蔣文肅顧尙書廷儀魏尙書廷珍等皆出其間當代榮之列聖遵依祖

制寵眷不衰爲木天儲材之要地曠亭續錄

庶常館教習大臣滿洲漢人各一人通典

庶吉士無定員凡每科殿試傳臚後集諸進士于保和殿而試之錄其佳卷進御筆院學士乃以諸進士引見凡入選者改爲庶吉士入館分清漢書肄業不任以事吏部疏請簡用大臣二人掌教習事月考其學業而成就之以侍讀侍講以下學優品端者分司訓課比三年期滿教習疏請散館試以詩賦上親定甲乙越日引見留館者授職餘以主事知縣用有差通典

道光二年上諭內閣國家設科取士首重翰林之選緣翰林爲清要之秩培養人材之地不可不慎也居是職者自當顧情廉恥敦篤名義苟且徼倖之事豈學者之所當爲卽如今歲考差真才實學者固不乏人乃竟有洗馬陳玉銘於宮廷考試膽敢懷挾詩文既經敗露豈能不按律治罪稍從末減耶若翰林等官不知自愛聽輒身罹法網逮繫囹圄豈僅失朕之望乃不忍行之政也爾科甲出身者皆係刻苦自勵有志於學之人斷不可心隨境轉行與言違凡修身敬事之道克己慎獨之功以馴至乎俯仰無愧可不時加省察乎試思若陳玉銘者界以考試之任尙可望其選拔真才秉公衡文乎授以牧民之責又能望其盡心民事奉公守法乎言念及此可憂可憾今而後必當激勵品行黽勉學業三畏四勿豈不知者永矢勿忘以爲士習之表率而國家亦可收得人之效矣爾多士其共懷之 聖訓

同治元年諭翰林院爲儲才之地詩賦亦係古雅頌之流乃近來積習相沿專以此揣摩爲進身階無裨實用著自明年癸亥科起散館改詩賦爲策論皆准直隸所見毋違忌諱東華續錄



二年諭內閣翰林散館歷科均用詩賦考試因近來積習相沿專於研揣聲律不求實學前經降旨自癸亥科起庶吉士散館改詩賦爲策論原期講求實用培毓真材茲據御史陳廷經奏稱歷代取士法制屢更行之既久莫不有弊惟在用法得人不必遽改定制庶常散館嗣後仍請用詩賦等語翰林院爲人才淵藪應是選者平日於古聖賢經史性理讀書果能講明切究身體力行自然學問優長體用兼備發爲策論既不同陳言勦襲作爲詩賦亦不徒競尙聲華該庶吉士等必應兼擅其長始爲名實相副著自此科爲始嗣後遇散館之年該衙門於先期一月具奏請旨於詩賦策論兩項內不拘何項出題考試該庶吉士等仍當研求經術修明正學求爲本末兼賅之士俾詞章經濟相輔而行用副朝廷樂育英才至意東華續錄

光緒二十八年上諭翰林院爲儲才重地在館各員自應講求實學通達古今以備朝廷任使乃近日風氣專以詩賦小楷爲工微精神於無用而經世事務或轉不暇考求殊非造就人才之意茲當變通政治之初允宜首先整頓嗣後編檢以上各官應專課政治之學以大清會典六部則例爲宗旁及古今政書直省通志凡有關經濟者皆當究心他如條約公法以及天算格致諸書聽其分門肄習其有願赴南北洋學習者亦准其在本署呈明咨送前往著掌院學士酌定課程每月呈送劄記擇其議論切實確有見解者選錄進呈量予獎勵其紕繆不正有害士習者分別參劾凡散館大考考差均應一律變通著掌院學士妥擬章程咨送政務處王大臣覆核請旨辦理朝廷側席旁求冀得通儒碩彥朝夕論思用恢治道其各爭自濯磨以副朕求治作人之至意欽此 邸鈔

輿傳屬典簿滿洲漢人各一人掌出納文移通典

孔目滿洲漢人各一人掌收貯圖籍通典

待詔廳待詔滿洲漢人各一人掌校對章疏文史順治元年增置漢人典簿孔目省待詔員額十五年復設待

詔員額 通典

筆帖式滿洲四十人漢軍四人掌繙譯清漢章奏文籍初制滿洲四十八人漢軍八人康熙三十四年省滿洲

八人漢軍四人凡筆帖式職事並同後不悉載 通典

經筵講官滿洲漢人各六人掌進讀講章敷陳典訓以奉侍 經幄敬襄鉅典歲二月八月兩舉 經筵講書

滿洲漢人各一人講經滿洲漢人各一人由翰林院先期請 旨簡派滿洲講官以內閣學士掌院學士讀講

學士詹事少詹事及尙書侍郎左都御史副都御史通政使大理寺卿之由內閣翰林升任者列名漢人講官

以內閣學士掌院學士讀講學士詹事少詹事祭酒及尙書侍郎左都御史等官之由翰林升任者列名以原

銜兼充通典

日講起居注官滿洲八人漢人十有二人掌侍直 起居記言記動均翰林詹事坊局官以原銜兼充惟滿漢

掌院學士例各兼一缺凡 皇上御門聽政朝會宴饗大典禮大祭祀及每歲勾決重囚皆以 日講官滿洲

漢人各二人近前侍班 謁 陵 校獵 巡狩方岳則請 旨扈從凡侍直敬聆 綸音退而謹書之具年

月日及當直官姓名於籍月成滿漢文各二帙至次年按月編排封鐫于匱送內閣尊藏焉通典

雍正元年諭 皇考聖祖仁皇帝設日講起居注官於詞臣中擇其才品優長者以原官充補嗣恐史官或多

溢美之詞故康熙五十六年以後裁省記注止令翰林五員於理事時輪侍班行凡有重務要旨仍令內閣記

而存之意至深也至朕繼承大統上繼 皇考功德之隆顧惟涼德負荷為難今御門聽政之初益當寅畏小心簪筆侍臣何可缺與當酌復舊章於朕視朝臨御祭祀 壇 廟之時令滿漢講官各二人侍班其仍復日講起居注官如康熙五十六年以前故事爾衙門即遵旨行會典事例

乾隆元年增設滿洲 日講起居注官二人會典事例

嘉慶八年諭日講起居注官滿員向止八缺較漢員減少四缺每遇侍班及舉行典禮不敷勻派著增設滿講官二員作為額缺會典事例

起居注館主事滿洲二人漢人一人掌出納文移校對典籍 初制滿洲主事三人漢軍主事一人康熙三十八年省滿洲漢軍主事各一人五十七年俱省雍正元年復設滿洲主事二人十二年增設漢人主事一人 筆帖式滿洲十有四人漢軍八人順治初制滿洲八人漢軍四人康熙五十七年俱省雍正元年復設如今額 通典

文淵閣領閱事滿洲漢人各一人以大學士協辦大學士掌院學士兼充掌總領祕書典司 冊府通典

文淵閣提舉閱事一人以內務府大臣兼充掌率內務府官屬綜理閣務焉 通典

文淵閣直閣事六人以科甲出身之滿洲漢人內閣學士內班出身之滿洲詹事少詹事讀講學士漢人詹事少詹事讀講學士兼充典司釐輯之事以時與校理輪番入直凡春秋賜書則董率而經理之 通典

文淵閣校理十有六人以內班出身之滿洲庶子侍讀侍講洗馬中允贊善編修檢討漢人庶子侍讀侍講洗馬中允贊善修撰編修檢討及科甲出身之內閣侍讀等官兼充分掌註冊點驗之事 通典

文淵閣檢閱八人以由科甲出身之內閣中書兼充  
文淵閣辦理事務內務府官員四人筆帖式四人由  
查宿直之事通典

國朝定制大學士以 文淵閣兼銜而閣制未建乾  
藏奏爰 敕館臣排校繕錄彙爲四庫全書凡三庫  
四十一年 詔仿麟臺故事所載勅諭閣職以資典  
畧山莊置 文津閣 盛京建 文溯閣分部珍藏  
摘藻堂 圓明園之含經堂各貯一部以備省覽復  
文宗閣杭州 聖因寺行宮之文瀾閣 特發帑金  
廣被藝苑歡騰 文治之隆洵乎振古爲昭矣謹因

右翰林院

詹事府詹事 少詹事 左右春坊庶子 中允

詹事府詹事滿洲漢人各一人 漢人詹事兼翰林院

翰林院侍讀學士銜掌經史文章之事凡充 日講

奉 旨下九卿翰林詹事科道會議之事咸入班預

所屬主簿滿洲漢人各一人筆帖式六人通考

皇朝文獻通考 卷二百四十一 職官三 在

順治元年設少詹事一人掌府事本年十一月裁併內三院會典事例

九年復設詹事一人少詹事二人會典事例

十五年裁詹事府官會典事例

康熙十四年奉 詔復置設滿漢詹事各一人漢詹事兼翰林院侍讀學士銜滿漢少詹事各一人漢少詹事

兼翰林院侍讀學士銜滿漢主簿各一人會典事例

左右春坊掌講讀箋奏之事通考

左右庶子滿洲漢人各一人漢庶子兼翰林院講讀銜 通考

左右中允滿洲漢人各一人漢中允兼翰林院編修銜

左右贊善滿洲漢人各一人通考

司經局掌經籍典制圖書刊刻收藏之事洗馬滿洲漢人各一人漢洗馬兼翰林院修撰銜 通考

乾隆五十四年諭本日閣洗馬周瓊呈請代奏謝恩摺內有補授司經局洗馬兼翰林院修撰字樣修撰係一

甲一名進士專銜何用假借兼攝所謂名不正也因思詹事府衙門自詹事庶子中允贊善等官亦俱兼翰林

院學士侍讀侍講編修檢討等銜此係相沿前明舊例詹事等官既各有專銜嗣後無庸再兼翰林院虛銜以

昭覈實 東華續錄

五十八年諭內閣前因詹事府庶子洗馬等官俱兼翰林院講讀修撰等銜係相沿前明舊例非正名覈實之  
道曾經降旨所有詹事等官嗣後毋庸兼翰林院虛銜但此外各衙門大小官員皆有專銜何用假借兼攝而

仍兼列虛銜者尙復不少此皆沿襲前明舊例殊屬無謂卽如大學士前明止係五品往往以翰林等官除授其後因任以機務復晉秩侍郎尙書等官是以有兼銜之制本朝設官分職品秩釐然如大學士秩居正一品又何庸復兼從一品之尙書虛銜爲耶著交吏部詳悉查明將內外文職似此無關職任兼用虛銜者另別劃除酌覈定議具奏以示循名責實之義

專訓

謹按詹事府順治元年設少詹事一人掌府事其年十一月省歸內三院九年四月復設詹事一人少詹事二人主簿一人錄事二人通事舍人二人左右春坊庶子各一人諭德各一人中允各二人贊善各二人司經局洗馬一人正字二人俱漢員令內三院官兼之專設滿詹事一人掌府事而司其印信十五年五月悉裁之康熙十四年十一月奉 詔復置定滿漢詹事各一人少詹事各二人主簿各二人錄事正字各二人左右春坊庶子各二人諭德各二人左右中允各四人贊善各四人司經局洗馬各一人三十七年十二月裁滿少詹事一人滿諭德一人滿左右中允贊善各一人錄事正字各一人三十八年七月裁漢左右中允贊善各一人錄事正字各一人五十二年閏五月裁漢諭德一人漢中允贊善各一人錄事一人乾隆十三年裁漢少詹事一人滿漢左諭德各一人通考

右詹事府

咸豐十年十二月諭惠親王等奏會議恭親王奕訢等奏辦理通商善後章程一摺據稱恭親王奕訢籌議各條均係實在情形請照原議辦理等語京師設立總理各國通商事務衙門著卽派恭親王奕訢大學士桂良戶部右侍郎文祥管理並著禮部頒給欽命總理各國通商事務關防應設司員卽於內閣部院軍機處各司

員章京內滿漢各挑取八員卽作爲定額毋庸再兼軍機處行走輪班辦事侍郎銜候補京堂崇厚著作爲辦理三口通商大臣駐劄天津管理牛莊天津登州三口通商事務會同各該將軍督撫府尹辦理並頒給辦理三口通商大臣關防毋庸加欵差字樣其廣州福州廈門甯波上海及內江三口潮州瓊州臺灣淡水各口通商事務著署理欵差大臣江蘇巡撫薛煥辦理新立口岸除牛莊一口仍歸山海關監督經營外其餘登州各口著各該督撫會同崇厚薛煥派員管理所有各國照會及一切通商事宜隨時奏報並將原照會一併呈覽一面咨行禮部轉咨總理各國通商事務衙門並著各該將軍督撫互相知照遇有交卸轉案移交後任其吉林黑龍江中外邊界事件並著該將軍等據實奏報一面知照禮部轉咨總理衙門不准稍有隱飾卹抄 互見海船通商

又 諭軍機大臣等恭親王奕訢等奏遵籌新設衙門未盡事宜酌擬章程十條開單呈覽並覆奏章京司員等兼行走各一摺所有單開各條經朕詳加披覽尙屬妥協惟內酌籌經費一條所稱心紅紙張等項銀兩擬於天津上海酌提關稅起解部餉款內按各口提用數目均勻酌提銀兩由各該將軍督撫府尹監督解總理衙門以資辦公等語此項銀兩亟資辦公恐各口的提一時未能應手著卽按照所定每月支領銀兩數目徑由戶部關支將來各口解到酌提關稅銀兩統交戶部毋庸解交總理衙門該衙門如有不敷之處奏明由戶部支領至各省機密事件應照例奏而不咨如事關總理衙門者卽由軍機處隨時錄送知照亦甚便捷著毋庸由各口先行咨報總理衙門以歸畫一其軍機章京於滿漢各員內挑取各四員作爲總理衙門額外行走專管交涉事件及檢查機密文移責任甚重雖不必常川到衙門而該章京等在兩處行走恐日久有互相推



議之弊其應如何酌定章程以免曠誤之處著再行妥議將此由五百里諭令知之東華續錄

又恭親王奕訢等奏再陳見辦情形得旨見在總理衙門既有軍機大臣兼領似亦可飭章京往查覈要  
件各部司員既請毋庸在本衙門當差禮兵兩部接發文件似亦可令該部兼行司員專司其事該部堂官亦  
當預聞若如所請軍機處兼行章京兩處行走應歸何處查覈勤惰並保舉參劾應如何辦理以上數層著再  
行覆奏東華續錄

十一年諭內閣總理各國事務衙門挑取滿漢章京前經降旨毋庸再兼軍機處行走嗣據恭親王奕訢等奏  
請在額外行走專管交涉事件復諭令再行妥議茲據酌定章程具奏著照所請所有滿漢軍機章京每班挑  
取各四員在總理衙門額外行走仍照常任軍機處值班毋庸常川到署東華續錄

又諭本日據恭親王奕訢等奏增噴噶爾稱廣東潮州府城開辦通商領事官欲往府城惠潮嘉道不令進  
城並呈遞照會請飭廣東督撫酌量辦理等語已諭知勞崇光等體察民情照條約酌量辦理矣奕訢等總理  
各國事務如各省督撫辦理各國事務有未盡妥協之處經該國公使呈訴即當酌量事之輕重制飭各該督  
撫遵照施行一面奏聞使各國知總理衙門事權較重遇事可以代為辦理若因該國所請事事降旨不但無  
此體制且恐各國視總理衙門不過僅能轉奏必敢輕視之心於事無益嗣後各國公使如求奕訢等奏請諭  
旨即告以應由總理衙門札飭各督撫遵照條約辦理未便據情奏請也

又恭親王奕訢等奏參將長善等請留總理衙門得旨均免其回避然事屬始尚可權宜辦理嗣後應回  
避者仍照例回避又奏請將長善改用京職批總理衙門辦理俱係外國事務自與別衙門不同然格於成例

若所請必允則各衙門必將效尤長善既熟悉情形所請改就京職尙屬可行長善著仍留二品頂帶以本旗參領遇缺卽補若再行濫請斷難格外恩施東萊續錄

光緒二十四年諭前經降旨諭令總理各國事務衙門編輯通商約章頒行各衙門遵守茲據該衙門奏稱編輯需時請先將北洋原有條約彙纂一書刷印頒行等語卽著照所請行仍著咨行各直省將軍督撫先行派員赴北洋請領以便飭屬認真講求遇事得有依據仍俟該衙門編輯成書再行補發至此項約章事事皆關交涉該衙門務須遴選熟習條約之員悉心考訂以成善本而免流弊

又諭向來沿海沿江通商省分交涉事務本煩及內地各省亦時有教案應行核辦各直省將軍督撫往往因事隸總理衙門不免意存諉卸總理衙門亦以事難懸斷未便徑行以致往返轉折不無延誤嗣後各省將軍督撫均著兼總理各國事務大臣仍隨時與總理衙門王大臣和衷商辦以期中外一氣相生遇事悉臻妥洽

又諭御史徐士佳奏要差不宜兼任請變通舊制將軍機總辦大臣設爲額缺一摺我朝自雍正年間設立軍機處凡充軍機大臣之員皆係由閣部大臣特簡二百年來垂爲定制從未聞以兼差本任稍形窒礙至於總理各國事務衙門專辦中外交涉事件亦不得不取材於部院豈不能辦理部務者轉得以交涉擅長耶至請兼差之所以多多益善由於百物翔貴各大臣念私計之難是以無或一辭並擬變通舊制俸給津貼試思大臣受國厚恩何得竟以身家爲重所奏諸多失體姑念該御史本有言事之責是以不予懲處嗣後言官論事務須切實可行毋得徼拾浮詞徒淆觀聽

又諭內閣學士準良奏題臣兼攝總署易滋貽誤一摺前因沿江沿海通商省分交涉日煩內地各省亦皆有教堂教民及鐵路礦務事件往往事機緊要刻不容緩總理衙門王大臣實有不能適制之處各該疆臣於所屬地方耳目切近是以明降諭旨令各直省將軍督撫均兼總理各國事務大臣以便遇事及早料理朝廷權衡審慎意在各專責成其有關係重要必須商明總理衙門方能定議者仍應隨時據實電咨和衷商辦茲據該學士奏稱此局一定無望於裨益之實輒請收回成命於朝廷辦事之苦衷尙未領會至謂辦理交涉存乎其人彼既無因應之方予之以名適滋貽誤持論亦屬過當外吏苟因應無方卽不加以總理各國事務之名亦豈能免貽誤總之總理衙門諸臣與各省疆臣同辦一事要在一氣聯絡相助爲理既無畛域之見自無推諉之私該學士所奏著毋庸議

### 右總理衙門

光緒二十四年戶部主事蔡鍾濬條奏萬國交通古今創局通則必久斷無復閉之時往時未睹全球大勢開準通商遣使駐洋爲時訪病故雖設總署不過差事衙門數十年來人心之錮閉已開我皇上奮然維新欲合天下之聰明才智萃於外交內政之兩途而洋務無專官承辦各員皆由部院兼攝不足以新耳目而作志氣擬請援理藩院例定爲外務部除親王貝勒欽派管理無定員外設大臣參贊大臣各若干員秩與尙書侍郎同一二三等章京各若干員秩與所擬樞密院章京同一等總部務二二三等管庶務以外尙宜增置曹司一改海防局爲海防司設郎中員外主事一復設行人司查國初行人司司正正七品左右司副從七品行人正八品本於明制明時司正一司副二行人三百四十五後減爲三十七順治十五年裁行人六雍正以

後率士臣屬久乃全裁今五洲通好使才尤重使學尤急宜復行人司員數增其品秩司正從四品司副正五品行人六七品專掌使臣領事參隨繙譯及游學員生事宜並講求約章律例規則公法使臣以下應通之學卽以行人司爲儲使才之地內外互相運轉一設殖民司郎中員外主事專掌南洋英法荷日各屬地東洋日本高麗美洲美祕智巴各城埠華商華工事宜及西北邊民入俄藏民入印滇粵民入越緬互市情形責成該大臣督屬保護按季咨報夫通商大事也彼來我往乃謂通商必如是乃有益而無害中國誤在初開海禁不急務此退守至今遂難進步然閩廣商家自創之規模不可不力與維持妥籌開拓將來內政修舉自強之基已立不難逐漸推廣挽回利權一設司務廳司務仍管現時該廳日行事件凡外務部官升轉不出外務與擬設樞密院俱歸三年察典不必按屆保獎未補之員到署行走如六部例卹

二十七年六月諭從來設官分職在因時制宜現當重定和約之時首以邦交爲重一切講信修睦尤賴得人而理從前設立總理各國事務衙門辦理交涉雖歷有年惟所派王大臣等多係兼差恐未能殫心職守自應特設員缺以專責成總理各國事務衙門著改爲外務部班列六部之前簡派和碩慶親王奕劻總理外務部事務體仁閣大學士王文韶著授爲會辦外務大臣工部尚書龔鴻禧著調補外務部尚書授爲會辦大臣太僕寺卿徐壽朋候補三四品京堂聯芳著補授外務部左右侍郎所有該部應設司員額缺選補章程並堂司各官應如何優給俸稱之處著政務處大臣會同吏部妥速核議具奏

政務處大臣等奏竊光緒二十七年四月初八日軍機大臣面奉 諭旨奕劻李鴻章奏擬改總理各國事務衙門爲外務部一摺所有應設司員額缺各事宜著政務處大臣會同吏部妥議具奏欽此竊維總理各

國事務衙門改爲外務部設立專缺辦理交涉事務實爲因時制宜慎重邦交之要義除總理會辦王大臣左右侍郎由 特旨簡放外其餘一切章程臣等往返函商皆以交涉事宜關係緊要必令該司員等專精練習切實講求俾不至縻情他途分其心力庶幾洞達時務學有專門非獨協一時因應之宜並可收異日富強之效擬請優予升階厚給養廉仍隨時嚴行甄別勸懲互用以資策勵而育通才擬就章程彼此參酌意見相同本月初九日復欽奉 諭旨所有該部應設司員額缺選補章程並堂司各官應如何優給俸糈之處著政務處大臣會同吏部妥速駁議具奏等因欽此臣等遵卽會同詳擬章程另繕清單恭呈 欽定所有臣等會議緣由恭摺具陳伏乞 聖鑒

再總理各國事務衙門舊有滿漢章京四十八員認真得力者固不乏人濫竽充數者實亦不少當此改設專缺之時亟宜嚴定去留任缺毋濫庶可挽回積習策勵人才擬請 飭下該王大臣從嚴甄別其不得力者卽咨回原衙門當差嗣後留署及續傳人員仍當認真察看如於交涉事件未能諳習亦卽隨時咨回毋稍遷就是否有當伏乞 聖鑒

再從前總理各國事務衙門由軍機處揀派滿漢章京各四員兼該衙門行走以備傳鈔機密事件現在改設外務部所有原派軍機章京各員擬請照舊兼行毋庸開支養廉銀兩是否有當謹附片具陳伏乞 聖

鑒  
一分設四司一曰和會司專司各國使臣 覲見會晤請 賞寶星奏 派使臣更換領事文武學堂本部員司升調各項保獎一曰考工司專司鐵路礦務電線機器製造軍火船政聘用洋將洋員招工出洋學生

一曰權算司專司關稅商務行船華洋借款財幣郵政本部經費使臣支銷經費一曰庶務司專司界務防務傳教游歷保護償卹禁令警巡詞訟此外未盡事宜各以類從

一每司設郎中員外郎主事各二員均作爲題缺無庸咨選每司各定額外行走六員各缺既歸酌補自應不分滿漢除此次甄別去留外嗣後傳到者無論郎中員外郎均先借補主事至中書小京官亦准借補主事均扣試俸二年

一設左右丞各一員正三品左右參議各一員正四品卽充總辦職掌左右丞缺以左右參議開列奏請

簡放左右參議缺先儘郎中次用員外郎由該部堂官保送引見請旨錄用均備出使大臣之選遇有該部侍郎缺出先儘左右丞開列該部既設有丞參四缺所有郎中例應保送四五品京堂員缺卽無庸開列

一左右丞參議備出使之選郎中員外郎主事卽備參贊領事隨員之選丞參奉使請旨派員署理毋庸

開缺郎中以下奏調出洋卽應開缺回署作爲應補三年期滿准由出使大臣保獎該部升階惟不得保至參議亦不得保遇有應升之缺開列在前等花樣郎中准保道員員外郎准保知府主事准保直隸州均專撥沿江沿海各省補用

一外務部既設專官自應優給養廉以資辦公擬請總理王公每年給養廉銀一萬二千兩會辦大臣每年各給養廉銀一萬兩侍郎每年各給養廉銀八千兩左右丞二員每年各給養廉銀五千兩左右參議二員每年各給養廉銀四千兩郎中八員每年各給養廉銀三千六百兩員外郎八員每年各給養廉銀三千二

百兩主事八員每年各給養廉銀二千四百兩額外二十四員每年各給養廉銀六百兩其繙譯等官薪水由該王大臣從優酌給以上各經費即在本衙門應收三成船鈔及罰款項下開支如有不敷再由出使經費項下撥補

一改設該衙門原期賑實振興既將原有之章京分別去留所有新設各缺先儘得力寶缺人員改補如有餘於額即作為候補先開去原衙門底缺若不願聽其呈請回原衙門此後新補人員仍隨時察看如不得力仍行咨回原衙門惟此項人員僅因不諳交涉咨回原衙門後一切升轉保送各途應仍准一律辦理以免向隅

一司員保送考試仍照總署舊章辦理惟必須慎選人品端正學識通達並年力富強者方得保送每次考取記名請以二十員為度遇有額外缺出挨次傳補

一新設左右丞參議既充總辦職掌各司掌印擬兼充幫總辦每司設掌印一員幫掌印二員均照六部之例因材酌派不拘坐缺同文館設提調一員以各司幫掌印揀員兼充幫提調二員以七品繙譯官選充

一設司務廳司務二員以繙譯官揀補司務係正八以其以七品揀補者仍帶原銜三年期滿准作為額外主事一體序補

一分俄德法英日本五處每處設七品八品九品繙譯官各一缺由同文館學生及各省學堂高等生揀補遇有該部主事缺出歷五缺後准升補七品繙譯官一人其派充同文館幫提調當差扣滿三年即准升補主事



一該部司員既備出使參隨之選復優予升途厚給養廉自應專意講求以資任用較之各部司員體例不同除京察仍照例辦理外所有保獎關道截取保送及部員應得例差概應停止

一供事仍照總署舊章兩年保獎一次武弁聽差蘇拉各項亦擬照章分別奏咨給予獎敘

七月諭前因各直省辦理交涉事務殷繁特令各將軍督撫均兼總理各國事務大臣之銜現在該衙門已改爲外務部各將軍督撫卽著毋庸兼銜惟交涉一切關係繁重皆地方大吏分內應辦之事該將軍督撫等仍當加意講求持平商辦用副委任

又諭現在總理各國事務衙門已改爲外務部特設專官簡派重臣其前在該衙門行走之崇禮桂春那桐溥興均著毋庸兼差以上卹鈔

右外務部

皇朝政典類纂卷二百四十一

職官四

在京文武官吏部 戶部 禮部 兵部 刑部 工部 盛京戶部 盛京禮部 盛京兵部 盛京

刑部 盛京工部

吏部尙書 侍郎 文選司郎中 員外郎 主事 考功司郎中 員外郎 主事 稽勳司郎中 員外

郎 主事 驗封司郎中 員外郎 主事 堂主事 司務 筆帖式

吏部尙書滿洲漢人各一人掌中外文職銓敘勳階黜陟之政釐飭官常以得邦治其屬有文選考功稽勳驗

封四清吏司通典

順治元年停員勳總理部務改承政爲尙書會典事例

十年去滿洲尙書一人會典事例

雍正元年以大學士兼理部務會典事例

嘉慶四年以親王總理部務會典事例

六年以大學士兼理部務會典事例

左右侍郎滿洲漢人各一人掌佐理銓衡以貳尙書通典

崇德三年定六部承政外皆爲左右參政通典

順治元年改左右參政爲左右侍郎通典

職官四 在京文武官

十五年定滿漢左右各一人七年增滿洲一人十年裁漢右侍郎初兼翰林院學士銜其非翰林出身者不兼  
尋罷兼銜又各部初設有啓心郎三員滿一人漢二人順治十五年裁 通典

文選清吏司郎中滿洲三人蒙古漢人各一人員外郎滿洲漢人各二人初設一人雍正九年增一人主事滿  
洲一人漢人二人掌官吏班秩均平選法官分九品有正有從爲級十有八不及九品曰未入流選人出身之  
途曰科目曰貢監曰廩生曰薦舉曰吏員咸登資簿以序階次其遷秩改除在京四品以上及翰林詹事官列  
各請 特簡郎中道以下分雙單月循例遷選序俸遷者曰推陞不序俸遷者曰卽陞至降調署職試俸開復  
起復改補迴避告假皆按成例行其揀驗及選員考試胥隸焉通考

考功清吏司郎中滿洲三人漢人一人員外郎滿洲二人蒙古漢人各一人主事滿洲一人漢人二人初設一  
人雍正五年增一人掌官吏考課之事三載考績在內曰京察察以四格曰守曰政曰才曰年在在外曰大計計  
以八法曰貪曰酷曰罷軟無爲曰不謹曰年老曰有疾曰浮燥曰才力不及各總察於其長而著跡於冊凡京  
察合格一等官自內閣侍讀學士翰詹開坊以上外例加一級不入等者或降或罷與應加級官俱候引 見  
欽定二三等皆仍供職凡大計不入舉劾者爲平等上等卓異者優敘推陞千八法者分別降革休致有差至  
內外官之處分各按則例別公罪私罪以定議焉通考

稽勳清吏司郎中滿洲漢人各一人員外郎滿洲二人漢人一人主事滿洲漢人各一人掌更名改籍終養服  
制兼稽在京文武官俸廩焉 驗封清吏司郎中滿洲漢人各一人員外郎滿洲二人漢人一人主事滿洲漢  
古漢人各一人掌百官之封爵 誥敕贈應承襲之事凡世爵之等有九曰公曰侯曰伯曰子曰男曰輕車都

以上各分三等曰騎都尉曰雲騎尉曰恩騎尉其受爵之法則自雲騎尉始而累加焉積雲騎尉二十六爲一等公皆據兵部敘績之等次定之以及推恩外戚聖賢後裔明後延恩皆按典詳議奏行歲計其承襲之爵編爲皇冊藏之內府凡封贈各視其品凡廢敘正一品子正五品敘從一品子從五品敘其下以是爲差凡內外諸司之書吏並掌其名籍以資敘用

議案初設滿洲郎中四人順治十二年增四人初設漢軍郎中二人雍正五年裁初設蒙古員外郎八人康熙六年並裁五十七年復設一人初設漢軍員外郎八人康熙三十八年裁四人雍正四年並裁初制凡滿洲蒙古漢軍司官自爲額數不論司分悉聽堂官調攝嗣後各司雖設有定缺其隨宜酌撥仍聽之堂官惟漢司官仍聽司分後各部院俱同議考

同治二年諭內閣吏部奏請將滿未移付之司員嚴議一摺前因平瑞奏前任烏魯木齊都統法福體奏寶迪局鑄額加增請獎出力人員各案尙未接准部覆當經降旨令戶部迅即查覆茲據吏部奏稱查戶部嚴覆原文兩次知照考功司應由該司移付文選司呈堂辦理乃該司員等僅將遣戍釋回之員先經辦結而於應行職敘各員漏未移付以致事隔年餘尙未議覆實非尋常疏忽可比請將經手遺漏之司員嚴加議處等語各衙門交議案件曾經諭令妥速辦理逐日清釐毋任積壓此案吏部考功司司員於戶部議覆烏魯木齊請獎原文時閱年餘並未移付文選司覈辦雖據聲稱並無別項情弊實屬遺漏疏忽所有經手遺漏之司員著交都察院查取職名嚴加議處以示懲儆因思各衙門應辦案件似此等遺漏之處仍必不少著各衙門堂官督飭司員悉心查覈趕緊清釐毋得稽延干咎經此次申諭之後倘仍前因循玩誤任意延擱或爲書吏蒙蔽不

能破除積習認真整頓必當從重懲處毋謂不戒視成也 聖訓

堂主事滿洲二人掌文案滿洲二人漢軍一人掌章奏司務滿洲漢人各一人掌出納文書稽察書吏初設漢人司務二人順治四年裁一人十五年定滿洲漢人各一人後各部院司務建革同筆帖式滿洲五十七人職古四人漢軍十二人分隸各司掌編譯清漢章奏文籍通考

右吏部

戶部尚書 侍郎 十四司郎中 員外郎 主事 堂主事 司務 筆帖式 內倉監督管理三庫事務

大臣 三庫郎中 員外郎 堂主事 大使 司庫 筆帖式 庫使 管理錢法侍郎 寶泉局監督

大使 監鑄官 總督倉場侍郎 坐糧廳 大通橋監督 京通各倉監督 倉場筆帖式

戶部尚書滿洲漢人各一人掌天下土田戶口錢穀之政平準出納以均邦賦通典

左右侍郎滿洲漢人各一人右侍郎兼管錢法通考

天聰五年置戶部以貝勒一人領之會典事例

順治元年設滿洲尚書無定員會典事例

八年命諸王貝勒兼理部務會典事例

九年停諸王貝勒兼理部務會典事例

康熙六年復增設滿洲尚書一人會典事例

嘉慶四年以親王總理部務會典事例

又諭自古六鄉分職各率其屬原未嘗有總理之名致敢專擅之漸現在所以令親王總理戶部者因川省軍務將次告竣軍需銷算事務殷繁是以仍行總理俟軍務奏銷事竣即不必總理戶部事務○是年停親王總理部務會典事例

十四清吏司曰山東曰山西曰河南曰江南曰江西曰福建曰浙江曰湖廣曰陝西曰四川曰廣東曰廣西曰雲南曰貴州通考

山東清吏司郎中滿洲二人漢人一人通典

員外郎滿洲三人漢人一人通典

主事滿洲漢人各一人掌稽山東布政司及奉天民賦收支奏冊青州德州駐防 盛京吉林黑龍江將軍所屬兵精出納並參票畜稅之事兼覈長蘆等處鹽課請引疏銷通典

山西清吏司郎中滿洲漢人各一人通典

員外郎滿洲蒙古漢人各一人通典

主事滿洲漢人各一人掌稽山西布政司民賦收支奏冊兼覈游牧察哈爾地畝土默特地糧喀爾喀四部定邊左副將軍辦事官屬張家口賽爾烏蘇臺站官兵俸餉及烏里雅蘇台科布多屯田官兵番換之事通典

河南清吏司郎中滿洲漢人各一人通典

員外郎滿洲二人漢人一人

主事滿洲漢人各一人掌稽河南布政使司民賦收支奏冊兼覈河南城守尉游牧察哈爾官兵俸餉勾檢各

省採買事彙而奏之通典

江南清吏司郎中滿洲漢人各一人通典

員外郎滿洲三人漢人一人通典

主事滿洲漢人各一人掌稽江寧蘇州安徽三布政使司民賦收支奏冊兼覈江寧蘇州織造支銷奏冊江寧京口駐防官兵俸餉通典

江西清吏司郎中滿洲漢人各一人通典

員外郎滿洲二人漢人一人通典

主事滿洲漢人各一人掌稽江西布政使司民賦收支奏冊通典

福建清吏司郎中滿洲漢人各一人通典

員外郎滿洲五人漢人一人通典

主事滿洲蒙古漢人各一人掌稽直隸福建二布政使司民賦收支奏冊兼覈東西陵及熱河密雲駐防等處官吏兵丁俸餉與牛馬牧之政令文武鄉會試支供五城賑粟皆屬焉通典

浙江清吏司郎中滿洲漢人各一人通典

員外郎滿洲二人漢人一人通典

主事滿洲漢人各一人掌稽浙江布政使司民賦收支奏冊兼覈杭州織造支銷奏冊杭州乍浦駐防官兵俸餉通典



湖廣清吏司郎中滿洲二人漢人一人通典

員外郎滿洲二人漢人一人通典

主事滿洲漢人各一人掌稽湖北湖南二布政使司民賦收支奏冊兼駁荊州駐防官兵俸餉凡各省耗羨之數合其籍帳以時奏之通典

陝西清吏司郎中滿洲蒙古漢人各一人通典

員外郎滿洲三人漢人一人通典

主事滿洲漢人各一人掌稽西安甘肅二布政使司民賦收支奏冊并行銷鹽引兼駁伊犁烏魯木齊屯田支銷奏冊在京漢官俸廩外藩俸幣及巡捕五營俸餉各衙門經費通典

四川清吏司郎中滿洲漢人各一人通典

員外郎滿洲二人漢人一人通典

主事滿洲漢人各一人掌稽四川布政使司民賦收支奏冊兼駁兩金川等處新疆屯務本省關稅在京入官戶口贓罰銀兩各部院衙門紙硃支費察直省郡縣之豐歉水旱歲具其數而上之通典

廣東清吏司郎中滿洲漢人各一人通典

員外郎滿洲三人漢人一人通典

主事滿洲漢人各一人掌稽廣東布政使司民賦收支奏冊兼駁八旗斷嗣歸宗更正戶口及壽民孝子節婦之受旌者給以坊匾諸倉諸局諸關差之滿歲者則以期請代焉通典

廣西清吏司郎中滿洲漢人各一人通典

員外郎滿洲四人漢人一人通典

主事滿洲漢人各一人掌稽廣西布政使司民賦收支奏冊兼駁京省錢局運銅鼓鑄及內倉支放供應蠶豆通典

雲南清吏司郎中滿洲二人漢人一人通典

員外郎滿洲三人漢人一人通典

主事滿洲漢人各一人掌稽雲南布政使司民賦收支奏冊兼駁山東河南江南江西浙江湖廣等省歲運糧糧京通倉儲及江寧水次大倉收支考績通典

貴州清吏司郎中滿洲漢人各一人通典

員外郎滿洲三人漢人一人通典

主事滿洲漢人各一人掌稽貴州布政使司民賦收支奏冊兼駁太平二十有四關征收稅課通典

掌主事直南檔房者滿洲二人掌八旗編審直北檔房者滿洲二人漢軍二人掌酌撥餉銀校勘奏章戶部勅設滿洲郎中十八人蒙古郎中四人漢軍郎中二人滿洲員外郎三十八人蒙古員外郎五人漢軍員外郎六人康熙三十八年裁蒙古漢軍郎中員外郎五十七年復設蒙古郎中一人員外郎一人至十四司主事初設滿洲十四人蒙古一人康熙五十七年增設蒙古一人漢主事缺自順治元年即隨司定額十四司各主事三人十一年裁漢人主事各司一人康熙六年又裁江南浙江江西湖廣福建河南陝西廣西四川貴州司各一

人三十八年又裁山東山西廣東雲南司各一人今漢主事各司一人堂主事滿洲四人漢軍二人通典

司務廳司務滿洲漢人各一人通典

筆帖式滿洲百人蒙古四人漢軍十有六人戶部滿洲初設九十有九人後增至一百三十有五人續改定員額百人蒙古初設二人後增二人漢軍初設十有六人後增至三十二人續裁定員額如初通典

戶部自十四司外其別領者有三曰井田科掌駁八旗土田內府莊戶凡入官房宅地畝及歲租斂給之數悉以咨之雍正十二年置曰俸餉處掌駁八旗官兵俸餉庫銀丁冊視所由牒請畫一而給受之曰現審處掌治八旗戶口田房之訟會刑部以聽其成皆繕給關防乾隆十三年置堂官總司屬分治其政令無定員通典

內倉監督滿洲二人內倉本明內官監督順治十年設今名專隸本部掌供內府奉祭祀待外藩屬國朝貢

之寶儀教習官役之廩粟牧馬之豆戚貯焉監督應時而給之初屬之廣西滿漢司員康熙三十二年定於應

除小差之滿洲蒙古漢軍年久司員內次除一人管理雍正元年定於本部滿洲司員內委用通典

管理三庫大臣無定員於大臣內簡用掌綜理三庫之政令稽其財用出入之數月有要歲有會皆駁實以

聞通典

雍正元年以親王大學士兼理部務特鑄管理三庫銀印以王公大臣總理庫務會典事例

銀庫郎中一人員外郎二人司庫一人通典

大使二人皆滿洲員額掌銀貨解納收支之政凡直省田賦及關市鹽茶之稅課咸入焉歲有常數本部駁數無闕乃移庫準部定權衡受之知取積驗封有作弊及數不實者論通典

緞疋庫郎中一人員外郎二人司庫二人通典

大使一人掌幣物解納收支之政令凡歲用繅帛紗縠咸入焉由織造市綵民間織染輸部本部移庫受之所備財用皆給公符其冊達部以待稽覈有造作不如法者論通典

顏料庫郎中一人員外郎二人司庫二人通典

大使一人皆滿洲員額掌雜物解納收支之政令凡器用所需百物之良若銅錫鉛鐵丹青赭綠香楮茶蠟之屬咸入焉直省有司各以其土產歲支正賦市自民間大者疏聞下部小者以冊達部覈其數移庫受之採擇不精良者論通典

三庫堂主事一人滿洲員額掌三庫文案凡財賄之受藏於庫及取用於庫者皆書其數歲終乃執其總會三庫筆帖式十有五人通典

庫筆帖式十有五人通典

庫使二十有六人皆滿洲員額分隸三庫各佐其長以行遺文書稽考出納筆帖式初置十人順治十二年增置二人康熙二十五年定置二十一人雍正二年省九人庫使初置三十二年雍正二年增置顏料庫一人省銀庫六人緞疋庫一人通典

謹按明之內府十庫雖稱隸於有司其實皆以中官司其出納蓋即如前代之內藏庫而太倉銀庫主之戶部則如前代之左右藏庫也但太倉祇貯銀兩而緞疋在承運庫顏料在甲字庫仍與右藏之專受繅帛者其制相若 本朝順治初祇設後庫十三庫分爲三庫銀庫在部署內卽後庫故地緞疋庫在東華門外卽舊裏新

庫額料庫在西安門內卽舊甲字庫而承運庫分貯紙張乙字庫分貯布麻諸物以及供用庫之承造香蠟者並屬焉故附於戶部之後通典

戶部督理京省錢法右侍郎滿洲漢人各一人凡京師鼓鑄統設二局隸戶部者曰寶泉局歲鑄錢六十一卯以萬二千四百八十緡爲卯遇閏則加增四卯滿漢右侍郎掌其局之政令初止漢人右侍郎一人康熙十八年令滿洲右侍郎一人公同督理十九年以給事中御史稽察錢局雍正二年停遣乾隆二十六年戶部錢法堂置掌稿司官滿洲漢人各一人於各司員中選委通典

戶部寶泉局監督滿洲漢人各一人通典

大使滿洲五人掌鑄造緡錢收納銅課以裕國儲以利民用其監督無專員由六部司員遴選保舉引見備用二年而代大使由筆帖式選委咨吏部註冊五年而代稱職者以應陞官用通典

雍正四年增設寶泉局漢大使四人會典事例

七年改寶泉局漢大使爲滿洲大使會典事例

各省錢局監鑄官十有八人凡天下鼓鑄緡錢者十有四省新疆則開鑄伊犁如各省之制皆隨其地之宜作之泉布以交易流通前民利用以布政使總其成而受法式於戶部各置監鑄官以判局事直隸寶直局一人以保定府同知充山西寶晉局一人陝西寶陝局一人江蘇寶蘇局二人俱以佐貳官選充浙江寶浙局二人以同知通判選充福建寶福局一人亦以佐貳官選充江西寶昌局一人以南昌府同知充湖南寶南局一人以長沙府同知充湖北寶武局一人以武昌府同知充廣東寶廣局一人四川寶川局一人俱以同知通判選

充廣西寶桂局一人布政使子所屬官內任便選充雲南寶雲局一人以雲南府知府充東川局一人以東川府知府充貴州寶黔局一人以貴陽府知府充筑縣知縣或通判縣丞選充伊犁寶伊局一人以伊犁同知充

通典

總督倉場侍郎滿洲漢人各一人總稽歲漕之入以均廩祿以儲軍餉各省漕船京通倉廩悉隸焉通考

康熙七年裁漢倉場侍郎設滿洲倉場侍郎一人會典事例

八年定總督倉場侍郎滿漢各一人會典事例

坐糧廳滿洲漢人各一人以給事中御史各部郎中員外郎掄選簡充二年而代掌北河溶淺修築堤岸屬

屬催趨漕艘抵燭回空督令經紀車戶轉運輸倉兼司通濟庫銀出納及抽收通州稅課之事所屬有通濟庫

大使一人通流慶豐廂官各一人順治元年通州坐糧廳止差戶部漢人司官一人康熙二年添差戶部漢人

司官一人二十六年定制依各關差例以各部院官員通行差遣又初制有坐糧廳筆帖式一人尋裁通典

大通橋監督滿洲漢人各一人以各倉監督掄選調充凡石壩運到漕白二糧抽驗斛面督催車戶分運京倉

及隨糧松板收支之事皆屬焉初差戶部漢人司官一人康熙二年改設滿洲漢人監督各一人尋省四十七

年以通州大通橋會清河相隔甚遠事難兼辦仍設滿洲漢人監督各一人管理通典

京通各倉監督滿洲漢人各一人在京倉十有三曰祿米倉曰南新倉曰舊太倉曰富新倉曰興平倉曰海運

倉曰北新倉曰太平倉以上八倉均國初建曰本裕倉康熙四十五年建曰萬安倉雍正七年建曰儲濟倉

曰裕豐倉俱雍正六年建凡八旗三營兵食官軍牧馬豆貯焉通州倉二曰西倉曰中倉均國初因明制建

書有兩倉乾隆十八年省凡王公百官俸廩米貯焉其十五倉監督以內閣中書都院監寺屬官輪選引見注其名於冊籍有闕員則戶部舉職以授三年而代掌清白二糧交納上倉及收貯支放之事初制差戶部滿洲漢人司官管理諸倉或一人或二人增損不一康熙五十年始定每倉置滿洲漢人監督二人五十七年令九卿各舉其屬以待簡用雍正元年選部曹之候補者充其任二年設副監督以預監督選者於應供先一年爲之稱職則如期交替不及者罷免四年復以滿洲各部筆帖式及漢人之候補道府同知知州者輪選充補勤職者擇用之尋改定如今制又各倉原設筆帖式一人後俱省 通典

倉場筆帖式滿洲四人掌受遺文書之事通典

謹按現行定制稽察倉儲京倉以都統副都統通倉以通永道通州副將專司其事若倉有滲漏米有盜竊者移倉場治之滿漢御史則每倉歲差一人通稽一歲內收漕發米釐剔弊端以重天庾儲備蓋卽唐監倉明巡倉之職而立法周詳視前代益昭嚴慎矣 通志

咸豐元年十一月甲子諭內閣吏部等衙門奏遵議慎保倉員一摺各倉監督有整頓倉務之責果能釐剔弊端著有成效自應優予升途以示鼓勵嗣後各監督期滿保奏到部卽照此次部議酌予升途該監督等既膺甄敘自當知奮益加勤勉而各該衙門之堂官尤應慎選其人不可開奔競之風除貪婪枉法將原保堂官從重懲處外至所議原保之上司於未經發覺之先協同訪聞參辦仍照免議等語亦應候旨定奪不可爲例 聖訓

右戶部

在京文武官

七



禮部尚書 侍郎 儀制司郎中 員外郎 主事 祠祭司郎中 員外郎 主事 主客司郎

郎 主事 禮部司郎中 員外郎 主事 鑄印局員外郎 署主事 大使 堂主事 司籍

總選樂部大臣 神樂署署正 署丞 監律郎 司樂 和聲署署正 署丞 俱用 樂

提督 會同四譯館郎中 大使 序班 通事官

禮部尚書滿洲漢人各一人掌吉嘉軍容凶之秩序學校貢舉之法以贊邦禮所屬有儀制祠祭主

清史司通典

天聰五年置禮部以貝勒一人領之會典事例

順治元年設滿漢尚書無定員會典事例

五年定滿漢尚書各一人會典事例

八年命諸王貝勒兼理部務會典事例

九年停諸王貝勒兼理部務會典事例

雍正元年以親王郡王大學士兼理部務會典事例

乾隆十四年定制禮部滿洲尚書以兼管樂部太常寺鴻臚寺入銜永為定式通典

左右侍郎滿洲漢人各一人掌祇若彝典以貳尚書初制增減不一通典

順治元年定滿漢左右侍郎各一人漢右侍郎兼翰林院學士銜其非翰林出身者不兼

例

陳康祺曰禮部有修明典禮正文風之責故秩宗清要非儒臣有宿望者不得等濫其間 本朝禮部漢堂官不由科目者僅三人一吳恭定紹詩以諸生保舉歷巡撫晉大宗伯一蔣侍郎存仁以監生擢升布政使司內用晉少宗伯一李大司馬世傑以吏員出身皆爲禮部侍郎近六七十年一尙書二侍郎無不科甲中入矣鄧潛紀聞

儀制清吏司郎中滿洲二人漢人一人通典

員外郎滿洲二人漢人一人通典

主事滿洲漢人各一人掌嘉禮軍禮凡朝廷典禮具上其儀而辨其名數以頒式于諸司三歲大比天下士則掌其名籍焉通典

祠祭清吏司郎中滿洲二人漢人一人通典

員外郎滿洲三人蒙古漢人各一人通典

主事滿洲漢人各一人掌吉禮凶禮凡大祀中祀羣祀以歲時辨其序事與其用等以詔執事者而共其職喪祭之式拯卹之禮皆視其數而爲之制天下術數醫卜僧道則司其禁令焉通典

主客清吏司郎中滿洲蒙古漢人各一人通典

員外郎滿洲二人通典

主事滿洲漢人各一人掌賓禮凡四夷朝貢之儀封冊之命館餽賜予之數高下之等悉隸焉通典

精膳清吏司郎中滿洲漢人各一人通典

員外郎滿洲二人通典

主事滿洲蒙古漢人各一人掌五禮燕饗之儀與其牲牲通典

鑄印局員外郎漢人一人通典

筆帖式署主事滿洲一人通典

乾隆二年增設鑄印局漢員外郎一人筆帖式署主事一人會典事例

大使漢人一人掌鑄造金寶金印及內外百司之印信順治元年設鑄印局滿洲員外郎一人尋雍正十

三年定于禮部司屬內遴選一人以司局事一年而代乾隆二年復設漢員外郎一人以筆帖式行主事事二

年稱職者擢之大使由儒士選充五年需滿以應設官用 通典

堂主事滿洲三人漢軍一人分掌章奏文案通典

雍正五年裁漢軍郎中員外郎至四司主事通典

順治七年設滿洲四人通典

康熙五十七年增設蒙古二人漢人主事每司各一人以科甲出身注授堂主事滿洲三人漢軍一人通典

司務廳司務滿洲漢人各一人通典

順治十五年設滿洲司務一人定為滿漢司務各一人會典事例

筆帖式滿洲三十四人蒙古二人漢軍四人按禮部初設馬館二于宣武書渠門儲時牧養以待外藩朝覲置

正監督一人以本部司官充副監督一人以理藩院司官充均一年更代乾隆二十七年省監督官以馬館歸

理藩院經理又禮部初設滿官表官四人後裁二人今亦省併太常寺又初設有行人司司正一人司副一人俱乾隆五年裁行人四十九人順治五年裁一人十五年裁六人康熙三十八年裁四人五十二年裁四人乾隆三年悉裁禮附錄 通典

總理樂部事務禮部滿洲尙書一人各部院內務府大臣無定員乾隆七年始置樂部凡 郊 廟祠祭之樂神樂署司之 殿廷朝會燕饗之樂和聲署司之 宮中慶賀燕饗之樂掌儀司司之鑼鼓吹前部大樂即大軍波鑿儀衛司之均隸于樂部 特簡典樂大臣以治樂政考五音六律以合陰陽之聲應天地之和凡大祭祀大朝會則立于宮懸之次歲春秋仲月大合樂于掌儀司則率所屬蒞視而協其律呂焉通典

神樂署署正漢人一人通典

署丞漢人一人通典

協律郎漢人五人通典

司樂漢人二十有五人掌祠祭樂章侑舞之數習其聲容辨其條理以詔樂工凡樂生一百八十人舞生三百人咸隸焉順治元年設太常寺協律郎五人司樂二十六人神樂觀提點一人左右知觀各一人康熙三十八年省協律郎一人司樂二人雍正二年復置如初額乾隆二年增設司樂三人八年改神樂觀爲神樂所知觀改爲知所九年省司樂六人二十年改神樂所爲神樂署提點改爲署正知觀改爲署丞 通典

和聲署署正滿洲漢人各一人通典

署丞滿洲漢人各一人通典

爲明文典 卷一百四十一 職官四 在京文武官

乾隆七年定所屬和聲署暨正滿漢各一人署丞滿漢各一人供用供奉無定員均以禮部內務府太常寺鴻臚寺司官贊禮郎筆帖式兼理會典事例

提督會同四譯館禮部郎中兼鴻臚寺少卿銜一人掌四夷朝貢之國設庖廩以待貢使之至置象譯以通言語習番夷書凡貢使就館率大使比治屋宇稽其出入互市之事視其脯資餼率毋有不給若朝見及賜燕

頌賞皆館卿率使臣以行禮焉初制會同四譯分設兩館會同館自順治初置即隸禮部以主客司滿洲漢人各一人提督館事十四年設員外郎品級通事一人掌會同館印尋省雍正十年改定會同館監督由部掄

選引見簡用一人四譯館則國初沿明制置隸于翰林院設太常寺漢少卿一人提督館事立回回館何百夷西番高昌西天八百選羅八館以譯達方朝貢文字通典

乾隆十三年裁提督四譯館事太常寺少卿員額以其事併入禮部爲會同四譯館以禮部郎中一人帶鴻臚寺少卿銜兼提督館事三年更代會典事例

會同四譯館大使漢人一人通典

序班漢人二人通典

朝鮮通事官滿洲十有一人掌治館舍委積以接待人使通外國語言編習文字大使員額順治元年定序班禮設二十人十五年定議正教序班八人爲教序班八人康熙三十八年五十二年又先後省至九人仍以一員管典務應典務事乾隆十三年省典務一人序班六人定設序班二人朝鮮通事官初置六人後增置十六人凡六品十人七品六人二十三年省六品四人七品二人增設八品二人朝鮮譯學堂譯生二十人于下五

禮部子弟內選充西域館監生四人百歲館監生四人均于順天府屬儒童內選充凡大使員缺咨吏部以序班庫通事官及序班員缺均以譯生選補咨吏部註冊 通典

### 右禮部

兵部尙書 侍郎 員外郎 主事 堂主事 司務 館所監督 筆帖式

兵部尙書滿洲漢人各一人掌中外武職銓選簡覈軍實以贊邦治其屬有武選車駕職方武庫四清吏司通典

天聰五年置兵部以貝勒一人領之會典事例

順治元年設滿漢尙書無定員會典事例

五年定滿漢尙書各一人會典事例

八年命諸王貝勒兼理部務會典事例

九年停諸王貝勒兼理部務會典事例

雍正元年以大學士兼理部務會典事例

嘉慶七年以大學士兼理部務會典事例

左右侍郎滿洲漢人各一人掌釐治戎政以貳尙書初制增減不一 通典

順治元年定滿漢左右侍郎各一人會典事例

十一年設兵部督捕滿洲左侍郎一人漢右侍郎一人會典事例

武選清吏司郎中滿洲三人蒙古漢人各一人通典

員外郎滿洲四人漢人二人通典

主事滿洲漢人各一人掌滿漢武職銓選封廢及預保註冊推陞降調告病丁憂終養諸事咸隸焉凡銓選直省自副將以上列名具疏請補參將以下按月分班選用八旗一二品官由部列名奏補自鑾儀衛使以下官以應用之人奏補在京參領以下駐防協領以下由八旗揀選應用之人咨部按月彙題註冊凡武職封贈各按品以定制通考

車駕清吏司郎中滿洲三人漢人一人通典

員外郎滿洲二人蒙古一人通典

主事滿洲漢人各一人掌驛傳郵符中外馬政凡 鹵簿儀仗遇大典禮辨其物數以授所司至 慈寧宮中宮之鹵簿東宮親王之儀仗亦如之凡郵傳在京師曰會同館在外曰驛曰遞運所皆以符驗關券行之通考職方清吏司郎中滿洲四人漢人二人通典

員外郎滿洲三人蒙古一人漢人一人通典

主事滿洲蒙古各一人漢人二人掌天下輿籍凡遠近邊腹疆界俱有圖三載一報與官軍車騎之數偕上凡武職議敘議處並五年軍政則敘發功過以明賞罰悉如例通考

武庫清吏司郎中滿洲二人漢人一人通典

員外郎滿洲蒙古各一人通典



主事滿洲漢人各一人掌兵籍戎器鄉會武科之事凡有征伐移工部給之器仗精紀其數凡議敘戰功則計功牌以爲等攻城則按先後以爲敘水戰則驗船之大小以爲次定議後移咨吏部授職至京察職專舉劾編發則於刑部定議後按道里遺發通考

議案滿郎中初設八人順治十二年增三人雍正五年增一人蒙古郎中初設四人康熙三十八年裁五十七年復設一人滿員外郎初設八人順治十二年增五人康熙三十八年裁三人蒙古員外郎初設四人康熙三十八年裁五十七年復設三人武選司漢員外郎初設一人雍正五年增一人職方司漢郎中初設一人雍正五年增一人車駕武庫司初各有漢員外郎一人順治十一年裁通考

堂主事掌文案者滿洲二人掌章奏者滿洲二人漢軍一人通典

康熙五十七年增設堂主事滿洲四人漢軍一人通典

司務總司務滿洲漢人各一人通典

順治十五年設滿洲司務一人定爲滿漢司務各一人會典事例

館所監督滿洲漢人各一人掌驛馬傳車之政令以待使命及急遞之用順治八年設滿洲監督一人乾隆十八年增設漢人監督一人俱于本部司員內遴選引見歲周而代通典

筆帖式滿洲六十有二人蒙古八人漢軍八人按兵部初設督捕侍郎滿洲漢人各一人以掌旗人逃亡之事有左右理事官滿洲漢人各一人郎中滿洲漢人各一人員外郎滿洲十五人漢軍八人漢人一人主事滿洲三人漢軍一人漢人六人司務滿洲漢人各一人筆帖式滿洲三十四人漢軍十六人司獄漢人二人康熙三

十八年俱省其職事併入刑部為督捕清吏司又初設有會同館大使一人亦係康熙三十八年省又京城九門步軍及巡捕營初制以兵部驍方司主事總司之後歸入步軍統領衙門謹議于此 通典

又八旗武職選授處分之法舊隸銓曹康熙三年始隸兵部通考

又京城九門步軍及中南北巡捕三營初以兵部職方司漢主事一人總司之後歸提督衙門通考

又國家凡有征討之事特命大將軍經略輔以參贊大臣領隊大臣皆由王公大臣大學士尚書侍郎并八旗武職大臣選賢能而任之係臨時暫設事平解職按此條有關軍務其命將出師凱旋獻俘等典禮兵部堂司皆襄其事故附職兵部之後 通典

### 右兵部

刑部尚書 侍郎 十八司郎中 員外郎 主事 堂主事 司務 筆帖式 提牢主事 司獄 贓罰庫

司庫 庫使 律例館總裁 提調 纂修 收掌 繕譯 贖錄

刑部尚書滿洲漢人各一人掌折獄審刑簡核法律受天下奏讞成閫實而上其辭以肅邦憲通典

天聰五年置刑部以貝勒一人領之會典事例

順治元年設滿漢尚書無定員會典事例

七年增設滿洲尚書一人會典事例

八年命諸王貝勒兼理部務會典事例

九年停諸王貝勒兼理部務會典事例

十年裁滿洲尙書一人會典事例

嘉慶四年以大學士兼理部務會典事例

左右侍郎滿洲漢人各一人掌迪播祥刑以貳尙書初制增減不一順治時更定滿漢左右各一人通典

所屬有直隸奉天江蘇安徽江西福建浙江湖廣河南山東山西陝西四川廣東廣西雲南貴州督捕十有八

司初置刑部設江南等十四司康熙三十八年省兵部督捕衙門以督捕前司後司及督捕廳改隸刑部爲十

六司雍正元年增置左右二現審司凡囚繫之待讞者則主其鞫訊之事十二年析江南司爲江蘇安徽二司

罷督捕前司及督捕廳併其事于後司仍省後字但曰督捕司乾隆二年改右現審司爲直隸司七年復改左

現審司爲奉天司始定爲十八司 通典

直隸清吏司郎中滿洲漢人各二人通典

員外郎滿洲一人蒙古一人漢人二人通典

主事滿洲漢人各一人掌順天直隸及八旗游牧察哈爾左翼正黃東半旗鑲黃正白鑲白正藍四旗所屬刑

名通典

奉天清吏司郎中蒙古一人漢人一人通典

員外郎滿洲漢人各一人通典

主事滿洲漢人各一人掌盛京黑龍江吉林將軍及奉天府所屬刑名兼宗人府理藩院文移關白之事通

典

江蘇清吏司郎中滿洲漢人各一人通典

員外郎滿洲二人漢人一人通典

主事滿洲漢人各一人掌江蘇所屬刑名凡奉 德音肆眚則審定其條格而頒之于四方通典

安徽清吏司郎中滿洲漢人各一人通典

員外郎滿洲漢人各一人通典

主事滿洲漢人各一人掌安徽所屬刑名兼鑲紅旗文移關白之事通典

江西清吏司郎中滿洲漢人各一人通典

員外郎滿洲漢人各一人通典

主事滿洲漢人各一人掌江西所屬刑名兼正黃旗中城御史文移關白之事通典

福建清吏司郎中滿洲漢人各一人通典

員外郎滿洲漢人各一人通典

主事滿洲漢人各一人掌福建所屬刑名兼戶部戶科倉場衙門左右兩翼鑲藍旗文移關白之事通典

浙江清吏司郎中滿洲漢人各一人通典

員外郎滿洲一人漢人二人通典

主事滿洲漢人各一人掌浙江所屬刑名及都察院刑科南城御史文移關白之事兼司本部條奏彙題及各

司爰書駁正者會其成比年一奏通典

湖廣清吏司郎中滿洲一人漢人二人通典

員外郎滿洲二人漢人一人通典

主事滿洲漢人各一人掌湖北湖南所屬刑名通典

河南清吏司郎中滿洲漢人各一人通典

員外郎滿洲二人漢人一人通典

主事滿洲漢人各一人掌湖南所屬刑名兼禮部禮科太常寺光祿寺鴻臚寺國子監欽天監太醫院東城御史正紅旗文移關白之事凡夏令熱審則布告各司頒行天下欽卹如制通典

山東清吏司郎中滿洲漢人各一人通典

員外郎滿洲二人漢人一人通典

主事滿洲漢人各一人掌山東所屬刑名兼兵部兵科太僕寺文移關白之事凡步軍營捕獲竊盜登其數

請敘通典

山西清吏司郎中滿洲漢人各一人通典

員外郎滿洲漢人各一人通典

主事蒙古一人漢人一人掌山西及八旗游牧察哈爾右翼正黃百半旗正紅鑲紅鑲藍三旗定邊左副將軍

綏遠城將軍歸化城副都統科布多大臣庫倫大臣所屬刑名兼軍機處內閣翰林院詹事府起居注館內

務府上駟院武備院鑲白旗北城御史文移關白之事通典

在東京武官

十三

陝西清吏司郎中滿洲一人漢人一人通典

員外郎滿洲二人漢人一人通典

主事滿洲漢人各一人掌陝西甘肅及伊犁烏嚕木齊塔爾巴哈台葉爾羌喀什噶爾烏什阿克蘇庫車吐魯番哈喇沙爾和闐哈密所屬刑名兼大理寺西城御史文移關白之事兼稽覈囚糧出納俸無侵冒通典

四川清吏司郎中滿洲漢人各一人通典

員外郎滿洲漢人各一人通典

主事滿洲漢人各一人掌四川所屬刑名兼工部工科文移關白之事秋審則會九卿詹事科道於朝房以定爰書通典

廣東清吏司郎中滿洲漢人各一人通典

員外郎滿洲二人漢人一人通典

主事滿洲漢人各一人掌廣東所屬刑名兼鑾儀衛正白旗文移關白之事通典

廣西清吏司郎中滿洲漢人各一人通典

員外郎滿洲漢人各一人通典

主事滿洲漢人各一人掌廣西所屬刑名兼通政使司文移關白之事及以時散給囚衣初審則會九卿詹事科道于朝房以定爰書通典

雲南清吏司郎中滿洲漢人各一人通典

員外郎滿洲漢人各一人通典

主事滿洲漢人各一人掌雲南所屬刑名兼鑲黃旗文移

貴州清吏司郎中滿洲漢人各一人通典

員外郎滿洲漢人各一人通典

主事滿洲漢人各一人掌貴州所屬刑名兼吏部吏科正

督捕清吏司郎中滿洲漢人各一人通典

員外郎滿洲一人通典

主事滿洲漢人各一人掌八旗及各省駐防逃人之事通

嘉慶十二年上諭內閣前因御史德祥條奏刑部各司印

刑部明白回奏茲據該堂官覆奏稱各司揀派掌印原確

由各衙門推升到部者於刑名例案一切未能嫺習不得

因一時乏人始行揀派並非意爲凌賾等語自係該衙門

見各司印鑰多有派主事管帶者是該部相循已久並不

任意攙越致案階級卽如各部院堂官滿漢俱有數人而

俸資統攝也現在刑部各司掌印爲管理一司事務之員

有甫經部選得缺人員於例案未能嫺習該堂官自可選

嘉慶月文原稿 卷二百四十一 職官四 在京



選若止於部務生疏尙堪供職者應責令隨時學習並揀派該衙門熟諳司員幫同辦理則既可造就人材而  
公事仍亦無誤又何必因仍陋習致滋物議乎嗣後該衙門掌印司員總當於郎中員外內遴選符帶所有現  
派主事掌印之四司著該堂官撤回另行委員接管以待體制 聖訓

堂主事掌印之四司著該堂官撤回另行委員接管以待體制 聖訓

司務廳司務滿洲漢人各一人通典

順治十五年設滿洲司務一人定爲滿漢司務各一人會典事例

筆帖式滿洲百有五人蒙古四人漢軍十有五人刑部滿洲初設九十有六人後增九人漢軍初設十有九人

後省四人通典

提牢主事滿洲漢人各一人掌稽覈罪囚于額外及試俸主事內掄選引 見補充歲周更代咨吏部議敘通

典

北所司獄滿洲二人漢軍漢人各一人通典

朝所司獄滿洲二人漢軍漢人各一人分掌南北監禁督禁卒更夫晝夜巡警凌虐需索者問如法順治元年

置漢軍漢人司獄四人康熙五十一年增置滿洲司獄四人三年而代咨吏部敘陞又置官醫二人分隸南北

所以瘞囚之疾病 通典

關防庫司庫滿洲一人通典

庫使滿洲二人掌收見審贓罰銀錢會其數以送戶部通典

律例館總裁無定員以本部尙書侍郎兼之提調官一人纂修官四人以本部司員充收掌官四人繙譯官四人  
騰錄官六人以本部筆帖式充掌修明法令刊定條式隨時審訂以証有司設館西長安門外凡歲五周則彙輯而排比之謂之小修比十年乃重編新格增損刪定勒爲憲典頒行天下謂之大修皆月給餐錢期年而畢初順治二年特置律例館 敕修律官撰定律書四年書成名曰大清律集解附例其後次第刊修皆 特簡王大臣爲總裁以各部院通習法律者爲提調纂修等官凡類論十有八人乾隆七年始以其館併隸刑部復改定員額如今制焉通典

謹按定制錄直省獄囚曰秋審錄刑部獄囚曰 朝審歲以八月刑部會九卿詹事科道于 天安門外金水橋西公閱其爰書而駁定之初以四川廣西兩司分寔案牘雍正十二年始別選司屬滿洲漢人各二員主其事曰總辦秋審處尋佐以協辦者四員歲滿則交替乾隆十九年以後凡核直省審冊辨實緩矜疑之當否以白于長官皆以總辦司員任之先後增至十六人學習者無定員其職雖出堂官掄派而專司秋審所繫甚重至如三法司會議凡刑部重辟囚先以御史大理左右寺官會刑曹察其辭辨其死刑之罪而要之曰會小三法司及致辭于長官都御史大理卿迺詣刑部與尙書侍郎會聽之各麗其法以議獄曰會大三法司迨三司合議而後上之我 皇上矜慎庶獄猶必推勘至當以期合乎辟以止辟刑期無刑之意惟明惟允洵遠軼三代盛軌矣通典

工部尙書 侍郎 四司郎中 員外郎 主事 節慎庫郎中 員外郎 司庫 庫使 製造庫郎中  
司匠 司庫 庫使 料估所 琉璃廠監督 木倉監督 皇木廠監督 管理街道廳 堂主事 司務

應 筆帖式 管理錢法侍郎 寶源局監督 大使

工部尚書滿洲漢人各一人掌天下工虞器用辨物屯材以飭邦事通典

天聰五年置工部以貝勒一人領之會典事例

順治元年設滿漢尚書無定員會典事例

五年定滿漢尚書各一人會典事例

八年命諸王貝勒兼理部務會典事例

九年停諸王貝勒兼理部務會典事例

雍正元年以親王郡王大學士兼理部務會典事例

嘉慶十年以大學士兼理部務會典事例

左右侍郎滿洲漢人各一人掌綜事訓工以貳尚書滿漢右侍郎兼管理錢法堂事務初制增減不一通典

順治元年定滿漢左右侍郎各一人會典事例

其屬有四清吏司曰營繕曰虞衡曰都水曰屯田通考

營繕清吏司郎中滿洲四人蒙古一人漢人一人通典

員外郎滿洲五人漢人一人通典

主事滿洲二人蒙古一人漢人二人掌繕治 壇 廟宮府城垣倉庫廩宇營房辨飭物材而司其禁令凡工

作之籍以時會而上之通典

虞衡清吏司郎中滿洲四人漢人一人通典

員外郎滿洲四人蒙古一人漢人一人通典

主事滿洲三人漢人二人掌山澤採捕及陶冶器用修造權衡武備之事若葦席竿繩之屬則儲以待用應時而給之通典

都水清吏司郎中滿洲五人漢人一人通典

員外郎滿洲五人漢人一人通典

主事滿洲四人漢人二人掌河防海塘及直省河湖淀泊川澤陂池水利之政令凡道路之平治橋梁之營葺舟楫之制度咸總而舉之歲十有二月則藏冰夏而出之以供祭祀 宮府之用焉通典

屯田清吏司郎中滿洲四人漢人一人通典

員外郎滿洲五人漢人一人通典

主事滿洲三人漢人二人掌 陵寢大工及王公百官墳塋之制凡大祭祀則供其薪炭百司歲給亦如之工匠之餼于官及以時和傭者皆量其工役而為之程度焉通典

節慎庫郎中滿洲一人通典

員外郎滿洲一人通典

司庫滿洲二人通典

庫使滿洲十有一人掌出納金錢月要歲會以上其數郎中員外郎俱于各司屬中簡調一年而代初設有漢

人大使一人順治十五年裁 通典

製造庫郎中滿洲二人漢人一人 通典

乾隆十九年改廣衡司管製造庫漢郎中爲製造庫郎中會典事例

百匠滿洲二人 通典

司庫滿洲二人 通典

庫使滿洲二十有二人掌攻治金革所領銀工之屬十有二鑲工之屬九皮工之屬十有三繡工之屬五甲工之屬八凡車輅儀仗之制屢采備物皆辨其名數而供之漢人郎中初以廣衡司員額管製造庫事乾隆十九年改爲製造庫郎中皆於本部司員內揀選補授 通典

料估所司員滿洲漢人各三人掌審曲面勢量丈尺權物價計備直以授成于督工之官工竣則覆覈之皆于本部司員內簡委一年而代 通典

琉璃廠監督滿洲漢人各一人掌陶琉璃瓦器按其模式辨其等差以供 大工之用順治初專差漢人司官康熙元年改差滿洲漢人司官各一人一年而代 通典

木倉監督滿洲漢人各一人木倉在天安門右千步廊外凡各省歲輸木材自張家灣運京者謹其儲待以待各工 通典

皇木廠監督滿洲一人木廠初設于通州及張家灣各遣筆帖式二人驗收運京木材康熙二十六年停遣筆帖式通州廠以通惠河分司主之尋改歸通永道張家灣廠本部遴滿洲司員一人管理凡運不至水次本部

委官驗視如式則令監督受之核其數以運入木倉一年而代通典

管理街道廳御史一人本部司員一人步軍統領衙門司員一人掌平易道路清理溝洫歲時相度疏濬滌泥  
深濬以利車馬初委本部司員滿漢各一人乾隆五十年定制令都察院掄選御史滿洲漢人各一人工部步  
軍統領衙門各掄選司屬二人引 見簡派以專責成一年而代通典

堂主事掌章奏者滿洲一人漢軍二人掌案牘者滿洲二人通典

司務廳司務滿洲漢人各一人通典

筆帖式滿洲九十三人蒙古二人漢軍十有二人通典

工部督理京省錢法右侍郎滿洲漢人各一人凡 京師鼓鑄統設二局隸工部者曰寶源局歲鑄錢七十一  
卯以六千二百四十九緡二百七十七文爲卯過閏則加鑄四卯滿漢右侍郎掌其局之政令通典

工部寶源局監督滿洲漢人各一人通典

大使滿洲二人掌鑄造緡錢收納銅課以裕 國儲以利民用其監督無專員初置三人康熙十七年改定二  
人由六部滿漢司員遴選保舉引 見簡用二年而代大使由本部筆帖式選委初止設筆帖式一人雍正七  
年改設大使二人咨吏部註冊五年而代稱職者以應升官用通典

### 右工部

盛京五部官屬 盛京自 國初設有六部承政參政等官順治元年 世祖章皇帝定都燕京悉裁諸舊制  
官不備設以內大臣等官鎮守戶禮兵工四曹咸屬焉十五年復設禮部十六年復設戶部工部康熙元年復

設刑部皆置侍郎及其官屬三十年又設兵部侍郎雍正八年設滿洲尙書一人以總五部尋罷之通典

戶部侍郎一人掌 盛京賦稅之出納通考

其屬經會司郎中員外郎主事各一人糧儲司郎中員外郎各一人主事二人農田司員外郎二人主事一人  
銀庫掌關防監督郎中員外郎各一人堂主事二人司庫二人倉監督正副各一人管宮屯六品官二人筆帖  
式二十一人漢軍二人通考

右盛京戶部

禮部侍郎一人掌 盛京朝祭之典禮通考

其屬左右二司郎中各一人員外郎各二人通考

堂主事一人讀祝官八人贊禮郎十六人管千丁六品官一人七品官一人通考

鳳凰城迎送朝鮮官三人助教四人筆帖式十人通考

右盛京禮部

兵部侍郎一人掌 盛京武備及郵驛邊防之政通考

其屬左右二司郎中各一人員外郎各二人主事各一人通考

堂主事二人驛站監督正副各一人筆帖式十二人通考

右盛京兵部

刑部侍郎一人掌 盛京旗民之獄訟通考

其屬前司郎中一人員外郎二人主事一人後司郎中一人員外郎二人主事一人左司郎中一人員外郎二人主事一人右司郎中主事各一人蒙古郎中主事各二人通考

堂主事滿洲一人漢軍一人職罰庫司庫一人司獄漢人一人雍正五年設筆帖式滿洲二十四人蒙古二人漢軍五人通考

右盛京刑部

工部侍郎一人掌盛京營作之事通考

其屬左右二司郎中各一人員外郎各二人主事各一人通考

堂主事二人四品官五品官各一人六品官二人銀庫司庫二人管理琉璃窰官一人筆帖式滿洲十六人漢軍一人通考

右盛京工部





皇朝政典類纂卷二百四十二

職官五

在京文武官 理藩院 都察院 通政使 大理寺 太常寺 光祿寺 太僕寺 鴻臚寺 國子監

欽天監 太醫院 內務府

理藩院 尚書 侍郎 六司郎中 員外郎 主事 堂主事 司務 筆帖式 銀庫郎中 員外郎 蒙古

總庫房員外郎 唐古特學司業 助教 筆帖式 稽察內館外館監督 烏爾哈達等處司官 察哈爾理

事官 張家口等處驛站員外郎 圍場總管

理藩院掌蒙古及番部封授朝覲貢獻黜陟徵發之政控馭撫綏以固邦翰焉尚書一人左右侍郎各一人俱不分滿洲蒙古補授額外侍郎一人以蒙古員勒貝子之賈者任之 通考

崇德三年定蒙古衙門為理藩院設承政一人左參政一人右參政一人會典事例

順治元年改承政為尚書參政為侍郎會典事例

十六年以禮部尚書銜掌理藩院事以禮部侍郎銜協理理藩院事會典事例

十八年諭吏部禮部 太宗文皇帝時蒙古部落盡來歸附設立理藩院專管外藩事務責任重大今作禮部

所屬於舊制未合嗣後不必兼禮部銜仍稱理藩院尚書侍郎會典事例

又 諭理藩院職司外藩王貝勒公主等事務及禮儀刑名各項責任重大凡官制體統應與大部相同理藩

院尚書照六部尚書入議政之列會典事例

其屬有六清吏司曰典屬曰王會曰旗籍曰柔遠曰理刑曰徠遠通考

典屬清吏司郎中滿洲蒙古各一人通考

員外郎滿洲五人蒙古四人通考

主事滿洲一人掌漢南諸藩科爾沁扎賚特杜爾伯特郭爾羅斯敖漢奈曼翁牛特巴林扎嶺特喀爾喀左翼

阿嚕科爾沁克什克騰土默特喀喇沁烏珠穆沁阿巴噶浩齊特蘇尼特巴哈納爾四子部落喀爾喀右翼烏

喇特茂明安鄂爾多斯歸化城土默特二十五部落五十一旗之禮籍曉其封爵正其等次辨其世系三歲會

盟則遣大臣奉 敕往蒞之以同好惡而頒禁令焉若歸化城土默特及索倫除授官校則敘而正之如歲

有不登則辨其輕重而贖罰之通典

王會清吏司郎中滿洲蒙古各一人通考

員外郎滿洲三人蒙古二人通考

主事滿洲蒙古各一人掌科爾沁扎薩克圖汗喀爾喀賽音諾顏扎薩克親王等列爵之位盟會之制其青海

四部落賀蘭山厄魯特烏爾蘇厄魯特推河厄魯特額濟納土爾扈特杜爾伯特土爾扈特等部胙土錫命

亦如之諸喇嘛番僧之受號者則辨其名數授以印劄有差凡烏嚕木齊伊犁防守屯田之政庫倫恰克圖互

市之事咸綜其法式以頒布焉通典

旗籍清吏司郎中滿洲二人蒙古一人通考

員外郎滿洲三人蒙古四人通考

主事蒙古一人掌蒙古科爾沁等部落封爵會盟及歸化城索倫除授官校之事通考

柔遠清吏司郎中滿洲一人通考

員外郎滿洲二人蒙古三人通考

主事滿洲蒙古各一人掌喀爾喀等部落及喇嘛番僧朝貢祿賜之事通考

理刑清吏司郎中滿洲蒙古各一人通考

員外郎滿洲蒙古各三人通考

主事滿洲一人掌蒙古及番部刑罰之事通考

練達清吏司郎中蒙古一人通考

員外郎滿洲蒙古各二人通考

主事滿洲蒙古各一人掌嘉峪關以西回部回城及四川諸土司之政令凡諸回疆若哈密關展吐魯番則歸其長而領以扎薩克如蒙古之制新疆若哈喇沙爾庫車沙雅爾賽哩木拜阿克蘇烏什喀什噶爾葉爾羌和闐諸城則因俗設官皆辨其等秩而祿命之田賦征權則準式定制而頒布焉四川諸土司奉歲事以入覲於廷釐其班位而詔之儀節凡哈薩克左右部布魯特東西部安集延瑪爾噶朗霍罕那木干四城塔什罕拔達克山博羅爾愛烏罕齊齊玉斯謬爾根齊諸部落汗長重譯以時朝貢者各以其國之籍禮之通典

乾隆二十二年改錄勳司爲典屬賓客司爲王會柔遠後司爲旗籍前司爲柔遠會典事例

二十六年諭著將理藩院五司內派出一司專辦回部事務其酌擬司名及應設官員數目承辦事宜詳悉定

議具 奏是年併旗籍柔遠為一司增設徠遠司就各司內委郎中一人員外郎四人主事二人筆帖式八人專理司事會典事例

二十七年仍分旗籍柔遠為二司會典事例

二十九年改典屬司為旗籍其旗籍司即改為典屬會典事例

堂主事滿洲二人蒙古三人漢軍一人掌校繕章疏又有校正漢文官二人於內閣翰林院侍讀學士侍讀內奏委三歲而代初制通典

司務廳司務滿洲蒙古各一人順治元年置司務二人為滿洲蒙古員額院判一人知事一人副使一人為漢人員額康熙三十八年俱省雍正十年復設滿洲司務蒙古司務各二人 通典

筆帖式滿洲三十六人蒙古五十五人漢軍六人初制滿洲十有一人蒙古四十一人漢軍二人康熙二十八年增設漢文筆帖式每旗各一人漢軍筆帖式每翼各二人雍正十一年復增滿洲筆帖式十七人蒙古筆帖式十四人分隸各司隨事之繁簡以為額通典

銀庫郎中一人通典

員外郎一人俱於本院司官內委委 通典

蒙古編譯房員外郎一人通典

唐古特學司業一人通典

助教一人通典

筆帖式蒙古四人掌學習唐古特字以譯西藏軍疏文移順治十四年初設唐古特學給教習人六品俸後改爲司業其助教初以他官兼乾隆五年始定爲額設之官通典

稽察內館外館監督二人由科道及各部司官內輪差委掌致館於賓籍完滿除以待行李通典

烏蘭哈達駐劄司官一人三座塔駐劄司官一人八溝駐劄司官一人筆帖式一人分掌諸蒙古部落與民人交涉之事則聽其訟而平之歲則徧巡所屬以周知其風俗兼掌權百物之稅以待蒙古贖恤歲周而代通典察哈爾游牧處理事員外郎蒙古十有六人掌治游牧察哈爾獄訟之事以在京蒙古各旗與察哈爾各旗官員揀選由院引見除授自護軍校驍騎校選用者卽授員外郎自中書筆帖式選用者先授主事三年稱職乃授員外郎通典

張家口喜峯口獨石口殺虎口古北口管理驛站員外郎各一人掌蒙古各處郵驛之政令以宣傳命令通達文移凡百里爲一傳自喜峯口至扎賚特置郵十有六自古北口至烏珠穆沁置郵九自獨石口至浩齊特置郵六自張家口至四子部落置郵五自殺虎口至烏喇特置郵九又自歸化城至鄂爾多斯置郵八仍爲殺虎口均於水泉形勢之地安設五路各設員外郎一人由本院司官內奏委司其事筆帖式一人佐之三歲而代通典

圍場總管一人木蘭圍場在蒙古各部落中周一千四百餘里國語謂哨鹿爲木蘭故以得名 聖祖仁皇帝因喀喇沁敖漢翁牛特等諸部落所獻牧地置歲行秋獮康熙四十五年設圍場總管一員六品官八員率官兵駐守以司譏察巡防之禁令 皇上式遵前制每以八月行圍肄武凡內扎薩克蒙古王公台吉及喀爾喀

青海尼魯特並輪年入 覲之都爾伯特土爾扈特回部伯克等成會朝 行在所聽聽執役歲以爲常乾隆十四年始以圍場總管屬理藩院統轄十八年升總管等品秩增設翼長二人騎騎校每旗各一人通典謹按我 朝威德廣被無遠弗届內扎薩克藩屬暨喀爾喀青海西藏久受疆索比於內臣 聖武布昭汜濫底定北踰瀚海西越流沙莫不葦布星羅咸歸版籍而綜其成於理藩院仰見 聖治宏敷聲教四訖奔走借來綏懷罔外固駕漢唐而上之矣通志

### 右理藩院

都察院 左都御史 左副都御史 六科給事中 十五道監察御史 經歷 都事 筆帖式 巡倉科道

巡漕科道 巡察科道 巡視五城御史 五城兵馬司指揮 副指揮 吏目

都察院專掌風憲以整綱飭紀爲職凡政事得失官方邪正有關於 國計民生之大利害者皆得言之大獄重囚借刑部大理寺讞平之通考

崇德元年置都察院設承政參政無定員會典事例

嘉慶四年諭內閣向來各省民人赴都察院呈控案件該衙門有具摺奏聞者有咨回各該省督撫審辦者亦有經行駁斥者辦理之法有三似此則伊等准駁竟可意爲高下現當廣開言路明目達聰原俾下情無不上達若將具控之案擅自駁斥設遇有控告該省督撫貪贓不職及關涉權要等事或瞻顧情面壓擱不辦恐致賄囑消弊之漸所關非小嗣後都察院遇有各省呈控之案俱不准駁斥其案情較重者自應卽行具奏卽有應咨回本省審辦之案亦應於一月或兩月視控案之多寡彙奏一次並各案情節於摺內分晰註明候朕披

刑部有案情較重不卽具奏僅咨回本省辦理者經朕看出必將各堂官交部嚴加議處著爲會刑部

左都御史滿洲漢人各一人通典

左副都御史滿洲漢人各二人掌察覈官常弊飭綱紀通典

順治元年改承政爲左都御史參政爲左副都御史無定員設漢左叅都御史一人右都御史右副都御史右

叅都御史皆不設專員俱爲督撫坐衙會典事例

三年定左副都御史滿漢各二人會典事例

五年定左都御史滿漢各一人會典事例

乾隆十年省其右都御史爲總督坐衙右副都御史爲巡撫坐衙俱無京員故都察院長官皆以左叅衙爲道

典

六科吏科戶科禮科兵科刑科工科掌稽察六部百司之事凡制勅宣行大事覆奏小事署而頒之如有失

封還執奏內外章疏分類抄集參署付部駁正其違誤焉通考

謹按六科於雍正元年始隸都察院職掌如舊制凡出差則題請署事通考

吏科掌印給事中滿洲漢人各一人給事中滿洲漢人各一人分稽銓衡註銷吏部順天府文卷通考

戶科掌印給事中滿洲漢人各一人給事中滿洲漢人各一人分稽財賦註銷戶部文卷通考

禮科掌印給事中滿洲漢人各一人給事中滿洲漢人各一人分稽典禮註銷禮部宗人府理藩院太常寺光

祿寺鴻臚寺國子監欽天監文卷通考

言明文共頁第 卷一百四十一 職官五 在京文武官

四



兵部掌印給事中滿洲漢人各一人給事中滿洲漢人各一人分稽軍政註銷兵部鑾儀衛太僕寺文卷通考

刑部掌印給事中滿洲漢人各一人給事中滿洲漢人各一人分稽刑名註銷刑部文卷通考

工部掌印給事中滿洲漢人各一人給事中滿洲漢人各一人分稽工程註銷工部文卷通考

筆帖式八十人分隸各科視其事之煩簡爲額通考

謹按初設六科增減不一順治十八年設滿漢都給事中各一人滿漢左右給事中各一人漢給事中二人其都給事中由左給事中轉左給事中由右給事中轉康熙四年滿漢各留給事中一人餘悉裁五年增定滿漢掌印給事中各一人通考

給事中曹一士奏竊惟設官必分之職責實當循其名使守官者先正其名而後在公者各舉其職查給事一官自漢以來相沿已久以其有事殿廷則曰給事中以其出入璫闥則曰黃門給事以其統於門下領於侍中則與中書同謂之省前代之中書門下卽今內閣大學士職皆居禁垣號曰兩省而御史則謂之臺臺省異地故科道分曹至今曰科道曰兩衙門明非一衙門官屬也逮明初始分六科以省知六部之事而糾其弊誤時罷門下省不設而六科獨主封駁以補闕拾遺雖與御史同爲言官而御史職在監察百司故居於外六科職在宣行制敕故居於內所以重王言尊國體內外秩然不可易也 國朝會典開載該科所奉旨意有灼見未便之處許封還執奏部院督撫本章有情理未協者俱得駁正題參至於朝政得失百官賢佞或特疏或公本奏聞是立制之初惟在慎重命令別白是非專責以言不任他事俾得從容謀議以殫其心朝夕論思以盡其職且天下民生休戚吏治臧否皆得於退食之餘廣咨博訪以便入告而裨廟堂

耳目之所未及此我 國家立制本意參酌歷代而無弊者也雍正元年以六科內陞外轉一事奉 旨著  
歸都察院管乃一時權宜之法然自此以後臺臣循照臺例一切城倉漕鹽等差與御史一體開列於是六  
科各員奔走內外朝夕不遑或遞相署理至有本科祇留一人者本章到科匆匆過目即以付部不及詳細  
審讀又其甚不得已則間闕雀鼠之贖雜進於 內朝簿籍期會之吏接跡於禁籞判署紛紜輕重倒置非  
所以欽崇 綸綍整肅綱常也臣請敕下在廷考正六科之制一切悉還其舊則臺自爲臺省自爲省給事  
中之名既正而後專責以言孰敢不職思其居竭誠盡慎以仰報 國家者乎至於內陞外轉會典舊例各  
科將條陳奏効本章造冊移送吏科序俸開列題請 欽定是則資之淺深言之當否 御覽昭然原無待  
他屬而後定也且 國初以來臺省未嘗合一不聞差遺之員倘以城倉漕鹽等差事屬繁要人數未敷則  
但當增置御史之員不必更分給事之任抑臣更有請者會典開載凡內閣交出密本由各該科掛號即將  
原封送各該部取職名附錄備查是從前密本未有從內閣徑下者卽前代中書門下兩省更互校驗之意  
也今臣到任以來見所發各科本章祇有紅本而密本並未一見至 皇上諭旨徑由內閣發部者臣等遲  
至浹旬始得從邸抄一讀如此則雖欲有所論列或已無及于事似非設立科臣之初指也嗣後請聽臣等  
派出本科筆帖式二員每日輪班赴閣恭抄 諭旨併所發各臣條奏密本既省掛號轉遞之煩臣等亦可  
不待邸抄卽得預聞 旨意備見奏章庶幾隨時論列以仰贊 高深之萬一仰祈 皇上睿鑒施行 謹  
奏

分道十有五曰京畿曰河南曰江南曰浙江曰山西曰山東曰陝西曰湖廣曰江西曰福建曰四川曰廣東曰

廣西曰雲南曰貴州通考

京畿道監察御史滿洲漢人各一、分理院事及直隸 盛京刑名稽察內閣順天府大興宛平事務 每道家

印滿漢各一人 通考

河南道監察御史滿洲漢人各二人 初設漢六人順治十年裁一人十八年裁一人康熙七年裁二人分理河

南刑名照刷諸司卷宗稽察吏部詹事府步軍統領五城事務通考

江南道監察御史滿洲漢人各四人 初設漢五人順治十八年裁一人康熙七年 裁二人雍正四年增一人乾

隆十四年增定滿漢各四人 分理江南刑名稽察戶部寶泉局宣課司左右翼監督在京十有二倉總理運磨

勘三庫奏銷通考

浙江道監察御史滿洲漢人各一人 初設漢六人順治九年裁一人十六年裁一人康熙七年裁一人雍正四年

增一人乾隆十四年定滿漢各二人 分理浙江刑名稽察禮部都察院事務通考

山西道監察御史滿洲漢人各二人 初設漢五人順治十年裁一人十八年裁二人 分理山西刑名稽察兵部

翰林院六科中書科總督倉場坐糧廳大通橋監督通州二倉事務通考

山東道監察御史滿洲漢人各三人 初設漢五人順治十八年裁二人康熙七年裁一人乾隆十四年定滿漢

各三人分理山東刑名稽察刑部太醫院總理河道催五城命盜案贖緝捕之事 通考

陝西道監察御史滿洲漢人各二人 初設漢四人順治十八年裁二人雍正四年增一人 分理陝西刑名稽察

工部寶源局駁勘在京工程事務通考

湖廣道監察御史滿洲漢人各二人 初設漢六人順治八年裁一人九年裁一人十五年裁一人康熙七年裁一人分理湖廣刑名稽察通政使司國子監事務通考

江西道監察御史滿洲漢人各一人 初設漢六人順治十年裁一人十六年裁一人十八年裁二人分理江西刑名稽察光祿寺事務通考

福建道監察御史滿洲漢人各二人 初設漢五人順治十年裁一人十五年裁一人康熙七年裁一人分理福建刑名稽察太常寺事務通考

四川道監察御史滿洲漢人各一人 初設漢四人順治十八年裁二人康熙七年裁一人雍正四年增一人乾隆十四年裁一人分理四川刑名稽察鑾儀衛事務通考

廣東道監察御史滿洲漢人各一人 初設漢五人順治十八年裁二人康熙七年裁二人雍正四年增一人乾隆十四年裁一人分理廣東刑名稽察大理寺事務通考

廣西道監察御史滿洲漢人各一人 初設漢四人順治十八年裁一人康熙元年裁一人乾隆十四年裁一人分理廣西刑名稽察太僕寺事務通考

雲南道監察御史滿洲漢人各一人 分理雲南刑名稽察理藩院欽天監事務通考

貴州道監察御史滿洲漢人各一人 初設漢四人順治十八年裁二人康熙七年裁一人雍正四年增一人乾隆十四年增一人分理貴州刑名稽察鴻臚寺事務通考

順治七年裁江南道福建道河南道廣東道漢監察御史各一人浙江道江西道湖廣道山東道四川道廣西

道雲南道貴州道漢監察御史各一人會典事例

雍正四年增設江南道浙江道江西道湖廣道陝西道四川道廣東道貴州道漢監察御史各一人會典事例  
乾隆元年諭御史向有坐道協道之分坐道徒屬空銜並不辦本道之事協道則以次遞遷其制沿自前明糾紛無謂今既定為二十八員與滿御史畫一應就現在十有五省即以此二十八人分理之省分事繁者多分數人並令稽察在京各部院衙門則可省紛更而專職業於體制方為允協會典事例

十四年定江南道監察御史滿漢各四人山東道監察御史滿漢各三人河南道京畿道浙江道山西道陝西道湖廣道福建道江西道監察御史滿漢各二人四川道廣東道廣西道雲南道貴州道監察御史滿漢各一人會典事例

二十二年諭京畿道著列於河南道之前舊隸河南道之事著京畿道辦理舊隸京畿道之事著河南道辦理會典事例

嘉慶十六年諭內閣國家設立都察院堂官六科各道凡內自王公大臣外自督撫藩臬以至百職庶司如有營私執法辜恩負職者言官據實糾彈立即按款嚴究執法重懲我朝列聖相承綱紀肅清力除蔽蔽之弊朕祇遵成憲太阿在握懲竊鋤奸亦從不稍事姑息然事必覈實斯罰不妄施乃近年言官中竟有懷挾私怨陽沽鯁直之名陰施報復之詐以巧試其術者其初列款上聞浮言聳聽及查明毫無證據若將言官懲罰過重似杜敢言之路而被劾之大臣一登白簡難辨明心跡謹實不加究以枉受誣讟使在廷之議謂其會遭指摘不免中懷畏歛損其精白之衷且君臣之間亦不若無此芥蒂益爭股肱心膂之義也即如原任大學士

戴衢亨果於任事惟性急語直每遇部院公事判別是非或從或違安能盡協人意因此爲怨者所譏前被給事中花杰封章參奏指稱伊與貢士洪瑩交往情密拔置一甲一名又黃旭試卷行楷相間濫置二甲經朕密取殿試各卷加封呈覽特將洪瑩帶至上書房命二阿哥監看令其默寫試策惟時距殿試已閱兩月有餘洪瑩所默試策與原卷悉相符合不過數虛字間有異同其黃旭原卷未數行稍欠工整並無一筆行書當卽明白宣示剖分曲直本年己巳科庶吉士散館朕料洪瑩黃旭二人文義必應考居前列若抑置在後非有心屏黜卽衡校未當及閱卷大臣公擬進呈拆閱彌封洪瑩黃旭同列一等設戴衢亨尙在派令閱卷必謂其徇情拔取卽不與閱卷之列亦或疑其轉相囑託今戴衢亨已故可見文章自有定評豈同列諸大臣至今日尙曲爲附和乎戴衢亨蓋棺論定心跡已明應含笑泉下矣花杰從前憑空捏造誣陷大臣是誠何心姑置勿論嗣後諸官官務當各矢天良遇有不公不法之事必求確據直列彈章不可因有此旨緘默不言若以毫無影響之談誣人名節 天鑒難逃國法其在 聖訓

二十二年諭內閣國家設立臺諫任以言責期於明目達聰職至要也爲科道者必實有忠君愛國之心遇政事之闕失臣工之險陂者誠勸於中直陳無隱此真忠言讜論朕所樂聞而願望者也近日科道章奏未爲不多而能有所建白者實少或止於申明舊例而泛爲鋪敘或輒議更張成法而斷難施行此皆志存塞責意在見長爲私而不爲公朕洞燭其情猶以其諫官而優容之不意竟有以奏事爲利媒藉以竊弄威福私納財賄者壞法亂紀莫此爲甚此實臺諫中之敗類朕不能不執法懲治矣蓋忠佞邪正判然兩途嘉言裨國與莠言亂政其利害關於國家者甚鉅朕特製諫臣論一篇著發交都察院自堂官以及科道每人照錄一通嗣後初

任言官者到任之日亦令照錄一紙俾各觸目警心各科道經朕剴切訓飭務各屏除私念力矢公忠凡政務之關繫國計民生及內外臣僚營私執法者仍據實直陳不可妄生疑懼自甘緘默惟不得假公濟私變亂是非用副朕求治納言之至意 聖訓

道光十五年諭內閣科道為朝廷耳目之官責任至重凡政治利弊攸關如有真知灼見俱應據實上陳直言無隱近來科道中馮贊勳金應麟黃爵滋曾望顏等平日遇事均屬敢言間有指陳亦皆明白曉事其有關繫國是切中事宜者無不量加採納立見施行是以將該員等擢任京卿所以風勵言官卽是廣開忠諫之路該員等益當仰體朕意遇事敢言一切毀譽榮辱之念俱不應存於中惟於國計民生實有裨益或除奸剔弊確有見聞均當剴切直陳毋稍隱諱謂既非言官遂甘緘默則是以建言為梯榮之具驟得升階卽圖保位似此沽直聲於前而思緘口於後不幾與朕用人圖治之意大相刺謬耶嗣後務當屏除私見盡心盡職不避嫌疑力矢公忠不特政務關繫民生國計及牽涉內外臣工者仍應據實指陳不可妄生疑懼卽朕用人行政之際稍有闕失亦當隨時進言以資採納朕總理庶政一秉大公卽聽言一節深望諸臣切實敷陳不憚再三詰誠期以察天下之治忽非徒博納諫之虛名其有徇隱姑容前後易轍者尤當深以為戒言行相顧始終不渝朝廷收讜言之益國家著直臣之效朕實有厚望焉將此通諭知之 聖訓

經歷滿洲漢人各一人初設司務後改為經歷員額順治元年定通考

都事滿洲漢人各一人分掌董察胥吏繕寫章疏而行遺文書之事則兩廳分理之通考

乾隆六年議准都察院查審五城及各部咨查案件均關緊要經歷都事為本衙門首領官事務尙簡將吏戶

刑事分歸經歷管理禮兵工事分歸都事管理以專責成會典事例

筆帖式滿洲三十五人蒙古二人漢軍五人通考

巡視京師通州十有四倉或御史或給事中各倉一人歲一更代以滿洲漢人參半用雍正五年設 通考

巡視漕運淮安濟寧天津通州或御史或給事中各一人歲以次奏請各給關防滿洲漢人參半用濟寧巡漕兼理疏濬運河之事通考

巡察吉林黑龍江科道滿洲二人雍正元年置 通考

巡視臺灣科道滿洲漢人各一人康熙六十一年置 通考

謹按 國初承明制各省設巡按御史順治十八年停止又有巡江御史巡視屯田御史俱順治初停止督理茶馬御史康熙初停止又雍正三年設各省巡察以督捕盜賊由科道及小京堂官部屬各官掄遣江寧安徽共一人湖北湖南共一人山東河南共一人四年設直隸巡查御史六人又有巡視山東河南工務御史一員直隸巡農御史一員嗣俱先後停止通志

巡視五城科道滿洲漢人各一人掌彈壓地方釐剔奸弊凡中東南西北五城分莅而治之中城轄中西中東二坊東城轄崇南朝陽二坊南城轄東南正東二坊西城轄宣南關外二坊北城轄日南鹽中二坊皆布其禁令而聽其獄訟大事奏 聞小事則牒刑部結正而月具 報自上都察院堂官考覈焉有缺則以六科給事中十五道御史引 見 簡用二年而代通典

所屬兵馬司正指揮漢人各一人掌巡捕盜賊疏理街道及囚徒火禁之事副指揮漢人各一人初設二人康



照十一年減一人吏目漢人各一人凡京城內外咸畫境分領之通典

乾隆元年諭國家設官所以監人也京師爲輦轂之地五方之人雲集輻輳是以於五城分命滿漢御史及兵馬司正副指揮吏目等官糾察而稽查之又有步軍統領專掌九門巡捕營員查匪類緝盜賊察賭博等事犯者輕則自行懲治重則送部究擬立法亦彙詳矣嗣以外城街巷孔多慮藏姦匪各樹柵欄以司啟閉因而設巡檢官數十員於在京考職候選雜職人員內揀選補用此等之人本係微職一膺斯任妄謂得操地方之權所用衙役率皆本地無籍之徒望風應募遂於管轄之內欺詐愚民遇事生風多方擾累甚至卑陋無恥散帖繳分苛索銀錢官役分肥於地方並無查察防範之效而司坊各官反得推諉卸咎又妄用此冗雜之員也著將巡檢概行裁革其柵欄仍照舊交與都察院五城及步軍統領酌派兵役看守會典事例

道光十八年諭前因御史章煒條陳五城事宜當交吏部會同都察院議奏茲據奏稱吏目本係雜職向例不准擅受民詞若令其於戶婚田土詞訟案件傳人敘供卽與擅受無異再查吏目專係捐納出身流品既雜且久於其任雖有巡城御史稽查鈐制而御史每年更換防範恐有未周該御史請將城內案件改歸正指揮管理之處不爲無見等語所議甚是嗣後城外案件仍歸副指揮報城城內案件除竊盜鬪毆賭博一切緝捕事宜仍歸吏目分管外其餘戶婚田土詞訟案件向歸吏目管理者均著改歸正指揮衙門詳城聽各該城御史批發駁辦卽鬪毆因戶婚田土起者一切傳人敘供仍歸正指揮管理毋許吏目干預以符體制而專責成東

進續錄

又諭昨據吏部議奏五城事宜業經降旨將城內戶婚田土詞訟案件均改歸正指揮衙門詳城駁辦毋許

吏目干預是該正指揮等責任甚重嗣後著巡城御史留心查察如該正指揮等有縱容吏役營私舞弊及才具平庸不能稱職者隨時奏毋稍姑容備該吏目等仍有干預擅受情弊亦即嚴參懲辦以專職守而儆官邪寬重續錄

吳敏樹書巡城御史謝薌泉事謝御史者吾楚湘鄉謝薌泉先生也當乾隆末宰相和珅用事權焰張有寵奴常乘和車以出人避之莫敢詰先生爲御史巡城過之怒命卒曳下奴笞之奴曰汝敢笞我我乘我主車汝敢笞我先生益大怒痛笞奴遂焚燒其車曰此車豈復堪宰相坐耶九衢中人聚觀譁呼曰此真好御史矣和珅恨之假他事削其籍以歸先生文章名一時喜山水乃徧游江浙所至人士爭奉筇屐迎飲酒賦詩名益高天下之人皆傳稱燒車謝御史和珅誅復官都郎以卒及道光癸巳之歲河南裕州知州謝興曉以卓異薦入都裕州御史之子由翰林改官者也引見時唱陳名貫畢 皇上問曰汝湖南人作京語何也興曉對曰臣父謝振定憲官翰林御史臣生長京師 上忽悟曰爾乃燒和珅車謝御史之子耶因賜獎興曉家世勉以職事明日 上語閣臣朕少時聞謝御史燒車事心壯之昨見其子來甚喜未幾 命擢興曉敘州府知府方裕州入見時吾鄉人士在京師者盛傳 天語以爲謝氏父子之至榮也又幸薌泉先生之生於其鄉而以相誇耀也敏樹得知其本末如此云敏樹又記在都時有郎官當推御史者語次因舉薌泉先生之事郎官謂曰薌泉負學問文章又彼時清議尙重故去官而名益高身且便今我等人材既弗如而時所重者獨官祿耳御史言事輕則友朋笑重則恐觸罪一朝跌足誰肯相顧盼即且家口數十安所賴耶余無以進之嗟夫昔之士風人情猶之今也以裕州今日家世之榮孰不欣

然而願其有是孰知當蘇泉先生罷官時同朝行輩中必有相侮笑者譏毀者畏罪累而不敢附和者其家人居室必不如在官之樂者且使先生官不罷其進取抑未可量一遭斥逐終以不振獨氣節重江湖間耳然則先生於燒車之時亦可謂計慮之不詳盡者耶梓湖文鈔

右都察院

通政使司通政使 副使 參議 經歷 知事 筆帖式 登聞鼓應筆帖式

通政使司掌受內外章疏臣民密封申訴之事凡在外之題本奏本在京之奏本並受而進之於朝覈其不如式及程途稽限者凡大政大獄咸得偕部院預議焉通考

通政使滿洲漢人各一人通典

副使滿洲漢人各一人通典

參議滿洲漢人各一人通典

乾隆十年諭通政使事務簡少官員過多可酌量裁減一二員會典事例

是年議定裁漢右通政一人會典事例

十三年又裁漢右通政一人改滿漢左通政爲通政使司副使又裁滿漢參議各一人並去左右銜定爲滿漢

參議各一人會典事例

經歷滿洲漢人各一人通典

知事滿洲漢人各一人掌出納文移承受案牘經歷初稱司務後改爲經歷知事初置滿洲二人漢軍一人後

省漢軍員缺乾隆十七年改滿洲知事二人爲滿洲漢人各一人 通典

筆帖式滿洲六人漢軍二人初制滿洲八人漢軍二人後省滿洲二人 通典

登聞鼓廳筆帖式滿洲漢軍各一人凡軍民實有冤抑所司不受理擊登聞鼓陳訴者由司覈實奏 聞下所  
司昭雪誣控越訴者論如法通典

順治元年設登聞鼓於都察院門日以御史一人監之通典

十三年移置長安右門外以給事中或御史一人更替管理通典

康熙六十一年議定登聞鼓衙門歸併通政使司查舊制登聞鼓衙門官不專設以滿漢科道各一人輪差管  
理既停科道輪差所有原設之滿洲筆帖式一人漢軍筆帖式一人一併歸隸通政使司會典事例

謹按設署以專掌書牘表疏章奏其制實昉于宋之通進使與進奏院而明通政使承其制則法更詳官更備  
焉洪武初置察言司既改置通政使司建文中改司爲寺改使爲卿至永樂仍復舊制惟明代立法之初意原  
未嘗不善審命令達幽隱凡執奏者毋忌避駁正者毋阿隨數陳者毋匿蔽引見者毋留難上諭所司諄諄訓  
飭故會秉正劉仁之徒猶能循謹守法然其規太密其權太重內外章疏四方陳情或告不法等事總先由司  
啟視然後奏聞甚至事關機密重大亦必用本司印記乃入奏若徑自封奏則參駁隨之大政大獄會推文武  
大臣使司必皆參預若是乎規條之密事權之重通政一司且中外庶政之扼其要矣嘉靖後通政日不得人  
甚至趙文華與嚴嵩相結嵩恐劾疏至無私人爲之計遂專任文華俾得上下其手于是擅操章奏之權五軍  
六部莫之改發而政府大壞未嘗非綜要太重之故而司厥事者得乘間行私也我 國朝規制盡善深鑒有

明一代稗政而獨定萬年無弊之法凡內外臣工封事許其自達其陳事之疏在京徑送內閣在外郵遞至司移送內閣則皆進呈御覽無執奏之專無封駁之重無中蔽之隱無參預之私于庶事為大公子舉情為直違所謂維政猶水長得通流者歟此通政司一官名雖沿而實則異謹考順治以來逮聖上所定規制如右云通考

右通政使司

大理寺卿 少卿 左右寺丞 左右評事 堂評事 司務 筆帖式

大理寺掌審讞平反刑獄之政與刑部都察院為三法司凡會勘之案先經刑部審明送都察院參核既確送大理寺平允會稿具題議同者合具看語異則另為一議具奏凡有應議大政大獄與六部都察院通政使稱九卿會議焉通考

大理寺卿滿洲漢人各一人通典

少卿滿洲漢人各一人會典

順治元年定滿漢卿各一人滿洲少卿一人漢少卿二人會典事例

乾隆十三年裁漢少卿一人會典事例

左寺丞滿洲漢軍漢人各一人通典

右寺丞滿洲漢軍漢人各一人通典

康熙三十八年裁漢寺丞一人漢左右寺副各一人會典事例



十六年定祭祀事宜悉歸本寺會典事例

康熙二年復以寺事屬禮部會典事例

十年仍以禮部祠祭司所掌改歸本寺會典事例

雍正元年 特簡大臣總理寺事會典事例

太常寺卿滿洲漢人各一人通典

少卿滿洲漢人各一人通典

乾隆五十八年諭內閣恆傑雖已陞任通政司副使但通政司衙門事務本簡恆傑仍著留兼太常寺少卿

寺丞滿洲一人漢人二人掌祭祀之儀式辨其職事以詔有司及遴補員吏鈎稽廩餼之事 初設滿洲寺丞一

人漢人左右寺丞各一人皆堂上正官乾隆十二年改為屬官 通典

博士滿洲一人漢軍一人漢人一人掌繕寫章牘有祀事則具儀以進品物所須咸應時而供其直焉 通典

贊禮郎滿洲二十二人漢人十四人讀祝官滿洲八人

學習贊禮郎讀祝官滿洲各二人掌相儀序事備物潔器凡國之大禮祀則分充典禮通贊引禮贊司

香司玉帛司爵司祝司饌掌燎掌瘞進俎挈壺司拜牌拜褥等官各共其職無有不恪凡中祀羣祀咸准式而

差次之以奉殷禮焉 通典

典禮應典新滿洲漢人各一人掌行道文移凡祭祀則辨籩豆牲牲之位而陳之 通典

典  
司庫滿洲一人庫使滿洲二人掌祭器儀服之屬各以其物而分貯之歲支銀於戶部鈎考出入以供祀事通

筆帖式滿洲九人漢軍一人 滿洲筆帖式初置十八員康熙三十八年省九員漢軍筆帖式初置二員康熙三十八年省一員 謹按太常寺初設有犧牲所牧滿洲漢人各一人從七品掌繫牲怪而芻牧之以待祭祀乾隆二十六年省以其事改入內務府慶豐司管理 通典

天壇廚滿洲八人 地壇廚滿洲八人 太廟廚滿洲十人 社稷壇廚滿洲五人右俱隸太常寺 堂子廚滿洲八人右隸禮部掌管鑰守衛直宿之事朔望則奉藉以行禮凡祀日則守門以司其開闔出入之節焉通

典

帝王廟祠祭署無專員以漢人贊禮郎司樂內一人委理右俱隸樂部 掌典守神庫以時巡祀而督其灑掃之役若葺治墻宇樹藝林木咸白於長官而敬供其事焉通典

承陵掌關防官一人通典

副關防官兼內管領一人通典

副關防官兼尙茶正尙膳正二人通典

福陵掌關防官一人通典

副關防官二人通典

尙茶正尙膳正各一人通典

言月文典 頤慶 卷二百四十二 職官五 在京文武官



昭陵寧廟防官一人通典

副關防官二人通典

尙茶正尙膳正各二人通典

凡班直之令饗獻之禮灑掃之節咸以時分司其事焉通典

右太常寺

光祿寺卿 少卿 四署署正 署丞 典簿 司庫 庫使 筆帖式

光祿寺掌饗饗勞酒醴饗饗之事凡祭祀會同太常寺省牲先期飭有司視滌濯禮畢進胙於天子而頒於百執事之人凡筵晏酒食及外使降人具羞其等以備供給通考

光祿寺卿滿洲漢人各一人通典

少卿滿洲漢人各一人通典

順治元年定滿漢卿各一人滿洲少卿一人漢少卿二人會典事例

十八年定寺事復歸禮部將解到錢糧總貯一庫公同出納其考成仍屬禮部錢糧由寺奏銷會典事例

康熙三年定各項錢糧悉歸戶部給發貯庫候用會典事例

十年仍以禮部精膳司所掌改歸本寺會典事例

三十八年裁漢少卿一人會典事例

乾隆十三年特簡大臣總理寺事會典事例

所屬署四曰大官珍饈良醴通考

大官署署正滿洲漢人各一人通典

署丞滿洲二人掌肉脩蔬茹之屬辨其物而共之祭祀燕饗則陳其几席焉 初順治元年定四署置署正滿洲漢人各一人署丞各滿洲二人漢人一人又漢人監事各一人十三年省漢人監事員額十五年又省漢人署丞四人 通典

珍羞署署正滿洲漢人各一人通典

署丞滿洲二人掌及時獻其禽鱗以薦新于 廟祭祀則共兔醢若燕饗之品物各准其度數以差次之通典

良醴署署正滿洲漢人各一人通典

署丞滿洲二人掌共祭祀燕饗之酒醴設酒庖于西安門內授之灑式而頒其政令焉通典

掌醴署署正滿洲漢人各一人通典

署丞滿洲二人掌共百事之鹽及果實飴蜜醴醬之屬咸以時按式而告備焉通典

典簿廳典簿滿洲漢人各一人掌章疏文移 順治元年又置司姓漢大使一人十五年省 通典

司庫滿洲二人通典

庫使滿洲八人掌庫帑出納通典

筆帖式滿洲十有八人順治元年置滿洲筆帖式二十有一人漢軍二人康熙三十八年省漢軍員額復省滿洲筆帖式三人 通典

謹按周禮膳夫有惟王不會之文說經者或以爲疑不知當時九式掌于冢宰人主自不得恣其費用所以用皆合式不必以有司之法會之並非蕩然無節也三代以後侈汰漸萌至明嘉隆間歲用逾四十萬厨役多至四千一百餘名奸姦叢生實爲弊數我朝自康熙初定制錢糧皆歸戶部光祿以時支取備用歷加撙節歲祇支銀二萬兩月要其數以 奏務使品式有定出入有經完費盡除成規共守信足永昭 儉德矣通典

右光祿寺

太僕寺卿 少卿 左右司員外郎 主事 主簿 筆帖式 統轄總管 兩翼總管 翼長 護軍校 辦理牧場主事 筆帖式

太僕寺總國之馬政籍畿甸牧地畜馬之數考其蕃息損耗別以印烙而時閱之通考

太僕寺卿滿洲漢人各一人通典

少卿滿洲漢人各一人通典

國初太僕寺附於兵部武庫司初制滿漢卿各一人滿洲少卿二人漢少卿三人後裁二人 會典事例

康熙九年以兵部所掌大庠場種馬場歸本寺管理 會典事例

雍正二年建本寺衙署 會典事例

四十四年諭太僕寺應派大臣一員兼管善爲例 會典事例

是年定兼管太僕寺大臣遇有陞遷外任事故出缺由部將在京滿洲尚書左都御史侍郎左副都御史等官

職名開列請 旨簡派 會典事例

嘉慶十三年停派兼管寺事大臣會典事例

左司員外郎滿洲蒙古各一人通典

主事滿洲蒙古各一人掌獻輶輦城網城之馳使以備 巡幸之用初制不分司設滿洲員外郎八人雍正三

年省二人改設蒙古員外郎二人乾隆六年始置左右二司各分職掌給以印信十三年定庶設員外郎八人改

置滿洲員外郎二人蒙古員外郎二人滿洲主事二人蒙古主事二人 通典

司員外郎滿洲蒙古各一人通典

主事滿洲蒙古各一人掌察驗牧場馬匹盈虧以時印烙通典

主簿滿洲一人掌章奏文移初置漢人主簿一人康熙二十二年省雍正二年復置滿洲主簿一人 通典

筆帖式滿洲八人蒙古八人初制滿洲筆帖式十有一人蒙古四人漢軍二人康熙二十二年省滿洲筆帖式三人雍正

三年省漢軍員額乾隆三年增置蒙古筆帖式四人 謹按太僕寺初置常盈庫以直隸山東河南額徵馬價

銀六十餘萬解寺貯庫歲終銷數漢大使一人掌之尋以馬價銀歸併戶部省常盈庫大使員額謹識 通典

統轄兩翼牧場總管一人通典

兩翼總管各一人通典

翼長各一人通典

護軍校各四人通典

駐劄張家口辦理牧場事務主事一人通典

通月文其頁馬 卷一百四十一 職官五 在京文武官

筆帖式一人牧場置於張家口外左翼四旗在哈喇尼敦井東西百五十里南北百三十里右翼四旗在齊齊爾漢河東西百五十里南北三十二里馬羣百九十二每羣牧長牧副各一人牝馬羣百六十每羣牧丁八人牡馬羣三十二每羣牧丁十有四人護軍三百十有四人通典

右太僕寺

鴻臚寺卿 少卿 鳴贊 序班 主簿 筆帖式

鴻臚寺掌朝會賓客吉凶儀禮傳贊之事凡 國家大典禮 郊 廟祭祀朝會晏享 經筵 册封傳 制 奏捷各供其事諸藩入貢百官謝 恩並鴻臚引奏以滿禮部尚書總統之通考

鴻臚寺卿滿洲漢人各一人通典

少卿滿洲漢人各一人通典

順治元年定滿漢卿各一人滿洲少卿一人漢少卿二人一應事宜均由禮部掌行會典事例

十五年裁漢少卿一人會典事例

十六年定鴻臚寺應行事宜由本寺自行辦理會典事例

十八年仍歸禮部會典事例

康熙十年復改歸本寺辦理會典事例

乾隆十四年以禮部滿洲尚書兼管鴻臚寺事會典事例

鳴贊滿洲十有四人漢人二人掌領導及行禮唱贊之事通典

乾隆七年裁漢鳴贊二人會典事例

嘉慶十九年增鴻臚寺學習鳴贊官二東華續錄

序班漢人四人掌序百官之班位初置二十二人通典

順治十五年省十人通典

康熙三十八年省六人通典

乾隆七年省二人通典

主簿廳主簿滿洲漢人各一人掌行選文移繕寫章牘通典

筆帖式滿洲四人通典

謹按初設有漢左右寺丞各一人順治十五年裁一人康熙五十二年並裁通考

### 右鴻臚寺

國子監祭酒 司業 監丞 博士 典簿典籍 助教 學正 學錄 算法館助教 筆帖式

國子監掌成均之法以時程課諸生每歲仲春仲秋上丁祀 先師則總其禮儀 天子幸學則執經進講新

進士釋褐則坐而受拜焉通考

國子監祭酒滿洲漢人各一人通典

司業滿洲蒙古漢人各一人通典

順治元年定滿漢祭酒各一人滿洲司業二人蒙古司業一人漢司業一人祭酒兼太常寺少卿銜司業兼太

常寺寺丞銜後傳兼銜 會典事例

雍正二年特簡大臣總理監事會典事例

乾隆十三年裁滿洲司業一人會典事例

四十八年諭稽古兩學之制天子曰辟雍所以行禮樂宣德化昭文明而流教澤典至鉅也朕此次釋奠禮成念國學爲人文薈萃之地規制宜降而辟雍之立自元明以來典尚闕如自應增建以臻美備著派禮部尙書德保工部尙書兼國子監事務劉墉侍郎德成敬謹前往闕視度地鳩工諏吉興建落成之日朕將舉行臨雍典禮以昭久道化成之盛會典事例

四十九年諭稽古明倫設教興重學宮國學爲首善之區橋門觀聽規制尤宜隆備前命尙書劉墉德保侍郎德成鳩工庀材興建辟雍現在已屆落成朕於明年仲春釋奠禮成卽臨雍講學所有應行典禮著各該衙門詳議具奏會典事例

又諭朕恭閱 皇祖實錄康熙四十二年 南巡迴蹕河工告成特頒 恩詔今國家重熙累洽承平百四十餘年朕實紹丕基祇承 世德御宇五十年以來無時不以民生爲念仰荷 天眷壽逾古稀五世元孫一堂衍慶明年正月六日經 祖武之丕休舉耆筵之盛典又以辟雍肇建於上丁釋奠禮成親臨講學所以引年敷教者旣隆且備允宜加與中外臣工普沛恩施用昭敷錫著於乾隆五十年元旦特頒恩詔所有詔內條款著大學士軍機大臣詳晰開列具奏通考

五十年二月諭朕此次 釋奠禮成臨雍講學橋觀聽文教賈敷實爲喬皇盛典且自冬春以來雨雪尙未

錫足朕心焦切茲當俎豆馨聞怡值春膏霽霽深爲欣慶第念隨從執事諸臣及觀禮多士衣服沾溼允宜廣錫恩施所有執事扈從之王公大臣衍聖公並文武官員俱著紀錄一次其觀禮諸生及至聖各氏後裔並著查明分別加恩賞賚通考

監丞滿洲漢人各一人掌學規以督教課察勤惰均廩餼核支銷有不如規者糾治之通典

博士滿洲漢人各一人掌闡明經說以助教迪與大堂助教學政學錄並司學會經義事宜初置滿洲博士一人漢人博士三人順治十五年省漢人一人康熙五十二年又省一人通典

典簿廳典簿滿洲漢人各一人掌簿書以稽文移之出入通典

典籍廳典籍漢人一人掌藏弄經史以備諸生誦習凡書籍之刻板于監者則主其摹印之事以備流傳通典  
率性堂漢人助教一人學正一人修道堂漢人助教一人學正一人誠心堂漢人助教一人學正一人正義堂漢人助教一人學正一人崇志堂漢人助教一人學錄一人廣業堂漢人助教一人學錄一人八旗官學助教滿洲十有六人蒙古八人六堂助教掌教八旗直省優選之士學正學錄爲之貳凡諸生之學于畿會者百五十六人在外請肄而以時赴學者核者百二十人其持州縣牒赴監者到分堂學習者無員數每旬以制藝策論試所習業三年期滿視其等第移吏部注籍而錄用之八旗官學助教掌分教八旗子弟旗各有學選滿洲六十人蒙古漢軍各二十人以充學生清文國語滿洲助教詔之蒙古語言文字及騎射蒙古助教詔之經書文藝漢人教習詔之三年學成升其尤者於太學漢人助教初設十有二人順治十二年省六人學正初設十有二人康熙三十八年省六人五十二年又省二人學錄初設六人順治十五年省四人滿洲助教順治元年



始設二人于太學尋立八旗官學令六堂分教十五年八旗各建學會乃省太學員額而別置官學助教十有六人康熙五十七年省四人雍正三年復置蒙古助教六人亦順治元年置十八年省四人雍正二年復置通

典  
算法館助教一人學力教算學諸生初康熙九年始選八旗官學生習算法雍正十二年增置教習十有六人乾隆三年罷八旗官學算法教習別立算學設肄業生滿洲漢人各十有二人蒙古漢軍各六人附學生二十四人以漢人教習二人佐訓課助教綜司之凡線面體三部各限一年業成七政共限二年滿五歲乃甄錄之視出身有差以欽天監博士天文生敘用通典

俄羅斯館助教滿洲漢人各一人學教俄羅斯所遣入學子弟於官學及大堂助教內掄選二員兼司之不為額闕又琉球等國有遣子弟入學者選貢生一人教習而以博士一人董率之通典

筆帖式滿洲四人蒙古二人漢軍二人滿洲漢軍員額順治元年置蒙古員額順治十八年置 通典

右國子監

欽天監監正 監副 時憲科五官正 五官司書 天文科五官靈臺郎 五官監候 漏刻科五官擊壺正

五官司晨 博士 主簿 天文生 陰陽生 筆帖式

欽天監掌察天文定氣朔占候步推之事每歲孟冬朔日呈奏明歲時憲書移禮部頒行於天下通考

欽天監監正滿洲一人西洋一人通典

監副滿洲漢人各一人通典

順治元年設欽天監監正等官皆以漢人除授通典

康熙四年定置滿洲漢人監正各一員滿洲漢人左右監副各二員通典

八年定漢監正用西洋人名曰監修會典事例

雍正三年以西洋人實授監正去監修名會典事例

六年增設西洋監副一人會典事例

乾隆十年定監副以滿漢西洋人分用會典事例

是年特簡大臣兼理監務會典事例

十八年諭欽天監著裁滿漢監副各一人增設西洋左右監副各一人會典事例

四十四年以親王管理監務會典事例

時憲科五官正滿洲二人蒙古二人通典

春夏中秋冬五官正漢人各一人通典

秋官正漢軍一人通典

五官司書漢人一人通典

博士滿洲三人漢軍二人漢人十有六人掌推天行之度驗歲差以均節氣凡時憲書之以國書蒙古文譯布者滿洲蒙古五官正司之推算日月交食七政相距衝退留伏交宮同度等事漢人五官正司之推驗日月五星相距等事漢軍秋官正司之校刊時憲書以頒四方五官司書司之博士歲以漢人二人直譙樓視更鼓

之節餘各從其長以分典厥事五官正滿洲蒙古漢人員額俱康熙四年定又初沿明制設有回回科順治初裁革以其難改隸漢軍職官正五官司書初置二人康熙十四年省一人博士初置滿洲六人漢軍三人漢人三十人康熙四年省漢人博士十有四人五年復增設漢人博士二人分隸三科如今額焉 通典

天文科五官鑿臺郎滿洲三人漢軍一人漢人四人 通典

五官監候漢人一人 通典

博士滿洲三人漢人二人掌睇天象之垂晷雲物以協歲占每日以滿洲漢人官各一人率天文生十有五人登觀象臺考儀器以窺乾象每時以四人分觀四方晝夜輪值凡八節風占及雲氣流星諸象當奏者送監密

題以 通典

康熙三年諭觀看天象關繫重大應令滿官兼看天文科滿官總作何添設著再釐具奏欽此遵 旨議定天

文科再增設滿洲官五人每日輪振滿漢官各一人赴觀象臺觀看天象會典事例

編刻科五官監正滿洲漢人各一人 通典

五官司員漢軍一人 通典

博士漢人六人掌調靈漏測中星審緯度相陰陽以諏時日而卜營建焉 通典

主簿廳主簿滿洲漢人各一人掌章奏文移 主簿員額康熙四年定 通典

食俸天文生滿洲十人蒙古六人漢軍八人漢人二十四人 通典

食糧天文生漢人五十六人 通典

食糧陰陽生漢人十人通典

筆帖式滿洲十有一人蒙古四人漢軍二人筆帖式員額俱康熙四年定通典

右欽天監

太醫院院使 院判 御醫 吏目 醫士 醫員

太醫院掌醫療之事率其屬給事 內廷供使令通考

太醫院院使漢人一人通典

左右院判漢人各一人掌醫之政令率其屬以供醫事通典

御醫十有五人通典

吏目三十人八品十五人九品十五人通典

醫士四十人通典

醫員三十人通典

院使院判御醫吏目醫士各以所業專科分班侍直給事宮中者曰宮直給事外廷者曰六直宮直於 御藥房及各宮外班房侍直六直於外直房侍直 駐蹕圓明園宮直於 圓明園藥房侍直六直於外直房侍直以次更代進 御會典事例

醫士醫生本院堂官於素問難經本草脈訣暨本科緊要方書內出題考試擇其學術精通者頂補如習業荒疎經年雖久不准頂補仍發教習廳肄業今停止會典事例

本院官士習業 國初設十一科御醫吏目醫士醫生各專一科曰大方脈小方脈傷寒科婦人科瘡瘍科鍼灸科眼科口齒科咽喉科正骨科痘疹科後痘疹歸小方脈咽喉口齒共爲一科現設九科會典事例

康熙四十七年覆准太醫院現有御醫吏目等百有五人每日各處輪直需用一百十有一人差多人少實不敷用應於直省民醫暨舉貢生監有職銜人內擇精通醫理情願効力者酌增二十名布衣赴該院具呈其有職銜者該地方官給照亦於該院具呈遴選補用如効力年久實有成效布衣與醫士醫生照常補授外其有職銜者該院將應用情由開明具奏移送該部遇有伊等應用職銜准其先用其御醫吏目醫士等老疾不能行走者呈院驗實奏准告退病愈仍赴院具呈准其原額補用若推委託故不具呈補用在外行醫者交該部嚴加議處若非實因年老有疾該院徇情准退者一併議處會典事例

雍正元年諭良醫須得老年經歷多者但伊等憚於遠行嗣後果有精通醫理療疾有效者或將伊等子弟輩授爲經歷吏目微職以示鼓勵著大學士等議奏欽此遵 旨議定令九卿暨直省督撫各舉灼知之年老醫生該地方官資以路費護送到京報禮部交院試用果能醫理精通療疾有效即奏明照例在院授職外仍聽報出伊子弟等一人如係現任官以應陞之官即用候補候選者以應得之職即用貢監生員以經歷即用布衣以吏目典史即用會典事例

又擬准行文直省巡撫查所屬醫生詳加考試果有精通類經注釋本草綱目傷寒論三書者題請爲醫學官教習每省設立一人准其食俸三年如果勤慎端方貢入醫院授爲御醫其員缺即於本省學習人內揀選補授凡所屬州縣衛習醫人令其訪明考試即將三書教習有精通者呈報巡撫給咨赴院考試上者授以吏目

醫士等官其有年力不能赴京者留爲本省教授待補 建案現例初進醫生查本身無過犯通曉醫理者取本院醫官醫士保結方准入院遇醫生缺令初進醫生及同輩補頂補過醫士缺令醫生舉補頂補 會典事例

### 右太醫院

內務府總管大臣 堂郎中 主事 廣儲司郎中 員外郎 主事 繕造監督 會計司郎中 員外郎

主事 內總管 副內總管 掌儀司郎中 員外郎 主事 御茶膳房總管大臣 尙茶尙膳正副侍衛

主事 御藥房主事 內管領 都虞司郎中 員外郎 主事 行宮總管 蒞副 千總 養鷹狗處統領

頭目 慎刑司郎中 員外郎 主事 營造司郎中 員外郎 主事 養心殿造辦處郎中 員外郎 主

事 慶豐司郎中 員外郎 主事 各司庫掌催掌 各司筆帖式 上駟院 奉宸苑 武備院 盛京內

務府官屬 太監職制附

內務府總管大臣無定員以王公大臣兼攝或以侍衛府屬郎中內三院卿 簡用掌理內府之政令凡職員選除財用出入宴饗祭祀膳羞服御賞賚賜予刑罰工作教習訓導之事皆綜理而受其成凡直宿日派總管大臣一人如因事不能入直以郎中等官代之通典

國初置內務府設總管間以大臣總理 會典事例

其屬有七司曰廣儲曰會計曰掌儀曰都虞曰慎刑曰營造曰慶豐 通考

廣儲司總管六庫 銀庫 皮庫 綵庫 衣庫 磁庫 茶庫 郎中二人 部員兼管六庫 郎中一人 郎中四人 員外郎十二

人 部員兼庫員外郎六人 主事一人 委署主事一人 司庫十二人 無品級司庫十二人 筆帖式二十六人 總管

皇朝文典 職官五 在京文武官

六庫郎中掌總核六庫出納事務郎中員外郎主事掌分理各庫部員兼庫郎中員外郎掌兼綜庫事以資料查司庫掌儲藏出納初名御用監順治十八年分爲銀庫皮庫緞庫衣庫康熙十六年改定爲廣儲司四庫二十八八年分設磁庫茶庫共爲六庫初設郎中三人雍正十三年增設總管郎中二人員外郎初設八人康熙二十八年增設四人部員兼庫郎中員外郎乾隆三十三年設司庫康熙九年設八人二十八年增四人無品級司庫康熙四十四年設自後陸續增設通典

織造監督江寧府蘇州府杭州府各一人於內務府司員內 簡用帶原銜管理司庫各一人筆帖式各二人庫使各二人掌分司所駐劄地方供奉 上用緞疋及應用官用緞疋皆監視而督理之歲終奏銷造冊呈內務府以副冊送廣儲司察覈順治初年設三處織造官監督筆帖式庫使各一人三年更代十八年定一年更代康熙元年各增庫使一人二年奏定三處織造不限年更代各增筆帖式一人六年各增庫使一人通典會計司郎中二人員外郎六人主事一人委署主事一人筆帖式二十六人催長五人掌核理內府帑項出納之數及莊園田畝戶口徭役定其籍而受其要焉初名內官監順治十七年改爲宣徽院康熙十六年改定爲會計司初設郎中三人康熙三十八年裁一人雍正元年復設一人乾隆四十年裁一人員外郎員額順治十七年定初設總催八人後裁尋復設五人後改爲催長通典

內管領掌關防一人於各司院郎中內揀選兼管協理關防事務二人於各司院員外郎內揀選兼管內管領三十人副內管領三十人筆帖式八人內管領副內管領掌承應 內廷灑掃糊飾官三倉出納酒茶器皿皆司之並管理該管領下戶口田產官員俸餉兵丁錢糧之收發出入 國初設內管領四員順治間增十六員

康熙二十三年每管領下增設副內管領一員嗣後陸續增置有官三倉酒醋房青茶庫外餽餉房車輛庫家  
伙倉蠟備倉冰窖蠟票蘇拉處諸專司之事雍正元年以一員管理關防二員協理關防事務乾隆十五年以  
各司院郎中揀選一員掌管管理關防員外郎二員協理關防事務其掌關防之內管領仍專司本管領之事通  
典

掌儀司郎中二人員外郎八人主事一人委署主事一人筆帖式二十一人司俎官五人贊禮郎十有七人掌  
內府祭祀筵宴禮儀樂舞之事初名禮儀監順治十七年改爲禮儀院康熙十六年定爲掌儀司初設郎中三  
人員外郎八人康熙三十八年裁郎中一人司俎官初爲司俎官設四人後增設一人並改爲司俎官贊禮郎  
初設十二人雍正十年增五人通典

御茶膳房總管大臣無定員尙膳正尙茶正頭等侍衛各一人二等待衛各二人尙膳副尙茶副三等待衛各  
二人尙膳三等待衛四人藍翎侍衛七人尙茶三等待衛三人藍翎侍衛四人主事一人委署主事一人筆帖  
式十有二人掌敬設 上用茶品供奉 御饌及供應賜茶筵宴之事初設飯房總領茶房總領各三人飯上  
人三十五人茶上人十七人康熙二十八年定飯上人委署總領一人雍正元年定飯房茶房俱授爲二等待  
衛飯上人授三等待衛六人藍翎侍衛七人茶上人授三等待衛三人藍翎侍衛四人又定茶房侍衛內委署  
總領一人乾隆八年定飯房茶房二等待衛內各授一等待衛一人十五年改飯房爲外膳房二十四年改飯  
房總領爲尙膳正副總領爲尙膳副茶房總領爲尙茶正副總領爲尙茶副主事一人雍正二年設通典  
乾隆五十三年奏准嗣後茶膳人俱由內務府三旗官員子弟及護軍執事人內揀選帶領引 見補放會典



事例

嘉慶七年奉旨茶膳房章京侍衛等逐日豫備茶膳是其專責非門上侍衛營員可比況伊等亦實無暇操演所有茶膳房章京侍衛等著施恩不必入軍政會典事例

御藥房兼管司官二人內管領一人主事一人委署主事一人副內管領二人庫掌二人委署庫掌二人筆帖式十有二人掌詳慎供用藥料和合丸散之事順治十四年設以總管首領太監管理康熙三十年改歸府屬員額陸續增置通典

乾隆三十九年奏准藥房主事缺出以委署主事陞補遺缺以庫掌筆帖式揀補如遇星察年分主事等缺仍由本處編擬等次咨送內務府照例辦理會典事例

都虞司郎中二人員外郎四人主事一人委署主事一人筆帖式二十六人僱長八人掌府屬武職陞補及三旗禁旅訓練調遣供應畋漁之禁令初名尙膳監順治十八年改爲探捕衙門康熙十六年改定爲都虞司初設郎中三人員外郎五人後各裁一人通典

熱河 行宮總管二人由尙書都統內務府簡放者仍各帶原品職銜苑副四人千總十一人副千總二十二人喀喇河屯常山峪兩間房巴克什營中關波羅河屯濟爾噶朗阿穆呼朗圖張三營等處 行宮千總各一人副千總各一人王家營釣魚臺黃土坎十八理汰等處 行宮副千總各一人 溥仁寺 普樂寺 安遠廟 普陀宗乘廟 殊像寺千總各一人副千總各一人 普靈寺 廣安寺 羅漢寺把總各二人 養鷹鷄處管理事務三人以王爲 御前大臣侍衛等官管理協辦事務兼鷹上統領二人副都統一人二等

侍衛一人 藍翎侍衛頭領五人 六品職銜副頭領五人 筆帖式二人 內養狗處頭目二人 兼三等侍衛一人 兼藍翎侍衛一人 副頭目二人 外養狗處頭目六人 副頭目六人 筆帖式三人 掌飼養鷹狗隨圍進哨以供蒐畋之事 鷹房鴉鵂房及養狗處員額俱係 國初設立 乾隆十一年改鷹房鴉鵂房爲養鷹處 養鴉鵂處 三十七年裁養鴉鵂處 其員額轉補養鷹處 通典

慎刑司郎中二人 員外郎四人 主事一人 委署主事一人 筆帖式二十人 掌府屬刑名審議定擬之事 凡審擬罪案皆依刑部律例 其有情罪重大者 移咨三法司會審 題結初名尙方司 順治十二年改爲尙方院 康熙十六年改定爲慎刑司 員額順治以來前後增定 通典

營造司郎中二人 員外郎七人 主事一人 委署主事一人 筆帖式二十六人 掌繕修工作及薪炭陶冶之事 所屬有六庫三作 曰木庫 司物料 曰鐵庫 司鑄造鐵器 曰器血庫 司藤竹木器 曰柴庫 司薪材 曰炭庫 司煤炭 石灰 曰房庫 司涼棚席簾 曰鐵作 司打造鐵器 曰花爆作 司造煙火花爆 曰油漆作 司繪墾 六庫各設庫掌 庫守三作 皆設司匠 領催皆未入流 惟鐵作司匠 給八品虛銜 初名惜薪司 順治十八年改爲內工部 康熙十六年改定爲營造司 初設郎中三人 後裁一人 員外郎六人 復增一人 通典

官房租庫值年總管內務府大臣一人 郎中一人 員外郎三人 以各司兼管 筆帖式七人 庫掌一人 掌內外城官房之租課 按月徵收 以供營造司之用 初屬營造司管理 康熙六十二年立租庫 各員額 乾隆三十六年以內務府大臣值年管理 通典

御書處管理事務大臣一人 兼管郎中 員外郎 無定員 監造一人 署監造一人 庫掌三人 署庫掌六人 筆帖式

二人掌散刊 御筆被擄之事員額康熙四十九年定監造庫掌品級乾隆四十三年定通典

武英殿修書處管理事務王大臣一人監造二人庫掌四人署成掌六人筆帖式四人掌繕刻裝潢各館書籍及 官殿陳設書籍之事員額康熙十九年定監造庫掌品級乾隆四十三年定設總裁二人請 旨欽點提

調二人兼纂修內 奏充纂修十二人以翰詹衙門各官奏充專司校對 通典

養心殿造辦處郎中三人員外郎二人主事一人委署主事一人庫掌六人筆帖式十五人掌造辦供 御物件監督工作管理備藏之事初設造辦活計處管理事務無定員乾隆二十四年定設員額通典

乾隆二十三年奏准增設員外郎二人以一人管理鑄錢處事務一人接辦成造差務俱定為專管額缺缺出由內務府司員內轉補會典事例

五十一年奏准造辦處員外郎二缺主事一缺委署主事一缺俱係公缺六品庫掌六缺內定為公缺三本處額缺三凡有應行帶領引 見及京察官員送內務府帶領引 見會典事例

庫監司郎中一人員外郎八人主事一人委署主事一人筆帖式十五人廩長十人廩副十九人掌蓄息牛羊羣牧供用考成之事順治初年設內牛圈三於 西華門外設外牛圈三供乳餅牛圈一於 南苑設牛圈六

於營臺管理牛隻羊隻各設員外郎三人及廩長筆帖式等員康熙十六年歸併內務府管理二十二年設慶

豐司郎中二人增設員外郎四人主事一人不隸內務府雍正元年歸併內務府管理乾隆四十年裁郎中一人員外郎二人通典

乾隆五十七年奏准慶豐司事務繁多郎中一人不敷辦理於造辦處郎中三缺內以一缺作為慶豐司額缺

上駟院掌馬匹駝隻糶穀牧之事卿二人 所屬郎中一人員外郎四人初設六人康熙三十八年裁二人  
主事二人堂主事二人筆帖式二十五人廳長十七人牧長十一人人凌河牧長三十人上都達布遜諾爾効  
力筆帖式三人蒙古筆帖式七人牧長每羣額設一人無定員達里崗愛同達里崗愛筆帖式三人通考  
泰宸苑掌理 景山 瀛臺 闕福寺等處 行宮 圓明園等園玉泉山稻田下清河插河等事卿二人  
所屬郎中六人員外郎八人主事三人苑丞四十五人 六品十人七品五人八品十七人未入流十三人苑副  
六十九人七品十六人八品二十三人未入流三十人委署苑副六人於應林選入內添設仍食原錢糧庫掌  
二人六品一人七品一人筆帖式五十九人分駐禁苑各供職守漢插官一人通考  
武備院掌陳設武備及給賜徵收之事卿二人 所屬郎中一人員外郎八人初設六人康熙四十二年增二  
人主事二人筆帖式二十八人庫掌八人掌蓋三人司弓八人司轡三人司矢三人司匠八人通考  
據京內務府鑲黃正黃正白三旗佐領各一人驍騎校一人廣儲司承管司庫二人庫使十有六人兼領三旗  
織造庫催總三人會計司承管催總二人筆帖式一人掌儀司承管催總二人筆帖式三人廣靈司承管催總  
一人都虞司承管催總二人筆帖式一人營造司承管催總一人堂主事一人委署主事一人管理三庫內管  
領一人筆帖式十有五人三旗內管領一人掌領達一人倉達三人筆帖式三人掌祇奉 三陵守護 宮殿  
凡營葺掃除之宜四時品物薦獻之事成共其事粟穀果蔬蠶絲皮革之著於籍者則辨其類而納之以儲邦  
用皆佐領率其屬經理之而總其成於奉天將軍焉 通考

雍正五年議准 盛京司庫令內務府總管揀選內府應隨人員擬定正陪引 見補授會典事例

四品總管太監銜二曰宮殿監督領侍曰宮殿監正侍 亦有以七品執守侍充者 六品副總管銜曰宮殿監

副侍亦有係執守侍銜者 首領太監銜二七品曰執侍守侍八品曰侍監 副首領 八品侍監充亦有無品

級者 筆帖式八品侍監充惟故事房有之 太監無品級 通典

順治十年諭朕稽考官制唐虞夏商未用寺人自周以來始具其職所司者不過閹閹灑掃使令之役未嘗干預外事秦漢以後諸君不能防患乃委以事權加之爵祿典兵干政流禍無窮豈其君盡闇哉緣此輩小忠小信足以固結主心日近日親易致潛持朝政且其伯叔弟姪宗族親戚實繁有徒結納摺紳關通郡縣朋比夤緣作姦受賄窺探喜怒以張威福宮廷寔深居燕閒稍露端倪輒爲假託或欲言而故默或僭公以行私顛倒賢姦混淆邪正依附者得致雲霄迂抗者謀沈淵穽雖有英毅之主不覺墮其術中權既旁移變多中廢歷觀覆轍可爲鑒戒但宮禁役使此輩勢難盡革朕酌古因時量爲設置首爲乾清宮執事官次爲司禮監御用監內官監司設監尙膳監尙衣監尙寶監御馬監惜薪司鐘鼓司直殿局兵杖局滿洲近臣與寺人兼用各衙門官品雖有高下寺人不過四品凡係內員非奉差遣不許擅出皇城職司之外不許干涉一事不許招引外人不得交結外官不許使弟姪親戚暗相交結不許假弟姪等人名色置買田廬因而把持官府擾害人民其在外官員亦不許與內官互相交結如有內外交結者同官覺舉院部察奏科道糾參審實一併正法防禁既嚴庶革前弊仍明諭中外以見朕酌用寺人之意內院節傳諭該衙門遵行著刊刻滿漢字告示自王以下以及官吏軍民人等咸宜知悉會典事例

十二年諭中官之設雖自古不廢然任使失宜遂貽禍亂近如明朝王振汪直曹吉祥劉瑾魏忠賢等專擅威權干預朝政開廠緝事枉殺無辜出鎮典兵流毒邊境甚至謀爲不軌陷害忠良煽引黨類稱功頌德以致國事日非覆轍相尋足爲鑒戒朕今裁定內官衙門及員數職掌法制甚明以後但有犯法干政竊權納賄囑託內外衙門交結滿漢官員越分擅奏外事上言官吏賢否者卽行凌遲處死定不姑貸特立鐵牌世世遵守會典事例

乾隆五十年諭內閣向來刑部定律凡有私自淨身人犯俱擬斬候因念此等人犯大抵因貧所致是以加恩釋放發在熱河當差現有太監王成一名朕面加詢問伊係直隸安肅縣民原報今年十六歲實年纔十三歲前年因家中貧苦父母爲之淨身問擬斬罪在縣監禁一年上年始發至熱河當差初次報縣時該縣胥役因向伊父王二格需索不遂曾將伊父一併收監四十餘日後因窮不能給始將王二格釋放送捏填王成年十五歲定擬詳報等語此事經朕親向詢問且看其身軀幼小並應對明白實無虛飾知縣爲親民之官雖不至昧良舞弊貪圖微利若此必胥役鄉約人等因私自淨身有干例禁希圖訛詐又緣索詐不遂爲之加增年歲以入其罪並將伊父無辜久羈聞之殊覺惻然而該縣竟漫無覺察任憑胥吏等勒索捏報種種弊混亦難辭咎現因各處當差太監乏人尙在曉諭召充且向例太監於投進當差時祇賞給銀五兩其每月坐得分例亦不過二兩若未經投進之先吏胥已向需索則是得不償失誰復肯將其子弟充當太監者近日進宮太監短少之故必由於此况王成淨身時實年不過十一自必係父母窮苦無聊遂爾將伊鬪割與伊何涉乃擬以大辟而復滋胥役索詐捏飾之端乎此案著劉義詳查參奏因思私自淨身人犯律擬斬候者雖爲慎重傷

生起見然一經開剖便成廢人苟非實在窮苦孰肯甘心出此今因有此例而轉致吏胥藉端勒索甚至加增年歲故入其罪況此輩供奔走掃除之役自古已然是宮闈在所必需而反治之以罪從前定例本未允協所有私自淨身間擬斬候一條竟應刪除並著直隸總督順天府尹嚴飭各屬州縣嗣後如有並無他故自行淨身者准其投內務府派撥當差照例驗看如有他故內務府大臣再行文問之地方官不得竟拘其家屬致滋擾累倘有仍前需索滋擾者即將該州縣等據實參處其現因私自淨身間擬斬候已未招解並在監羈禁未經釋放者亦著刑部同直隸總督查明具奏釋放解送內務府分別派撥當差

聖訓

五十二年諭內閣朕恭聞 世宗憲皇帝實錄內載直隸州縣太監之父兄弟姪在地方不無生事令該州縣詳報總督具題并交內務府約束懲治又內務府大糧莊頭並諸王大臣莊頭等滋事梗法之處分別嚴懲二條煌煌 聖訓實萬世所當遵守我朝 家法相承太監祇備內廷灑掃供役不令干與政事從無似前代內監假竊威福任意妄行之批政卽內務府莊頭及王公大臣屬下莊頭人等均知畏法設有不肖亦皆有犯必懲實與編氓無異經我 皇考復加整飭宮府肅然朕御極以來守而勿替方今綱紀修明各內監等皆敬謹守法其父兄弟姪自不致藉端滋事而總管內務府大臣及諸王公等身荷重恩於伊等屬下亦必嚴行約束不致倚勢招搖是目今實無此等事但奉行既久或恐視為泛常積久生玩防範稍疎於政體甚有關係著交直隸總督嚴飭各州縣實力查察倘有太監家屬及各莊頭等在外生事輕則隨時懲治重則參奏辦理不得因現在尚無此等弊端心存玩忽以副朕祇承 前訓杜漸防微之至意此後著直隸總督十年一奏永爲例



五十一年諭向來親王郡王固倫公主和碩公主門上總管首領太監俱無給與頂帶之例原以此等太監在親王等門上服役非承直內廷者可比是以向來雖有總管首領名色並無官職但親王郡王爲宗潢屏翰公主係皇帝親女其譜遠太監總管首領太監內卽酌量給與頂帶一人尙不爲過分從前親王郡王公主家太監亦有特恩賞給頂帶者嗣後親王郡王固倫公主和碩公主太監內各准給八品頂帶一人將姓名報禮部內務府備查不得私有增益東華續錄

五十六年諭內閣朕御閱嘉靖年間所刻文獻通考其序文內有命司禮監重刻以傳之語文獻通考一書於列代制度典章采摭綜覈鏤板以傳原屬表章之道但此應交與儒臣詳校精覈付諸梨棗庶於稽古崇文較有裨益乃竟付諸奄豎之手率行承辦書內句讀及所別四聲多有舛誤卽此可見嘉靖年間惟知溺志焚修耽心齋醮於政治朝綱廢弛不講此書自不值特加論說重爲校正著將此旨錄存首冊以示朕崇實黜浮至意 聖訓

嘉慶元年 太上皇帝勅諭內閣曰此次朕與嗣皇帝恭謁 兩陵所有隨從執事太監等原祇須照常通融承應儘足敷用毋庸添派多人卽或稍有零星什物需人隨帶亦祇須酌量少增乃總管太監等喜事鋪張擬派過多已將張進喜等分別懲治至此後隨朕同行皆用此例如嗣皇帝經朕命獨往何處不與朕同行之時則執事太監等自應酌添派往著交敬事房存記屆期將此次硃筆清單題奏候朕酌定 聖訓

十年上諭內閣本日朕恭閱 皇考高宗純皇帝寶錄乾隆四十一年二月內欽奉 諭旨養心殿太監等遇有零星活計輒傳喚造辦處各項匠役整理漫無稽覈殊屬非是圓明園等處亦然宮殿重地遇有應行修整



之事應告之總管內務府大臣派員放匠不當任聽太監等專擅徑行昔 皇祖時曾有 諭旨飭禁載在宮史今相沿日久太監等漫無顧忌著交總管內務府大臣嚴行禁止嗣後如有必須放匠修整活計之事俱令呈明該總管大臣派員查點仍將某處放進次數於年底彙摺具奏欽此仰見 皇考祇循 成憲訓誡詳明允宜實力奉行日久弗懈朕前曾疊次降旨申嚴門禁原以宮廷重地本非外人所可擅進其應行進內者如豫備召見引見人員及內廷行走大臣官員并有職司又有奏事太監帶領立法原屬周備至匠役等人數混雜豈容漫無查考必當派員帶領出入方符體制今原立章程久而廢弛每歲年底並未見該管大臣等彙奏不可不重申 舊制加之整頓嗣後禁城及圓明園等處遇有應行放進匠役修整活計等事著太監呈明總管太監總管太監呈明總管內務府大臣派員查點明晰將某處放進次數按月具摺隨月摺彙奏毋許太監等任意傳喚擅自出入以昭嚴肅所有乾隆四十一年二月內原奉 聖諭及此次所降諭旨均著該館敬謹纂入宮史垂示久遠遵行勿替 聖訓

十一年上諭內閣本日拉旺多爾濟於站班伺候引見後忽碰頭陳奏伊向有腿疾從前蒙 高宗純皇帝許令太監扶掖行走昨見丹巴多爾濟令太監將朱珪昇出內廷被參獲咎太監亦不敢將伊扶掖等語朕即詢之總管太監等實係拉旺多爾濟不令伊等扶掖欲俟奏明候朕特降恩宥殊屬非是朕前日所以議處丹巴多爾濟朱珪並將太監等懲責者原以其在內廷用木凳極昇寶扇大乖體制並非因扶掖朱珪之故若祇因步履艱難出入令太監扶掖國家優禮大臣體制原應如此朕豈肯加之責備拉旺多爾濟久直內廷均係太監等扶掖即御前乾清門侍衛等亦有將伊攙扶之時朕每日目覩從未加以指斥何目前故為恭謹復有此

奏平嗣後年老大臣步履不便者進內時仍准令太監扶掖自侍衛等該班宿需用鋪蓋亦許令太監代爲取送該太監等分居下賤原以備使令之役如有不聽指使者准大臣等據實參奏 聖訓

十九年諭軍機大臣等蘇楞額等奏審擬太監小劉進喜向書吏于漢索取款料並順義縣辦差給與各太監他坦食物錢文一摺朕每遇巡幸禁止太監等向地方官需索屢經嚴諭至再至三乃猶有太監書吏彼此交涉散給供應之事據于漢供南石橋三家店等處係順義縣承應密雲瑤亭子等處係密雲縣承應近年均有折給四執事他坦十三處搭鍋臺豫備民夫水桶錢文及雞肉款米等項業將太監等治罪並書吏于漢問擬杖徒著那彥成即查明近五年以內濫給太監供應之知縣先行革職指名嚴參交涉之書吏均照于漢之例問擬杖徒失察之總督藩臬奏明交部議處本年八月間祇謁 東陵著那彥成先期嚴行飭知所屬各州縣嗣後踴路經過地方如有太監需索之事即稟明總督據實奏聞懲辦若隱匿不奏或私行給與經朕查出必將該州縣及該督一併治罪不貸懷之東華續錄

又 諭內閣朕恭閱 皇考高宗純皇帝實錄內載乾隆五十年六月內欽奉 諭旨進宮太監由內務府派撥當差如其人桀驁不馴或言語支離卽應行文原籍查其有無別故另行辦理此事全在總管內務府大臣隨時察看方能妥協宮禁森嚴所關匪細著諭令總管內務府大臣嗣後於太監甫經投進者必當二三人同看務宜留心驗看查訊明確再行交進當差毋得濫收致有弊混等因欽此是時禁閱新事我 皇考駐蹕熱河於 幾暇 特降是旨仰見 先幾燭照 垂訓周詳實當萬年遵守近總管內務府大臣於進宮太監並不詳細查驗一經人數缺少率將投充應募之人濫收撥用而詣王府於交進太監時尤不慎加選擇祇圖充

數塞竄以致奸徒得以潤跡其中上年九月內被林清勾結謀逆之太監共有七人內劉得財爲首傳教劉金  
率先與謀餘五人由該二犯轉相糾約是以特廷訊劉得財劉金盡法懲治此二犯從前卽係王府所進朕不  
爲已甚彼時未加深究今亦不復追論但此後不可不嚴立禁令上年臣工等條奏稽察太監條款甚多因其  
動有窒礙未經允行太監給使內廷古今通例與其於進宮之後多爲防禁不如慎之於進宮之始較爲得要  
嗣後進宮太監其自行投充者著總管內務府大臣等公同查詳驗問來歷行文該地方官查明實因家道貧  
苦在籍並無爲匪不法情事報到日方准收進派撥當差其由諸王府交進者著該本王府自行詳擇必須給  
使已逾三年察其馴謹樸實可放心者方准交進如其居心行事不具敢保者不許濫進充數設有疏忽弊  
混惟原驗之總管內務府大臣及該本王府是問其各凜遵毋忽

事訓

道光五年諭我朝家法嚴明從不准太監與外人交結至差往各省之事尤屬從來所未有此內外諸臣無不  
知者前據張師誠等於請鑿關盤獲在逃太監馬長喜竟敢假冒頂帶捏寫奉旨進香黃旗標插坐船並經軍  
機大臣會同英和等究出該犯行至丹陽住宿公館令該處家人代雇船隻官爲給價似此招搖恣肆更非潛  
蹤潛迹者可比尤屬可惡沿途文武各員何竟毫無聞見若非請鑿關盤獲竟令長途供頓任意妄爲尙復成  
何事體見已將該犯按律治罪其失察過境之地方官此次姑免深究著通諭直省各督撫嚴飭所屬凡遇通  
緝在逃太監務當認真緝拿若有捏稱奉差等事無論已未犯法立即鎖拿奏明懲辦毋稍疏縱備再失於查  
拿將來別經發覺定將該犯經過之地方官嚴懲不貸

東華續錄

咸豐元年諭內閣朕每日御殿召見內外大小臣工詢事考言固以通上下之情尤當防漏洩之漸

皇考宣

宗成皇帝前暫特頒 殊諭飭令豫備次起召對之人及奏事處帶領之總管首領太監等俱著在廊下祇候不准擅進明殿 聖訓昭垂寓有深意上年因冬令嚴寒諸臣分起進內待召需時暫令在懋勤殿旁屋祇候以示體恤惟思該處係裏邊太監執事之所語言交接易啟屬託之漸若輩行爲何所不至所關非淺著內務府於乾清宮西階下之西添設板棚一座嗣後豫備召對之大小臣工卽令在棚內憩息藉避風雨於換次召見亦可不致遲誤並著御前大臣軍機大臣等隨時留心查察凡召見引見官員人等概不准與太監接談交涉在諸臣各知自愛當不至故違訓誡自蹈愆尤儻太監等有不遵約束者卽著該大臣等指名奏參加等治罪此旨著軍機處奏事處上書房各存記一道東華續錄

十年軍機大臣會同內務府大臣審訊太監張府私藏軍器並知情不舉各犯分別定擬得 旨張府著卽處

東華續錄

禮親王曰 世祖鑒前明陋宦之弊立鐵牌於 交泰殿戒內官不許干預政事官不過四品皆隸內務府總管歲時講見如堂司制有周官冢宰統攝之義 總廟防取尤嚴有高雲從者稍干涉外事 上遵 意廟有立時磔死和相雖食顯然制內官嚴軍機隨侍嘗有背呼梁文定公名者和聞之奮然曰梁爲 朝廷輔臣汝輩安可輕之立杖數十命與梁叩謝乃免近日內務府大臣多由倭屬驟遷又無重臣兼領 故敬事房總管輩多與大臣分庭抗禮無復統轄之制至蘇大司空榜額曾對衆曰今日尙未見吾都堂 雖一時謔語亦可觀風氣矣 東華續錄

又曰純廟待太監最嚴命內務府大臣監攝之凡預奏事之差者必改易其姓爲王以其姓多難分辨宵

小無由句結也唯李維棟

陳康祺郎潛紀聞載 純皇帝幸灤陽有隨侍太監某濫擾民間時熱河巡檢張若瀛者桐城相國文和公族子也搆以善言太監愈咆哮若瀛乃呼役縛之立加大杖直督方恪敏公聞之大驚曰張某瘋矣亟上章劾奏 上察其情謂侍臣曰非太監恣行不法若瀛安敢爾其人殊有家風朕甚嘉之因 特旨越七階擢同知而太監遣戍畿輔民庶歡聲若雷康祺敬按 純皇帝德媿堯舜此不過大度之一端若張若瀛者毅勳鋤疆其膽識直出制府恪敏公上百倍之底乃有斯人亦足傳也郎潛紀聞

右內務府

皇朝政典類纂卷二百四十三

職官六

在京文武官鑾儀衛 八旗都統 領事衛府 前鋒統領 護軍統領 步軍統領 火器健銳 虎 鐘各營王公府屬武官 守護陵寢武官 京尹

鑾儀衛掌衛事大臣 鑾儀使 五所冠軍使 馴象所冠軍使 旗手衛冠軍使 陪祀冠軍使 王事經 歷 筆帖式 通典

鑾儀衛掌衛事大臣一人無定員以王公滿洲蒙古武大臣管理 通典

鑾儀使三人內二人以滿洲蒙古兼授一人以漢人漢軍兼授掌供奉 乘輿秩序鹵簿辨其名數與其班列 凡祭祀朝會 時巡 大閱則率所司而敬供之既事復進而藏之通典

所屬有左右中前後五所分鑾與馴馬擊蓋弓矢旌節幡幢扇手斧鉞班劍戈戟十司馴象一所分東西二司 旗手一衛分左右二司通典

左所掌所印冠軍使滿洲一人 凡滿洲員額皆以蒙古兼授各所衛同掌鑾與司馴馬司印雲麾使滿洲二 人閑散雲麾使滿洲一人雲麾使漢軍二人治儀正滿洲四人漢軍五人整儀尉滿洲二人漢軍八人掌 輿轎輅之事凡各所衛官制員額皆順治十一年定 通典

右所掌所印冠軍使滿洲一人掌擊蓋司弓矢司印雲麾使滿洲二人閑散雲麾使滿洲一人雲麾使漢軍 一人治儀正滿洲三人漢軍二人整儀尉滿洲三人掌轡蓋儀刀弓矢槍戟之事通典

中所掌所印冠軍使滿洲一人掌旌節司旛幢司司印雲麾使滿洲二人閒散雲麾使滿洲一人雲麾使漢軍

一人治儀正滿洲三人漢軍二人整儀尉滿洲二人漢軍一人掌麾麾旛幟節鉞仗馬之事通典

前所掌所印冠軍使滿洲一人掌扇手司斧鉞司司印雲麾使滿洲二人閒散雲麾使滿洲一人雲麾使漢軍

一人治儀正滿洲三人漢軍三人整儀尉滿洲二人漢軍二人掌扇鐘振孟杙椅扇拂御仗樹薦靜鞭及品級

山之事通典

後所掌所印冠軍使滿洲一人掌班劍司戈戟司司印雲麾使滿洲二人閒散雲麾使滿洲一人雲麾使漢軍

一人治儀正滿洲三人漢軍三人整儀尉滿洲二人掌旗幟立瓜臥瓜吾仗之事通典

馴象所掌所印冠軍使滿洲一人掌東司西司司印雲麾使滿洲二人閒散雲麾使滿洲一人雲麾使漢軍一

人治儀正滿洲二人漢軍二人整儀尉滿洲二人掌儀象騎駕函簿鑼歌前部大樂通典

旗手衛掌衛印冠軍使滿洲一人掌衛事冠軍使漢軍一人掌左司右司司印雲麾使滿洲二人治儀正滿洲

二人漢軍二人整儀尉滿洲三人掌金鉦鼓角鑼歌大樂及午門司鐘神武門鐘鼓樓直更之事乾隆七年以

鼓手旗尉八十人並頭尉八人隸樂部改名署史學習音律又民尉六十人舊以內府匠役閒散人借補者亦

改用旗人並隸樂部焉通典

陪祀冠軍使漢軍二人駕儀管理警磨使漢軍一人治儀正漢軍三人駕庫管理整儀尉漢軍二人各以其事

隸屬於尉無專領職掌品秩與各所衛同通典

主事滿洲一人經歷漢軍一人掌章奏文移通典

筆帖式滿洲七人漢軍三人通典

康熙十六年設滿洲主事一人漢經歷一人滿洲筆帖式七人漢軍筆帖式三人會典事例

鳴贊官四人掌贊鳴鞭初制以本衛官八人兼之通典

乾隆三十七年設鳴贊鞭官四人由太常寺鴻臚寺贊禮郎內咨送充補會典事例

漢人侍衛編定員乾隆十三年定制每科以武進士簡拔侍衛者派撥數員在衛行走以備差委不為額缺其

陞轉仍依侍衛之例初制自順治元年置錦衣衛指揮使等官二年改為鑾儀衛四年罷指揮使置鑾儀使及

副使等官五年罷鑾儀副使定鑾儀使滿洲漢人員額各二九年始以內大臣掌衛事康熙三十年省漢人鑾

儀使一人所隸有軍尉旗尉民尉凡陳設國簿儀仗弓矢戈戟用親軍豹尾槍仗馬用護軍蒙古畫角用蒙古

畫角軍奉請 乘輿用旗尉擊執各項儀仗用民尉 由內府選充者為旗尉五城選充者為民尉 筆旗尉

百六十八人民尉六十人各執事旗尉二百四十六人民尉一千八百五十六人皆分隸各所乾隆四十四年

定凡民尉籍隸大典宛平者有缺仍以兩縣人充補其籍隸外州縣者有缺則以包衣閒散人等改補三旗蒙

古布勒器三十人漢軍更夫四十人通典

右鑾儀衛

八旗都統副都統 參領 副參領 佐領 驍騎校 筆帖式

八旗都統滿洲蒙古漢軍旗各一人通典

副都統旗各二人分掌滿洲蒙古漢軍二十四旗之政令以宣布教養整詰戎兵釐治土田稽覈戶口通典

皇朝政典類編 卷一百四十三 職官六 在京文武官



八旗驍騎參領滿洲旗各五人蒙古旗各二人漢軍旗各五人通典

副驍騎參領各如參領之數華受都統副都統之政令以殲于佐領而行之通典

康熙三十四年每甲喇增置委署參領各一人於世襲佐領等員內選用通典

雍正元年改為副參領通典

八旗佐領滿洲六百八十人蒙古二百有四人漢軍二百六十六人通典

驍騎校每佐領下一人掌稽所治人戶田宅兵籍以時頒其職掌通典

印務參領滿洲旗各二人蒙古旗各一人漢軍旗各二人於本旗參領內選充 通典

印務筆帖式滿洲旗各八人蒙古旗各四人漢軍旗各六人於生監甲兵內選充 通典

初設八旗滿洲都統下滿洲筆帖式各五人漢軍筆帖式各一人隨身滿文筆帖式各一人八旗蒙古都統下

滿洲筆帖式各三人蒙古筆帖式各一人漢軍筆帖式各一人隨身蒙古筆帖式各一人八旗漢軍都統下滿

洲筆帖式各四人漢軍筆帖式各一人隨身滿洲筆帖式各一人漢軍筆帖式各一人會典事例

康熙四十六年俱裁會典事例

雍正元年 命八旗各派滿洲御史二員稽察八旗一應事務調旗派用會典事例

二年定滿洲八旗復設筆帖式各四人蒙古八旗漢軍八旗復設筆帖式各二人會典事例

十年諭八旗辦事不諳悉條例諸事每多未協朕思各部司官多有熟悉則例識見明通者若於郎中員外等

官內慎加揀選每旗添帶二員助都統副都統辦理旗務似有裨益該員於本職部務仍照舊辦理都統等奏

事時該員隨副都統之後本堂奏摺內亦著列名著大學士會同各部堂官加意揀選務在得人若司員不敷揀選科道侍讀等官亦可選用後停會典事例

乾隆元年定滿洲每旗設筆帖式各八人蒙古每旗設筆帖式各四人漢軍每旗設筆帖式各六人會典事例謹按八旗之制爲前古所未有我國家神武開基龍興之初建旗辨色用飭戎行厥後歸附既衆卽按行軍旗色以定戶籍先立四旗尋增爲八旗迨後戶口日繁乃次第編置蒙古漢軍八旗合爲二十四旗制度詳備及定鼎京師分田授宅辨方正位在內則有親軍前鋒護軍驍騎步軍之分在外則有各省駐防之制而悉統之以八旗設官分職教養生成蓋以旂統人卽以旂統兵凡隸乎旂者皆可以爲兵非如前代有僉派召募之煩而後收兵之用故居則環衛周防出則折衝禦侮臂指之使磐石之固洵可超越百代垂治億年者矣

通志

### 右八旗都統

領侍衛內大臣內大臣 散秩大臣 御前乾清門侍衛 一等侍衛 二等侍衛 三等侍衛 藍翎侍衛 親軍校 侍衛處主事 筆帖式

三旗領侍衛內大臣六人 領黃正黃正白三旗每旗各二人 掌統領侍衛親軍 通典

內大臣六人 散秩大臣無定員 俱掌先後 宸御左右 翊衛出入 扈從 通典

國初以八旗將士 平定海內 鑲黃正黃正白三旗皆 天子所自 將爰掄其子弟 命曰侍衛 用備隨侍 宿直 統以勳戚大臣 而宗室之秀 外藩之侍子 亦得選預 環列 凡輪直 殿庭 以領侍衛內大臣等 總統之會 典事例

散秩大臣由 特恩簡授無定額其勳舊後裔世襲者以次承襲 御前侍衛通典

乾清門侍衛俱無定員於三旗侍衛內擢用 通典

一等侍衛三旗六十人宗室九人通典

二等侍衛三旗一百五十人宗室十八人通典

三等侍衛三旗二百七十人宗室六十三人通典

藍翎侍衛三旗九十人通典

掌宿衛扈從更番輪直凡六班班分兩翼宿衛 乾清門 內右門 神武門 靈壽門為內班宿衛 太和

門為外班 行幸駐蹕宿衛如 宮禁之制扈從前導領侍衛內大臣侍衛班領帶領執豹尾槍侍衛佩長把

刀侍衛扈從隨侍侍衛班領委署侍衛班領侍衛按隊扈從隨行其散秩大臣侍衛什長帶領執纛親軍扈從

隨行 大閱則按隊環衛各共其事通典

康熙二十九年以武進士之嫻騎射者擢置侍衛附於三旗會典事例

雍正三年奉 旨藍翎侍衛內選材技優長者為四等侍衛會典事例

五年定武進士一甲一名授一等侍衛二名三名授二等侍衛在二甲者得選二等侍衛三甲者選藍翎侍衛

會典事例

七年議准宗室侍衛共設九十人併入三旗隨班行走此內一等侍衛九人二等侍衛十有八人其餘均為三

等侍衛會典事例

乾隆三十六年奏准隨印協理事務侍衛班領皆作爲一等待衛侍衛班領皆作爲二等待衛會典事例

四十年議准黏竿處侍衛不敷應差由三旗大門侍衛內挑取二等待衛四員作爲黏竿侍衛班長之缺三等

侍衛藍翎侍衛各十五員在黏竿處當差共定爲三十四缺仍入大門侍衛額數照舊進班遇大門侍衛陞等

之時將黏竿處班長二等待衛一體陞補會典事例

四十五年奏准鷹狗處向無陞路將三旗藍翎侍衛額缺每旗移給三缺令鷹狗長選補仍同侍衛一體進班

會典事例

五十二年上諭內閣本日兵部帶領武職人員引見內承襲伯爵之趙曰泌一員係趙良棟之五世孫現在陝

甘督標學習期滿此項世職人員向來學習年滿後或發往該省或留部皆當以副將補用副將係武職大員

且可護理總兵設選徵調卽有專帶弁兵之責今趙曰泌尙屬年輕未曾諳練若遽以副將補用於地方營伍

不能整飭倘致貽誤轉非所以保全其祖父立功之意伊等爵秩較大又不便改補微末將弁嗣後此項承襲

公侯伯子男世職人員於學習年滿帶領引見後應令在侍衛上行走俟三年後領侍衛內大臣看其才具如

果能勝武職大員出具考語咨送兵部帶領引見再以副將等官補用如才具中平難期勝任仍令在侍衛上

行走若能始終勤慎無過卽以散秩大臣補用亦無不可 聖訓

嘉慶十九年諭散秩大臣並無辦事之責嗣後無論正委如有擢至都統者俱無庸兼散秩大臣著爲令

訓

道光二十二年諭向來京外大員子弟每屆五年查辦一次挑取侍衛拜唐阿嗣後如遇挑取侍衛年分所有

大員子弟著無庸挑列 舊制

咸豐元年諭內閣從前內外見任大員之兄弟子孫五年一次挑取侍衛拜唐阿嘗差挑取後尤須習學清語技藝騎射以爲差使得人起見自道光二十六年查辦以後迄今已逾五年又屆應行查辦之期惟思該大員子弟內或身體軟弱馬上平常或自幼讀書未能及時習學騎射此輩即使挑爲侍衛拜唐阿又焉望其得力耶自應量爲通融辦理嗣後在京文職自三品以上武職自二品以上外任文職自總督以至按察使武職自將軍提督以至總兵該大員之兄弟子孫內如有年已及歲於侍衛拜唐阿差使相當遇五年查辦之時情願挑取者著該大臣等仍照從前呈報該旗由該旗造冊咨送軍機處彙奏經朕指出者帶領引見儻有身弱殘疾抑或騎射平常不能挑取侍衛拜唐阿著該大臣卽行據實呈明該旗轉行軍機處聽其自便該旗亦不必指名僅取以示朕普育旗僕量材器使之意 東華續錄

親軍校鑲黃旗二十五人正黃旗二十六人正白旗二十五人掌率其屬隨侍衛以執事所轄藍翎長三旗各八人親軍鑲黃旗二百七十七人正黃旗二百九十五人正白旗二百八十七人舊設親軍校四十五人後增置乾隆四十年增設委署親軍校七十七人鑲黃旗二十五人正黃旗正白旗各二十六人 通典

主事一人署主事二人 於筆帖式內題署 通典

筆帖式三旗各四人貼寫筆帖式三旗各九人掌章奏案牘繙譯文移 通典

禮按自古周禮千列設戟百重環衛之官其職彌重周禮宮正宮伯賈後世即衛所由始其時皆以勳親入侍休戚一心法制盡善漢代三署郎多選經明行修者充之猶爲不失遺意厥後或權移官豎或委寄非人代多

流弊我 朝侍衛之職訓習有道稽發有方出則當折衝之任入則備翊衛之班所以應勾陳環拱 宸極者其規模實爲闕達矣通志

右領侍衛府

前鋒統領參領 前鋒侍衛 前鋒校 筆帖式

前鋒統領左右翼各一人以王公大臣兼領掌本翼四旗前鋒之政令 鑲黃正白鑲白正藍四旗爲左翼正黃

正紅鑲紅鑲藍四旗爲右翼 通典

前鋒參領前鋒侍衛左右翼各八人凡前鋒營各官皆滿洲蒙古兼用 通典

委署前鋒侍衛左右翼各四人以前鋒校或親軍校選委給五品冠帶 通典

前鋒校左右翼各四十八人 通典

隨印協理事務前鋒參領侍衛左右翼各一人 通典

隨印前鋒校左右翼各二人 通典

隨印筆帖式左右翼各二人掌案牘文移 通典

議案歷代衛尉監門諸職雖規制具存而積久廢弛不加訓練每致軍多隱占冊籍常虛至明代流風愈下諸門管鑰甚且付諸寺人之手禁衛之事益不可問矣我 朝建旗分職基布星羅以前鋒護軍所轄專掌宿衛清麗制度詳明規條嚴密復以時訓習操練黜陟懲勸無不感勵奮興精心簡練環衛之制洵非前代所能比擬也通志

右前鋒統領

護軍統領參領 司鑰長 副參領 護軍校 隨印參領等官 圓明園護軍營參領等官 通典

護軍統領每旗各一人掌護軍之政令通典

護軍參領每旗滿洲十人蒙古四人通典

內司鑰長署司鑰長每旗各一人以前每參領護軍參領馬餘護軍參領遴選除授 通典

副護軍參領每旗滿洲十人蒙古四人通典

委署護軍參領每旗各七人以護軍校選委給五品冠帶 通典

護軍校滿洲蒙古每佐領各一人通典

隨印協理事務護軍參領副護軍參領每旗各一人通典

隨印護軍校每旗各二人通典

隨印筆帖式每旗各二人通典

圓明園八旗護軍營總統無定員以王公大臣兼任掌 圓明園嫺衛之政令通典

營總統護軍參領每旗各一人通典

副護軍參領每旗各一人通典

護軍校每旗各八人副護軍校每旗各八人通典

隨印協理事務營總統護軍參領各二人通典

隨印護軍校四人通典

隨印筆帖式八人掌案牘文移通典

順治十七年定巴牙喇穆章京漢字爲護軍統領巴牙喇甲喇章京爲護軍參領又設署護軍參領會典事例

又定八旗護軍統領旗各一人護軍參領滿洲旗各十人蒙古四人護軍校每佐領下一人會典事例

雍正元年改署護軍參領爲副護軍參領旗各十四人會典事例

三年設隨印護軍參領副護軍參領護軍校等官會典事例

乾隆十七年奏准設護軍校委署護軍參領旗各七人給與五品頂戴仍食護軍校月餉 會典事例

三十三年議准八旗增設副護軍參領十六人委署護軍參領三十二人護軍校二百十人會典事例

四十一年奏准由護軍內遴選優等七十七人作爲委署護軍校給與虛銜金頂仍食護軍月餉 會典事例

嘉慶四年上諭內閣護軍統領及管理各營大臣等俱有跟班之親隨原爲辦理公務代該大臣傳事傳話而

設非同家丁之供應趨使自應於兵丁內各選二人跟班現在皆由驍騎校護軍校內挑取作爲親隨殊屬不

合伊等職雖微未俱係職任之員各有應辦事件若令舍其公事跟隨大臣成何體制嗣後護軍統領及管理

各營大臣皆由前鋒護軍內挑取每人只准挑選二名作爲親隨跟班其挑選驍騎校護軍校之例永遠禁止

著爲令 聖訓

御營營道總統無定員以前鋒統領護軍統領八旗副都統兼任 通典

營道處參領侍衛各四人通典



前鋒校護軍校各六人通典

凡遇 時巡省方以總統一人先期率官校詣 車駕經之地周覽山川通橋梁夷險隘計程入告 駕行 佩藥韃前導每日 駐蹕後以次日程途及 駐蹕之所奏 聞交兵部曉諭營 回鑾亦如之凡 御營 及頓營看營均由嚮導總統先期指示飭所在有司敬謹修治焉 按禮部律雖無專設之員非定有常額者可 比然煇衛 警邏責任甚重今以隨時 簡任者皆在前鋒護軍營官內謹附識 通典

右護軍統領

步軍統領翼尉 協尉 副尉 步軍校 城門領 城門吏 門千總 員外郎 主事 司務 筆帖式 巡捕五營副將 參將 遊擊 都司 守備 千總 把總

提督九門巡捕五營步軍統領滿洲一人以親信大臣兼任之掌京城內外門禁鎖鑰統帥八旗步軍五營將 備以徵巡京師詰禁奸宄平易道路肅清 鞏毅通典

康熙十三年命步軍統領提督九門事務會典事例

三十年命步軍統領兼管巡捕三營會典事例

左右翼步軍翼尉每翼各一人通典

八旗步軍協尉每旗各三人通典

步軍副尉每旗各三人通典

捕盜步軍校每旗滿洲三人蒙古漢軍各一人掌緝捕盜賊稽察奸宄通典

步軍校每旗滿洲二十一 人蒙古漢軍各八人通典

委署步軍校每旗滿洲五人蒙古漢軍各二人掌分汛警夜清道諸奸通典

城門領滿洲十八人漢軍七人通典

城門吏滿洲十八人漢軍七人通典

門千總漢軍三十二人通典

步軍統領衙門員外郎滿洲二人通典

主事滿洲二人掌勾檢旗營簿書通典

司務滿洲一人掌稽查簿籍兼理俸餉通典

筆帖式滿洲十有二人掌文移繙譯通典

信礮總管滿洲一人通典

司信礮官漢軍旗各一人掌守白塔信礮通典

巡捕中營副將一人遊擊一人都司一人守備四人千總十人把總二十人通典

巡捕南營參將一人遊擊一人都司一人守備五人千總十二人把總二十四人通典

巡捕北營參將一人遊擊一人都司一人守備三人千總八人把總十六人通典

巡捕左營參將一人遊擊一人都司一人守備三人千總八人把總十六人通典

巡捕右營參將一人遊擊一人都司一人守備三人千總八人把總十六人通典

雍正四年添設步軍參尉八旗滿洲蒙古漢軍每旗一人會典事例

乾隆十九年改步軍總尉爲步軍翼尉副尉爲協尉參尉爲副尉城門尉爲城門領城門校爲城門吏步軍校爲步軍尉會典事例

三十六年仍改步軍尉爲步軍校會典事例

四十六年巡捕營添設左右二營爲巡捕五營會典事例

嘉慶四年步軍統領衙門添設左右翼總兵各一人會典事例

四年諭內閣兵部議處步軍統領定親王綿恩護軍統領公晉昌不能實力稽察該營員等嚴加管束以致恆謹於 皇后出神武門時並不敬謹迴避衝突自行請將綿恩晉昌降三級調用毋庸查抵一摺因思步軍統領從前原係二品嗣因職任較重於一品大員中派令管理亦未有親王兼攝此職者況步軍統領有夜間巡查堆撥之事於親王體統實非所宜綿恩著不必兼管其步軍統領事務著布彥達資管理凡遇巡幸毋庸伊履躡隨往以專職守至朕出入禁城前鋒統領例應在門前帶刀侍立綿恩係屬親王亦於體制未協所有伊前鋒統領員缺著員勒綿懿補授正白旗領侍衛內大臣員缺著成親王永瑄補授布彥達資所管事務較多其正黃旗領侍衛內大臣員缺著丹巴多爾濟補授丹巴多爾濟不必兼管護軍統領其缺俟朕另行簡放至步軍統領爲九門筦鑰統轄京營總司緝捕一人獨理不特事權過重兼恐稽察難周自應另設佐理之員以資分任卽如八旗設立都統駐防設立將軍俱有副都統綠營設立提督卽有總兵今步軍統領衙門亦當照此設左右翼總兵各一員候朕於八旗副都統內揀員充補不必再兼副都統本任遇有一切公務步軍統領

與總兵同堂坐辦既可杜一人專擅之漸而於巡察諸事亦更為周密嗣後本衙門官員引見即令步軍統領與總兵同帶須步軍翼尉帶領著兵部載入條例永遠遵行晉昌疏於管轄寶屬咎所應得現在恆謹已革去王爾晉昌所管鑲黃旗護軍統領亦著開缺另簡兵部摺內請將綿恩晉昌職任降調之處俱毋庸議

又諭內閣昨已降旨將步軍統領衙門添設左右翼總兵二員並簡員補授矣今思該衙門既經添設大員有正副之分其品級官階及應得養廉並管轄營制升轉開列均應定立章程以示區別而專職守向來步軍統領係正二品今照各省提督之例改爲從一品其左右二翼總兵俱定爲正二品每年各給該總兵養廉銀八百兩以資辦公至八旗步軍向係提督專管今著兩翼總兵一同管理其巡捕五營事務著將中營作爲提標副將作爲提督中軍仍令管理圓明園一帶五汛其餘參將四員分營之南北左右四營共十八汛南左二營參將等官並所轄之十汛歸左翼總兵管北右二營參將等官並所轄之八汛歸右翼總兵管再嗣後八旗都統及各省提督出缺俱准將兩翼總兵開列如兩翼總兵缺出即將八旗副都統及京營副將開列候朕簡用卽著將此旨載入兵部則例 聖訓

九年奏准添設副翼尉二人由八旗協尉內補放三品虛銜幫同翼尉辦事仍食協尉原俸會典事例

### 右步軍統領

火器健銳虎鎗各營 火器營總統 翼長 營總 烏鎗護軍參領 副參領 委署護軍校 筆帖式 參領 護軍校 筆帖式 健銳營總統 翼長 前鋒參領 副參領 委署參領 前鋒校 副前鋒校 筆帖式 虎鎗營總統 總領 虎鎗長 副長 筆帖式 委署筆帖式 通典

火器營總統六人以王公或領侍衛內大臣都統前鋒統領護軍統領兼任掌教演火器之政令通典

火器營左右翼翼長各一人通典

八旗掌關防營總領每旗各一人委署翼長二人在內 通典

烏鎗護軍參領每旗各二人兼管礮位每旗各一人通典

委署烏鎗護軍參領每旗各四人通典

又五品頂帶花翎委署烏鎗參領十人由烏鎗護軍校內放 通典

烏鎗護軍校每旗二十八人通典

筆帖式每旗各一人通典

掌訓練火器較試以時每歲秋後於蘆溝橋演放子母礮咸率其屬以從事焉通典

康熙二十七年設漢軍火器兼練大刀營衙門每翼總管一人以現在副都統兼管每旗協領參領各一人操

練尉騎校各五人會典事例

三十年始置火器營設烏鎗護軍每人各給烏鎗一八旗各給子母礮五尊司練習火器以王公大臣兼領無

定員設烏鎗護軍參領十六人均以旗員兼任設烏鎗騎參領二十四人烏鎗騎校一百十二人會典事

例

雍正年間定置總統六人會典事例

三年裁察哈爾八旗護軍參領改入火器營定為專設之缺會典事例

乾隆二十七年裁護軍參領八人會典事例

二十八年火器營裁鳥鎗騎參領二十四人管帶散秩官五十六人鳥鎗護軍校一百十二人每旗設營總各一人鳥鎗護軍參領各一人副護軍參領各二人委署護軍參領各四人護軍校各二十八人藍翎長各二十八人會典事例

三十五年議准鳥鎗騎參領業經裁汰應以騎騎校額併入護軍校內即以副護軍參領並管帶位會典事例

是年火器營每翼添設正翼長各一人副翼長各一人會典事例

三十八年奏准將火器營管轄之護軍校簡選十人帶領引見賞戴虛職花翎在委署參領上行走會典事例

典事例

健銳營總統無定員以侯大臣兼任 掌健銳營之政令督率所屬以時訓練通典

健銳營左右翼翼長各一人通典

八旗前鋒參領每旗各一人通典

副前鋒參領每旗各一人通典

委署前鋒參領每旗各二人通典

前鋒校共五十人通典

副前鋒校共四十人通典

筆帖式四人通典

前鋒軍演習水師教習漢人侍衛十人把總十人通典

寧帥領營卒習雲梯馬步射鳥鎗馳馬躍馬舞鞭舞刀之技每遇巡幸則分其軍十之二以共隨扈之事又於昆明湖置趕繡舡八艘以教水戰駕船駛風咸精於其藝焉通典

乾隆十四年於八旗前鋒護軍內簡精習雲梯千人立健銳雲梯營於香山以王公大臣兼理營務會典事例  
又議准演習雲梯兵別立一營分爲兩翼每翼設翼領一人八旗設前鋒參領副前鋒參領各一人前鋒校各五人會典事例

十五年增設前鋒校十人會典事例

十八年設委前鋒參領十六人副前鋒校四十人會典事例

二十八年設前鋒參領二人副前鋒參領八人委前鋒參領八人前鋒校二十四人會典事例

又奏准由護軍營移駐健銳營護軍一千名增設護軍參領二人副護軍參領八人委署護軍參領八人護軍校二十四人會典事例

三十三年增前鋒校二十六人會典事例

三十五年由前鋒參領內增放委翼長二人會典事例

三十九年定健銳營照火器營例將幹練有爲之護軍校簡選十人在委署京上行走增放藍翎長五十人

會典事例

五十年奏准健銳營每旗增設委署前鋒參領一人會典事例

三旗虎鎗營總統一人以各侯領侍衛內大臣簡任 通典

三旗總領各二人以內大臣都統前鋒統領軍統領副都統侍衛簡用 通典

虎鎗長每旗各七人 通典

虎鎗副長每旗各七人 通典

筆帖式三人 通典

委署筆帖式三人 通典

凡遇 車駕蒐狩虎鎗總統總領日以十人佩虎鎗於前導侍衛前行安營後領虎豹出入備伏弩箭刀

行田遇大獸則列鎗從之乘 旨楚虎或追蹤或尋山得則具書以獻將首先刺虎二二人名奏 通典

康熙二十三年黑龍江將軍送到精騎射營殺虎新滿洲四十名至京分給上三旗始與虎槍營以內大臣

侍衛一人為總統每旗以大臣侍衛參領等官一人為總領每旗設虎槍長一人以親軍校親軍前鋒校前鋒

親軍校護軍驍騎校馬甲領催及閒散內選用會典事例

雍正元年增置每旗各八十人內虎鎗人四百八十人學習虎鎗人一百二十人虎鎗總統總領馬褂以黃色

鎗長以紅色虎鎗人以白色袴均鑲以青 通典

乾隆三年鑄給虎槍營關防 會典事例

謹按荀子稱齊之技擊不可以遇魏之武卒魏之武卒不可以值秦之銳士自古有國家者於兵制常額之外



必有選鋒之軍訓練之衆教養於平時而收其效於一旦以資指臂而壯聲靈所關甚鉅我朝法制周密軍威整肅康熙中特置火器營以練習鎗礮虎鎗營以格殪猛獸政一令專技精熟為前代所未有我皇上聖武維揚萬方震疊自歲己巳始以雲梯勝兵勦置健銳營於香山勁旅如雲無不一當千百復以歲時親臨簡閱號令嚴明節制有方屹為干城腹心之選嗣是王師捷代所至蕩平揚穴擒渠是軍實寶勢著精仰見睿謨廣運條畫精詳儲材豫而收效遠洵為超軼前代云通典

右火器健銳虎鎗等營

王公府屬武官 親王各設長史一人散騎郎四人以世爵領之護衛一等二等各六人三等八人典儀從四從五從六品各二人親軍校無定額世子長史一人散騎郎三人護衛一等六人二等五人三等六人典儀從四品一人從五從六品各二人通考

郡王長史一人散騎郎三人護衛一等六人二等四人三等五人典儀從五從六品各一人長子長史一人護衛一等二人二等四人三等六人典儀從五品二人從六品一人通考

貝勒司儀長一人護衛二等六人三等四人典儀從五品一人從六品二人通考  
貝子三等護衛六人典儀從六品一人從七品二人通考

鎮國公輔國公三等護衛各四人典儀從七從八品各一人通考  
五旗王公府屬參領每旗五人佐領每旗七人驍騎校每佐領下一人通考

右王公府屬武官

守護 陵寢武官 永陵 福陵 昭陵總管各一人翼領各二人司工匠各一人防禦各十六人通考

昭西陵防禦十六人驍騎校二人通考

孝陵總管一人翼領二人防禦十六人驍騎校二人通考

孝東陵防禦十六人驍騎校二人通考

景陵總管一人翼領二人防禦十六人驍騎校二人通考

皇貴妃園寢防禦四人驍騎校一人通考

妃園寢防禦八人驍騎校一人通考

泰陵總管一人翼領二人防禦十六人驍騎校一人通考

妃園寢防禦八人驍騎校一人通考

孝賢皇后陵寢總管一人翼領二人防禦十六人驍騎校二人通考

純惠皇貴妃園寢防禦八人驍騎校一人通考

端慧皇太子園寢防禦八人通考

右守護陵寢武官

京尹 府尹 丞 治中 通判 經歷 照磨 司獄 副使 京縣知縣 縣丞 主簿 巡檢 典史

插官 教授 訓導

順天府尹漢人一人掌 京畿治理凡田賦出納之政以時勾稽曾直隸總督而上其要於戶部凡師行則和

皇明女史 卷一百四十三 職官六 在京文武官

雇民車歲以立春前一日率僚屬迎春東郊遂進春於宮門退而頒春於民間以勸東作耕籍則具耒耜  
絲鞭寶書箱以種種奉之以從鄉試則充監臨凡考試咸司其供具焉通典

丞漢人一人掌學校之政令鄉試則充提調官以佐尹而經理之員額俱順治元年定雍正元年以來以部院  
大臣兼管府事皆由特簡無定員通典

治中漢人一人掌供文武鄉試之寶餽製卷以授諸生通典

通判漢人一人掌京城各市牙僧之籍而權其常稅鄉試則治其名簿焉初設治中一人通判三人推官一人

順治六年省通判二人康熙六年省推官員額通典

經歷司經歷漢人一人掌出納文移通典

照磨漢人一人掌鄉試繕冊彌封之事通典

司獄司司獄漢人一人掌刑部所送軍流徒罪人收繫而發遣之通典

崇文門副使漢人一人掌守崇文門庫藏員額俱順治元年定舊設有知事一人檢校一人康熙六年省庫大  
使一人康熙三十九年省崇文門大使一人康熙四十年省通典

大興縣知縣一人通典

宛平縣知縣一人各掌其縣之政令與五城兵馬司分壤而治撫輯良民緝禁姦匪以安畿輔品秩服章視外

縣加一等通典

大興縣縣丞一人通典

皇朝政典 16/10

典史一人通典

巡檢三人通典

插官一人通典

宛平縣縣丞二人通典

主簿一人通典

典史一人通典

巡檢四人通典

插官一人通典

儒學教授滿洲漢人各一人訓導滿洲漢人各一人掌八旗及京師鑾序訓課之政 初設府學教授一人訓導

六人京衛武學漢人教授一人訓導二人順治二年省武學訓導員缺三年省府學訓導四人康熙四年又省

二人十五年復設府學訓導武學訓導各一人雍正三年改京衛武學為順天府武學四年罷武學之制增置

儒學滿洲教授訓導各一人 謹按順天府初止轄大興宛平二縣康熙十五年始以昌平良鄉等州縣併直隸

隸順天府今所屬自大興宛平以外凡州縣二十有五設東西南北四路同知以分領之皆兼統於直隸總督

通典

奉天府尹滿洲一人掌 留都治化與其禁令通典

丞漢人一人掌學校考試以為之貳通典

月文其類纂卷二百四十三 職官六 在京文武官

治中漢人一人通典

通判滿洲一人通典

興京理事通判滿洲一人通典

儒學教授漢人一人通典

經歷司經歷漢人一人通典

司獄司司獄漢人一人通典

承德縣知縣滿洲一人通典

典史漢人一人職掌品秩與大興宛平二縣同通典

國初建置 盛京設遼陽府會典事例

順治十四年改爲奉天府設府尹一人經歷一人儒學教授一人訓導一人會典事例

康熙二年設府丞一人治中一人通判一人推官一人附郭承德縣知縣一人典史一人巨流河巡檢一人會

典事例

乾隆二十七年諭向例盛京將軍管轄旗人奉天府府尹兼理民事原無統轄嗣因盛京係滿洲根本之地所有州縣官員皆定爲滿缺凡應行查拏私竄經將軍派委官兵前往地方各官自宜會同查緝乃近日拒捕毆差之事不一而足地方官竟視同膜外鄉長保甲並不協力擒捕此皆因將軍府尹不相關涉各分畛域之所致是以各屬員亦存旗民分管意見並不和衷辦理於地方事務甚無裨益不可不爲變通在府尹爲全省大

吏雖不可便爲將軍屬員亦當令其聽將軍節制庶旣民事務歸一一切辦理不致參差嗣後奉天府府尹  
將軍節制遇有應行查拏人犯該地方州縣官卽協同將軍差委之人協力查拏會典事例

三十年諭向來奉天府尹事務令盛京將軍兼轄今思將軍與府尹所屬旗民事件各有專司若令將軍節制  
於公務未免牽制莫若照京城侍郎兼管順天府尹之例於盛京五部侍郎內派出一員管理永著爲令於體  
制更爲畫一會典事例

嘉慶六年諭所有奉天考試事宜著仍交奉天府丞專管一切章程不必更易惟該府丞在任年久與該處生  
童熟識未免易滋流弊著將此缺三年更換一次該部於各省學政年滿更換時將在京對品京堂開單進呈  
候朕簡員對調欽此遵 旨奏准府丞一缺遇三年更換時由部將在京對品京堂開單進呈請 旨簡員對  
調會典事例

九年議定奉天府府丞在任未滿三年之內凡遇有應陞缺出仍照舊例開列請 簡如蒙陞用卽將府丞遺  
缺缺將應陞人員開列具題請 簡前往更替若三年內並無陞遷事故遇各省學政更換之期由禮部將考  
完竣終由咨部開缺將在京對品京堂開列名單進呈恭請 簡員對調會典事例

光緒元年奉天將軍崇實奏府尹事權宜變通也察吏安民府尹最重本與兼尹相助爲理惟兼尹向屬戶部  
而旣民交涉旁牽於刑部之會訊稽留往復清理良難各州縣申詳此等案情亦遂紛而無主甚至苞苴爭  
納徑竇互開多一兼管衙門卽多一需索地步此弊之在上者健訟成風意存拖累原告方控於府尹被告  
又控於刑部而部中司員復不遵定章任意收呈隨處提案問官亦有徇袒胥吏因而作奸審結無期互傳

不到其中命盜重案竟使待質囹圄多至一二十年微論瘕死紛紛無從呼訴而挾仇勒索被害尤深至於會驗屍傷每以索賚久稽動輒數月此弊之在民者也擬請旨將奉天府府尹一缺加二品銜兼右副都御史行巡撫事庶民各務悉歸專理便與將軍相承一氣不致兩歧以此安民先免拖累以此察吏方有稟承通省綱斯爲樞紐郵鈔

右京尹

皇朝政典類纂卷二百四十四

職官七

唐省文武官總督巡撫 漕運總督 河道總督

總督直隸一人駐保定府江甯江西一人駐江南江甯府福建浙江一人駐福建福州府湖北湖南一人駐湖

北武昌府四川一人駐成都府陝西甘肅一人駐甘肅蘭州府廣東廣西一人駐廣東廣州府雲南貴州一人

駐雲南府 總治軍民統轄文武考覈官吏修飭封疆直隸初設巡撫後加總督銜後又改為南隸總督仍管

巡撫事又有三省總督駐大名府兼轄山東河南又有宣大總督駐山西大同府以宣化府屬之後俱省兩江

總督初兼轄河南後定為兩江總督轄江蘇安徽江西湖廣總督初為川湖總督後定為湖廣總督轄湖北湖

南四川初設巡撫後裁設總督兼管巡撫事陝甘總督初兼轄四川改轄山西後定為陝甘總督轄陝西甘肅

雲貴總督初兼轄廣西後定為雲貴總督轄雲南貴州又河南初設河東總督轄河南山東後省凡總督例兼

都察院右都御史銜其應否兼兵部尚書銜由吏部請 旨定奪間有 擢任大學士奉 特旨留任者

巡撫直隸一人總督兼山東一人駐濟南府山西一人駐太原府河南一人駐開封府江蘇一人駐蘇州府安

徽一人駐安慶府江西一人駐南昌府福建一人駐福州府浙江一人駐杭州府湖北一人駐武昌府湖南一

人駐長沙府陝西一人駐西安府甘肅一人總督兼廣東一人駐廣州府廣西一人駐桂林府雲南一人駐雲

南府貴州一人駐貴陽府 掌宣布 德意撫安齊民修明政刑興革利弊考羣吏之治會總督以詔廢置三年

大比獻賢能之書則監臨之其武科則主考試直隸初設順天巡撫正保巡撫宣府巡撫後併定為直隸巡撫

職官七 直省文武官



以總督兼管江南初設廬鳳巡撫後定爲安徽巡撫江西初設南贛巡撫湖北初設鄖陽巡撫後俱省湖南初設偏沅巡撫後改湖南巡撫陝西初設延綏巡撫寧夏巡撫後俱省凡巡撫例兼都察院右副都御史銜其應否兼兵部侍郎銜由吏部請 旨定奪通典

順治十年諭會推督撫不拘品級擢才品素著者詳開事實具題 會典事例

又 諭湖南湖北該境遼闊軍務甚繁著祖澤遠專督湖廣其四川兵馬錢糧皆從陝西調發壤地相連著孟喬芳兼督四川各換勅與之廣東廣西應設總督一人著速推堪任者具奏 會典事例

康熙三年諭湖廣四川福建浙江四省仍各留總督一員貴州總督裁併雲南廣西總督裁併廣東江西總督裁併江南山西總督裁併陝西直隸山東河南設一總督管三省事其鳳陽巡撫寧夏巡撫南贛巡撫俱裁去伊等應駐何地著確議具奏欽此遵 旨議定廣東廣西總督應駐劄肇慶府江南江西總督應駐劄江寧府

直隸山東河南三省總督應駐劄大名府山西陝西總督應駐劄西安府 會典事例

八年裁直隸山東河南三省總督一人改直隸巡撫自眞定移駐保定府 會典事例

又裁浙江總督一人 會典事例

九年復分設四川湖廣總督各一人改川湖總督移駐四川重慶府 會典事例

十年諭各省巡撫不必概令管兵其不設總督提督省分副將以下武官令巡撫兼轄 會典事例

十九年定川湖總督復爲湖廣總督仍駐武昌 會典事例

是年裁山西總督一人四川總督一人改陝甘總督爲川陝總督兼轄四川 會典事例

二十六年定總督員額江南江西總督一人廣東廣西總督一人雲南貴州總督一人湖南湖北總督一人四川陝西總督一人復改福建總督爲浙江福建總督會典事例

三十一年題准總督由侍郎補授者原係左侍郎改爲兵部左侍郎原係右侍郎改爲兵部右侍郎兼都察院右副都御史由巡撫補授者應陞爲兵部右侍郎兼都察院右副都御史會典事例

雍正元年議定各省督撫兼銜川陝總督統理西安甘肅四川三處事務控制番羌兩江總督統理江蘇安徽江西三處事務地連江海俱應授爲兵部尚書兼都察院右都御史其餘各省總督巡撫由各部侍郎以及別項官員補授總督者俱爲兵部右侍郎兼都察院右副都御史由侍郎補授巡撫者亦爲兵部右侍郎兼都察院右副都御史由學士副都御史及卿員布政使等官補授巡撫者俱爲右副都御史由左僉都御史及四品

京堂按察使等官補授巡撫者改爲右僉都御史會典事例

十二年諭向以浙江吏治營伍俱須整理而浙閩總督駐劄閩省未免隔越是以特授李衛爲浙江總督兼管巡撫事務此係因時制宜隨材任使一時變通之政並未永著爲例也今浙江事務經李衛辦理以來已漸整頓而程元章又以伊之才力難兼總督巡撫鹽政三重任恐致曠誤爲辭郝玉麟來京陛見朕看其才具精神足以貫注兩省著仍照舊制授郝玉麟爲浙閩總督程元章以總督銜專管浙江巡撫並兩浙鹽政事務又從

前降旨將廣西一省暫隸雲貴總督管轄者因廣西與貴州接壤俱有苗疆應辦事務若非該總督總統節制恐文武官弁呼應不靈今苗疆用兵事竣諸事就緒年來內外臣工多奏稱廣西距雲南路遠廣東路近不若就近爲安便等語滇黔兩粵情形本是如此卽朕初意亦不過俟苗疆事竣仍行照舊非謂尹繼善不能兼管

就近爲安便等語滇黔兩粵情形本是如此卽朕初意亦不過俟苗疆事竣仍行照舊非謂尹繼善不能兼管

就近爲安便等語滇黔兩粵情形本是如此卽朕初意亦不過俟苗疆事竣仍行照舊非謂尹繼善不能兼管

就近爲安便等語滇黔兩粵情形本是如此卽朕初意亦不過俟苗疆事竣仍行照舊非謂尹繼善不能兼管

三省而前後互異也其應否仍隸廣東之處著九卿會議具奏會典事例

乾隆元年諭大學士稽曾筠現爲浙江巡撫著照從前李衛之例改爲浙江總督兼管兩浙鹽政其管轄地方節制官弁等事悉照李衛前例行稽曾筠既爲浙江總督郝玉麟著以閩浙總督銜專管福建事務會典事例  
三年諭大學士稽曾筠著入閣辦事浙江原係應差巡撫省分今仍循照舊制改歸閩浙總督管轄郝玉麟著改給閩浙總督勅書關防浙江巡撫員缺著福建巡撫庸焯調補兼管鹽政會典事例

十二年諭雲貴二省原係總督一人管轄著仍循舊制卽以張允隨授爲雲貴總督爾炳阿著授爲雲南巡撫孫紹武著授爲貴州巡撫會典事例

又諭貴州省苗蠻錯處軍務關係綦重巡撫文員與通省營弁不相統轄從前撫提各持意見公事遂致舉肘總督駐劄雲南相隔遼遠貴州巡撫著提督軍務節制通省兵馬會典事例

十三年諭嗣後大學士兼管總督者著帶大學士銜其協辦大學士兼管總督者不必仍帶協辦大學士銜著爲令會典事例

又議准外官官制向以布政使司領之但督撫總制百官布按二司皆其屬吏應首列督撫次列布按查定例川陝兩江總督不論由何項官員補授者俱爲兵部尚書兼都察院右都御史其餘各省總督由侍郎及別項官員補授者俱改爲兵部右侍郎兼都察院右副都御史如各節尚書及左都御史奉 特旨補授者俱爲兵部尚書兼都察院右都御史至各省巡撫由侍郎補授者爲兵部右侍郎兼都察院右副都御史由內閣學士副都御史及卿員布政使等官補授者俱爲右副都御史由左僉都御史及四品京堂按察使等官補授者俱

爲右叅都御史今左叅都御史業經裁汰其右叅都御史不便復令兼銜嗣後巡撫不由侍郎補授者無論何項官員俱兼都察院右副都御史銜會典事例

二十五年諭前因平定西陲版圖式廓朕本意欲於伊犁葉爾羌等處皆置屯田令地方官管理因念陝甘總督所轄既廣勢難兼顧是以准議將陝甘總督改爲甘肅總督陝西一省歸於川督管轄然軍需之際恐隔省呼應不靈是以雖定有此制仍令照舊統轄俟軍需辦完再降旨如新制今思新關各處俱有大臣駐劄無須更設道員則甘督無鞭長莫及之處莫若仍舊管轄著將甘肅總督仍爲陝甘總督統轄二省其四川總督不必兼管陝西會典事例

二十九年諭前因西陲辦理軍需令陝甘總督駐劄肅州以便調遣迄今大功久竣新疆屯政亦已新定章程而該督仍駐肅州距西安會城較遠於腹地屬員案牘控馭轉多隔礙朕意若將總督移駐蘭州巡撫原署則東西道里適均不難居中節制而甘肅巡撫亦可裁汰因於常鈞陛見面詢情形據奏卽應遵旨乘時移駐始於體制允協當經傳諭楊應琯令其熟籌妥議今據覆奏與朕所見昭合著將蘭州巡撫衙門改爲督署令該督移駐並兼管巡撫事無庸更設巡撫會典事例

四十八年諭向例總督俱兼兵部尚書右都御史銜巡撫俱兼兵部侍郎右副都御史銜但漕運河道總督並無地方之責究與各省總督不同況又有由道員陞署及簡擢初任之員若一例兼銜未免太優不可不量爲區別嗣後漕運河道總督該部俱奏請給與兵部侍郎右副都御史銜著爲令會典事例

五十八年上諭內閣前據慶桂等奏福崧之母遊玩西湖每次豫備食用燈綵船隻等項共用銀二千餘兩等

語福祿之母遊玩西湖伊自必託詞孝養不知地方官吏眷屬隨任本不應出署閒玩福祿即自出已費奉母遊湖已不免屬吏伺候糜費乃竟派令鹽道豫備供應歷次費銀至數千兩之多累及地方以致身罹重辟虧體辱親所謂孝養者安在因思外省督撫凡事非失之太過即失之不及若福祿之奉母遊湖擾及官民甚至恣意貪縱固其罪由自取而長麟素屬好名恐因此復至矯枉過正禁止民人進香遊玩則又不可杭州天竺供奉觀音大士每遇春秋令節士民咸往瞻禮祈求習俗相沿由來已久自可仍循其舊即官斯土者或因禱雨祈晴赴天竺等處拈香及看行宮經由湖上一二次亦所不禁惟不當託遊玩於查勘及任職眷屬出外致滋擾累此不特杭州爲然也如蘇州之靈巖虎邱及揚州之平山堂等處均爲地方名勝士民瞻眺之所安能絕其遊蹤即戲園演劇俗尙奢靡豈不應禁止但蘇杭准揚商賈輻輳無籍遊民皆藉此餬口若一經嚴禁則遊手好閒之徒無所託業甚至官吏奉行不善轉取需索訛詐之漸於政體有何裨益此朕臨御以來並未降旨飭禁卽與不肯沙汰僧道之意相同況國家承平日久生齒益繁民風之日卽華靡其勢亦已積重難返而必欲執黜奢崇儉之說以期革俗化民譬如均田井里法非不長斷難施諸今日卽其明證也封疆大吏均有牧養斯民之責嗣後辦理地方事件務宜因利乘便酌衷至當去其已甚不爲過甚固不可肆意累民亦不可違俗干譽以副朕諄諄訓誡至意

聖訓

又諭浙江鹽務向係巡撫兼管遇有出納之事無人稽察巡撫得以任意勸支易致滋弊嗣後應將杭州織造改爲鹽政兼管織造事務其鹽道本無分巡地方之責著改爲運司巡撫既不兼管鹽務則鹽政運使於錢糧出入如有侵挪等弊該撫卽可隨時糾察據實劾參該省織造見改鹽政所有南北三關稅務難以兼顧著

嘉慶七年上諭內閣據蘇柱奏署直隸總督照杖請將御史費錫章隨往在署幫辦事務殊屬冒昧請嗣後嚴飭在京大臣奉命署理督撫者不得援以爲例等語所奏甚是御史係屬言官本非大臣可以隨帶之員前據杖面奏懇將費錫章隨往朕卽覺其所奏未協因伊係署任暫時姑允所請嗣後杖到任後旋據奏稱先令費錫章回京供職業經批諭該督奏請帶往原屬冒昧並令費錫章卽行回京今砥柱適有此奏與朕批諭正相符合國家設官內外各有體制督撫身任封疆自司道以下皆係幫同辦事之人至署中一切案牘自有幕友襄理若由部院簡放督撫者皆得各帶所屬司員前往辦事恐司員等揣知該堂官堪膺外擢豫爲趨奉一經簡放督撫卽可帶往辦事補用道府易啟屬官營求之弊亦不可不防其漸嗣後在京部院大臣除有兵差審案等事仍准隨帶司員外其簡放督撫及署理督撫者不但不准請帶御史卽所屬官員亦均不准奏請隨帶如有違例陳請者卽當交部議處以肅政體而杜弊端將此通諭知之 聖訓

八年諭安徽省向設有壽春鎮總兵一員歸江南提督節制因思提督駐劄松江距該省較遠一切控制稽查鞭長莫及自應量爲變通或將該省巡撫加提督銜節制營伍或另有更置之處著交兵部將安徽省營制通行查覈如何於地方有益詳悉妥議具奏欽此遵 旨議定安徽巡撫兼提督銜節制安徽通省營伍會典事

十一年諭各省巡撫中兼提督銜者有節制各鎮統轄閩省營員之責前曾准令戴用花翎以資表率現在山東巡撫長齡河南巡撫馬慧裕俱先經賞戴花翎其江西巡撫張師誠安徽巡撫初彭齡山西巡撫成靈均准

其戴用花翎嗣後此五省巡撫簡任時卽准其照例戴用如調任他省有旨賞戴准其戴用會典事例

十四年諭嗣後凡遇以二品頂戴爲總督者均著兼侍郎銜俟加恩給與頭品頂戴吏部再行奏請兼兵部尙書銜著爲令會典事例

道光十年諭前因兩江總督兼轄江西相距遙遠恐有鞭長莫及之勢降旨令大學士九卿會議具奏茲據托津等奏不歸總督兼轄並無格礙曹振鏞等奏請將兼轄之處仍循其舊松筠並於會議摺外另摺具奏朕詳加披閱所議均屬明晰惟江西地方武備尤爲緊要曹振鏞等查明兩江總督兼轄三省兵額幾及七萬巡撫專任江西合撫鎮標營兵額僅止一萬二千數百名除留防省城及各府州縣倉庫各標營防汛外兩鎮可調官兵不過數千名倘遇應行水陸分道並進實慮兵力不敷總督若不兼轄該巡撫必須一面具奏一面咨調鄰省官兵臨事耽延時日所關甚鉅兩江總督兼轄原爲控制以期聯絡聲勢徵調官兵呼應較靈所有江西一省著仍循其舊統歸兩江總督兼轄毋庸另議更改東華續錄

同治八年諭朕恭閱 皇考仁宗睿皇帝實錄內載嘉慶七年四月奉 聖諭國家設官內外各有體制督撫身任封疆自宜道而下皆係幫同辦事之人至疆中一切案牘自有幕友襄理若由部院簡放督撫者皆得各帶所屬司員前往辦事恐司員等揣知該堂官堪膺外擢豫爲趨奉一經簡放督撫卽可帶往辦事補用道府易取屬官營求之弊不可不防其漸嗣後在京部院大臣除有兵差審案等事仍准隨帶司員外其餘放督撫及署理督撫者不准請帶御史卽所屬官員亦均不准奏請隨帶如有違例陳請者卽當交部議處以肅政體而杜弊端將此通諭知之欽此仰我 皇考整飭官方杜絕夤緣之至意曷勝欽服必當恪遵 聖訓



東莞率行因思上年將攸鈺簡放兩江總督奏請隨帶刑部司員王端微前往江省差委候半年後遇有相當知府缺出酌量奏請補用彼時雖准所請究與 皇考前降 諭旨不符且人才隨地皆堪任用豈必需隨帶之員方足以資治理王端微著卽撤回回京仍在原衙門行走嗣後在京部院大臣簡放督撫及署理督撫者俱著遵照舊章不准奏帶所屬官員以符定制違者朕必重加懲處不貸 東華續錄

咸豐五年六月諭內閣軍機大臣大學士會同吏部兵部議覆侍郎沈兆霖奏將暫設皖南巡撫一摺安徽徽  
池太廣五屬介在江南當此軍務繁多該撫鞭長莫及自應專責文武大員俾資督率該侍郎原請暫設  
巡撫既屬窒礙難行著卽照軍機大臣等所議將安徽池太廣道暫改爲徽池太廣道加按察使銜並添  
設皖南鎮總兵一員暫照臺灣鎮道之例准其會銜專摺奏事所有該四府一州地方軍務緊要機宜均著責  
成專辦俟軍務告竣道員仍歸舊制總兵卽作爲額缺以重地方而符定例至該處距兩江總督安徽巡撫駐  
紮處所較遠所有現在協防籌餉事宜仍著浙江巡撫不分軫域暫行督辦其餘應辦事宜著該督撫分別妥  
議迅速具奏 東華續錄

漕運各官 總督漕運 巡視漕務 糧道 管糧同知通判 押運通判 漕標副將以下官 領運 守備  
千總

總督漕運一人掌督理漕輓以足國儲凡收糶起運過淮抵通皆以時稽覈催償而總其政令駐劄淮安康熙  
二十一年定制糧艘過淮後總漕隨運北上率所屬官弁相視運道險易調度全漕察不用命者俾舳舻相接  
畢渡天津入 觀述聯以重官守通典



巡視漕務四人掌稽察所巡之地挑淺疏滯轉程糾弊以肅漕政以給事中御史掄選 簡充一年而代順治初沿明制遣御史巡漕七年裁巡漕御史以糧道逐程分押雍正七年以糧船過淮抵通多有漏規分遣御史二人往淮安稽察二人往通州稽察乾隆二年定制巡漕御史四人一駐淮安巡察江南江口至山東界一駐通州巡察至天津一駐濟寧巡察山東臺庄至直隸界一駐天津巡察至山東界 通典

督糧道江南二人山東河南江西浙江湖南湖北各一人掌監察兌糧督押運艘而治其政令江南江安糧道駐江寧蘇松糧道駐常熟山東糧道駐德州河南以開歸道兼理及江西浙江福建湖南糧道並駐省城每年糧船起幫督押過淮盤驗畢回任料理新糧山東河南糧道每年押運抵通雍正四年令總漕於江蘇二糧道內每年委一人親押過山東八屆俟江南糧船盡數過淮卽回本任乾隆四十八年定各省糧道俱押本省糧船抵臨清盤驗方回本任惟山東糧道上下備運俟總漕押送尾幫抵臨清然後回任 雍正按明時十三省各以布政司參議督糧 國朝亦沿明制各省並設督糧道以司倉儲江南山東河南江西浙江兩湖而外若福建陝西廣東雲南貴州皆有糧道甘肅有巴里坤糧道然皆非總漕所轄於漕事無與 通典

管糧同知六人 通典

通判三十二人 通典

押運同知通判十六人掌督押糧艘管束運軍禁沿途遲延侵盜攔和之弊 通典

漕標副將一人遊擊一人都司二人守備二人管理塘務一人千總四人把總十人掌催護糧艘漕標副將所屬中營都司一人守備二人左營都司一人右營遊擊一人管理塘務一人左右哨千總四人把總十人領運

守備五人衛守備九人守禦所千總十三人千總一百八十六人隨幫効力武舉每幫一人通典

右漕運總督官屬附

河道各官 河道總督 河庫道 河道 管河同知 通判 州同 知縣 縣丞 主簿 巡檢 吏目 典

史 廂官 河標副將以下官 河營參將以下官

河道總督江南一人駐淮安清江浦掌黃淮會流入海洪澤湖汕黃濟運南北運河洩水行漕及瓜洲江工支

河湖港疏濬隄防之事 山東河南一人駐濟甯州掌南河南下汶水分流運河蓄洩及支河湖港疏濬隄防

之事 直隸一人掌漳衛入運歸海永定河疏濬隄防之事以總督兼管順治初止設總河一人總理黃運兩

河事務駐劄濟甯州康熙十六年以後江南河工緊要移駐清江浦雍正二年以河南武陟中牟等縣隄工緊

要設副總河一人駐劄濟甯州總河兼理南北兩河副總河為總督河南山東河道分管南北兩河初南北兩

總河並兼兵部尚書右都御史銜乾隆四十八年奉 旨以總河無地方之責況又有道員陞署及簡擢初任

之員嗣後但給與兵部侍郎右副都御史銜著為令通典

河庫道駐劄清江浦掌出入河帑而歲要其成於總督通典

江南淮徐河道駐徐州淮揚河道駐淮安山東運河道駐濟甯直隸永定河道駐固安皆掌專理河務山東兗

沂曹兼管黃河道駐兗州河南開歸陳道駐開封彰衛懷道駐武陟直隸通永河道駐通州天津河道駐天津

清河道駐保定大廣順河道駐大名皆掌分巡所屬而兼理河務其山東運河道河南二道直隸五道又兼掌

河帑之出納通典

管河同知二十七  
目二人典史四人  
通判二人二十四  
揚河道轄山清襄  
三十八汎州同州  
河道轄運河郊沂  
內一丞管二汎主  
同知一人四汎縣  
十二汎州判一人  
鹽河懷慶河務曹  
河道轄石景山永  
通永河道轄北運  
主簿五人天津河  
丞各一人東汎景  
青縣管河巡檢一  
一人武強隆平寧

簿各一人滿完方順橋管河巡檢各一人深澤管河典史一人大廣順河道轄廣天津度平河務漳河同知三人分汛永年刑臺沙河南河平鄉廣宗鉅鹿唐山內邱任元城大名魏長垣管河縣丞各一人永平成安管河典史各一人凡河務自管河同知以下爲專司知縣爲兼職各掌沿河堤堰壩牆歲修搶修及挑濬淤淺導引泉流并江防海防各工程同知通判總理督率州同州判以下分汛防守通典

插官四十三人掌司插之啟閉以時蓄洩通典

江南河標副將二人遊擊一人都司三人守備二人管理塘務一人千總八人把總十有六人管理塘務二人河東河標副將一人遊擊二人都司一人守備二人管理塘務一人千總六人把總十有二人掌催護工程江南河標中軍副將一人其屬中軍都司一人管理塘務一人左右哨千總二人把總五人河標左營副將一人其屬中軍都司一人千總二人把總三人右營守備一人千總一人把總二人兼營都司一人把總二人河標右營遊擊一人其屬中軍守備一人左右哨千總三人把總四人河東河標中軍副將一人其屬都司一人管理塘務一人千總二人把總四人河標左營遊擊一人其屬守備一人千總二人把總四人右營亦如之通典江南河營參將一人遊擊二人守備二十人千總十有七人把總三十人董蕩營參將一人守備二人千總二人山東黃運河營守備一人千總五人把總二人東昌德州二衛管河守備各一人德州運河南北兩岸管河千總各一人河南豫河懷河二營守備各一人協辦守備各一人千總四人把總三人直隸永定河河營守備一人千總九人把總十有五人凡河營參將以下皆掌河工調遣及守汛防險之事董蕩營參將以下掌採葦蘆以供修築隄掃之用江南河營參將轄淮徐營遊擊一人九營守備九人二十一汛千總八人把總十有三

人淮揚營遊擊一人十一營守備十有一人二十六汛千總九人把總十有七人蕪蕩營參將轄左右營守備千總把總各一人山東黃運河營守備轄七汛千總五人把總二人河南豫河懷河二營守備轄七汛千總四人把總三人直隸永定河營守備轄南北岸淀河三汛千總把總各一人右景山汛千總一人北運河汛千總把總各三人南運河汛千總一人把總八人東淀堡船千總一人西淀堡船把總一人通義

道光二年上諭內閣本日據嚴烜覆奏歷來防汛委員其在河工候補試用者或經河督專委或由該管河道派委惟黃河各道係兼轄地方遇工程險要需員孔亟之時與河工人員一併差委並有將地方熟諳工程之員改撥河工亦有將河工不諳河務之員改撥地方等語國家設官分職各有攸司其不諳宣防或酌量改補地方亦期收因材器使之效現在東河候補試用人員自丞倅以至佐雜尙有一百十餘員之多差委儘足敷用著該河督隨時察看該員等如不諳河務於地方尙能勝任著卽改撥地方若俱不能稱職卽應嚴行甄別據實參奏斷不可稍事姑容朝廷詔釋之典豈堪養此等無用閒人乎該河督當破除情面一秉大公嚴加甄覈無使不職之員濫竽充數以副朕循名責實之至意 聖訓

右河督總督官屬附

皇朝政典類纂卷二百四十五

職官八

直省文武官學政 官屬附 鹽政 官屬附 織造 關稅各差 布政使 官屬附 按察使 官屬

附

學政府學教授 州學學正 縣學教諭 府州縣學訓導

提督學政順天山東山西河南江蘇安徽江西福建浙江湖北湖南四川廣東廣西雲南貴州各一人陝西甘

肅一人以侍郎京堂翰林科道部屬等官由進士出身者充各帶原銜品級奉天府一人以奉天府府丞充福建

臺灣府一人以臺灣道充掌直省學校生徒考課黜陟之事以歲科二試巡歷所屬府州進諸生而論工藝程

品行升其賢者能者斥其不率教者凡興革事宜皆會督撫以行之三年而代通典

國初各省並設督學道帶按察司僉事銜以各部郎中由進士出身者循資擢用通典

康熙二十三年御史張集疏請慎學政之選 詔下九卿詹事科道等會議停論修補授之例凡順天學政缺

以待讀侍講諭德洗馬等官簡用江南浙江學政以待讀侍講諭德洗馬中允贊善等官簡用其餘各省學道

將應陞之五部郎中及參議道知府等官選擇開列請用嗣後不拘省分凡由翰林科道出身者即為學院由

部屬等官者則為學道通典

雍正三年議准江蘇安徽各分設學政一人會典事例

四年定制各省督學皆改為學院其以部屬簡任者依出身甲第各加翰林院編修檢討銜通典

五年諭臺灣遠隔重洋向來督學官員難以按臨考試是以將學政交與臺灣道兼管朕思道員有管理地方之責又兼學政未免稍繁每年既派御史二員前往臺灣巡察應將學政交與漢御史管理其爲妥協嗣後永著爲例會典事例

乾隆元年議准學政按試首嚴優劣之賞罰更重經學之進退其題報優劣擇其尤者次則悉於等第上下之至於經學凡應考生童非熟本經者不錄有能通習多經者卽拔前列以示獎異其歲科前列十名試卷俱著解送部科磨勘分別議處議敘至陞轉食俸之處應仍就該員原官與各部現任司員一體食俸遇陞陞時吏部照例推陞且題請旨以陞銜註冊仍留學臣之任俟三年任滿回京各照缺補用其郎中任滿例應陞陞道府如遇陞選之時准其以應陞註冊俟三年任滿考覈稱職再行歸於月分以應陞之缺卽用會典事例

三十八年諭昨據禮部題駁四川學政吳省欽奏請科考文生錄取二三等者先將坐號一體榜示一本已照部議駁並將該學政吳省欽飭行矣比詢及考試生員出案事宜據大學士于敏中面奏從前曾任浙江山東學政俱按照舊時章程辦理初按臨時先考生員大府約考二棚小府約考一棚越二日卽將一等諸生坐號招覆追覆試後數日隨將闕定之二三等試卷分別批評大概交提調官拆卷填案曉示發落每試生員大學不過十日小學不過七八日蓋緣優等諸生例應面加獎勵其劣等生員亦應發落責懲固未便令其先行散歸亦未便令其久羈守候且如學政按臨所至總不宜令生童聚集久居滋事卽如臣所歷浙省之杭嘉湖山東之濟東兗諸郡均係殷庶之區並非艱於旅食亦從不肯令與考諸生羣集久處是以歷來生員閱卷出案爲期從不過遲各省情形自應大略相等初不係地方有無公事以爲權衡至吳省欽以用兵措詞尤屬毫無

干涉其所請將二三等卷同時榜示坐號更無此政體但禮部議令功雅等屬無難以招覆時飭令不與錄取者聽其過歸俟大場凱旋仍照章程辦理之處亦未能切中肯綮若如部議恐各省先考生員卽行發落之舊規因而更改於事轉屬未便蓋學臣不能早爲閱卷發案者皆緣見小惜費不肯多延幕友所致應請通飭各該學政實力妥辦等語國家所給學政養廉本屬豐厚原以資其辦公之用若於延致幕友尙思靳惜廉金不肯多延名幕以致人少誤公已昧人臣敬事之義且任學政者不思校士育才而斤斤惟養廉是惜其鄙陋尙可問乎嗣後各省學政務須通曉大體多擇工於閱文之幕友卽極小省分亦不得不及五六人並著各督撫留心稽察如有不肯多延幕友辦理周章者卽隨時據實奏聞毋得稍涉徇隱將此通行飭諭知之會典事例四十三年奏准嗣後各省學政由郎中等官補授者照例推陞以其次應陞人員擬備將該員應否留任學政之處先行具奏請 旨如留任者以陞銜註冊其應陞員缺卽以擬備之員陞用會典事例五十八年奏准京官出差學政如遇陞京職仍照舊例請 旨如推陞外任無論何項員缺卽將學政開缺會

典事例

嘉慶七年諭給事中陳昌齊條奏各款俱不可行據稱各省督撫並無稽查之人行止難免專擅請加學政以稽察之銜遇督撫遲壓朦混等弊隨時舉奏等語各省督撫如果有貪劣實蹟及地方事件辦理不公學政有奏事之責原准其據實奏聞候朕駁辦若竟以稽察督撫之事委之學政則學政之權豈不重於督撫乎國家設立學政原令其校士衡文若如該給事中所奏備各省學政有稽察督撫之名因而於地方公事動輒干預過有私意不合性情毀譽又豈不開挾制之漸設該學政有營私舞弊之事又令何人稽察乎況督撫俱係一



二品大員至各省學政往往有由編檢主事等官簡放者品秩較小若以之稽察督撫亦非朝廷體制前明設立巡按最爲有名無實該給事中奏請加銜豈非於督撫之外又設一巡按乎陳昌齊所奏迂謬原摺著擱還會典事例

八年奏准查各省府廳州縣共一千七百餘學以每大學前列十卷及小學不滿十名者儘數一體解送計算約共一萬餘卷擬以奉天順天山東山西河南陝甘六省作一次磨勘以江蘇安徽浙江江西福建湖北六省作一次磨勘以雲南貴州四川廣東廣西湖南六省作一次磨勘庶卷少則易於詳審其磨勘之員查磨勘鄉會試卷原係翰林科道之事凡學政係現任翰林及京堂部曹會由翰林出身者交都察院派科甲出身之科道磨勘學政係現任科道及京堂之會任科道與學政係六部司員者俱交翰林院派員磨勘以杜同官磨勘之弊其由翰林改用科道者兩衙門俱應迴避則部派司員辦理所派之員均令迴避本省俟磨勘完竣三衙門各自具奏會典事例

十七年議覆侍郎彭齡等奏湖南學政徐松考試勒索並發賣書籍漁利等情一案此案已革學政徐松考試出題割裂文義並違例濫取借生不派教官監場失察家人書役輻夫勒索高錢散賣熟食搶拾箭枝並令優等主員出錢刊刻試卷各款或咎止降罰或贓非入己均屬輕罪其將書籍分派教官轉令童生購買除去工本銀兩外計得餘利銀四百七十六兩依律罪止杖一百流三千里惟該學政賣書漁利種種失察又復任意派令家人查號割裂出題以致士論沸騰實屬狼鄙不職應請旨發往新疆効力贖罪再該侍郎等奏稱紅案陋規已奉諭旨飭禁雖不建公然勒索但學政家人書吏藉稱喜錢名色索要錢文亦恐日久弊生復

踵故轍請卽嚴行申禁有犯立懲以期永絕弊端等語應令該撫卽行嚴切申禁毋任視爲具文致滋弊竇會  
典事例

各府廳等儒學教授直隸十人奉天二人山東十人山西十人河南九人江蘇八人安徽八人江西十有三人  
福建十人浙江十有一人湖北九人湖南九人陝甘十有六人四川十有二人廣東十人廣西十有一人雲南  
十有五人貴州十有三人各州儒學學正直隸二十有二人奉天四人山東十有一人山西十有六人河南十  
人江蘇六人安徽九人江西二人福建二人浙江一人湖北七人湖南七人陝甘二十有三人四川十有八人  
廣東十人廣西十有六人雲南三十人貴州十有四人各廳縣儒學教諭直隸一百十有五人奉天一人山東  
九十有一人山西六十有一人河南九十有八人江蘇四十有六人安徽四十有八人江西七十有五人福建  
五十有八人浙江七十有六人湖北五十有四人湖南五十有七人陝甘六十有四人四川八十有六人廣東  
七十有三人廣西四十有二人雲南三十有二人貴州三十有三人各府廳州縣等儒學訓導直隸一百四十  
人奉天五人山東一百十人山西九十有五人河南一百五人江蘇五十有九人安徽六十有四人江西九十  
有一人福建七十有二人浙江八十有八人湖北七十人湖南七十有七人陝甘一百三十有四人四川一百  
二人廣東九十有四人廣西六十有三人雲南七十有三人貴州六十人各掌其學校生徒訓迪之事凡儒  
學官除江蘇安徽兩省通用外其餘例用本省人惟同府州者避不用初康熙三年議各府州訓導又大縣議  
訓導小縣議教諭十五年均復設其後縣有析置者則訓導每移置所析縣而裁省之縣亦間存鄉學教諭或訓  
導焉又初設有各衛武學訓導康熙三十二年裁都司儒學教授雍正三年裁 通典

道光二年上諭內閣御史趙柄奏請慎覈改教以重學校一摺所奏是國家教化之興由於勸學各省教職得一昂端學裕之員盡心化導於士習民風均有裨益近日各省甄別州縣凡才具平庸不諳吏治年力就衰各員率請改教此等衰庸之員卽令司鐸安望其實心化導克稱厥職乎如該御史所奏或因誤公虧項避重就輕或因替人騰缺設法量移特借出身名目藉以見好市恩騰缺量移事無確據亦不可空言妄論而避重就輕市恩見好之處在所不免溯查乾隆五十一年欽奉 聖諭各省知縣已經得缺到任數月後不勝民牧者卽以原品休致概不准復行改教等因欽此煌煌 聖訓永當遵守勿替嗣後各直省督撫於才不勝任之知縣如未經得缺將該員品學尙堪秉鐸之處切實聲明仍酌量奏請改教其實缺人員履任在半年外者才不勝任卽概予休致不得因其正途出身率請改教該督撫務各秉公甄別尤不得因有此旨將闕茸各員一味姑容轉致貽誤地方也將此通諭知之 聖訓

右學政官屬附

鹽政都轉運鹽使司運使 鹽法道 運同 運副 運判 鹽課使提舉 鹽課司大使 批驗所大使

庫大使 鹽歷 知事 巡檢

鹽政長蘆兩淮各一人由 特旨簡用或都察院奏差各帶原銜品級福建甘肅四川兩廣以總督兼理兩浙雲南貴州均以巡撫管理河東以山西巡撫管理鹽政而糾其屬吏徵收督催之不如法者以時審其價而酌劑之凡鹽賦之奏課與鹽法之宜更者以 關總督巡撫兼鹽政者亦如之 國初各省遣巡鹽御史後定爲鹽政由 特旨簡充其由都察院奏差者亦鹽政名之由內務府官員 簡充者仍帶御史銜各省以督

撫兼管者皆因地制宜永爲恆式焉通典

都轉運鹽使司運使長蘆山東河東兩淮兩廣各一人通典

鹽道兩浙福建陝西四川雲南各一人其餘各直省行銷地方鹽法多由駐劄省城守巡道兼理掌督察場民之生計與商之行息而平其鹽價水陸挽運必計其道里時其往來平其貴賤俾商無滯引民免澹食以聽於鹽政及監理鹽政之督撫焉通典

分司運同長蘆山東河東兩廣各一人運副兩浙一人運判長蘆二人山東兩浙各一人兩淮三人掌分司產鹽之地而糾察之輔運使鹽道以分治其事長蘆分司天津運同薊永運判各治場四滄州運判治場二山東分司濱樂運同膠萊運判各治場五兩淮分司泰州運判治場十有一通州運判治場九海州運判治場三河東運同治山西解州安邑縣鹽池一場三兩浙分司甯紹運副治場二十嘉松運判治場十有二廣東分司惠潮汀贛運同治場十有三 國初定兩淮兩浙長蘆河東山東兩廣運同各一人副使一人兩淮運判四人兩浙長蘆山東河東運判各一人康熙十六年裁各鹽運同副使十七年復設長蘆山東兩浙福建鹽運同知各一人兩浙副使一人三十八年裁兩淮運判一人四十二年裁兩浙福建運同雍正二年增設河東兩廣運同各一人通典

監掣同知兩淮二人掌掣鹽之政令通典

鹽課提舉司提舉雲南三人分轄鹽井之政職掌與運使所屬分司同 國初定雲南提舉司三人廣東提舉司一人雲南廣東吏目各一人康熙三十二年裁廣東提舉一人吏目並裁通典

鹽課司大使長蘆山東各十人河東三人兩淮二十三人兩浙三十二人陝西一人廣東十三人福建十八人四川七人雲南九人初設副使康熙五十年兼掌鹽場及池井之務凡直省有沿海及有池之地聽民闢地爲場開畦爲鹽而授之商或官出帑收鹽授之商而行之以鹽課大使掌其池場之政令與場地之徵收其有并者分掌其政令皆治其交易審其權衡而平準之日稽其所出之數以杜私販之源按 國初設有衛稅課司大使雍正二年裁撤附議

鹽引批驗所大使長蘆山東兩淮各二人兩浙四人兩廣一人掌批驗鹽引之出入 通典

庫大使長蘆山東兩淮兩浙福建兩廣四川雲南各一人掌鹽課之收納而監理其庫貯 通典

經歷長蘆山東兩淮兩浙兩廣各一人 通典

知事長蘆河東兩淮兩浙各一人掌稽核文書 通典

巡檢兩淮二人掌巡察鹽場 通典

乾隆元年諭兩浙鹽務向來廢弛自李衛爲浙江總督以來留心整理諸事妥協大學士嵇曾筠現爲浙江巡撫籌照從前李衛之例改爲浙江總督兼管兩浙鹽政會典事例

又議准兩淮鹽政裁改各官裁通分司所屬之馬塘場歸石港場轄餘中場歸餘西場轄淮分司所屬之白駒場歸草堰場轄堯清場歸板浦場轄板浦爲淮北引鹽總匯添設大使一人淮分司所屬之劉莊伍佑新興廟灣四場改隸泰分司轄泰分司所屬之拼茶角斜二場改隸通分司轄以通泰二分司管淮南場鹽淮分司管淮北場鹽兼辦軍務會典事例

四年議准增設浙江西路三江曹娥橫浦青龍嵩玉等大場鹽課大使各一人並設崇明縣鹽大使一人會典事例

事例

五年議准浙江新設浦東龍頭玉泉三場鹽大使各照字樣給予印記西路分設一場名東江曹娥分設一場

名金山崇明新設巡鹽一缺名崇明巡鹽大使均一體給與印記會典事例

六年裁兩淮鹽務巡道一人會典事例

七年議准兩淮鹽務道一缺既經裁汰現在淮揚海一帶地方場鹽俱繫淮揚道所屬其通州地方場鹽亦與

該道所屬毗連將鹽務道事宜俱責成淮揚道管理會典事例

二十五年議准淮南淮北均為數百萬引鹽總匯之地兼攝之員不足以資彈壓淮南監掣同知仍舊作為額

缺至淮北既照淮南之例辦理其監掣同知亦作為額缺會典事例

二十七年定湖北布政司照鹽兼管驛鹽道庫大使事務會典事例

又議准廣東運司衙門出納錢糧向未設立庫官應以知事兼管庫務會典事例

二十八年議准江南淮安分司已移駐板浦在海州地方改稱海州分司換給印信會典事例

三十八年議准浙江仁和場鹽大使舊駐城外臨江鄉東北二十都地方嗣經移駐省城距所轄鹽倉澳地二

三十里至六七十不等該處近年產鹽更旺催課緝私稽查最要仍回駐原地會典事例

四十三年諭向來河東鹽政與山西巡撫因各有專司未免意存畛域河東鹽政專務本簡非兩淮長蘆可比

況直省中如浙江福建兩廣俱係督撫兼理鹽政較為妥協河東鹽政竟不如令山西巡撫兼管俾事權歸一

呼應較靈於商民均屬有益蓋為令會典事例

五十八年諭杭州織造改為鹽政兼管織造事其鹽道本無分巡地方之責著改為運司會典事例

嘉慶元年改陝西鹽法道為鳳邠道移駐鳳翔東華續錄

二年增設福建連河鹽場大使東華續錄

咸豐十年諭前因恭親王奕訢等奏請將長蘆鹽政一缺裁撤歸直隸總督兼管等語當交戶部議奏茲據奏稱長蘆鹽務改直隸總督統轄可期全綱整飭等語長蘆鹽政一缺著即裁撤所有督辦運課事宜統歸直隸總督管理即著恆福會同崇厚將正雜已收未收之款逐細盤查交代清楚其餘未盡事宜著該督詳細妥議具奏嗣後長蘆鹽務是其專責著即督飭鹽運使認真經理於應支正雜各款及各衙門帶利官租等項銀兩實力催繳完解務期年清年款不得稍有帶欠其原設鹽政衙署及養廉銀兩並著改歸新設辦理三口通商大臣以資辦公天津關稅並著該大臣兼管分晰造報 聖訓

右鹽政官屬附

織造江甯府蘇州府杭州府各一人通考

謹按織造於內務府司官內 簡用各帶原銜品級其庫使筆帖式俱互見前內務府門

右織造

關稅各差 崇文門監督 左右翼監督 各直省關稅 各直省委道府州縣監收

關稅各監督京師崇文門正監督一人以大臣簡充副監督一人由總管內務府大臣掄選充左右翼各

一人以大臣簡充 直隸天津關一人以長蘆鹽政兼管通州二人以滿漢坐糧廳兼管山海關一人以四五品  
 滿京堂及各部院內書府官員差充 張家口殺虎口各一人以部院司員差充 潘桃口一人以多倫諾爾同知  
 管遼龍泉紫荊奇峯五虎因關白石倒馬茨溝插箭嶺馬水口各一人以提督兼管委參將都司守備把總監  
 收三座塔八溝烏蘭哈達各一人以理番院司員差充 奉天牛馬稅一人以部院司員差充 中江一人以盛  
 京將軍衙門章京及五部司員差充 山西武元城一人以巡撫兼管委交城縣知縣監收 歸化城一人亦以巡  
 撫兼管委道員監收 山東臨清關一人以山東巡撫兼管委臨清州知州監收 江南海關一人以江蘇巡撫兼  
 管委松太道監收 濟甯關一人以蘇州織造兼管淮安宿遷關一人以內務府官員簡充 揚關一人以江蘇巡  
 撫兼管委常鎮揚通道監收 龍江西新關一人以江寧織造兼管鳳陽關一人以廬鳳道管理蕪湖關一人以  
 安徽巡撫兼管委安徽甯池太道監收 江西九江關一人以廣饒南九道管理贛關一人以江西巡撫兼管委  
 吉甯贛道監收 福建海關一人以福州將軍兼管閩安關一人以巡撫兼管委福州府同知監收 浙江海關一  
 人以巡撫兼管委甯紹台道監收 南北新關一人以杭州織造兼管湖北武昌廠一人以總督兼管委夔州府知府監收  
 委員監收 湖南辰關一人以巡撫兼管委辰州府知府監收 四川夔關一人以總督兼管委夔州府知府監收  
 打箭爐一人以同知兼管 廣東海關一人以內務府官員簡充 太平關一人以巡撫兼管委南韶連道監收 廣  
 西梧州潯廠各一人以巡撫兼管委梧州潯州各知府監收 隸於水陸會銜之地設官署吏頭其治禁以安行  
 旅以通財賄髮繫之稅以便調幾以佐 國家經費凡權百貨者為戶部分司權竹木及船鈔者為工部分司  
 必行商大賈挾貨殖以牟利者乃譏而徵之物有精麤直有貴賤利有厚薄各按其時地以定應徵之數遵



部頒科條刊示木榜俾商賈咸知而吏不能欺其有藏匿奸匪私冒越渡及漏應稅之物者俱論如法監督以一歲報滿則條析經徵之數具疏專達其隸督撫經理者歲周疏報亦如之皆以冊達部部受其要而會之定其殿最以 開初制關稅各差皆以戶工二部司員充之尋改差六部司員又改歸地方官管理嗣後隨時斟酌改定或 特簡京員或由部院司員掄選引 見除授或歸督撫總理或以將軍織造鹽政兼理京差由部疏請或更代或留任候 旨遵行由督撫等兼管者期滿奏明接管皆因地制宜永為恆式焉通典

乾隆五十三年諭九江鳳陽兩關雖係巡道兼管向來皆由朕特放與鹽政關差無異督撫等卽不應擅行派委況江西糧鹽二道近在同城儘可兼署臬篆海紹係內務府人員從前本未經外任刑名又非所習何裕城何必專委該道署理臬司而又派員爲之護理關篆徒多此一番交代於地方稅務兩無裨益若果其才具堪勝陳臬朕自巳早行簡用不待該撫保奏豈何裕城因海紹係管關之員欲令署理臬司希圖結納殊不可解卽此可見該撫不曉事體何裕城著傳旨申飭仍著卽將海紹撤回本任其臬司印篆另委道員接替至廬鳳道與九江道同係管關之員將來安省遇有臬司缺出該督撫亦不得委令署理 聖訓

同治九年諭前據總理各國事務衙門奏遵議尙書毛昶熙請撤三口通商大臣條陳當諭令李鴻章妥籌應辦各事宜茲據該督酌議章程具奏天津地方緊要自宜因時變通三口通商大臣一缺著卽行裁撤所有應辦各事宜均著歸直隸總督督飭該管道員經理卽由禮部頒給欽差大臣關防用昭信守並著該督於每年海口春融開凍後移紮天津冬令封河再回省城備遇有緊要事件必須回省料理亦准其酌度情形暫行回省事竣仍赴津郡以資兼顧其山東登萊青道所管東海關奉天奉錦道所管牛莊關均歸該督統轄惟中外

交涉事務較繁自應添設道員管理著照所請准其另設津海關道一缺專管中外交涉各事件及新鈔兩關稅務並責成該道督飭府縣悉心妥辦仍隨時稟請該督酌覈辦理嗣後津海關道缺出著由直隸總督揀員請補其餘未盡事宜著李鴻章迅速妥議具奏 聖訓

### 右關稅各差

承宣布政使司布政使掌一省之政司錢穀之出納十年會戶版均稅役登民數田數以達于戶部直隸山東山西河南江寧蘇州安徽江西福建浙江湖北湖南陝西甘肅四川廣東廣西雲南貴州各一人通考

布政使司經歷直隸山東山西河南江蘇安徽江西福建浙江湖北陝西四川廣東廣西雲南貴州各一人掌出納文移通典

理問直隸江寧蘇州江西浙江湖南陝西雲南各一人掌勘核刑名通典

都事河南福建各一人掌受發文移通典

照磨山西福建浙江湖北甘肅四川廣東各一人掌照刷卷宗通典

庫大使直隸山東山西河南江寧蘇州安徽江西福建浙江湖北湖南陝西甘肅四川廣東廣西雲南貴州各一人掌司庫藏之出入通典

倉大使安徽一人掌檢稽倉庫通典

國初直隸不設藩司設口北守道一人兼山西布政使銜其餘各省皆設承宣布政使司左右布政使各一人左右參政參議各因事設立所屬經歷理問都事照磨檢校大使副理問副使因時裁設無定員會典事例

順治三年設江甯左右布政使各一人經歷理問都事照磨各一人會典事例

十六年裁江南布政使都事一人浙江布政使都事一人會典事例

十八年江南分省移江南右布政使司駐蘇州左布政使司仍寄駐江甯會典事例

康熙六年改江南左右布政使司爲江蘇安徽兩布政使司改陝西左布政使司爲西安布政使司右布政使司爲鞏昌布政使司改湖廣左布政使司爲湖北布政使司會典事例

是年定各省布政使員額裁各省布政使一人定爲全省布政使山東山西河南江蘇安徽江西福建浙江湖北湖南四川廣東廣西雲南貴州各一人陝西二人參政參議無定員皆裁去左右名目視何項官推陞者卽爲何項道名曰守道會典事例

雍正二年諭直隸總司錢穀守道改爲布政使會典事例

乾隆十八年停各省守道兼布政使參政參議等銜會典事例

二十五年諭江蘇錢穀股繁布政使一員專司緜匯因思現在安徽布政使隨督臣駐劄江甯所辦仍屬上江事件文移往返不免需時而親臨地方各員又非其專轄於封疆體制尙未允協若將安徽藩司仍回駐安慶而於江蘇增設藩司一員卽駐劄江甯以江南之蘇松常鎮等處江甯及江北之淮揚徐通海等處所屬地方酌量分隸管轄職分則事易集一切政務自可從容就理應如何通融定制之處著悉心妥議具奏會典事例

又諭江蘇錢穀股繁安徽布政使遠駐江甯所辦專係上江事務莫若於江蘇添設藩司分職管理方爲有益前曾降旨該督撫等令其酌議將安徽布政使仍回駐安慶而於江蘇增設藩司一員駐劄江甯分隸管轄

一切政務庶司從容處理今據尹繼善等奏到請將江淮揚徐通海六府州分隸江甯藩司管轄蘇松常鎮太  
五府州分隸蘇州藩司管轄其安徽布政使移駐安慶專辦上江事務等語著照所請行會典事例

是年設江甯布政司理問一人庫大使一人倉大使一人會典事例  
又議准安徽無省倉裁倉大使一人

三十年裁雲南布政司理問一人會典事例

右布政使司官屬附

提刑按察使司按察使掌一省刑名按劾之事以振風紀而澄吏治三年大比為監試官大計為考察官秋審  
為主稿官與布政使稱兩司直隸山東山西河南江蘇安徽江西福建浙江湖北湖南陝西甘肅四川廣東廣  
西雲南貴州各一人通考

按察使司經歷直隸山東山西河南江蘇江西福建浙江湖北陝西四川廣東廣西雲南各一人職掌與布政

司屬同通典

知事江西一人掌勸察刑名通典

照磨安徽福建浙江湖南甘肅廣東貴州各一人職掌與布政司屬同通典

司獄直隸山東山西河南江蘇安徽江西福建浙江湖北湖南陝西四川廣東廣西雲南貴州各一人掌管理

繫囚通典

國初直隸不設臬司設大名巡道兼河南按察使銜通永天津巡道俱兼山東按察使銜霸昌井陘巡道俱兼

山西按察使銜其餘各省皆設提刑按察使司按察使各一人副使僉事各因事設立所屬經歷知事照磨檢校司獄因時裁設無定員會典事例

順治三年設江甯按察使一人經歷知事照磨各一人會典事例

十六年裁江南按察司知事一人浙江按察司知事一人會典事例

康熙三年江南分設兩按察使一駐江甯一駐安慶會典事例

六年定各省按察使員額江蘇安徽湖北湖南陝西甘肅浙江江西福建山東山西河南四川廣東廣西雲南貴州各一人副使僉事無定員視何項官推陞者卽爲何項道皆名曰巡道按察使司所屬官經歷各一人知事一人江西福建山西廣東廣西各一人他省無照磨各一人檢校一人福建江西山西陝西各一人他省無司獄司司獄各一人會典事例

雍正二年諭直隸總理刑名巡道改爲按察使會典事例

三年裁江西按察司照磨一人山西按察司知事一人會典事例

又議准直隸通永天津霸昌大名四巡道改從直隸按察使銜會典事例

五年裁貴州按察司經歷一人會典事例

八年議准江蘇按察使現駐江甯與下江巡撫衙門相距太遠改駐蘇州會典事例

乾隆十八年停各省巡道兼按察使副使僉事等銜會典事例

二十八年裁廣東按察司照磨一人會典事例

又據甘肅河州茶馬大使改設按察司司獄一人以按察司照磨兼管茶馬大使事會典事例

道光元年諭內閣御史譚曾鶴奏請飭催各省臬司駁案積壓一摺臬司爲刑名總匯緣情定讞必須明慎而不留獄方免冤濫拖延之弊若任聽幕友挾私駁片往返稽遲必致累月經年案懸不結且劣幕盤踞日久黠吏附會招搖州縣改供迎合其端皆由此而開蓋通飭各直省臬司振刷精神於所屬申詳案件必親加考察以定准駁不得藉口詳慎任聽幕友舞文苛駁任意拖延並隨時稽察如本署幕友有與州縣勾通推薦親友以准駁案件攬作威福者立即嚴行究辦執法重懲以挽澆風而清庶獄

聖訓

右按察使司官屬附



皇朝政典類纂卷二百四十六

職官九

直省文武官道員 官屬附 知府 官屬附 直隸州知州 官屬附 知州 官屬附

各道職司風憲綜覈官吏為督撫布教令以率所屬通考

直隸口北道霸昌道通永道天津道清河道大名道熱河道各一人山東督糧道濟東泰武臨道登萊青道兗沂曹道各一人山西冀寧道河東道雁平道歸綏道各一人河南開歸陳許道糧鹽道南汝光道河北道河陝汝道各一人江南江安糧儲道蘇松糧儲道常鎮通道松太道鹽巡道鳳慶道寧池太廣道各一人浙江督糧道鹽法道甯紹台道溫處道杭嘉湖道金衢嚴道各一人江西督糧道鹽法道廣饒九南道吉甯贛寧道各一人福建督糧道鹽法道興泉永道延建邵道汀漳龍道臺灣道各一人湖北督糧道鹽法道荆宜施道安襄鄖道武漢黃德道各一人湖南糧儲道鹽法長寶道衡永郴桂道岳常澧道辰永沅靖道各一人陝西督糧道鹽法道潼商道漢興道延榆綏道各一人甘肅甘涼道平慶道鞏秦階道蘭州道寧夏道西寧道安肅道鎮迪道各一人四川鹽茶馬道松茂道川東道建昌道永寧道川北道各一人廣東督糧道惠潮嘉道肇羅道雷瓊道南韶連道高廉道各一人廣西蒼梧道左江道右江道各一人雲南糧儲道鹽法道迤西道迤東道迤南道各一人貴州督糧道貴西道古州道各一人分守分巡及糧儲鹽法各道或兼兵備或兼河務或兼水利或兼學政或兼茶馬屯田或以糧鹽兼分巡之事皆掌佐藩臬覈官吏課農桑興賢能厲風俗簡軍實固封守以倡所屬而廉察其政治通典



各道序大使直隸山東江西福建浙江湖北湖南雲南各一人江蘇二人倉大使陝西廣東各一人庫倉大使

掌各道之庫藏倉庾皆因所掌之事先後設定員額通典

雍正二年諭直隸守道職司通省錢穀巡道職司通省刑名即如各省之有藩臬二司也今若概與諸道一體

不加分別似未允協蓋向以畿輔重地不立布政按察名色朕思畿輔與各省有何區別今應更改畫一著守

道改為布政司巡道改為按察司會典事例

又議准山西河東道盤查蒲州絳州吉州隰州絳州平道盤查平定州保德州忻州代州絳州糧糧驛道

盤查澤州遼州沁州錢糧會典事例

八年議准陝西榆林改衛為府改神木道為延綏道移駐綏德州以榆林道原轄之延安綏德鄜州等處改隸

管轄以新設之榆林府並延綏道所屬之直隸葭州吳堡府谷神木等州縣歸榆林道管轄會典事例

又議准江蘇蘇州府崇明一邑屹峙重洋為江南屏障添設巡道一人統轄太倉通州二屬駐劄崇邑蘇松道

有巡緝之責不宜駐劄省城改駐松江府上海縣會典事例

又議准廣東肇高廉羅道駐劄肇慶府控制千里以外之高廉二府雷瓊道所轄雷州府在海之北瓊州府在

海之南俱輟長莫及添設巡道一人駐劄高州分轄高雷廉三府為高雷廉道改肇高廉羅道為肇羅道改雷

瓊道為海南道併將高雷廉道海南道及原設之惠潮道俱加兵備銜會典事例

九年議准江西十三府屬向各有道員兼轄續經裁缺歸併南昌撫州建昌袁州瑞州臨江吉安八府皆無專

管道員守令無所稽查將南昌撫州建昌三府歸督糧道管轄袁州瑞州臨江三府歸鹽驛道管轄廣信一府

歸饒九南道管轄吉安一府歸贛南道管轄會典事例

又議准山東增設兗沂道一人駐沂州將兗寧道原轄之兗州府屬十四州縣一衛一所並直隸沂州及所屬二縣登萊青道原轄之直隸莒州及所屬三縣均隸兗沂道管轄會典事例

十年改江南淮徐道移駐宿遷縣改廣西右江道原轄之鎮安府歸左江道管轄會典事例

又議准江南太湖新設同知分管水利未能妥協裁太湖同知於蘇松常鎮四府太倉一州五處適中之地改設道員一人專司河湖水利害典事例

十一年議准江蘇淮南二江營地方舊設鹽捕同知不足以資彈壓改設鹽務巡道一人專司鹽務會典事例

十二年改山東曹東道為管河道專管通省黃運兩河事務所屬曹州改歸兗沂道管轄東平州改歸濟東道管轄改兗沂道為兗沂曹道駐兗州改山西雁平道移駐朔平府改福建糧儲道分巡糧驛道改鹽驛道為鹽法道專管鹽政兼理福廠船工改湖南糧驛道為糧道添設驛鹽道一人會典事例

又議准安徽新設道員所轄徽寧池太四府俱在大江南岸應駐太平府之蕪湖縣兼管蕪湖關稅務會典事例

例

乾隆六年裁江蘇鹽務道一人以太通道一人以通州歸常鎮道管轄太倉州歸蘇松管轄會典事例

八年議准裁江蘇海防道改設淮徐海巡道一人駐徐州府其原設之淮揚淮徐二道專管河工會典事例

九年議准廣西泗城府改隸左江道統轄潯州府改隸右江道統轄會典事例

又議准陝西督糧道加分守西乾二府州銜照舊管理糧務驛鹽道先分巡鳳邠二府州銜照舊管理驛鹽事

務會典事例

十八年罷各省守道兼布政司參政參議銜巡道兼按察司副使僉事銜定爲守巡各道秩正四品會典事例

二十二年諭准徐河道向兼分巡後因專設巡道地方各官遂以非河道管轄遇屬夫搶險等事每致呼應不靈嗣後伏秋大汛辦料雇夫該地方官著仍聽准徐河道調遣毋得歧視以重河防會典事例

二十三年議准廣東廣州府水利歸糧驛道兼管其餘各府州水利均歸各該道兼管會典事例

三十年諭著將准徐二府地方分巡事仍歸准徐河道兼轄其揚州府地方分巡事務仍歸准揚河道兼管俾事權歸一以資實效其添設之准徐海道一缺卽行裁汰會典事例

三十二年議准改江南蘇松糧道移駐省會兼巡蘇州一府其糧道庫大使一併移駐其分巡蘇松太倉道現駐上海止令分巡松江太倉二府州會典事例

是年定直隸天津口北二道江蘇准揚准徐二道安徽廬鳳道山東兗沂曹道登萊青道山西鴈平道陝西延榆綏道甘肅肅州涼莊靈夏西靈四道浙江靈紹台道溫處道福建興泉永道汀漳龍道臺灣道江西吉南贛寧道廣饒九南道湖北安襄鄖道廣東南韶連道廣西右江道四川川北道川東道建昌道雲南驛鹽巡道通南道通西道貴州貴西道均加兵備銜會典事例

三十三年定江南准徐道改爲分巡准徐海管河兵備道會典事例

四十一年諭向來道員委署兩司其應奏交代等事俱詳請督撫代奏固遵定例辦理但兩司爲錢糧刑名總匯各任內俱有應行入告之事道員既經署篆其責任卽與實缺藩臬無異如遇應奏事宜原應照兩司具摺

既於公務有益並可藉以覘其才識如何亦屬集思廣益之道何必轉詳督撫多此一番轉折乎且雍正年間道府原有許其自行具摺者後因其無所建白遂行停止若道員既署司篆則又不必拘於此例矣嗣後道員中有委署兩司者俱准其照藩臬一體具摺奏事著爲令會典事例

四十三年諭向來各省驛站事務直隸則係臬司兼管其餘俱係糧鹽道員兼管該員等俱駐劄省城以一人而轄通省郵傳地方遼闊稽查難周莫若將各省驛站事務皆令各守巡道按其所屬府州縣分司其事而以按察使總其成不必令糧鹽道兼管如有本係專管驛傳並無兼轄他務者卽將員缺裁汰則事有專責而呼應亦靈欽此遵 旨議定各省驛務應令巡道分管糧鹽道兼管驛務如有分巡地方者仍令管理所屬之驛無分巡地方者不必兼管會典事例

四十四年改甘肅驛傳道爲分巡蘭州道改湖北驛傳鹽法道爲分守武昌鹽法道改武漢黃德道爲分巡漢黃德道會典事例

五十一年裁江西九江道屬九江關協造二人會典事例

五十三年諭凡遇有補放臺灣道員者俱著加按察使銜俾得自行奏事會典事例

五十七年改湖北分守安襄鄖兵備道爲分守安襄鄖荆兵備道兼管水利會典事例

五十八年改浙江鹽道爲兩浙都轉鹽運使司會典事例

五十九年裁陝西分巡驛鹽道改設分巡鳳邠道一人會典事例

嘉慶四年諭雍正年間道府同知等員俱准封章奏事因思各省道員職司巡察卽與在京科道有責者相

等況科道之條陳糾劾尚多得自風聞何如監司大員身任地方目擊本省政務民情者較爲真知灼見耶嗣後除知府以下等官仍不准奏事外其各省道員均著照藩臬兩司之例准其密摺封奏以副兼聽並觀集思廣益至意會典事例

是年改湖北漢黃德道爲鄭陽兵備道會典事例

五年改陝西分巡漢興道爲分巡陝安道加兵備銜會典事例

七年議准江蘇淮徐道原管之桃南桃北兩廳及桃源一縣改歸淮揚道管轄淮揚道原管之江防揚糧兩廳改歸常鎮道管轄淮徐淮揚兩道兼巡之海州並所屬沐陽贛榆二縣改歸淮揚道管轄會典事例

十一年奏准山西河東兵備道兼管鹽法甘肅靈夏兵備道陝西分巡鳳邠道均兼管鹽法會典事例

十六年議准江南蘇松糧道兼巡蘇州府屬事務改歸松太道分巡以專責成會典事例

二十四年四月戊子罷安徽鳳陽關江西九江關監督以道員管理

咸豐二年諭軍機大臣大學士會同吏部兵部議覆侍郎沈兆霖奏請暫設皖南巡撫一摺 上諭安徽徽寧

池太廣五屬介在江南當此軍務繁多恐該撫鞭長莫及自應專責文武大員俾資督率該侍郎原請暫設巡撫既屬窒礙難行著卽照軍機大臣等所議將安徽寧池太廣道暫改爲徽寧池太廣道加按察使銜並添設

皖南鎮總兵一員暫照臺灣鎮道之例准其會銜專摺奏事所有該四府一州地方軍務緊要機宜均著責成專辦俟軍務告竣道員仍歸舊制總兵卽作爲額缺以重地方而符定制 聖訓

五年六月諭和春福濟安徽徽寧池太廣五屬遠隔大江恐該撫鞭長莫及已允軍機大臣等所議將安徽徽寧

池太廣道改專轄五屬專摺奏事並添設皖南總兵一員所有本日簡放之該鎮總兵豫祺是否能勝皖南要缺之任著福濟悉心察看據實具奏將此由六百里加緊諭令知之 聖訓

八年改河南選缺南汝光道為調缺加兵備銜

同治四年諭前因曾國藩等奏准徐揚海道轄境遼闊請仍設淮揚道員缺以重地方而專責成諭令議政王軍機大臣會同該部議奏嗣據給事中福寬奏請將江蘇揚州府改歸常鎮通海道管轄無庸仍設淮揚道員缺復諭令議政王等彙入前摺一併會同議奏茲據議政王軍機大臣會同各該部悉心酌覈奏明請旨曾國藩等因准徐揚海道轄境遼闊難以屆顧請復設淮揚河務道員缺係為因時制宜起見著照所請准其復設淮揚河務兵備道作為由外題補之缺管理淮揚兩屬其海州一屬巡道應管事件仍歸徐道管轄作為徐海河務兵備道所有前經奏明統歸淮徐揚海道管轄之淮安府同知徐州府同知淮安府督捕通判揚州府清軍總捕同知四屬內應將何屬撥歸淮揚道管轄何屬撥歸徐海道管轄應否於淮揚河務道轄境添設移撥武弁官兵之處並著曾國藩等體察各處地段情形分別奏明駁辦 聖訓

又 諭軍機大臣會同吏兵等部議覆兩江總督曾國藩等奏請添設安廬道員等缺一摺著照所請安微省准其添設安廬道一員分巡安慶廬州二府滁和兩直隸州即舊作為安廬滁和道其原設之鳳廬穎道著改為鳳穎大泗道分巡鳳陽穎州二府大安泗州兩直隸州仍兼鳳陽關監督以重職守咸豐五年曾國藩南軍務緊要將徽寧池太廣道暫加按察使銜並添設皖南鎮總兵准其會銜專摺奏事俟軍務告竣道員仍歸舊制總兵作為額缺現在江浙肅清皖南安慶除皖南鎮業經作為額缺外所有徽寧池太廣道暫加按察使銜

藩司撤銷亦不必與該鎮會銜奏事用符舊制雉河集瀕臨渦河地當衝要並護照該大臣等所擬添設渦陽縣治藉資彈壓鳳臺縣與壽州同城殊爲無益著卽將縣治移於下蔡鎮俾沿淮要區得所控扼宿州之龍山地勢極關緊要並准其添設遊擊一員仍歸壽春鎮節制所有添設各官應行分建疆界設立佐貳營汛及一切應辦事宜仍著該督等奏明辦理 聖訓

五年諭內閣前因總理各國事務衙門奏請裁撤山海關監督改設道員專以旗員補放地方如何管轄請飭盛京將軍奉天府尹三口通商大臣妥議當經降旨依議嗣據該將軍等體察情形覆奏復降旨令該部速議茲據吏部等衙門奏稱請將沿海之金州廳岫巖城復州海城蓋平縣地方官員及所屬佐雜悉歸新設道員管轄並於奉天省候補雜職內揀派二員交該道差委卽於營口直班其餘各府州縣遇有中外交涉稅務事件由該道檄飭遵辦金州廳等處錢穀刑名事件統歸督催稽查其命盜等案解勘仍照舊例辦理蓋州城守尉牛莊防守尉二員毋庸歸該道節制如有需兵稽查剿捕之處准其移行該城守尉調撥該口所收常洋各稅應令該道每月詳報三口通商大臣由該大臣分咨查覈奏報其徵收稅項仍遵舊定關期辦理毋庸援照經徵代徵在任月日數計以杜牽混山海關所轄水旱馬頭共三十餘處仍令照則徵收無論直隸奉天等處口岸均由該道覈實稽徵除金州廳等處地方歸該道管轄外並將監督原管之海口一併歸其管理海城蓋平二縣仍照舊輪往營口住班備遇中外交涉關緊要事件准該道專摺奏聞其尋常地方稅務等事仍分詳將軍府尹三口通商大臣覈辦其鑄發關防廉俸薪水建蓋衙署等事所籌均屬周妥卽著照所請行所有新設之分巡奉天錦州山海關等處兵備道員缺著江西廣饒九南道倭達補調倭達未到任以前著前監



督成林署理惟改設之初諸事枘始該將軍府尹三口通商大臣等當督同該道將一切事宜規畫盡善餘著

照所議辦理 惠訓

右道員官屬附

各府知府奉天府一人直隸山東福建湖北廣東各十人陝西七人江蘇安徽各八人山西河南甘肅湖南各九人浙江廣西四川各十一人江西貴州各十三人雲南十四人掌一府之政統轄屬縣宣理風化平其賦稅聽其獄訟以教養萬民凡閩府屬吏皆總領而稽敘之通典

同知直隸二十四人江蘇二十三人浙江十五人安徽貴州各七人山東十二人陝西六人山西江西各十一人河南甘肅廣西各八人福建湖北廣東四川各十人湖南九人雲南十三人分掌督糧捕盜海防江防清軍理事撫苗水利諸事通典

通判奉天府一人直隸安徽湖北各八人江蘇十六人山東河南各十一人山西浙江江西湖南各十人陝西三人甘肅廣西雲南貴州各六人福建廣東各七人四川九人分掌糧運督捕水利理事諸務均各量地置員以佐知府之政治其有兼理民事直隸于各省者其職如各府各直隸州之制而品級則同通典

各府經歷直隸湖北湖南廣西各十人江蘇六人安徽河南廣東各八人山東山西甘肅福建各九人江西四人浙江雲南各十一人江西四川貴州各十一人通典

各府知事江蘇三人浙江一人廣西二人雲南五人通典

各府照磨江蘇五人安徽河南各二人陝西浙江各四人甘肅貴州各二人江西十一人四川十人掌受發文



移磨勘卷宗通典

各府司獄直隸四人江蘇安徽河南陝西四川貴州各一人山東十人山西廣西各三人浙江湖北各六人福建廣東各八人湖南二人雲南五人掌察理繫囚通典

各府宣課司大使江蘇三人通典

各府稅課司大使浙江四人廣東一人通典

各府倉大使直隸二人山西陝西各一人通典

各府檢校江蘇三人通典

各府庫大使山西一人通典

各府茶引批驗所大使江蘇一人通典

各府長官司吏目貴州三人各守其職以分理府屬之事通典

國初定每府設知府一人推官一人掛銜推官一人督捕左右理事官一人同知通判因事增減無定員經歷

一人照磨一人知事一人檢校一人司獄一人各因地方繁簡設立無定員倉庫稅課司雜造織染局稅課分

司大使茶馬司大使草場大使副使巡檢司巡檢水馬驛驛丞遞運所大使皆因事設立無定員會典事例

順治二年改江南應天府爲江寧府裁府尹設知府一人會典事例

康熙三十二年改直隸宣府鎮宣化府設知府通判經歷司獄等官會典事例

五十七年改浙江嘉興府同知移駐仁浦會典事例

雍正元年設熱河滿洲理事同知一人山西歸化城理事同知一人福建臺灣府淡水捕盜同知一人會典事例

六 諭直省督撫知府一官管理通郡有察吏之責所關綦重如知府得人則能察吏以安民於地方實有裨益但知府內有僅係循分供職不能察吏而又素無過犯不至於參劾者此等人員若令其久任地方於屬員賢否必不能詳察周知於吏治無益著各省督撫將現任知府詳加甄別其有才具中平不能察吏者一面具題以在京部屬改補仍令該員暫留本任辦事一面於本省同知以下知縣以上等官內揀選能勝知府之任者保題送部引見如所保人員可用准其補授俟伊到任後著前任知府交代清楚來京以部屬之缺改用如此則因才器使執理部務得人而各省知府均屬勝任之員矣若所保人員到京引見時朕察其才具亦屬中平則仍將前任知府留於原任各省督撫宜秉公詳擇以副朕澄敘官方之至意

七年諭知府一官承上接下以察吏安民爲要務督撫統轄全省地方遼闊屬官多至百數十員察核賢否自難人人確當所賴者汝等府道耳一府所屬其多者不過十餘州縣耳目易於周知如能與督撫同心協力則舉劾悉當吏治自然肅清但不得背公違理迎合督撫之意 聖訓

八年諭知府一官有承上率下之責關係吏治民生最爲緊要爾等勿視爲傳舍但務逢迎上司以圖陞遷爲榮身之計做此一官須盡一官之職居官一日當盡一日之心果能察吏安民實盡其道即使終身不得遷轉亦足留名譽於將來若一味請託鑽營希圖保薦縱一時倖獲寸進而遺臭無窮公論難免何能掩人之耳目哉況近來知府無難做之處上司俱不收規禮節禮若果實心盡職不患薦舉之不公卽如刑名事件知府尤

為上下關鍵務期明允公當地方始無冤民不可聽屬員懇求亦不可畏上司駁詰而草率苟且以致訟獄顛倒下結民怨上干天和至於催科一節固有考成若果遇水旱災荒自當據實申詳加意撫恤不可隱匿以圖省事亦不可捏報以滋弊端知府與知縣不同知縣為一邑之宰果能殫心竭力使四境之內民人樂業便是良有司至於知府則有統轄屬員之職若各屬之內有一人居官不善在知府分天即為一分贖職不可云潔已謹守遂可無忝此任也 聖訓

九年議准直隸天津直隸州水陸通衢陞州為府設知府一人糧捕通判一人經歷一人改舊設之河間府海防同知隸天津府會典事例

十一年議准陞江蘇徐州直隸州為府設知府一人糧鹽捕通判一人經歷一人改分駐徐州之淮安府河務同知為徐州府河務同知會典事例

十二年陞山東武定直隸州為武定府沂州直隸州為沂州府設知府同知通判經歷司獄等官陞河南陳州直隸州為陳州府許州直隸州為許州府各設知府一人通判一人司獄兼經歷一人陞安徽穎州直隸州為穎州府設知府等官陞湖北恩施縣為施南府設知府同知等官陞福建福寧直隸州為福寧府設知府一人通判一人司獄兼經歷一人陞四川嘉定直隸州為嘉定府潼川直隸州為潼川府各設知府一人通判一人經歷一人會典事例

又改奉天府原駐蓋平縣之理事通判駐肅岳地方改江蘇淮安府屬之邵睢靈璧河務同知宿虹河務同知宿遷運河通判俱隸徐州府改四川成都府水利同知駐瀘縣保寧府同知駐南部管茶鹽事會典事例

十三年陞陝西同州直隸州爲同州府設知府通判經歷各一人改西安府撫民同知爲同州府撫民同知陞湖北彝陵州爲宜昌府設知府一人通判經歷各一人司獄一人會典事例

又陞山東曹州直隸州爲曹州府泰安直隸州爲泰安府各設知府同知經歷等官會典事例

乾隆元年議准湖南沅州地處邊隘最關緊要陞爲沅州府設知府一人通判一人經歷一人會典事例

又議准改江蘇太湖同知自吳江縣同里鎮移駐東山改督糧通判移駐楓橋會典事例

十二年裁浙江玉環同知一人改温州府海防同知移駐玉環會典事例

又議准浙江玉環爲溫台門戶與温州之樂清台州之太平相爲犄角向專設溫台玉環同知一人凡涉玉環事務溫台屬縣俱聽管理是其地原係兩郡聯絡不便偏隸溫郡至温州府海防同知原管山海巡查本爲緊要今移駐玉環遠隔大洋本郡事務必難兼顧而以溫郡府佐管轄台屬呼應不靈照舊設立温州府同知一人玉環同知一人會典事例

十九年議准江蘇蘇州府海防同知現駐福山並管船政查船廠設在蘇州劉河二處往來不便改駐常熟會典事例

二十年議准各省緊要府缺皆設有知事經歷等官廣西太平府爲極邊要地應添設知事一人會典事例  
二十八年諭外省知府向爲正四品而巡道各視兼銜爲差等則有三四五品之不同今道員既經裁去兼銜統爲正四品知府乃其所屬自應量爲區別著將各省知府改爲從四品會典事例

三十年改江西臨江府通判移駐樟樹鎮改南康府同知移駐南昌府新建縣吳城堡將該同知改隸南昌府

會典事例

三十三年議准裁江蘇蘇州府海防同知改設海門廳同知一人管理通州崇明新漲沙洲事務併設照磨一

人兼管司獄事會典事例

三十五年議准改江蘇金山同知所管土塘工程歸柘林通判兼管裁金山同知改設蘇州府海防同知一人

會典事例

三十八年議准江西九江府水陸通衢裁瑞州府通判改設九江府通判一人會典事例

又議准江西定南縣政繁劇知縣不足以資彈壓改贛州府同知移駐為定南廳同知並設照磨一人會典

事例

又議准巴里坤地方設同知一人不足以資彈壓改置鎮西府設知府一人裁巴里坤同知改設通判一人

改巴里巡檢仍歸哈密通判管轄改安西府為安西直隸州裁知府等官改安西府經歷為鎮西府經歷會典

事例

四十年諭向來多倫諾爾同知專管水旱木稅另設監督一員管理該處一切落地雜稅今思該同知既管木

稅則雜稅亦當歸其兼管何必另設專員將多倫諾爾監督之缺即行裁汰其所管一切雜稅俱著多倫諾爾

同知管理以歸畫一會典事例

又裁浙江湖州府照磨一人會典事例

四十二年諭熱河地方朕每歲木蘭秋獮先期駐蹕數十年來戶口日增民生富庶且耕農蕃殖市肆殷闐其

秀民並知蒸蒸向化絃誦相聞現已興建學宮議定庠額並命設立考棚將來人文日盛已儼然成一大都會而稱名尙仍熱河之舊殊於體制未協因思熱河從前會稱爲承德州嗣後應改承德府即以熱河同知改設其廉署並毋庸另建其餘六廳如八溝較天應改爲知州喀喇河屯等處酌量改縣均隸新設之承德府管轄並隸熱河道考覈著將應行酌改各事宜悉心妥議具奏會典事例

是年議准熱河廳同知改爲承德府設知府一人改熱河巡檢爲經歷兼攝巡檢管司獄事所屬六州縣各以理事同知遞判管州縣事會典事例

四十四年議准貴州大定府分駐水城通判地廣事繁添設照磨一人專管捕獄協防倉庫會典事例

四十六年陝西巡撫畢沅奏爲陝省興漢二屬暨終南山一帶地方險要請改設官屬以資控制以重稽防事竊照陝西興安直隸州濱臨漢水背負終南爲秦屬之關鍵亦荆襄之門戶萬山重疊實係四塞奧區形勢最爲險要該州管轄平利洵陽白河紫陽石泉漢陰六縣通計地方四千餘里從前俱是荒山僻壤土著無多自乾隆三十七八年以後因川楚間有歉收處所窮民就食前來旋即棲谷依崖開墾度日而河南江西安徽等處貧民亦多攜帶家室來此墾地開荒絡繹不絕是以近年戶口驟增至十數餘萬五方雜處良莠錯居邇來風俗刁悍訟獄繁興命盜案件甲於通省兼有外來無業匪徒因地方僻遠易於匿跡潛蹤出沒無定兼之該州尙有總兵同城駐劄近復添設重兵號爲鉅鎮兵民交錯庶務殷繁舊設知州一員臣細察情形並與司道等詳加商酌該州品秩稍卑辦理恐形掣肘必須將興安州升爲興安府治改設知府方足以資彈壓至現有之州吏目卽改爲府照磨兼管司獄事務原設州學正改爲府教授訓導改爲府訓導又

府城內應設知縣一員卽將州屬之漢陰縣改爲附府首縣查興安係古安康郡地應請卽名爲安康縣將州轄地方歸併管理其原設漢陰縣典史移爲安康縣典史原設漢陰訓導改爲安康教諭至漢陰舊治在興安迤西一百八十里未便乏員應另設興安府通判一員駐劄其地專司捕盜緝匪及查拏地方私販鹽茶私宰私燒賭博捷降等事再興安境內西南輒平地方距州二百四十里楚蜀人民雜處實爲要隘此地將來歸併安康首縣管轄應另設分防縣丞一員又興安所屬紫陽縣西南之二州距縣一百八十里與川省太平縣連界平利縣東南之鎮坪距縣四百八十里與川省太平大寧等縣及楚省竹谿縣連界壤境犬牙相錯警密林深兩地均屬緊要應於二州添設主簿一員卽將西安府知事裁改移駐鎮坪添設巡檢一員同甄坪所設縣丞俱令專司緝捕再查漢中府屬之西鄉縣南之大池壩距縣三百里與川省通江縣連界又褒城縣南之黃官嶺距縣一百三十里與川省南江縣連界該處俱山路荒僻最易藏奸應請於大池壩添駐分防縣丞一員黃官嶺添駐巡檢一員俱令就近盤緝奸匪其黃官嶺之巡檢卽將該縣之青橋驛驛丞裁汰改移此興安漢中應行改設官屬以資鉅壓防範之情形也至省城遞南之終南一山綿亙西安鳳興各府州屬周圍約計數千餘里崇山峻嶺俱係鳥道羊腸路徑阻絕先時不過土著居民樵采爲活近來四川湖廣等省之人陸續前來開墾荒田久而益衆處處俱成村落而遠方遊手無藉之輩亦借以雜插其間卽如去年川楚嘯匪每有竄入漢興沿山境地擾害村氓雖經堵截嚴拏不敢再至但溪山重繞煙戶零星距各該本管州縣本城近則三四百里遠至七八百里不等地方官見阻隔離以防範稽查萬一滋生事端未免往返需時鞭長莫及甚爲可慮臣再四籌酌必須於山中要害處所添設丞倅等官分管山

內地就近治理專司防緝事宜方爲妥協查山以東自咸甯縣之太乙峪由藥王堡營縣關南至興安州北境約計七百里而營縣迤西地名孝義川爲扼要之地應添駐西安府分防同知一員至山以西自長安縣子午谷由江口西南至五郎關直抵漢中府此境約計七百餘里其五郎關爲扼要之地應將西安府水利通判改爲西安府分防通判移駐五郎關并照從前漢中府屬之鳳縣地方分隸留壩廳之例將山以內向隸咸甯之地方煙戶俱歸移駐之通判管理所有各分管境內凡人命盜竊及一切案件俱令該同知通辦審解民賦錢糧亦皆劃歸徵解并請於同知通判各駐劄之地添設巡檢兼管司獄事務各一員如此則東西兩路聲勢聯絡一切防奸緝匪稽查易周實爲一勞永逸之舉此終南山以內應行添設官員以資鈐轄捕緝之情形也以上改設之知府同知通判縣丞主簿巡檢等官內查興安州本係繁疲難三項要缺今應仍爲在外揀選陞調之缺其新設首邑之安康縣亦足爲疲繁難三項要缺與添設同知通判以下各員均定爲要缺在外揀選陞調以資治理惟查定例地方職官止許改調不許增添但今陝右各屬惟西安水利通判青橋驛丞及西安府知事等員可以移駐裁改此外尙缺同知通判各一員縣丞二員巡檢一員巡檢兼管司獄事二員緣陝右各屬幅員最爲遼闊向來丞倅佐雜等官額設無多嗣復節次裁汰移駐新疆是以現在均係緊要地方再無冗員可供裁汰臣仰荷 聖恩簡任巡撫先後十年於地方一切因革事宜隨時悉心體察此事明知有費更張但今昔情形迥然大異而山川扼要形勢阻深不得不爲未雨綢繆之計斷不敢因循拘泥情有限之資以致異日貽誤地方臣復與督臣李往返札商意見俱屬相同謹合詞恭摺具奏并繪興漢及南山一帶地圖將各州縣境內要隘處所應行添官駐劄各地方詳細貼說恭呈 御覽謹將山人集



四十七年陞陝西興安直隸州爲興安府以州地置安康縣爲府治設知縣典史等官仍以原轄之平利洵陽白河紫陽石泉等縣隸之會典事例

謹按陞興安州爲興安府蓋准陝西巡撫畢沅奏也

五十六年吏部議准兩廣總督公福康安奏廣西太平府龍州緊接安南地界見在開關通市稽查商民所關尤重通判職分較小難資彈壓查潯州府同知附郡事簡應請改爲通判龍州通判改爲同知從之東華續錄又議准設甘肅貴德同知一人會典事例

五十七年議准改湖北安陸府同知移駐鍾祥縣屬曰口地方會典事例

嘉慶二年諭貴州南籠府係由廳改郡本年春間狝苗滋事以來府城被圍將及半載昨據勒保奏攻解圍城後查明城內紳士民人等隨同官員守禦晝夜防禦不懈且有捐助薪米召募鄉勇者已降旨賞給頂戴錫免錢糧矣今思該郡紳士民人等深明大義衆志成城被圍日久固守不虞允宜特錫嘉名用昭勸勵南籠府著改爲興義府會典事例

又改貴州平越府爲平越直隸州裁知府等官改銅仁府松桃同知爲松桃直隸廳同知添設經歷一人會典事例

四年議准改山東曹州府管糧通判爲糧河通判改曹單同知爲曹河同知會典事例

十年改江蘇松江府董漕同知爲川沙撫民同知會典事例

十一年陞廣東南雄直隸州爲南雄府陞嘉應直隸州爲嘉應府各設知府通判經歷等官會典事例

十三年議准改安徽鳳陽府南平集撫民同知鳳陽潁州二府分防捕盜同知會典事例  
十五年改湖北襄陽府清軍水利同知爲鹽捕廳同知改黃州府武穴鎮同知爲武黃同  
十六年議准改廣東嘉應府爲嘉應直隸州裁知府一人通判一人經歷一人裁惠州府  
歸惠州府同知管轄在於大埔坪地方添設佛岡直隸廳同知一人並所屬照磨一人  
又議准雲南東川一府在省城東北與貴州西北與四川接壤廣延千有餘里五方雜  
境內北界巧家地方距城四百里向分駐經歷一員但係佐雜例不勘驗命盜案件添設  
方卽以原設經歷爲同知首領裁大理府同知一人又他郎廳通判向未設有首領該處  
一人會典事例

道光二年九月改雲南騰越直隸同知爲永昌府同知

又添設直隸遵化州理事同知裁州同知

又改雲南開化府同知爲安平同知

光緒三年盛京將軍崇厚奏竊查奉省北邊外昌圖廳所轄幅員一千六百七十里蒙古  
屬屬朝陽坡地方會聚匪徒抗官拒捕同治四年經 欽派原任大學士文祥帶兵  
係蒙古地界邇來流民日多耕種殆徧械鬪命盜之案層見疊出祇以同知獨任其  
員襄同佐理地大事繁實有鞭長莫及之勢曾經前署將軍尙書崇實統籌奉省全  
戶藉資治理而廳屬地租全歸蒙古自管無款可籌因請試辦河稅斗租以爲經費

派委員前往會同該廳趙受燮定章程試行辦理該處商民以此款爲設官增兵之用亦甚樂從計自上年六月以來河稅一項因河水淺涸船隻難通未經開辦所有斗租試辦半年業已收有一萬七百三十餘兩除去委員盤費尙存九千九百六十餘兩就現在試辦每年可以收銀二萬一千餘兩雖不能作爲定額以之設官增兵尙敷支用目下地方甚關緊要所有應行新設添設各官自應及時議定請 旨遵行查前署將軍尙書崇實原奏擬將昌圖廳同知升爲知府再於梨樹城增設通判一員八家鎮增設知縣一員並於廳屬西南康家屯地方增設知州一員分設佐雜各官相助爲理等因現在臣等察看情形康家屯一處離昌圖較近似可毋庸添設知州擬請將該廳升爲府治仿照熱河承德府之例仍管地面詞訟各事卽康家屯地方亦可歸其自理移設八家鎮經歷於康家屯分防再移梨樹城照磨於八面城駐紮均照舊請加大品銜分司緝捕土匪並勘驗命盜各案凡有地方詞訟戶婚田土細故准其就近審理徒罪以上送由該府訊辦並將照磨巡檢一員升爲府司獄訓導一員升爲府教授既足以重地方亦可以符體制此臣等現擬升設昌圖府之情形也八家鎮梨樹城兩處原設經歷照磨各一員分防佐理該兩處均係扼要之區政務殷繁措理非易該經歷等職小權輕勢難整頓今擬將梨樹城改爲廳治添設通判一員名曰奉化廳另添巡檢一員管理監獄八家鎮改爲縣治添設知縣一員名曰懷德縣另添典史一員管理監獄均添設訓導各一員以興學校該廳縣應照章請加理事同知銜以便蒙民兼理所有昌圖府自理詞訟徒罪以上之命盜各案應申詳驛巡道審轉以昭慎重至奉化廳懷德縣自理詞訟徒罪以上之命盜各案則應詳由昌圖府審轉詳府尹核辦此 臣等現擬添設廳縣教佐各官之情形也似此星羅棋布既有提綱繫領之

人籍貫表率亦復畫界分疆而治各專責成但使地方慎選得人  
不難從容整頓惟是該處地廣民頑盜風未息東北直接吉林邊防尤難鬆緩現在三盟及吉林各客隊在彼駐紮馬隊四五百名之多兵力尙覺單薄邊外情形實與內地不同若非多設捕盜弁兵非特緝捕難期得力且亦不足鎮壓地方現擬於該府廳縣另添捕盜營馬兵二百名交昌圖府分撥調遣以專責成所需餉乾照章給發卽由此項斗租支銷以該處之所出供該處之所需既免另籌餉項並可撫輯閭閻莫此爲便至於學校之事風化攸關現既升設府學教授並於奉化廳懷德縣添設訓導各一員若不增廣學額無以敦勵人材自應酌量議增以廣教化俾令地方有所觀感庶幾默化潛移民風漸歸敦樸以副 朝廷綏靖邊陲之至意其修建衙署監獄各費卽在上年秋冬兩季所收斗租項下動用如有不敷仍在本年所收斗租開支廉俸工食捕盜兵餉馬乾餘存項下次第興辦以上擬請升設添設各員如蒙 俞允相應請 旨飭部頒發印信關防以昭信守臣等爲因地制宜起見所有清界址定缺分並一切廉俸役食以及文武學額弁兵餉乾應行詳議各事宜謹繕清單並繪具擬升昌圖府改設郡縣全圖貼說恭呈 御覽合無仰懇 天恩飭下部臣核議施行實於地方大有裨益其未盡事宜容臣等再行籌議隨時奏聞卽鈔

七年吉林將軍銘安奏竊 臣前以吉省應設民官甚多因本地籌款維艱勢難一律舉辦先請添設賓州廳五常廳敦化縣三廳正印教佐等官當於光緒六年十二月初八日專摺具奏奉 旨飭部核准並由 臣委員試署在案現在收取荒價勸辦斗稅又歷一年積有成數所有應行添設升改各缺自當及時擬議請 旨遵行查雙城堡地方距省四百餘里爲省城東北之門戶界外均有民官治理惟該堡與拉林地方公事仍

係旗員經管未免向隅臣札派差委道顧肇熙前往查勘何處可以添官建署飭令繪圖稟覆去後旋據該道稟稱遵查雙城堡在省城東北四百八十里本屬拉林舊地自嘉慶年間移撥京旗設立村屯畫歸堡者東西相距一百三十里南北相距七十里四面仍皆拉林界現在堡城商賈雲集戶口繁多較拉林爲盛自應在該堡城內添設民官以資撫輯拉林但設分防足以佐治惟地界則當并拉林所屬統歸雙城管轄方覺整齊東面本與阿勒楚喀以古城店分界古城店之東今屬賓州廳界店西應屬雙城東南本與五常堡以莫勒恩河分界河南今屬五常廳界河北應屬雙城南面西面均與伯都訥以拉林河分界河南河西爲伯都訥廳界河北應屬雙城北面本與青龍江以松花江分界江北爲呼蘭廳界江南應屬雙城如此畫分雙城地勢實拉林之適中爲省北之屏障形勢宏敞庶務殷繁將來建立衙署監獄以及巡檢捕衙修造城垣祠廟均有曠地足敷布帛第東南距拉林一隅有遠在百里以外者尙恐鞭長莫及兼顧難周應請於拉林地方設立分防衙署緝捕之餘藉資佐理等語並繪具地圖稟覆前來臣前請在雙城堡拉林地方添設撫民通判分防巡檢等官並擬將堡城總管一缺裁撤改設協領一員業經附片瀝陳仰蒙 俞允在案既據該道覆勘明確稟稱雙城堡商賈輻輳事務殷繁亟須添設民官以資治理請仍照前奏在雙城堡設立撫民通判一員名曰雙城廳另設巡檢兼司獄事一員管理監獄訓導一員振興學校拉林分設巡檢一員卽歸雙城廳統屬其雙城堡原設總管一缺卽請裁撤改設協領一員專司緝捕及一切旗務除雙城拉林土稅一項照新設賓州五常各廳均歸旗署徵解之例仍由雙城拉林旗署徵解外其餘一切租稅均歸新設民官徵收詞訟命盜案件均歸民官審理以一事權此雙城堡拉林擬設廳官教佐各員之情形也

又查伊通距省二百餘里爲省西最要咽喉向歸吉林屬管轄地方遼闊治理難周必須添設民官責疆分治方能通聲教而輯人民臣札派差委道顧榮熙本任吉林屬同知晉履前往查勘何處可以添官建署飭令繪圖稟覆去後旋據該道等稟稱勘得伊通河在省西二百八十里至威遠堡門二百七十里係奉天界北至長春廳一百餘里南至圍場荒地二百餘里爲長吉兩廳之門戶吉黑兩省之通衢前山後河中有大道勢極扼要當衝商賈雲集居民櫛比履勘周圍東西五里南北三里能於此修城建署並設倉庫監獄學署祠廟確於地理相宜民情協洽至於勘分界址正南爲小伊通河七十里河南屬奉天界河北屬伊通正西至威遠堡門二百七十里門西屬奉天界門東屬伊通東南至那爾叫嶺三百四十里嶺南屬吉林界嶺北屬伊通西南至黑瞎子背嶺三十里嶺南屬奉天界嶺北屬伊通西北至二十家子邊壕嶺北屬奉天界壕南屬伊通正南自距伊通五十里之石頭河子分界河東屬吉林河西屬伊通東北自距伊通一百三十里之小河臺邊壕分界壕東屬吉林壕西屬伊通如此畫分似屬齊備惟伊通河設立有司衙門距圍荒二三百里難期兼顧今勘得迤南一百六十里之磨盤山東西寬三里南北長五里前通當石河至輝發河入大江後靠椅子等山局勢寬平居圍荒之適中亦宜添設分防以輔其治伊通既擬添設正印官則所分界內舊有租賦自應均歸新設之員經徵除俟圍荒放竣後照例升科報部歸伊通徵租外所有石頭河子小河臺迤西迤南現擬吉林府分界之處應徵地丁銀米約數在二萬零五百兩有奇均畫歸伊通經徵以期撥字催料責成並重惟吉林屬原徵賦額不過五萬兩有奇今據畫出少半亦應設法籌補查圍場邊荒前於咸豐同治年間先後放荒地十牌共地六萬七千三百餘晌現在該處正當勘丈并浮多計之約在十萬

响此項地畝每响向收大租錢六百文小租錢六十文由戶司經權而地屬吉林廳管轄遇有佃民詞訟事  
件均歸廳官管轄如將大小租撥歸吉林府徵收實屬官民兩便等語並繪具地圖稟覆前來臣詳核該道  
等所稟各節均尙妥協卽請在伊通設立知州一員名曰伊通州該州舊有吉林分防巡檢一員改爲吏目  
管理伊通監獄添設訓導一員振興學校磨盤山分設巡檢一員卽歸伊通州統屬至勘分界址及經徵租  
賦審理詞訟自應悉如所稟辦理此伊通磨盤山擬設正印教佐各官之情形也夫新設各缺旣已措置咸  
宜治理可期一律而舊設三廳亦應變通盡利政教庶免兩歧溯查臣前奏變通官制增設府廳州府一摺  
奉到部咨內開該將軍請將吉林廳理事同知升爲府治改設知府原設吉林廳巡檢改爲府司獄管司獄  
事伯都訥原設理事同知改爲撫民同知原設孤榆樹巡檢兼管司獄事長春廳原設理事通判改爲撫民  
同知原設巡檢兼管司獄事農安添設照磨一員靠山屯添設分防經歷一員並據奏稱吉林三廳向因專  
管旗人戶婚各事皆用理事人員今民戶衆多政務殷繁與從前情形不同請與新設之同通州縣均加理  
事銜滿漢兼用等語臣等查該將軍所奏添設各缺改請加理事銜滿漢兼用之處自係因地制宜整頓吏  
治起見惟添設改設各缺總期官民相安方臻妥善請 旨飭令該將軍體察情形通籌全局詳細分別奏  
明辦理等因奉 諭旨依議欽此欽遵咨行前來伏思吉林廳理事同知駐守省垣幅員遼闊管轄本屬  
難周且邇來荒地日闢民居日密戶婚詞訟命盜之案倍多於前祇以同知獨任其事權輕責重地廣事繁  
難免有顧此失彼之虞擬請將吉林廳理事同知一缺升爲府治改設知府名曰吉林府仍照熱河承德府  
奉天昌圖府之例仍管地面詞訟錢糧各事新設之伊通州歸其統屬並將原設吉林巡檢一缺升爲府司



獄管司獄事學正一缺升爲府教授以符體制其吉林府應分界址東至張廣才嶺爲界計一百里外至敦化縣東南至樹林子荒爲界外至官山西南至太陽川爲界計二百餘里外至伊通州西至石頭河子爲界計二百三十里外至伊通州西北至小河臺爲界計二百一十里外至長春廳北至法特哈邊門爲界計一百十里外至伯都訥東北至舒蘭荒耘字四牌爲界外至五常廳如此畫明疆界各專責成庶免互相推諉至伯都訥廳理事同知一缺照原奏改爲撫民同知加理事銜長春廳理事通判一缺毋庸升爲撫民同知請改爲撫民通判加理事銜農安地當衝要生聚日繁請照原奏添設分防照磨一員歸長春廳統屬靠山屯地方民戶無多該廳可以兼顧毋庸另設分防經歷此吉林舊設三廳擬請升改各官之情形也惟本年十月十一日接准吏部咨開以奉天現無理事同知通判員缺准用揀發曾任實缺正途不分滿漢補用明文該將軍請將吉林理事同通三廳仿照奉天章程由揀發曾任實缺正途不分滿漢酌量補用之處應毋庸議等因維時吉林舊設三廳尙未奏請升改均係理事同知通判格於成例是以吏部奏駁查奉天昌圖廳同知改爲知府請由外揀員升補興京理事通判改爲撫民同知亦請不論滿漢兼用均加理事銜照例將揀發人員請補均經部議奏准在案現在吉林廳理事同知升爲知府應請仿照奉天昌圖府之例由外揀員升補伯都訥廳改爲撫民同知長春廳改爲撫民通判亦請仿照奉天興京撫民同知之例請仍由揀發曾任實缺各員不論滿漢酌量補用庶與新設各廳縣統歸一律實於政體有裨以上添設升改正印教佐各官如蒙 俞允應請 旨飭部鑄造關防印信鈐記迅即頒發以昭信守其實缺分籌廉俸修城垣建衙署立學校設弁兵應行詳議章程謹另繕清單恭呈 御覽並繪具雙城堡伊通各處地圖貼說咨呈軍



機處備查合無仰懇 天恩飭部迅速議覆以便臣奉到部文即行遴選委員奏明試辦試署俟二三年後  
如果辦理裕如再請實授各官應發廉俸役食勇糧及修建各項工程仍請照 臣前奏照數概發實銀以重  
地方而求實濟其餘未盡事宜 臣當隨時體察情形悉心籌畫妥議具奏恭候 聖裁除靈古塔三姓琿春  
等處應設民官由 臣致函督辦靈古塔等處事宜太僕寺卿吳大澂就近體察情形妥商定擬再行另摺奏  
聞外所有遵 旨續設民官暨升改各缺緣由是否有當謹會同奉天府府尹暫管提督學政事務 臣松林  
合詞恭摺具陳 謹鈔

董基誠贈費耕亭知府河南序察察者非明也不役於物而明至焉矯矯者非勇也不滯於物而勇至焉  
是故非明不足以慮事非勇不足以集事非先明於累己者不足以慮事而周物非先勇於去其累己者  
不足以集事而成物吾嘗作四語以自箴曰澹泊以養生靜默以養氣和厚以養福簡重以養威巖客江  
都俞陶泉都轉見之曰是固足以求道矣雖然猶未至也那宮保繹堂先生曾書楹帖以相贈曰一誠不  
動如山靜百故悉恬若海涵庶幾足以進吾子也余聽之而心識焉耕亭與余同里閉居幼相識比同  
官於京師交益相得間數日必一見見則未嘗不以立身圖治相砥礪也耕亭以禮部員外郎擢御史數  
月 天子以爲能特簡知河南開封府遺缺事耕亭以余之知之也久來索余言夫知府之職所以總州  
縣之成而大吏倚以爲治者也明不足以識州縣之賢愚則大吏失所倚勇不足以任州縣之職替則民  
隱不克安是故知府者有親民之責而又以聯上下之情者也耕亭之才足以周物非若余之役於物也  
耕亭之知足以成物非若余之滯於物也余之所自箴不足以進耕亭明甚余將何以爲言耕亭出宮保

門師弟授受之間淵源有自敢即都轉所稱官保之言以爲余進者而進之耕李亦服膺於斯言則他日之澤斯民受上考斷可必矣遂書之以贈其行

移花館集

右知府官屬附

各直隸州知州直隸甘肅各六人江蘇廣東各三人安徽陝西各五人山東福建各二人山西十人四川九人河南湖南雲南各四人江西廣西各一人寧直隸州一州之政令其規制與知府同惟無倚郭縣其所治州卽以知州行知縣之事通典

各直隸州同直隸安徽四川各三人江蘇山東陝西甘肅福建各一人河南廣東各一人通典

州判直隸五人江蘇安徽山東陝西廣東廣西各二人山西湖南各四人河南甘肅各三人江西雲南各一人四川七人所掌如府同知通判之職以試各州而佐其政治其員額因事之繁簡並隨各州升改之制而建置之爲通典

各直隸州吏目直隸六人江蘇廣東各三人安徽陝西甘肅各五人山東廣西各二人山西四川各九人江西一人湖南雲南各四人掌禁賊姦究防護獄囚典司簿籍通典

各直隸州巡檢直隸山東甘肅江西廣西各一人江蘇七人安徽山西廣東四川各五人福建二人湖南雲南各三人通典

各直隸州驛丞直隸山西四川各一人通典

各直隸州關官山東八人通典

職官九 直省文武官

稅課司大使江蘇山東各一人各掌其職與各縣所屬同通典

乾隆三十二年議准直隸州知州向係從五品而統轄屬員體制與知府相等改為正五品會典事例

三十三年議准裁江蘇通州直隸州州同一人狼山司巡檢一人改設海門廳會典事例

右直州知州官屬附

知州順天府五人奉天府四人直隸十二人江蘇安徽湖南各三人山東九人山西陝西各五人河南六人甘肅湖北廣東各七人浙江江西各一人廣西二十六人四川十一人雲南二十七人貴州四人掌一州之政治以縣之地大而繁者升而置之所統轄一如縣制通典

州同順天府一人江蘇安徽各三人山東六人河南甘肅江西湖南四川雲南各一人陝西貴州各二人湖北四人廣西十人通典

州判順天府三人直隸七人江蘇甘肅湖南四川各二人山東河南廣西各五人陝西浙江江西各一人湖北廣東雲南各四人貴州三人分掌各州糧馬巡捕之事通典

州吏目順天府五人奉天府四人直隸十三人江蘇安徽湖南各三人山東九人山西陝西各五人河南六人甘肅七人浙江江西各一人湖北廣東各七人廣西二十一人四川十一人雲南二十七人貴州十四人掌輔

理各州之刑禁通典

各州巡檢順天府一人奉天府一人直隸四川各五人江蘇廣西雲南各七人安徽六人山東四人山西江西各二人河南浙江各一人湖北廣東各十三人湖南貴州各三人通典

各州驛丞順天府一人河南陝西貴州各一人四川一人通典

各州庫大使順天府一人通典

各州關官順天府一人江蘇二人山東三人各因所屬分地而掌其職事通典

右知州官屬附

皇明文獻通考 卷二百四十一 職官九 直省文武官

皇朝政典類纂卷二百四十六終

皇朝政典類纂卷二百四十六終

皇朝政典類纂卷二百四十七

職官十

直省文武官知縣 官屬附 孔廟執事官

各縣知縣掌一縣之政令平賦役聽治訟興教化厲風俗凡養老祀神貢士讀法皆躬親厥職而勤理之通典

各縣縣丞各縣主簿分掌糧馬征稅戶籍巡捕之事以佐其縣通典

各縣巡檢掌緝捕盜賊盤詰奸僞凡州縣關津要害並設之通典

典史掌監察獄囚通典

各縣驛丞典郵傳迎送通典

各縣關官掌滌洩啟閉事通典

各縣稅課大使典商稅之事通典

各縣河泊所官廣東二人掌收魚稅通典

奉天府尹屬承德縣京縣一海城蓋平寧海開源鐵嶺五縣錦州府屬錦縣廣寧二縣知縣各一人典史各一人承德縣鳳凰城海城縣牛莊錦縣天橋廠巡口廣寧縣新民屯巡檢各一人會典事例

直隸省順天西路廳屬大興京縣宛平京縣二良鄉房山二縣東路廳屬香河三河武清寶坻甯河五縣南路廳屬固安永清東安文安大成保定六縣北路廳屬順義密雲懷柔平谷四縣保定府屬清苑滿城安肅定興新城唐縣博野望都容城完縣蠡縣雄縣東鹿高陽新安十五縣承德府屬理事通判兼縣事灤平豐寧建昌

赤峯朝陽五縣永平府屬盧龍遷安撫寧昌黎樂亭臨榆六縣河間府屬河間獻縣阜城肅寧任邱交河靈津  
吳橋故城東光十縣天津府屬天津青縣靜海南皮鹽山慶雲六縣宣化府屬宣化赤城萬全龍門懷來西靈  
懷安七縣正定府屬正定獲鹿井陘阜平樂城行唐靈壽平山元氏贊皇無極藁城新樂十三縣順德府屬邢  
臺沙河內和平鄉廣宗鉅鹿唐山內邱任縣九縣廣平府屬永年曲周肥鄉雞澤廣平邯鄲成安威縣清河九  
縣大名府屬元城大名南樂清豐東明長垣六縣遵化州屬玉田豐潤二縣易州屬涞水廣昌二縣冀州屬南  
宮新河棗強武邑衡水五縣趙州屬柏鄉隆平高邑臨城靈晉五縣深州屬武強饒陽安平三縣定州屬曲陽  
深澤二縣知縣各一人典史各一人大興宛平京縣縣丞二人良鄉縣密雲縣房山縣東鹿縣建昌縣赤峯縣  
南宮縣赤城縣萬全縣地方縣丞各一人大名縣管河兼地方縣丞一人河工縣丞共二十七人河工主簿共  
二十三人大興縣禮賢采育黃村宛平縣蘆溝橋齊家莊王平口石港口武清縣河西務密雲縣古北口房山  
縣磁家務唐縣倒馬關涞水縣黃莊灤平縣喀喇河屯磨匠屯豐寧縣郭家屯黃姑屯大閣兒土城子建昌縣  
塔子溝犇牛營子赤峯縣烏蘭哈達朝陽縣鄂爾土板三座塔遷安縣三屯營喜峯口建昌營臨榆縣石門寨  
交河縣新橋故城縣鄭家口天津縣葛沽靜海縣獨流鎮鹽山縣舊縣楊二莊行唐縣碑兩嶺口平山縣洪子  
店邢臺縣西黃村東明縣杜勝集懷來縣沙城清苑縣張登河間縣北魏村地方巡檢各一人宛平縣石景山  
靈河縣蘆臺管河兼地方巡檢各一人河工巡檢共七人關官共三人驛丞共九人縣倉大使止一人會典事

例

山東省濟南府屬歷城章邱鄒平淄川長山新城齊河齊東濟陽德平禹城臨邑平原陵縣長清十五縣泰安

府屬泰安東阿平陰新泰萊蕪肥城大縣武定府屬惠民陽信海豐樂陵利津濰化蒲臺青城商河九縣兗州府屬滋陽曲阜寧陽鄒縣泗水滕縣嶧縣汶上陽穀壽張十縣沂州府屬蘭山郟城費縣沂水蒙陰日照六縣曹州府屬荷澤曹縣范縣觀城朝城鄆城單縣城武定陶鉅野十縣東昌府屬聊城堂邑博平茌平濟平莘縣冠縣館陶恩縣九縣青州府屬益都博山臨淄博興高苑樂安壽光昌樂臨朐安邱諸城十一縣登州府屬蓬萊黃縣福山棲霞招遠萊陽文登萊成海陽九縣萊州府屬掖縣濰縣昌邑高密卽墨五縣濟寧州屬金鄉嘉祥魚臺三縣臨清州屬武城夏津邱縣三縣知縣各一人典史各一人歷城縣章邱縣禹城縣平原縣長山縣齊河縣長清縣泰安縣東阿縣惠民縣利津縣濰縣滋陽縣鄒縣濰縣汶上縣曹縣陽穀縣蘭山縣沂水縣聊城縣在平縣恩縣益都縣壽光縣安邱縣濰縣萊陽縣掖縣濰縣昌邑縣地方縣丞各一人河工縣丞共六人歷城縣泰安縣地方主簿各一人河工主簿共十三人歷城縣龍山鎮新泰縣上四莊海豐縣大沽河口利津縣鹽國鎮蘭山縣青駝寺費縣關陽鎮平邑集沂水縣採莊日照縣安東衛荷澤縣沙土集濟平縣魏家灣臨朐縣穆陵關諸城縣信陽黃縣黃山館福山縣海口文登縣靖海威海榮成縣石島海陽縣行村濰縣縣固隄店卽墨縣栲栳島萊山衛地方巡檢各一人河工巡檢共二人關官共二十八人會典事例

山西省太原府屬陽曲太原榆次太谷祁縣徐溝交城文水嵐縣興縣十縣平陽府屬臨汾洪洞浮山岳陽曲沃翼城太平襄陵汾西鄉寧十縣蒲州府屬永濟臨晉虞鄉榮河萬全猗氏六縣潞安府屬長治長子屯留襄垣潞城壺關黎城七縣汾州府屬汾陽孝義平遙介休石樓臨縣靈鄉七縣澤州府屬鳳臺高平陽城陵川沁水五縣大同府屬大同懷仁山陰陽高天鎮廣靈靈邱七縣寧武府屬寧武偏關神池五寨四縣朔平府屬右



玉左雲平魯三縣平定州屬孟縣壽陽二縣忻州屬定襄靜樂二縣代州屬五臺崞繁峙三縣保德州屬河  
 曲一縣霍州屬趙城靈石二縣解州屬安邑夏縣平陸芮城四縣絳州屬垣曲聞喜絳縣稷山河津五縣隰州  
 屬大寧蒲縣永和三縣沁州屬沁原武鄉二縣遼州屬和順榆社二縣知縣各一人典史各一人陽曲縣永濟  
 縣平陸縣長治縣長子祿大同縣縣丞各一人太谷縣主簿一人陽曲縣石嶺關徐溝縣清源交城縣故交村  
 靜樂縣繁峙五臺縣靈石縣繁峙縣平刑關河曲縣河邑靈石縣仁義臨晉縣角杯村安邑縣聖惠鎮河津縣  
 禹門渡潞城縣石城里虹梯關汾陽縣冀村沁水縣端氏鎮和順縣八賦嶺山陰縣岳鎮靈武縣靈化所偏  
 關縣老營堡右玉縣殺虎口威遠堡左雲縣助馬口巡檢各一人驛丞共六人會典事例

河南省開封府屬祥符陳留杞縣通許尉氏洧川鄆陵中牟蘭陽滎陽滎汜水密縣新鄭十四縣陳州府屬  
 淮寧商水西華項城沈邱太康扶溝七縣歸德府屬商邱寧陵鹿邑夏邑永城虞城柘城七縣彰德府屬安陽  
 湯陰臨漳林縣內黃武安涉縣七縣衛輝府屬汲縣新鄉獲嘉淇縣輝縣延津滑縣滑縣封邱考城十縣懷慶  
 府屬河內濟源原武修武武陟孟縣溫縣陽武八縣河南府屬洛陽偃師鞏縣孟津宜陽登封永寧新安渾池  
 嵩縣十縣南陽府屬南陽南召鎮平唐縣泌陽桐柏內鄉新野淅川舞陽葉縣十一縣汝寧府屬汝陽正陽上  
 蔡新蔡西平遂平確山羅山八縣許州屬臨潁襄城鄆城長葛四縣陝州屬靈寶閿鄉盧氏三縣光州屬光山  
 固始息縣商城四縣汝州屬魯山鄆縣靈寶伊陽四縣知縣各一人典史各一人祥符縣淮寧縣太康縣商邱  
 縣鹿邑縣夏邑縣永城縣洛陽縣宜陽縣靈寶縣閿鄉縣南陽縣唐縣汝陽縣固始縣地方縣丞各六人河工  
 縣丞共十五人河工主簿共十四人祥符縣朱傳鎮滎縣河陰滑縣老岸鎮濟源縣邵源鎮澗池縣南村嵩

縣舊縣盧氏縣朱陽南陽縣  
集商城縣牛食阪魯山縣趙家  
會典事例

江蘇省江甯府屬上元江甯句  
江震澤九縣松江府屬華亭泰  
溪靖江八縣鎮江府屬丹徒丹  
都甘泉儀徵興化寶應東臺六  
定寶山四縣海州屬贛榆沐陽  
吳縣長洲縣元和縣崑山縣新  
縣上海縣南匯縣青浦縣武進  
縣丞各一人河工縣丞共二十  
陽湖縣金匱縣江陰縣丹徒縣  
縣漕化江甯縣江甯句容縣龍  
石浦新陽縣巴城常熟縣黃泗  
諸翟鎮華亭縣金山奉賢縣南  
涇武進縣奔牛小河陽湖縣馬

張清靖江縣新港丹徒縣丹徒鎮安港高家鎮丹陽縣呂城包港金壇縣湖溪山陽縣板開鹽城縣上岡沙溝  
阜甯縣阜寧桃源縣史家集蘄榆縣青口鎮江都縣萬壽甘泉縣邵伯鎮上官橋儀徵縣舊江口寶應縣槐樓  
衛陽鎮如皋縣西場石莊泰興縣黃橋印莊口岸銅山縣雙溝鎮利國蕭縣張山店沛縣夏陽宿遷縣銅嶧地  
方巡檢各一人河工巡檢共十七人開官共十二人縣稅課大使共二人會典事例

安徽省安慶府屬懷遠桐城潛山太湖宿松望江六縣徽州府屬歙縣休寧婺源祁門黟縣績溪六縣寧國府  
屬宣城寧國涇縣太平旌德南陵六縣池州府屬貴池青陽銅陵石埭建德東流六縣太平府屬當塗蕪湖繁  
昌三縣廬州府屬合肥廬江舒城巢縣四縣鳳陽府屬鳳陽懷遠定遠鳳臺靈璧五縣穎州府屬阜陽潁上霍  
邱太和蒙城五縣廣德州屬建平一縣滁州屬全椒來安二縣和州屬含山一縣六安州屬英山霍山二縣泗  
州屬盱眙天長五河三縣知縣各一人典史各一人懷遠縣桐城縣潛山縣宿松縣歙縣休寧縣婺源縣宣城  
縣涇縣南陵縣貴池縣當塗縣蕪湖縣合肥縣鳳陽縣阜陽縣地方縣丞各一人河工縣丞止一人宣城縣鳳  
陽縣懷遠縣定遠縣地方主簿各一人河工主簿止一人懷遠縣長楓鎮三橋鎮桐城縣六百丈練潭鎮北碇  
關馬踏石潛山縣天堂寨太湖縣後都白沙宿松縣小姑山涇江口望江縣華陽鎮歙縣黃山街口休寧縣沈  
夏婺源縣項村祁門縣大洪鎮績溪縣徽甯宣城縣水陽黃池鎮寧國縣岳山湖樂涇縣茹麻嶺太平縣宏潭  
旌德縣三溪貴池縣李陽銅陵縣大通東流縣吉陽鎮當塗縣采石大信蕪湖縣河口鎮繁昌縣荻港三山合  
肥縣青陽鎮梁園官亭舒城縣曉天鎮巢縣柘子鳳陽縣臨淮鎮定遠縣池河鳳臺縣閭疇集靈璧縣固鎮阜  
陽縣沈邱鎮霍邱縣開順鎮三河尖太和縣洪山建平縣梅渚含山縣運漕鎮英山縣七引店霍山縣上土市

天長縣城門鄉地方巡檢各一人會典事例

江西省南昌府屬南昌新建豐城進賢奉新靖安武寧七縣饒州府屬鄱陽餘干樂平浮梁德興安仁萬年七縣廣信府屬上饒玉山弋陽貴溪鉛山廣豐興安七縣南康府屬星子都昌建昌安義四縣九江府屬德化德安瑞昌湖口彭澤五縣建昌府屬南城新城南豐廣昌瀘溪五縣撫州府屬臨川金谿崇仁宜黃樂安東鄉六安臨江府屬清江新淦新喻峽江四縣瑞州府屬高安新昌上高三縣袁州府屬宜春分宜萍鄉萬載四縣吉安府屬廬陵泰和吉水永豐安福龍泉萬安永新永寧九縣贛州府屬贛縣雩都信豐興國會昌安遠長寧龍南八縣南安府屬大庾南康上猶崇義四縣寧都州屬瑞金石城二縣知縣各一人典史各一人南昌縣新建縣豐城縣進賢縣奉新縣靖安縣武寧縣鄱陽縣餘干縣樂安縣浮梁縣德興縣安仁縣萬年縣上饒縣玉山縣弋陽縣廣豐縣貴溪縣鉛山縣都昌縣建昌縣安義縣南城縣新城縣南豐縣瀘溪縣臨川縣金谿縣崇仁縣東鄉縣清江縣新淦縣新喻縣峽江縣高安縣新昌縣上高縣廬陵縣泰和縣吉水縣永豐縣安福縣龍泉縣萬安縣永新縣贛縣上猶縣縣丞各一人南昌縣新建縣主簿各一人南昌縣市汊新建縣生米鎮豐城縣大江口進賢縣梅莊奉新縣羅坊武寧縣高平鄱陽縣石門浮梁縣景德鎮德興縣白沙萬年縣石頭街上饒縣八房場鄒家坊玉山縣太平橋貴溪縣鷹潭鎮上清鎮鉛山縣湖坊鎮廣豐縣洋口星子縣青山瀘溪都昌縣周溪德化縣大姑塘小池口城子鎮瑞昌縣肇陳口彭澤縣馬當鎮南城縣新豐新城縣極高同安南豐縣龍池雞坊廣昌縣白水鎮臨川縣東館温家坵崇仁縣鳳崗宜黃縣棠陰樂安縣招攜新淦縣杯山新喻縣水北墟高安縣灰埠新昌縣太姑嶺黃岡宜春縣黃圃湖富嶺萍鄉縣安樂蘆溪市萬載縣珠樹潭廬陵縣固江

鎮永陽鎮富田泰和縣早禾市吉水縣阜田永豐縣沙溪層山表湖安福縣雞塘龍泉縣北鄉左安秀州萬安縣阜口灘頭永新縣上坪寨永寧縣升鄉寨贛縣桂源長興都縣興仁信豐縣楊溪興國縣衣錦會昌縣筠門嶺安遠縣板石長寧縣新坪瑞金縣瑞林寨湖波大庾縣鬱林鎮赤石嶺南康縣相安潭口崇義縣船廠長龍金坑巡檢各一人驛丞共二人會典事例

福建省福州府屬閩縣侯官古田屏南閩清長樂連江羅源永福福清十縣泉州府屬晉江南安惠安溪同安五縣建寧府屬建安甌寧建陽崇安浦城政和松溪七縣延平府屬南平將樂沙縣尤溪順昌永安六縣汀州府屬長汀寧化上杭武平清流連城歸化永定八縣興化府屬莆田仙遊二縣邵武府屬邵武光澤泰寧建寧四縣漳州府屬龍溪漳浦南靖長泰平和詔安海澄七縣福寧府屬霞浦福鼎福安寧德壽寧五縣臺灣府屬臺灣鳳山嘉義彰化四縣永春州屬德化大田二縣龍巖州屬漳平寧洋二縣知縣各一人典史各一人閩縣侯官縣古田縣福清縣晉江縣南安縣同安縣建安縣建陽縣甌寧縣崇安縣浦城縣松溪縣南平縣沙縣順昌縣長汀縣寧化縣上杭縣莆田縣邵武縣龍溪縣漳浦縣平和縣寧德縣鳳山縣福鼎縣壽寧縣各一人嘉義縣彰化縣縣丞各二人閩縣主簿一人閩縣五虎門閩安鎮丞侯官縣竹崎五縣寨連江縣東岱永福縣際門福清縣江口晉江縣雜陽鷓鴣南安縣康店鎮惠安縣良興同安縣灌口石滸建安縣房村街甌寧縣葉坊驛營頭建陽縣南樓崇安縣五夫村浦城縣益亭溪源高泉政和縣下莊松溪縣二十四都南平縣哈峽將樂縣萬安寨沙縣北鄉寨尤溪縣高才坂永安縣安砂湖口長汀縣古城寨寧化縣安遠寨石牛武平縣象洞寨永平寨清流縣鐵石磯頭連城縣北團寨歸化縣夏陽永定縣三層嶺興化鄉太平莆田縣凌洋迎仙寨涵

江仙遊縣楓亭興泰里邵武縣水口光澤縣大寺寨龍溪縣江東南靖縣和溪永豐平和縣漳汀詔安縣漳潮  
海澄縣海門霞浦縣柘洋杯溪福鼎縣嶺城嶸嶼福安縣白石靈德縣霍童石堂壽寧縣漁溪大田縣桃源花  
樵臺壽寧縣漢門鳳山縣下淡水壽寧縣大武壠佳里興彭化縣鹿仔港籍霧巡檢各一人會典事例

浙江省杭州府屬錢塘仁和富陽餘杭臨安於潛新城昌化八縣嘉興府屬嘉興秀水嘉善海鹽石門平湖桐  
鄉七縣湖州府屬烏程歸安長興德清武康安吉孝豐七縣寧波府屬鄞縣慈谿奉化鎮海定海象山六縣紹  
興府屬山陰會稽蕭山諸暨餘姚上虞嵊縣新昌八縣台州府屬臨海黃巖天台仙居靈海太平六縣金華府  
屬金華蘭谿東陽義烏永康武義浦江湯溪八縣衢州府屬西安龍游江山常山開化五縣嚴州府屬建德淳  
安桐廬遂安壽昌分水六縣温州府屬永嘉瑞安樂清平陽泰順五縣處州府屬麗水青田縉雲松陽遂昌龍  
泉慶元雲和宣平景寧十縣知縣各一人典史各一人錢塘縣仁和縣富陽縣餘杭縣嘉興縣秀水縣嘉善縣  
海鹽縣平湖縣桐鄉縣烏程縣歸安縣長興縣武康縣安吉縣鄞縣慈谿縣奉化縣鎮海縣山陰縣會稽縣蕭  
山縣諸暨縣餘姚縣上虞縣臨海縣黃巖縣靈海縣太平縣金華縣蘭谿縣東陽縣永康縣西安縣龍游縣江  
山縣常山縣開化縣建德縣桐廬縣永嘉縣瑞安縣樂清縣平陽縣麗水縣龍泉縣縣丞各一人錢塘縣仁和  
縣嘉興縣秀水縣嘉善縣石門縣平湖縣烏程縣歸安縣長興縣德清縣主簿各一人仁和縣塘棲平湖縣白  
沙灣乍浦鎮桐鄉縣青鎮烏程縣大錢湖口南潯鎮歸安縣連市埭溪鎮長興縣四安德清縣新市孝豐縣天  
目山鄞縣杖錫慈谿縣松浦奉化縣塔山鎮海縣管界長山穿山定海縣沈家嶼岑港象山縣趙嶼石浦山陰  
縣柯橋會稽縣曹娥蕭山縣漁浦餘姚縣廟山三山中村上虞縣梁湖臨海縣前所黃巖縣長浦太平縣松門

西安縣全旺龍游縣湖鎮常山縣草坪開化縣金竹嶺永嘉縣西溪瑞安縣大畝樂清縣磐石平陽縣蒲門巡檢各一人驛丞共四人縣稅課大使共三人會典事例

湖北省武昌府屬江夏武昌嘉魚蒲圻咸寧崇陽通城大冶通山九縣漢陽府屬漢陽漢川孝感黃陂四縣安陸府屬鍾祥京山潛江天門四縣襄陽府屬襄陽宜城南漳棗陽穀城光化六縣鄖陽府屬鄖陽房縣竹山竹溪保康鄖西六縣德安府屬安陸雲夢應城應山四縣黃州府屬黃岡黃安蘄水羅田麻城廣濟黃梅七縣荊州府屬江陵公安石首監利松滋枝江宜都七縣宜昌府屬東湖長陽興山巴東長樂五縣施南府屬恩施宣恩來鳳咸豐利川建始六縣荊門州屬當陽遠安二縣知縣各一人典史各一人江夏縣武昌縣蒲圻縣漢陽縣孝感縣鍾祥縣京山縣天門縣襄陽縣黃岡縣蘄水縣麻城縣黃梅縣江陵縣公安縣石首縣監利縣長樂縣恩施縣利川縣建始縣縣丞各一人潛江縣棗陽縣江陵縣監利縣主簿各一人江夏縣鮎魚口鎮金口鎮滂黃鎮山坡武昌縣白湖鎮金子磯鎮嘉魚縣解州鎮石頭口蒲圻縣港口大冶縣道士袱漢陽縣蔡店鎮仁義禮智沌口鎮新灘鎮漢川縣劉家隔小里潭孝感縣楊店黃陂縣漕口大城潭鍾祥縣麗陽京山縣宋河鎮潛江縣高家場天門縣乾鎮當陽縣河溶鎮襄陽縣呂堰鎮雙溝南漳縣方家堰宜城縣田家集穀城縣馬腦觀光化縣左旗營鄖縣黃龍鎮房縣板橋山九道梁竹山縣官渡河應城縣長江埠應山縣平靖關黃岡縣倉子埠但店鎮楊羅團風鎮黃安縣中和黃陂站蘄水縣巴河鎮蘭溪羅田縣多雲鎮麻城縣鶴籠虎頭關廣濟縣龍坪鎮馬口鎮黃梅縣京前鎮孔壘鎮新開口江陵縣沙市虎渡口龍灣市公安縣孱陵鎮監利縣白螺磯襄圻分鹽所松滋縣磨盤洲東湖縣南陀巴東縣野山關恩施縣崔家壩宣恩縣東鄉鎮乾壩來鳳縣卯峒咸



豐縣張家平利川縣南坪堡建南巡檢各一人會典事例

湖南省長沙府屬長沙善化湘潭湘陰寧鄉瀏陽醴陵益陽湘鄉攸縣安化十一縣岳州府屬巴陵臨湘華容  
平江四縣寶慶府屬邵陽新化城步新寧四縣衡州府屬衡陽清泉衡山耒陽常寧安仁鄱縣七縣常德府屬  
武陵桃源龍陽沅江四縣辰州府屬沅陵瀘溪辰谿溆浦四縣沅州府屬芷江黔陽麻陽三縣永州府屬零陵  
祁陽東安寧遠永明江華新田七縣永順府屬永順龍山保靖桑植四縣澧州府屬石門安鄉慈利安福永定五  
縣桂陽州屬臨武藍山嘉禾三縣靖州屬會同通道綏寧三縣郴州屬永興宜章興寧桂陽桂東五縣知縣各  
一人典史各一人長沙縣善化縣湘潭縣湘陰縣瀏陽縣益陽縣湘鄉縣巴陵縣衡陽縣武陵縣沅陵縣芷江  
縣麻陽縣零陵縣縣丞各一人巴陵縣主簿一人長沙縣橋頭湘潭縣黃茅湘陰縣新市大荆鎮瀏陽縣永安  
市醴陵縣渌口湘鄉縣婁底市攸縣鳳嶺臨湘縣長安鎮桃林土門華容縣黃家鎮平江縣長壽石門縣水南  
渡慈利縣九谿衛城邵陽縣隆回里田鎮城步縣橫嶺峒江頭沅清泉縣新城衡山縣草市永壽藍山縣大橋  
武陵縣大龍桃源縣新店鄭家店龍陽縣龍潭橋沅陵縣馬底船溪辰溪縣黃溪口溆浦縣龍潭芷江縣便水  
涼山懷化黔陽縣安江麻陽縣高村祁陽縣太平市歸陽市東安縣蘆洪石期市寧遠縣九疑營縣永明縣桃  
川市江華縣錦岡錦田寨會同縣洪江通道縣播陽綏寧縣雙江清波永興縣高亭宜章縣赤石白沙興寧縣  
涇口桂陽縣益將鎮安永順縣王村州龍山縣隆頭保靖縣張家壩桑植縣上下二峒巡檢各一人會典事例  
陝西省西安府屬長安咸寧咸陽興平臨潼高陵鄠縣藍田涇陽三原盩厔渭南富平醴泉同官十五縣同州  
府屬大荔朝邑郃陽澄城韓城白水華陰蒲城八縣鳳翔府屬鳳翔岐山寶雞扶風郿縣麟遊汧陽七縣漢中



府屬南鄭褒城城固洋縣西鄉鳳縣沔縣略陽八縣興安府屬安康平利柞陽白河紫陽石泉六縣延安府屬  
 膚施安塞甘泉保安安定宜川延長延川定邊靖邊十縣榆林府屬榆林神木府谷懷遠四縣商州屬鎮安雒  
 南山陽商南四縣乾州屬武功永壽二縣邠州屬三水淳化長武三縣鄜州屬洛川中部宜君三縣綏德州屬  
 米脂清澗吳堡三縣知縣各一人典史各一人長安縣咸寧縣咸陽縣興平縣臨潼縣涇陽縣三原縣盩厔縣  
 渭南縣富平縣大荔縣郃陽縣華陰縣鳳翔縣寶雞縣洋縣西鄉縣安康縣定邊縣縣丞各一人長安縣朝邑  
 縣紫陽縣主簿各一人雒南縣三要蒲城縣永豐縣寶雞縣虢川南鄭縣青石關棧城縣黃官嶺西鄉縣大巴  
 山西縣南星平利縣鎮平靖邊縣寧條梁宜君縣馬蘭鎮府谷縣麻池溝巡檢各一人驛丞共五人會典事例  
 甘肅省蘭州府屬皋蘭金縣渭源靖遠四縣平涼府屬平涼華亭隆德三縣鞏昌府屬隴西安定會寧通渭漳  
 縣寧遠伏羌西和八縣慶陽府屬安化合水環縣正寧四縣寧夏府屬寧夏靈朔平羅中衛四縣西寧府屬西  
 寧碾伯大通三縣涼州府屬武威鎮番永昌古浪平番五縣甘肅張掖山丹二縣鎮西府屬宜禾奇臺二  
 縣涇州屬崇信靈臺鎮原三縣階州屬文縣成縣二縣秦州屬秦安清水禮縣徽縣兩當五縣肅州屬高臺一  
 縣安西州屬敦煌玉門二縣迪化州屬昌吉阜康綏來三縣知縣各一人典史各一人皋蘭縣隆德縣平羅縣  
 平番縣張掖縣高臺縣阜康縣縣丞各一人皋蘭縣平羅縣西寧縣主簿各一人中衛縣渠寧古浪縣大靖堡  
 奇臺縣古城昌吉縣呼圖壁吐魯番哈密關展綏來縣霍爾果斯綏定城惠遠城惠寧城巡檢各一人會典事  
 例

四川省成都府屬成都華陽雙流温江新繁金堂新都郫縣灌縣彭縣崇寧新津什邡十三縣寧遠府屬西昌

冕寧鹽源三縣保寧府屬閬中蒼溪南部廣元昭化通江南江七縣順慶府屬南充西充營山儀隴渠縣大竹  
隣水岳池八縣敘州府屬宜賓慶符富順南溪長寧高縣筠連珙縣興文隆昌屏山十一縣重慶府屬巴縣江  
津長壽永川榮昌綦江南川銅梁大足璧山定遠十一縣夔州府屬奉節巫山雲陽萬縣開縣大寧六縣綏定  
府屬達縣東鄉新寧三縣龍安府屬平武江油石泉彰明四縣潼川府屬三臺射洪鹽亭中江遂寧蓬溪樂至  
安岳八縣嘉定府屬樂山峨眉洪雅夾江犍爲榮縣威遠七縣雅州府屬雅安名山榮經蘆山清溪五縣敘永  
廳屬永寧一縣資州屬仁壽資陽井研內江四縣綿州屬德陽安縣綿竹梓潼羅江五縣茂州屬汶川一縣西  
陽州屬秀山黔江彭水三縣忠州屬鄰都墊江梁山三縣眉州屬丹稜彭山青神三縣邛州屬大邑蒲江二縣  
瀘州屬納谿合江江安三縣知縣各一人典史各一人成都縣華陽縣西昌縣冕寧縣鹽源縣南部縣渠縣大  
竹縣巴縣萬縣平武縣三臺縣遂寧縣蓬溪縣榮縣永寧縣梁山縣縣丞各一人富順縣縣丞二人南充縣東  
鄉縣平武縣主簿各一人華陽縣太平場西昌縣德昌所廣元縣百丈朝天鎮神宣驛屏山縣石角營巴縣木  
洞鎮銅梁縣安居秀山縣石隄彭水縣郁山鎮達縣麻柳場江油縣中壩場射洪縣洋溪鎮中江縣胖子店巡  
檢各一人驛丞共三人會典事例

廣西省廣州府屬南海番禺順德東莞從化龍門新寧增城香山新會三水清遠新安花縣十四縣韶州府屬  
曲江樂昌仁化乳源翁源英德大縣惠州府屬歸善博羅長寧永安海豐陸豐龍川河源和平九縣潮州府屬  
海陽豐順潮陽揭陽饒平惠來大埔澄海普寧九縣肇慶府屬高要四會新興陽春陽江高明恩平廣寧開平  
鶴山封川開建十二縣高州府屬茂名電白信宜吳川石城五縣廉州府屬合浦靈山二縣雷州府屬海康遂

溪徐聞三縣瓊州府屬瓊山澄邁定安文昌會同樂會臨高昌化陵水感恩十縣連州屬陽山連山二縣南雄  
 州屬始興一縣嘉應州屬長樂興寧平遠鎮平四縣羅定州屬東安西寧二縣知縣各一人典史各一人南海  
 縣番禺縣順德縣東莞縣新寧縣香山縣新會縣三水縣新安縣曲江縣歸善縣海豐縣海陽縣潮陽縣揭陽  
 縣高要縣陽江縣合浦縣遂溪縣瓊山縣縣丞各一人南海縣增城縣主簿各一人南海縣神安金利黃鼎江  
 浦三江五斗番禺縣沙灣鹿步慕德菱塘順德縣紫泥江村都寧馬密東莞縣缺口鎮京山中堂從化縣流溪  
 龍門縣廟子角新寧縣廣海寨增城縣茅田香山縣香山黃圃黃梁都洪澳新會縣沙村牛肚灣潮連三水縣  
 三水胥江清遠縣滄江滙江迴峽新安縣官富福永花縣獅嶺水西陽山縣淇潭堡連山縣宜善曲江縣平圃  
 濠豐樂昌縣九峯羅渡鎮仁化縣扶溪乳源縣武陽翁源縣礮下桂山英德縣象岡洗口始興縣清化逕歸善  
 縣碧甲內外管理平山平政平海博羅縣善政石灣蘇州長寧縣炸坪永安縣寬仁里馴雉里海豐縣鵝埠嶺  
 陸豐縣黃沙坑河田甲子龍川縣通衢十一都老隆河滙縣藍口海陽縣浮洋豐順縣湯坑市潮陽縣招靈門  
 關吉安揭陽縣湖口北寨饒平縣黃岡惠來縣神泉蔡潭大浦縣三河大產澄海縣鮑浦樟林鎮普寧縣雲洛  
 徑長洛縣十二都興寧縣十三都水口平遠縣頭鎮平縣羅岡高要縣橫查祿步四會縣南津新興縣立將  
 陽春縣古百黃泥灣陽江縣太平海陵島高明縣三洲開平縣沙崗松柏鶴山縣藥逕雙橋封川縣文德茂名  
 縣平山赤水電白縣沙瑯信宜縣懷鄉吳川縣碭洲石城縣凌祿合浦縣高仰球場永平靈山縣西鄉林虛海  
 康縣清道遂溪縣湛川徐聞縣靈海東場瓊山縣水尾澄邁縣澄邁定安縣太平汛文昌縣鋪前青藍頭臨高  
 縣和合陵水縣寶亭汛東安縣山西寧縣夜護巡檢各一人南海縣番禺縣河泊所所官各一人會典事例

廣西省桂林府屬臨桂興安靈川陽朔永福義寧灌陽七縣柳州府屬馬平雒容羅城柳城懷遠賓融縣七  
縣慶遠府屬宜山天河思恩三縣思恩府屬武緣潯江上林三縣泗城府屬凌雲西林二縣平樂府屬平樂恭  
城富川賀縣荔浦修仁昭平七縣梧州府屬蒼梧藤縣容縣岑溪懷集五縣潯州府屬桂平平南貴縣武宣四  
縣南寧府屬宣化隆安永淳三縣太平府屬崇善一縣鎮安府屬天保一縣鬱林州屬博白北流陸川興業四  
縣知縣各一人典史各一人又忻城土縣典史一人臨桂縣永福縣宜山縣上林縣凌雲縣崇善縣縣丞各一  
人羅城縣懷遠縣主簿各一人臨桂縣蘇橋六塘墟興安縣社水陸峒義寧縣廣田灌陽縣吉靈鄉崇順里馬  
平縣穿山三都汎雒容縣平樂鎮江口鎮羅城縣武陽鎮柳城縣東泉鎮古砦鎮懷遠縣梅寨東賓縣界牌融  
縣長安鎮思管鎮宜山縣白土德勝鎮龍門武緣縣高井寨潯江縣平陽墟上林縣周安鎮思隴凌雲縣平樂  
一甲西林縣潯城恭城縣鎮峽寨富川縣白霞賀縣信都鄉會靈昭平縣馬江塘蒼梧縣安平鄉長行鄉東安  
藤縣白石寨寶家寨容縣波羅里粉壁寨岑溪縣上里平河村懷集縣武城鄉慈樂寨博白縣沙河寨周羅寨  
北流縣雙威寨陸川縣溫水桂平縣大黃江口穆樂墟平南縣大烏墟秦川鄉貴縣五山汎武宣縣廊鎮宣化  
縣八尺寨金城寨三官堡遷龍寨潯城永清縣武羅鄉南里鄉崇善縣馱盧巡檢各一人會典事例  
雲南省雲南府屬昆明富民宜良呈貢雜次祿豐易門七縣大理府屬太和雲南浪穹三縣臨安府屬建水通  
海河西嚮峨蒙自五縣楚雄府屬楚雄定遠廣通大姚四縣澂江府屬河陽江川二縣廣南府屬寶靈一縣順  
寧府屬順寧一縣曲靖府屬南寧平彝二縣麗江府屬麗江一縣普洱府屬靈洱一縣永昌府屬保山永平二  
縣開化府屬文山一縣東川府屬會澤一縣昭通府屬恩安永善二縣廣西州屬師宗彌勒二縣武定州屬元

直隸省文選官

謀祿勸二縣元江州屬新平一縣鎮沅州屬恩樂一縣知縣各一人典史各一人昆明縣師宗縣永善縣縣丞各一人通水縣曲江彌勒縣竹園村南寧縣白水新平縣揚武場會澤縣歹補者海巡檢各一人會典事例

貴州省貴陽府屬貴筑龍里貴定修文四縣思州府屬玉屏清溪二縣思南府屬安化婺川印江三縣鎮遠府屬鎮遠施秉天柱三縣銅仁府屬銅仁一縣黎平府屬開泰錦平永從三縣安順府屬普定清鎮安屏三縣興

義府屬普安南興義三縣都勻府屬都勻清平荔波三縣石阡府屬龍泉一縣大定府屬畢節一縣遵義府屬遵義桐梓綏陽仁懷四縣平越州屬湄潭甯安餘縣三縣知縣各一人典史各一人鎮遠縣施秉縣天柱縣銅仁縣開泰縣永從縣普安縣清平縣荔波縣縣丞各一人鎮遠縣主簿一人天柱縣鎮遠興義縣捧鮮巡檢各一人驛丞兼巡檢一人會典事例

國初定每縣設知縣一人典史一人縣丞主簿因事增減無定員倉庫稅課司大使副使巡檢驛丞所官皆因事設立無定員會典事例

順治三年設江南江甯上元二縣知縣各一人縣丞主簿典史各一人會典事例

十三年析江南松江府屬華亭縣地置婁縣仍隸松江府設知縣典史等官會典事例  
康熙元年改奉天錦州為錦縣隸奉天府設知縣一人典史一人以寧遠縣民人暫歸錦縣管理會典事例  
又改浙江崇德縣為石門縣會典事例

二年諭奉天府內著設一縣山海關以外開原以內應添設府州縣酌議以聞會典事例  
二十六年置浙江定海縣改舊設之定海為鎮海縣各設知縣典史等官會典事例

雍正元年議准江南爲財賦重地蘇州松江常州三府所屬州縣治理尤爲煩劇析蘇州府屬長洲縣地置元和縣析吳江縣地置震澤縣析常熟縣地置昭文縣析崑山縣地置新陽縣仍隸蘇州府析嘉定縣地置寶山縣析太倉州地置鎮洋縣仍隸太倉直隸州析松江府屬華亭縣地置奉賢縣析婁縣地置金山縣析青浦縣地置福泉縣析上海縣地置南匯縣仍隸松江府析常州府屬武進縣地置陽湖縣析無錫縣地置金匱縣析宜興縣地置荆溪縣仍隸常州府十三縣各設知縣一人典史一人其長洲吳江崑山華亭婁縣青浦上海七縣舊設縣丞各二人各裁去一人

又議准江南鳳陽蘇州淮安三府地方遼闊改鳳陽府屬之潁上霍邱二縣隸穎州直隸州太和蒙城二縣隸亳州直隸州盱眙天長五河三縣隸泗州直隸州改廬州府屬之英山霍山二縣隸六安直隸州改蘇州府屬之嘉定崇明二縣隸太倉直隸州改淮安府屬之宿遷睢寧二縣隸邳州直隸州贛榆沐陽二縣隸海州直隸州會典事例

四年諭朕昨覽湖廣安陸府屬有一縣名卽係景陵二字見之心甚不安該省督撫不具奏請改於心獨安乎此縣名著內閣擬改請旨欽此尋經內閣撰擬具奏奉旨著改爲天門縣會典事例

八年諭牧令爲親民之官一人之賢否關係百姓之休戚故自古以來慎重其選而朕之廣覽旁求訓勉告誡冀其奏循良之績以惠我烝黎者亦備極苦心矣惟是地方事務皆發端於州縣頭緒紛繁情僞百出而臆斯任者頃皆初登仕籍之人未練習於平時而欲措施於一旦無怪乎徬徨瞻顧心志茫然卽採訪口詢而告之者未必其盡言無隱此古人所以有學製美錦之歎也向以大學士朱軾左都御史沈近思外任多年周知地

方利弊雍正二年曾令  
疾病此事遂至遲延去  
覽見其條理詳明言詞  
各就其所閱歷者而言  
已矣爰付劄劄頒賜州  
思所以去之本之以實  
父母之頌而爲牧令者  
河東總督田文鏡條  
到任 州縣初膺民  
約飭官方勵操守以  
節輻傘則必另製新  
門舊例快意當前而  
三而侵蝕分肥者已  
哉況先聲狼藉民口  
嚴切發諭禁止鋪墊  
泥斂然非徒託諸空



並亦不借臨時需用發價平買更既不能爲奸民亦無從滋擾新政精明人歌來暮矣但胥役巧猾小民愚  
懦保無有陽奉陰違藉名暗詐者乎此又在留心密訪遇有發覺者借法以懲慎勿令若輩當面竄卻也  
交盤○州縣到任交盤乃第一要務蓋今日之受於人者卽異日之交於人者也苟不慎之於始鮮不貽累  
於後雖不可刻薄居心過於苛求尤不可徇情濫接代人受過虧足務得其實鉅細務得其詳清查之法不  
可不知也如地丁錢糧則應查其全書類編實徵銀數按前官到任離任月日任內徵收過若干解支過各  
若干應存庫銀若干未完民欠若干分年分款先清其綱領將應存庫銀卽按款照數兌交其徵收數目又  
必驗其串根流水核其日報總簿而串根流水報簿尙有假捏改造徵多報少之弊其解支款項又必照驗  
其批迴稽查其領狀而領狀批迴尙有洗補年月改換銀數之弊均當細察然有批領未交而前官稱係解  
過某項支過某項者則當詳明所解衙門查明所領員役果非虛捏方可憑信至於民欠清釐尤難官侵役  
蝕多暗藏於民欠之中新任之員第知責成於經管錢糧之總吏庫吏經承櫃書取其並無捏欠願甘賠補  
之結狀不知此輩或受前官賄囑或係己身侵蝕通同徇隱彼此欺瞞結狀實爲具文是在責令經承櫃書  
開造花名細冊先查某年民欠總數次查某里某甲民欠細數然後將花戶姓名欠銀數目大張告示曉諭  
通知有以完作欠以少作多令本戶告理更須出其不意摘拘完納查詢虛實一有弊端卽窮究到底官侵  
則據實揭報役蝕則立卽監追務使戶戶無虛聲藉著實不但己身無賠累之虞卽小民亦免重納之累此  
清查民欠尤爲交盤中第一要著也若夫倉儲米穀顆粒爲重從前州縣多用量倉之法用杆丈量約略算  
交其中有無虧缺霉爛不能確知今倉糧交盤已按米穀之多寡定期限之遲速自當徹底盤量如有虧空



短少爛糠糶卽據實揭報其有前官私糶未補折價留交者斷不可違例接收至奉文平糶雖非前官私動然須察其實在糶賣之數催交價銀儲庫惟民借一項其弊多端有本係虧空乘奉文出借以少報多捏混掩飾者有遠年民欠改換領狀以舊作新者有奸胥蠹役侵收冒領混入民欠者尤不可草率誤徵必須詳細查察如查錢糧民欠之法開造花名細冊另取欠戶領狀以杜諸弊他如水旱驛遞船隻則查其是否齊全整備馬匹則查其有無疲瘦缺少 農壇藉田忠節祠宇倉廩城垣則查有無坍塌此外或有前官經修工程經手錢糧又當隨事察覈不可使有纖悉遺漏然此皆就關係錢穀者而言至於 欽部事件命盜重情承審遲延失察諱匿接任官均有處分亦何可以刑名不入交盤而姑置勿論也總之前官之事一交卸於後官卽爲後官之肩承欲免後累而盡職守則授受之際不可不慎也

關防○百官分職各有攸司雖體制不無大小之分而關防則有內外之辨所以肅政治別嫌疑防奸僞也況州縣職司民社堂隅最近一不加謹則內外交弛情僞百出矣然而關防者非徒嚴鎖鑰扃門戶之謂也蓋州縣一官刑名錢穀難自爲理事權所託易啟鑽營則關防首在幕地一人出仕舉室皆榮子弟相依漸爲耳目則關防又在親戚管宅門管倉驛管簽押用印等項處處需人事事有弊則關防多在家奴用火夫用水夫用廚役泥水等匠出入不覺傳遞最便則關防下在廝養更有星流相士墨客山人捕影捉風詐稱交好拉蓬扯縶遇事招搖此尤不在衙門之中而關防更宜周密者也故州縣到任延請名賢分勸夙夜而商酌辦公之地不得閒雜窺探走漏機事二子弟代治家政而數米量鹽之外不許干預公事滋其威柄長隨家人擇其誠樸堪信者管宅門管簽押而驛遞倉糧自有經承可問何須僮僕夫役匠作酌其當緊自

宜需用而出入作息則須稽察維嚴防有指使至於鄉村寺觀不時查訪流寓籍名卽行拏究如此則內外不既肅清而關防之道其盡矣乎然皆事之在人者也儻利慾有以薰心苞苴不無染指目無定見耳有偏聽器量不公或喜怒而任性面皮不冷或瞻顧以徇情則是在己一身全無檢束眾人匿笑奚有避循夫身任地方而欲澄清吏治者其於衆人之關防固不可不嚴而於己身之關防尤不可不切也故曰關防者非徒嚴鎖鑰扃門戶之謂也

宣講 聖諭律條○伏讀 聖祖仁皇帝 聖諭十六條大哉 王言化民成俗六十載熙皞從風千百國梯航向義良有由也恭逢我 皇上承 天立極法 祖施仁乃於 萬幾餘暇闕發精微昭垂 廣訓其所以正人心端世教者剴切詳明巨細畢舉此誠天下率由之舊章萬世遵循之寶鑑也又憫小民無知犯法特 命刊示律條使之家喻戶曉庶幾革面洗心仰見 皇上保赤之懷提撕警覺仁至義盡有加無已凡爲州縣者父母斯民首先教導每過朔望兩期務須率同教官佐貳雜職各員親至公所齊集兵民敬將 聖諭廣訓逐條講解淺譬曲喻使之通曉並將所刊律條亦爲明白宣示俾知懷惕至於四外鄉村不能分身兼到者則遵照定例在於大鄉大村設立講約所選舉誠實堪信素無過犯之紳士充爲約正值月分講印官仍不時親往查督以重其事總之宣講時必要州縣官先有一段實心認定此事不是虛文諄諄然如父之教子如師之誨弟懇切往復津津不倦然後精誠浹洽百姓環聽之下亦自觸動天良悅於耳得於心民日遷善誠有不知其爲之者若但視爲習套朔望之辰鳴鑼張蓋前詣城隍廟中公服端坐不出一語視同木偶而禮生紳士請誦 聖諭一遍講不晰其義總不得其詳官民雜沓闕然各散上無以揚 聖天

子敢贖斯民之化下無以振衆百姓觀感自新之風此俗吏之苟且因循所爲尸位而素餐者也賢有司勵志功名將爲 朝廷宣德意加惠元元可不於此知所重哉

放告○州縣放告不可拘三六九日期每日早堂接收一次閱時要心氣和平不可一味濫准亦不可執意批駁更不可批發衙官蓋小民之冤抑無訴始行呈告若不爲准理則是非不明曲直不分若批發衙官則恐徇情枉斷受賄行私勢必奔控上司是反開其越告之門也准後又要速審速結斯不致妨農失業花費盤纏且官府處延一日工夫則房差等多一番需索雖未嘗不竭力嚴禁然鄉愚無知既有事體纏身則銀錢容易騙詐所以爲有司者固宜嚴禁衙役更要自己勤勞以速審速結爲要也然拘審時斷不可印差快皂致滋需索只須牌給原告著交該里總甲或鄉保拘喚計其遠近限以時日務令拘到聽審或有一二頑梗之徒不服拘喚者然後差擊擊到之後先責其抗違再剖其曲直則未有不輸服其情罪者果能如此行之有信則不但法立令行由此政簡刑清不難矣

催科○夫任土作貢 國家之常經撫字催科有司之專責爲有司者固不可任性濫刑徒事敲扑亦不可沽名邀譽一味怠延要在勸輸有術寬嚴合宜使糧無遺欠民無擾累則催科之道得而撫字卽寓其中矣州縣徵糧之法各處不同有用差役分里坐催者有用里書甲總歷年不換者有用花戶爲催頭責令聽比者名雖悉數法皆不善如鄉村農民素未入城見官一點催頭則茫然無措而衙門人役欺其愚懦恣意苛索鄉民視應催頭爲畏途百計營免書役視報催頭爲利藪擇肥而噬此用催頭之弊也其坐差里書甲總派定里分音同世業經承收役狼狽相依凡造冊聽比俱有陋規經承收役取之於坐差里書甲總坐差里

書甲總又取之於花戶非計敢津貼卽斂麥斂秋毋論用一派十層層剝削而小民止此脂膏多用一分浮費卽少完一分正供況若輩既得陋規自不肯破面力催非蒙混免比卽情僥代責否或以愚懦之戶串擊塞責甚者包攬侵蝕飛灑加派無弊不作一至水落石出脫身潛逃又累本戶重完是百姓受點催頭之累如彼受坐差等之累又如此欲除此累惟行滾單議者每謂滾單便於賦少之州縣而不便於賦多之州縣不知行之得法賦少者固便賦多者亦便惟村莊宜順催造單冊宜早簽點單頭宜公驗票改滾宜速稽查臥單宜勤村莊既順則可就近滾催無隔越難行之事催造既早則可徹底查對無飛灑加派單冊不符之弊改滾既速則花戶不至在城守候稽查既勤則頑戶不敢玩法臥單他如分單分限權宜變通事無一定法在必信行之既久官民相習不煩差催而按限輸將非特坐差里書地保催頭一應催糧人役均可革除而單滾本戶銀係自封票經官驗舉凡包攬侵收及大小票種種弊端不革而自除矣至花戶納糧尙有銀匠勒令打印多索火錢錢卓減估銀色多壓戩頭櫃書印封抵盜剪邊換塊諸弊皆爲累民之事又不可不刻刻防閑一一釐剔州縣官不專力於此而惟以追呼敲扑爲催科急催懶比爲撫字亦或之甚者矣而或者以爲怠催懶比之責較濫刑嚴比之員爲彼善於此不知糧從地出百姓收一年之稞納一年之糧遞年清楚按限輸將力尙寬舒若怠惰玩延任其逋欠致使百姓將現在銀錢隨手花費年復一年積逋愈多欲以一年之所入完數年之正供則完者不易催者愈難既導民以抗欠錢糧之惡習又貽民以並力輸將之後患其罪豈出濫刑嚴比下哉至若橫派私徵暗加重耗濫捉短封又贖貨虐民罪不容誅者也爲有司者其謹慎之

借糶倉穀 積儲者足 國足民之至計也借糶者出陳易新之良法也慎借糶而嚴還糶者有司之責也借糶不慎則糶穀之時富商勢豪囤積販賣小民不沾實惠其害在民借穀之時紳衿牙蠹捏名冒領倉儲虛懸其害在官還糶不嚴則糶穀還穀之時牙儉斗級書役家人短價多量需索捐勒致招民怨參劾隨之其害在民而亦在官夫一法必有一弊除弊又在立法糶穀弊在囤販法當親歷巡查而囤販自絕是莫若就城內倉穀每日清晨酌量一日可賣之數量出分發四門關廂糶賣本官以午前半日監糶午後半日理事往來巡歷諸弊不生若感於便民之說而令四鄉分糶離城既遠設廠又多同日開糶則一官勢難分身不得不委諸佐貳教職彼等不惟不能查禁囤販而且通同糶賣奸弊叢生苟欲親身監糶而令各鄉分定日期則一鄉開糶各鄉之民雲集毋論小民擁擠守候而奸商之夥計勢豪之傭佃混入其中亦難辨別非善法也借穀弊在捏冒法當清查於未借之先嚴究於既借之後而捏冒自絕是必將借穀冊領先與牌甲種冊查對果係牌甲有名即係實戶種地無多即係貧民設有頑紳劣衿奸牙積蠹串通鄉保地方假名冒領一經查出即照定例詳拿枷責倍追鄉保地方屬實有無受騙分別治罪其百姓所借之穀本年十月內亦必催全數還倉不使拖欠顆粒則倉庫充實緩急可通若出借之時一任鄉保地方遞領混借追還之日又聽紳衿牙蠹出頭應比俟至次年春間又不執法詳革究追反爲倒換領狀改稱次爲新借以愚盤查官之耳目則弊復生弊年甚一年而倉穀益難清追矣糶穀弊在短價法當照時公買不可發給斗戶及鄉保地方分發里民以致輾轉侵扣虧短價值還穀弊在多收法當原斛平量不可任聽書役斗級家人需索斗錢多量斛面而百姓運穀到倉或糶或還俱必隨到隨收毋許捐勒守候如此則春糶秋糶春借秋還百姓

沾接濟之惠倉儲無紅腐之虞積弊除而良法行矣若本官不以積儲爲重而倉廩不修曠陳不時以致漚漏抱爛自取參貽之咎甚或使挪磨空而乘借糶以捏報掩飾或假公濟私而乘遺糶以橫斂勒派則又居心不肖法無可貸者也

弭盜 居官首在安民安民必先弭盜欲知弭盜之法當先知盜風之所由熾蓋地方失事州縣官即詳報嚴拿獲賊治罪盜賊自然畏法斂跡無如庸懦之員平日不知防範一旦失事惟思規避處分而刑書捕役又畏上司提比從旁怂恿遂隱諱不報或抑勒事主改強爲竊官則閣置不比役則怠忽不緝以致盜賊玩法公行是庸吏諱盜而盜風益熾如州縣擊獲竊盜卽照律刺字計贓問罪小懲大創則屢犯者不致漏網初犯者知所改過無如庸吏又博長厚之名違例不刺滅估贓物改重爲輕姑息養奸漸成大盜又如一案之內僅獲數人則以爲獲賊過半案可完結而不復嚴緝其有前官任內盜案賊未獲則又以爲事非已任例無處分而竟置膜外以致盜賊狎官無忌是庸吏縱盜而盜風益熾例所嚴諱盜縱盜之處分者此也然則何以弭之一在嚴其緝捕蓋緝盜必須踏捕而駕馭踏捕要自有法捕役原係無賴之徒多與盜賊通氣坐地分贓州縣官務遵定例於本衙門他役工食量爲併給差緝之時另給盤費獲盜之日又按所獲名數給以重賞如怠玩延挨則將其家屬監禁勒比不獲不已不全獲不已夫既有工食盤費以資其用而不至於匱乏又懸重賞以鼓舞其志而使之有所希冀復監比其家屬以繫戀其心而使之不敢在外逍遙如是而猶有不獲之盜不結之案斷無此事一在靖其根源盜有盜窩賊有賊線盜非窩無以存留賊非線無以躡探是窩線者盜賊之根源也州縣除一盜賊不如除一窩家獲一夥盜不如獲一引線然緝拿窩家

尤難於緝拿引線蓋窩家者非不法營兵衙役卽係地棍勢豪保正甲長被其籠絡貪其賄賂不肯舉報牌鄰族正人等畏其兇惡懼其報復又不敢首告至於捕役素與地棍勢豪人等通同一氣利其餽送亦明知故縱故必賞罰嚴明稽察勸密使捕役不敢家盜通窩而力於訪緝更嚴徇隱之罪開密首之路使保正甲長牌鄰族正各顧身家而不敢始終庇護且無憂於報復而不敢瞻顧遲迴其諸色人等有能擒獲盜窩送官者更加以重賞則盜窩可除而盜源自清矣一在嚴其防範要在州縣力行保甲遴選勤慎練達之人使充保正甲長遵法編查務使一牌之內互相稽查如有面生可疑之人私相往來容留在家立卽報官拘審夜則輪流守更一家失事則闔村護救一村警喊則各村接應聲勢聯絡追捕爭先獲賊有功者則按名給賞聞喊不救者則照例治罪州縣官仍於朔望查點地保之時嚴加訓飭或乘公務下鄉之便到處提撕吏出其不意輕騎滅從親往稽查勿徒事挂一門牌取一甘結斯爲實行保甲而鄉村之防範始密至若響馬老瓜種種兇賊形跡尤爲詭秘或假裝行客或冒充官宦往來大路陽爲結伴陰圖劫掠響馬則於曠野無人之地公然截劫老瓜則乘深更暮夜之時害命圖財防老瓜必須逐程逐店大張告示曉諭行客不得貪程早行晚宿更須嚴飭店家非至天明不許放行則老瓜無所施其技矣若防禦馬惟豫飭汛兵保甲如遇截却汛汛相追村村接應尾追不已俟其馬乏人疲協力擒縛此又防禦響馬老瓜之大略也地方官既能不諱不縱而又如此防範如此緝捕如此窮究盜賊猶不畏法斂跡而革面洗心者未之有也若夫因地制宜師古酌今存乎其人更進而勸宣德教四境之內夜不閉戶道不拾遺盜息民安治臻上理是又所望於良有司也



驗傷 人命重情全憑屍傷定案傷仗相符供情明確問擬始得平允每見州縣等官初入仕途不諳檢驗之法遇有人命不卽往驗因仍舊習先差衙役催搭屍棚備相驗什物種種騷擾該役既自索差錢又爲件作刑書串說行賄官尙未到屍場而書役賄賂已得安排已定及至臨場相驗官又躲避與穢一任件作混報增減傷痕改易部位甚或以打爲磕以砍爲抹以致傷仗參差案情混淆詳駁覆驗罪有出入官被參處莫不因此而起夫檢驗屍傷之法備載洗冤錄中凡爲牧令悉當留心講究熟習平時一遇地方報到命案一面差拘兇首毋使疎脫一面傳集件作刑書單騎滅從親往相驗切勿差催搭棚等項亦不可任件作刑書違離左右一到屍場卽喚原被證佐訊問彼此有無仇隙因何起釁用何器械打傷幾處幾人動手各傷何處幾日身死得其實情然後令人將屍移放平明地上督同伴作細驗某處係何物致傷是何顏色長闊淺深是何分寸生前有無殘疾死後有無裝點沿身上下務須親加察看硃填屍格不得避穢違離任聽件作喝報被其欺蒙又須追起兇器比對傷痕果否相符有無疑竇蓋驗訊既速則屍無發變之虞役無賄詐之弊兇無狡飾之情傷無不確之患諸弊除而信案成矣儻或初檢失實必致後來覆檢爲時愈久滋弊愈多死骨有蒸刷之慘生命含覆盆之冤可不慎耶

聽斷 州縣爲民父母上之宣 朝廷之德化以移風易俗次之奉 朝廷之法令以勸善懲惡聽訟者所以行法令而施勸懲者也明是非剖曲直鋤豪強安良懦使善者從風而向化惡者革面而洗心則由聽訟以馴致無訟法令行而德化亦與之俱行矣彼夫受賄枉斷曲法徇情者固無論已其或明不足以燭奸剛不足以除暴好惡不能一出於大公寬嚴不能悉歸於至當皆足爲聽斷之累爲有司者審理詞訟事無大



小必虛公諒慎勿任一時之性勿執一己之見勿因證佐串通一氣而搖惑是非勿因原被各執一詞而依違兩可勿過於浮躁而使懦者不能盡言勿任其爭辯而使強詞得以奪理勿因前官斷定而不爲平反勿因上司駁查而強爲迴護兵役與百姓爭訟勿偏袒兵役紳衿與百姓爭訟勿偏袒紳衿審係虛誣則當治以反坐之本罪勿寬原告而長刁究出教唆則當審其起滅之實情勿縱訟師而長惡柳夾嚴刑必不得已而用勿因懶於研求而擅用柳夾監獄重地原爲要犯而設勿以無干牽連而濫行監禁帶審之時則先查限期有無違誤既審之後則又訊差役有無需索而尤要者人命必以傷供爲定不可任屍親羅織而無辜被冤盜案必以贓證爲憑不可任捕役私拷而誣良致斃鬪毆有應保辜者卽取保辜毋令差押以致拖累田土有應勘丈者卽行勘丈毋委佐貳以滋弊端自理詞訟則隨到隨審卽時斷結欽部案件則或詳或解依限速完如此則案無留牘民無滯冤訟庭無鼠牙雀角之爭草野有讓畔讓路之美和氣致祥 天庥滋至熙熙皞皞共享太平之福詎不盛歟

堂事 我 朝重熙累洽物阜民康我 皇上端拱九重垂裳可治乃猶勵精宵旰日總萬幾內外臣工惟有夙夜匪懈孜孜自勸庶以仰答 聖明況州縣初任親民奉職維勤尤當加意故出堂理事不但午晚兩時而及早一堂尤風雨寒暄之不可少者蓋州縣之官無論地方繁簡均有刑名錢穀戶婚田土等事待其分理然聽斷比較時有時無況遇應審之事應比之期則午晚兩堂亦自有不得不坐之勢獨至清晨出堂率多遷延偷惰或十人之內不過一二人或十日之中不過一二次求其雞鳴問夜待旦視事者誠未能數數觀也不知古語云一年之計在春一日之計在寅且衙門規矩一切上下投文百姓控訴書吏胥役之稟

事回話咸皆晨集於門若不料理發落人皆守候事有稽延而案牘之叢脞卽由此起況平旦之氣精神清爽尤宜於辦事能將一日案件趁早檢點則午晚兩時諸務從容就理更省紛擾之繁若但晏然高臥廢時誤公莫此爲甚故爲牧令者勿論有事無事每早定須視堂一次勤之於始勿懈於終然後官諳民情日近日親乃無疎隔之勢吏知官性必警必戒亦無怠玩之心矣

防胥吏 官有胥吏原以供書寫而備差遣其中雖不乏勤慎之人然衙門習氣營私舞弊者居多苟本官嚴於稽察善於駕馭則奸猾者亦皆畏法而斂跡否則縱恣無忌雖勤慎者亦且相率而效尤此胥吏之不可不防也赴任之初迎接跟隨皆是窺探之計既任之日左右前後無非伺察之人人家人親友擇官之所親信者而先致懇勸舉止動靜就官之所喜好者而巧爲迎合官而受財彼則誘以巧取之方而於中染指官而任性彼則激以動怒之語而自作威福官而無才彼則從旁獻策而明操其權柄官而多疑彼則因事浸潤而暗用其機謀官喜偏聽彼則密許人之陰私以傾陷其所讐而快其私忿官好慈祥彼則揚言人之冤苦以周全其所託而圖其重賄官惡受賊犯法彼則先以守法奉公取官之信官喜急公辦事彼則先以小忠小信結官之心官如強幹彼則倚官勢以凌人官如軟弱彼則賣官法以徇己官如任用家人彼則賄通家人以爲內應官如聽信鄉紳彼則聯結鄉紳以爲外援舞文作弊則云一時疎忽出票催規則曰歷年舊例凡此皆不可不嚴防者也至於辦理文案則防其抽換按捺經管錢糧則防其侵收吞蝕捕役緝盜則防其私拷誣良件作驗屍則防其置傷混報一役有一役之弊一事有一事之弊在胥吏惟思作弊故無一事不欲瞞官而官首在除弊故無一事不可不防胥吏蓋胥吏之作奸犯科全視乎官之性情所貴喜怒哀形

使彼無所揣摩嘖笑不假使彼無所倚恃而最要者廉以律己嚴以執法明以燭奸勤以察弊如點經承點  
櫃書斷不可因仍陋規收受分文換頭役出差票斷不可縱令家人索取絲毫否則不但有懲無剛不能禁  
其作弊且立身不正何顏與此輩相對有能遵而行之則官無縱容失察之愆民無恐嚇索詐之累而此輩  
之心思才力亦皆用之於辦理公事之中爲我所用而不爲其所欺則胥吏亦可收臂指之助矣  
慎延幕賓 按唐之節度觀察等使赴任之時皆自徵辟幕僚所謂參謀記室卽今之幕賓也我 皇上加  
意吏治特頒 上諭嗣後督撫所延幕客須擇歷練老成深信不疑之人將姓名具題如効力有年果稱厥  
職行文咨部議敘授之職位以示砥礪欽此仰見 睿慮周詳明無不照蓋以外吏之幕賓共襄政治務在  
得人 天語煌煌誠慎之也然自督撫以下司道府廳州縣衙門雖自不同俱各延有幕賓均宜仰體 聖  
意擇交維謹而初任之有司更當慎重其事蓋刀使簿書既未學於平日刑名錢穀豈能諳於臨時全賴將  
伯助茲執掌若所倚非人則彼以濫竽而敗事我卽從餽而負咎矣故筮仕方新必求品行端潔學問優長  
既歷練於事情更精卓於識見者延之入幕與共晨夕資其佐理以勤夙夜庶幾賓主砥礪相藉有成也但  
幕賓之慎其選人猶知之而於掛號一事則多視爲末節不知州縣公務頭緒繁多凡一應正雜錢糧文移  
牌票各宜立簿稽查俱須登記明白乃百事之條目庶務之綱領也必擇其熟練精細者爲之職掌分門別  
類眉目畢清然後事之應行應覆應比應催者一覽可查均得依期完結接限督銷而書役蒙混之弊技無  
所施否則徒有一簿而不知緩急何事空有一號而不查遲早何時案牘紛紜定滋叢弊所以幕賓需人固  
不可不慎其選而掛號一項又不可不重其事也

待紳士 紳爲一邑之望士爲四民之首在紳士與州縣既不若農工商賈勢分懸殊不敢往來而州縣與紳士亦不若院道司府體統尊嚴不輕晉接然其中優劣不等淑慝攸異則待之固自有道也待之之道無他曰以禮法繩之而已有等憑藉門第倚恃護符包攬錢糧起滅詞訟出入衙門武斷鄉曲者廉訪確實是必具詳參革職加懲處使頑紳劣士知所斂跡不敢妄爲蓋根莠不除非所以植嘉穀也殘暴不去非所以安良善也果其爵尊望重德邵年高品行端方學問宏博者有司臨蒞是邦則交際自不可少地方利弊可以採訪政事得失可以諮詢歲時伏臘講射讀法之餘可以親正人而聞正言上之有裨於吏治次之有益於身心所謂事賢友仁端在乎是正不必以謝客爲高也惟是紳士家人子弟必豫爲告誡而有犯卽懲紳士之餽送禮遺當婉爲謝絕而一物不受事非切己毋令干預以滋弊法不容情毋爲祖護以長奸總之款接不可不恭酬酢無庸太密此其所以敦體統而杜奔競也若夫拜門生講世訖貸銀錢假什物則皆大礙官箴甚干 功令有司正己率人慎勿蹈之如此則輕重得宜禮法兼備而於待紳士之道其庶幾矣

免行戶 行戶當官最爲惡習職司民牧首宜嚴禁蓋一物必有一物之值一物必有一物之價交易不平則虧折爲累矣但州縣衙門所有日用食物布帛等項往往有概不照依時估十而予以四五者亦有勒派取用並不發給一錢者短給而稱爲官價自用而號曰當官以致行戶賠墊賈販吞聲官既喜其省錢役亦樂夫中飽夫身任地方固百姓之所藉以持平也凡地方之奸牙勢棍其買賣中有短價者猶必究以強買有白取者猶必治以搶騙而儼然位居人上乃欲自爲強買搶騙之事其何以視此面目而無愧乎且強買搶騙無賴之行村農市儉稍知自好者猶且不爲而官自爲之則又可羞之甚也況擅取鋪戶不卽給價及

短價致令虧苦皆奉有例禁犯者卽列貪婪是鋪戶行家實官評所係正不得濫取一絲短發一毫致遭上司之訪察有煩彈章之糾劾也故於到任之初卽爲痛行革除一概禁免切不可因循瞻顧曰此舊規也此往例也希圖便易則自誤不淺矣

謹差下鄉 官有賢否而世之通稱則皆曰民之父母役亦有良善而人之通目則皆曰官之爪牙夫曰父母則民之望於官者可知曰爪牙則民之畏夫役者亦可知矣故初任牧令於此最要體貼除人命盜賊錢糧頑戶逃犯賭博一切事關地方者自應照常差役舊落查捕不可稍有縱延外至於無事之時斷不可聽其藉名懲愚輕差下鄉蓋此輩城狐社鼠假威以逞其視村農猶魚肉也一旦奉差赴鄉聲焰俱赫里巷婦子畏之如蛇蝎而且指東話西大言恐嚇飽噉雞黍勒索錢文稍拂其意輒咆哮罵辱莫敢誰何小民但期無事惟有吞聲受之而已所以不但無事不可輕差卽有平常需差之處亦必當面諄諭務令斂跡奉公只此一端便是愛民實際也再衙門之弊尙有買就謀簽者乞恩賞粟者夫發簽出票不過奔走之事乃至於爲恩爲賞可謀可買則差之爲利顯然而差之爲害亦顯然也百姓吾子也而忍令其困於爪牙之博噬乎父母斯民者可不慎之又慎歟

勸農桑 農桑爲衣食之本稼穡爲風化之源我 皇上特舉 躬耕大典禮重三推並 命各省督撫下及郡縣通行藉田之禮仰見 聖天子崇實敦本重農資粟其所以表羣工而風兆庶者誠曠千古而獨隆矣凡有守土之責自應加意農桑以勸 聖治而初任之州縣尤不可不知勸農之法如南畝西疇正當有事則一切胥役不許下鄉恐追呼妨業如乘乘執館都無暇日則一切雀角鼠牙不與聽理恐牽連失時如

野有荒田則督其墾藝以盡人功如地鮮水利則令開溝洫以資灌引如民多遊手則力禁賭博嚴查宵匪而人皆食力於耕鋤野有惰農則禁止社賽驅逐窩娼而民皆相安於勤苦凡此皆所以勤之也至於春耕秋斂所謂主伯亞旅者咸舉趾田間公務之暇不時單騎減從親詣鄉村問其播種者如何收穫者如何獎其勤樸戒其奢靡諭省物力於豐收令儲蓋藏於籽粒麻麥桑柘之間以與父老子弟殷殷相慰勞聞其憂則恤聞其喜則慶俾知長官重念農桑莫不感激鼓舞以自盡力於出作此又勸之以心而非但勸之以身也況來往閭閻官民相習而地方之風氣人情之厚薄並得周知其詳其於初任者不更多所裨益哉

嚴禁獄 禁獄重地也雖在初任之官亦知當嚴鎖鑰謹啟閉高牆垣勤巡邏無敢怠忽從事然而禁獄之防範固不止於此者如初獲繼獲盜犯未經審確成招則獄中隔別宜嚴恐其共繫一處串改口供謀叛良善如重囚兇犯自知必無生理則其衣被柴薪送入禁內者更宜嚴加搜檢恐其夾帶筆墨兇器以防意外如逢年過節獄卒貪飲致醉往往疎虞誤事更宜嚴飭小心防其竄越至於圍屏之內百弊叢生或內外關通得錢賣放或聽許財物鬆其肘綴或因官公出而乘機縱脫或挖穿牆壁而偷空使逸欲掩其賄縱或將頭顱打傷稱爲反獄欲就其輕罪或云偶爾睡熟失之不覺若非稽查之嚴鮮不令其蒙蔽再狠心獄卒無惡不作往往有詐索不遂凌虐致死者有讐家買求獄卒設計致死者有夥盜通同獄卒致死首犯以滅口者有獄霸放債逞兇專利坑貧因而致死者有無錢通賄斷其供給以致凍餒瘐斃者有囚病不報待其垂死而遞病呈或死後而補病呈者種種慘毒均宜嚴加察禁如有實係致死者審出必按律問擬如此則獄卒稍知斂跡而囚有應得之罪不致遭非法之凌虐矣故初任州縣若能洞悉諸弊而加以巡察之勤防

範之密則禁獄重地豈尙有疎失之虞哉

講讀律例 竊教在於明刑陳法因而布令律例一書乃 本朝之定典萬世之成憲也蒙我 皇上聖明鑒定歸於允協 特賜頒發以昭遵守仰見治益求治之 聖懷刑期無刑之至意百司官吏士庶均應熟讀講明而在州縣中之初任尤其須臾不可釋手者蓋州縣親民之官百姓訴訟既聽其剖斷以辨是非上司批發更藉其審定以成讞獄若胸中茫然並不諳曉律意則事由之輕重案情之出入不能識其端委而奸胥猾吏得以高下其手曲直莫分顛倒任意民間將有覆盆矣如曰書中延有雜寶是固熟諳律例者何必官又讀之講之也不知幕中之友佐理簿書以分其勞而刑名錢穀我爲官守若不能明白於胸了然於口洞悉於首尾斟酌於情理而參參焉徒聽於入幕之賓此卽謂尸位而素餐也又何以堪況當聽斷之際曉曉訐訟摘奸發隱止須片言卽足以折其心而俯其首所謂老吏斷獄者蓋其得於講讀也深矣故初任牧令其於辦事之暇卽應將 大清律例逐篇熟讀逐段細講務必曉暢精意而於輕重疎密之間以會其仁至義盡之理然後胸有定見遇事可決而民無冤獄上佐祝網之仁下有明允之譽不亦美乎但人之心思才智多不善用每見少年州縣喜恃聰明或於無事時學書學畫講詩津津然自詡爲能而問之以律例則訥訥不能出諸口夫書畫詩弈等類家居文人之餘事也律例者出仕治人之大綱也旣已出仕治人而乃效彼家居者揮毫拈韻子聲錚錚然以侈得產是何異於舍己芸人者之可笑也夫居官之賢否視乎吏治若經濟無聞縱其筆墨入妙而已無當於 國計民生之要況必至於廢時必至於誤公是以有用之精神施於無用之游衍方且足以引累而招尤豈不甚可惜哉若以此副心思而於退食之下究心律例



所謂學問中實際也故聖人有云君子思不出其位又云君子素其位而行初仕者之講讀律例正所以靖共爾位也可不勉歟

操守 士君子立品自好必曰砥礪廉隅可見操守兩字嚴於家修非必俟釋褐登朝而後講究做清白吏也然至服官更爲喫緊蓋操守者出仕之根底必於此處立穩則事功經濟由此而起否則大本先撥雖有枝葉向榮徒供斤斧摧折耳況今之知縣古郎官也今之知州古刺史二千石也郎官上應列宿二千石位躋滲明顧名思義卽當廉潔自愛以副 朝廷名器之重若操守不嚴則行止卑污上司必刻刻體訪處處防範倉庫恐其侵盜詞訟疑其婪贓而一絲一粟皆慮其來自暮夜雖云屬吏是直以鼠竊目之狗偷待之矣夫爲 聖天子膺民社黃綬銅章人稱父母乃以不知有操守至令上官視若穿窬中夜捫心能無面熱汗下今歐指途人而呼之曰盜則其人必怒身爲牧令而不翻然自痛者則亦有覩面目之人耳故初任州縣於其操守一端所謂人鬼關也必於此處首先勘破而勘破之道惟在利義分明蓋認得正則世間之紛華靡麗方不足以搖其志持得定則官場之膏粱文繡方不足以移其情家本富也素封之室仕不爲貧何至垂涎民膏又肥私橐正當冰鑿自勵以圖遠大家本貧也淡泊之風相安已久況旣衣稅食租養廉並厚益當感激圖報勉作清官賢有司若能深體此意矢志一誠上思不欺於 君下思不欺於民勿詐勿僞始終不渝嚴一介於取與懷四知於巨明重祿厚糈酬庸有鉅典焉苟非然者象有齒以焚身賈藏珠而剖腹孰得孰失初任者當必有以辨之

浙江總督李衛條列州縣事宜



一受寄民社而命之曰知州曰知縣顧名思義必於此一州一縣中戶口幾何錢糧若干道路之險夷安在控制之匪何方與夫風俗之奢儉正淫民生之疾苦休戚知之悉周而後處之始當故凡四境之內毋論遠近或因公務出赴省郡或緣命盜往來鄉村途次所經必隨事隨時詳加體訪凡有騷動風水清理地界稽查保甲省視農桑之事皆可順便辦理無非有益於民若深居簡出高坐衙署使百姓難於見面於一切物理民情茫然無知判然隔絕不幾實此設官之名乎況州邑之內強凌弱暴真逞巧詐以欺侮愚特勢力而橫行鄉曲皆賴百里長為之剖是非定曲直有以服其心而懾其氣自不至於越控上司守候失業乃有一等鬪茸之員虛斷乏才優柔不決經年累月拖累無期更有不堪之人雖畏懼 功令不敢要錢然但知賤比錢糧沾潤餘耗苟求免於考成便謂職分已盡此外民事置若罔聞過盜竊則與失主為讐有人命則與屍親作對百計抑勒諱飾不報一切戶婚田土爭訟概不准理使受冤者無所控訴或激成仇殺重情或奔馳上司告理亡身命而蕩家資誰為父母釀此禍端 朝廷亦安用此庸惡陋劣之官使一方受塗炭之苦乎故有守有為者上也即操守稍平而能辦理民事整頓地方猶可教之改過遷善惟此偷安曠職如病者之通身痲痺不仁此則實為貽誤地方而不可姑容者矣

一州縣所司不外刑名錢穀而刑名之重者莫若人命初報到官自應即時相驗就兇手屍親鄰地保等在場之際將各項情形詳加推問又須不嫌穢氣親驗屍傷逐處指認起出兇仗比對符合當此初報倉猝之時加以目擊身屍之慘誰無良心供吐必實凡旁觀之鄉里老成以及知識人事之樞子俱可訊問並據由爭鬪情狀初供既得便易成招除下手加功正犯帶回收禁外其餘應保應釋即時可定至於各輕傷

極而淺深真假變幻洗冤錄開載甚明平時留心講究臨事自難蒙蔽乃有司之悠忽者每多遲延日期以致屍身發變且於洗冤諸錄全不寓目此中既已茫然及到屍場又以裏穢爲嫌連坐他所止憑件作衙役混報既未目擊又不令兩造面質草草訊供游移通詳其則故留空階使將來易於出入迨至發票行拘一任經差舞弊株連案外無辜藉稱人犯未齊恣意掠閱迨懲既盈始行稟審業已兩造俱有訟師教唆純熟供情閃爍推諉狡變而問官先既未將屍傷親看亦復胸無確見難定爰書更有參展遲延仍然冰闊挨到覆參限滿不得不草率完局鍛鍊成招不但生死含冤且有牽連拖累致小民傾家蕩產廢時失業者深堪憫惻人命如此其他可知又如錢穀之重首在徵收平時既不設法勸催臨比又不清釐完欠分別勸惰懲一儆百上堂毫無頭緒徒聽經轟指揮應比盈庭無非僥倖終宵扑責總係虛民甚有一身包攬幾圓輪流受責皆此一人面貌尙不能辨適爲皂隸及代仗之人作一生涯似此晝夜查比徒費工夫在本官精神有限疲困難支非惟次早不能辦事兩三日間尙昏昏欲臥而小民多出一分應卯偃打之錢卽少完一分正供勞民傷財徒自苦耳其於錢糧更有何益再如完納官與其書吏作奸多有改多爲少切頭截脚串根流水不符之弊而昏庸州縣毫無覺察一任蒙混莫可稽查夫國家分設庶司有一官必盡一官之職未有親民之吏於刑名錢穀之大者如此糊塗而能使地方寧輯民生得所者也嗣後人命報官相視不可稽延驗傷務在的實屍場須訊確供審詳必遵定期人命自可早結其錢糧悉照順莊滾單之法使人立的名糧歸本戶比屋而居者催科不出一鄉田連阡陌者完納總在一處大族但不花分小民必無拖欠摘奪沈閣究比頑抗留心串票不難一目瞭然無事逐圖混比而錢糧亦得早清矣

一徵糧之有耗費其來已久雖多寡不等而從前各官之辦理公事養贍家口悉皆取給於此 皇上體恤  
臣工愛養百姓先准原任山西撫臣諾敏之議酌提耗費解司以充本處地方公務及各官養廉之用現在  
各省中多有遵照奉行者官無匱乏之憂民免重耗之累此誠千載一時互古所未有之 隆恩也但恐州  
縣各官或因起解錢糧尙有零費或因用度不節支給未數雖不敢公然額外加耗竟有設立銀匠數人名  
爲官匠專司傾銷打截將民間完糧之銀苛折成色勒索火錢各二三分不等迨至發傾元錢之時則每百  
兩暗扣一二兩令銀匠添補是出名者在匠而巧取者實在官矣不知耗設一項浙省除提解之外每兩原  
留一分聽爲解費併零合總尙有些須其各官用度若能謹慎節省則 恩賞養廉銀兩亦可藉以撐持何  
得額外妄索況民間完糧定例自封投櫃果有青湖短少不難發出原封令本戶驗明照補卽恐成色稍有  
不足傾銷便至缺數亦當於通縣銀匠各給名字戳記聽從民便赴店傾銷額定每兩火炭工錢三五文不  
許多索仍於起解時查明各匠經手名戳足數發銷毋得從中扣剋則官匠不能藉名賠補而勒索於民知  
弊亦不得指稱青湖而巧取於匠如有違犯上貢從重嚴參加倍治罪庶小民於耗外不受捐勒橫徵之累  
共戴 皇上愛養黎元之厚澤於靡涯矣

一類徵光石漕白所以供 天庾南文秋儲所以給兵餉各州縣多者數萬少亦幾千盤量收解原非印官  
所能親爲者自不得不假手於胥役慮其舞弊也又不得不遣家人長隨以監看之而胥役之狡黠與家人  
長隨之不肖者往往彼此勾通朋比作奸於是有抑勒好米故爲飾擯之弊有稍遲不收守候失時之苦又  
有明加斛面淋尖浮滿之端並有婪得陋規濫收不堪之事在州縣雖不能親任手足之勞豈竟無察訪耳

目之寄非漫不留心卽明知故縱凡有前弊發覺本官自當並參至於不肯有司私派漕規遂爲運弁窺破借以挾持往往故意增糶米色稍勒兌運非通同科派以分肥卽彼此詳許而課限此等劣員更當從重治罪又如漕兌限期急迫小民偶因事故完納不前州縣代爲買米應兌者均有不得不然之勢止宜照依原買價值量加脚費收納歸款但於原數無虧自屬官民兩便而不恤民瘼者每於時價外每石多徵三四錢並有於給兵南米私行重價折收買米交解以圖盈餘者是皆剝民貪利之尤屢經分晰嚴加禁革不使輕聽者也

一害民莫如盜賊而大夥強劫皆由小竊既慣遂致膽大手滑故定律於竊賊無論贖之多少每次必行刺字三犯卽當擬絞正使畏法警戒不至輕陷刑辟也今州縣於竊賊到官多用薄責或止枷號了事並不依律刺面卽有贓重者亦任經胥蒙蔽假以追贖爲由藉名延挨竟不發落且於刺字之時官不親身看視聽其手法輕淺虛應故事以致惡賊輒將熟豆腐膏藥之類用術脫去滅其痕迹使人不能識認卽犯至十餘次而仍然寬縱不擬絞罪姑息養癰莫此爲甚臣於浙省及下江竊盜案件審明之日卽飭先行深重刺字追贖發落後項帶小木圓牌刻出所犯事由懸鈴弁警交與保長約束朔望赴縣查點三年無過取結詳釋若能擊獲盜賊匪類按起分別早放訛詐誣首加等治罪其有三犯竊盜俱照例擬絞不令漏網但此等積習他省皆然推而行之或亦創懲奸匪之一節也一積儲者地方之本計也有司不能使百姓務本重農崇儉節用實有耕九餘三之備而徒恃公家之倉廩以接濟其爲治之術已疎若再不廣蓄儲籌出納謹筭鎗慎蓋藏致民食有匱乏之憂倉庾滋朽蠹之患則失職甚矣 皇上廬念民瘼於倉穀積儲類頒 詔諭設

立規條其籌畫極爲周悉今之長吏已不敢有侵漁或沒之弊而姦行猶未能盡善者一在州縣之畏賠累而不肯任事一在上司之多拘執而不知變通蓋一數非銀錢可比多儲一日卽有一日之折耗盤量一次卽有一次之虧賠故州縣每幸數目之少而不樂於多儲又恐出入之繁而並停其糶借則有名無實之弊見矣又如存七糶三出陳易新最爲善政然必當青黃不接米穀價昂之時照市值量減二三分出糶但使不致缺乏自然價值漸平又必乘秋收米多價減之際早爲買補或令民間以米穀抵納錢糧將糶價撥補則於原額不但無虧亦可稍得溢餘以抵折耗之數乃於其難也必詳請再三而時已過矣又必多減價值而數已虧矣及至秋成則原銀給發糶運而不得乘賤以收買糶價層層駁減而不問市值之低昂於是有司病其苛刻往往延挨推卸或仍折價存庫一旦需用倉庫空虛所由然也夫積儲所以備不虞今不肯預先豫備採買按時平糶接濟或又派發都團領買病民以致偶過歉歲手足無措卽與有誤民命之罪無異故必有實心任事之州縣而無從中掣肘之上司出入以時監糶如法庶窮民得沾實惠再能因地制宜推行社倉之法不擾民不怠忽數年之內積儲漸可充盈民食有備無患矣

一救災恤荒乃有司之要務旱潦不時雖堯湯之世未免有之全賴地方官視同切膚設法拯濟佈不至於流離失所方爲無忝厥職乃州縣或止圖粉飾隱匿災傷或朦朧申報察勘不實追奉文牘賑卹皆出 聖主洪恩必令真正災民得沾實惠備不親赴村莊逐戶驗看卽經胥里竊往往將赤貧窮民漏造入冊而捏報鬼名虛填戶口重覆冒支分肥入彀甚至將不曾被災之欠戶每錢糧一兩得銀三四錢混列蠲冊名曰賣先印官毫無覺察如烏程縣知縣王懋訥者經臣察出參革分別究擬治罪在案至於賑濟之法又須因地

制宜極費者煮粥給食次貧者給領米穀而煮賑則當多分廠所毋使餓道處置得法勿令擁擠守候病者時其醫藥死者速爲掩埋以免傳染疫癘傷殘民命救賑則印官親督佐貳教官雜職沿家驗其情狀丁口當面給發不得止惡里野蕪混糶雜一而買米平糶招商轉運使稍有力者不致困於糶糶似此隨事救濟猶可保全災黎若夫平日能留心民瘼先事豫防修築塘堤疏濬水利使灌溉有資蓄洩有備則又賢牧令之所爲當急於舉措以示風勸者也

一州縣於本衙門吏幕及境內盜賊賭博光棍未經自行處治而爲上司查拿仍發本官審理者此或因其地劇事繁備有耳目所不及倘非同於故縱或因其才守別可節取不忍於一售廢棄使之得授自行審出以免例議爲州縣者自當兢兢從前疎忽之愆據實窮究定擬乃因失察在先多方迴護吏幕則掩飾其贓私盜賊則曲諱其犯案雖開場呼盧而以爲飲食小賭雖遇事訛詐而以爲證據未明卽至私宰耕牛亦賴爲病斃開網無不移重作輕巧爲出脫是前之失察猶爲無心而後之故縱實屬有意矣又如上司擬定罪名批行州縣發落者多因經胥受賄於齊戒之日出文回覆捏具遵依嗣後音置沈閣全不枷責以致兇惡奸徒得以漏網此等有責職守所當嚴行參處以爲恥過作非縱惡養奸之戒

一民間田地每圖向分十甲編徭從前陋例設立糧長現年名色卽於里戶內按年輪充其初不過糧長管催米石現年管催地丁止於奔走之勞而後則躡弊相沿凡一切私派悉於糧長名下催繳而經承差役巧立規禮分門別類百般苛索不但代受比責亦且費用貲財甚至地方相驗人命踏勘公務往來供應悉取給於現年常有輪當之時賣田鬻產尙然不足者歷歷題明禁革而銅弊牢不可破因各州縣中間有附近

江河逐年坍塌或偶遇山溪水發石壓沙淤以及逃亡積荒無徵糧額皆責令現年包賠若使遵照革除則前項錢糧即歸無著是以雖有才能之吏亦多陽奉陰違臣訪知弊源急圖整革故於上虞縣夏蓋湖開墾淤地案内具題請旨將額外丈出所墾田糧除抵補本縣荒缺無徵外有餘者以之撥抵各縣攤賠糧額荷蒙俞允欽遵在案蓋新墾報墾於國家增益之糧為數有限而抵補積荒免無辜賠納之累為利無窮且可由此永除積欠之弊使急公完賦之民追呼不擾耕鑿相安皆出聖主休養撫恤之仁矣

一五刑之中徒罪列於三等其去軍流不遠皆係作奸犯法之人擺站拘役原有年限釋放未嘗禁錮終身乃各驛中或有驛丞專司或係本縣帶管在驛丞官職卑微惟圖營利而知縣地方事冗不復經心此等奸黠徒犯每多夤緣賄賣私放歸家或倩人頂替本犯潛回梟賊仍然竄竊盜依舊作賊若遇旁人首告在未經拏住者則星夜逃回原驛以為並未遠離儻連人捕獲則該驛倒提年月捏報脫逃在先借以掩飾甚至隨到隨放旋即報逃有一驛而連逃數人者如此之事經臣咨參斥革究擬不一而足現在嚴行各屬於起解之時造具真實年貌冊結解送各驛收管州縣印官按月查點又不時委員分途前往稽察如非本犯正身在驛即行嚴拿加倍治罪驛丞斥革計職究擬蓋此等事務上司每視為不急未肯留心不知虎兇出柙為害多端欲安良善必去奸宄州縣果能留心逃徒自當斂跡矣 欽頤州屬事宜

又改江南江寧府屬之溧陽縣隸鎮江府改望江縣楊灣河巡檢移駐華陽改定連縣主簿移駐北爐橋改浙江定海縣溇港司巡檢移駐岱山改鄞縣四明驛驛丞移駐江干添設定海縣沈家澳巡檢一人改福建福清縣縣丞移駐平潭改廣東定海縣青甯司巡檢移駐太平汛添設瓊山縣水尾司巡檢一人改番禺縣縣丞移



駐南村添設香山縣丞一人駐前山寨城改湖南田家峒巡檢移駐榔溪改張家壩巡檢移駐里即會典事  
例

又議准江蘇淮安府屬之山陽縣揚州府屬之江都縣事務殷繁析山陽縣地置阜甯縣以屬揚鎮爲縣治仍  
隸淮安府設知縣一人典史一人縣丞一人管理河務改原設廟灣巡檢移駐草堰口改鹽城縣清溝司巡檢  
移駐上崗析江都縣地置甘泉縣仍隸揚州府設知縣一人典史一人以瓜洲萬壽二巡司併廣陵驛隸江都  
縣以邵伯上官二巡司隸甘泉縣改江都縣主簿爲甘泉縣主簿添設如臯縣主簿一人駐掘港會典事例  
又改江蘇嘉定縣江灣司巡檢爲南翔司巡檢改江西都昌縣縣丞移駐張家嶺設瑞昌肇陳口巡檢一人改  
廣東南海縣縣丞移駐十三行改東安縣羅奇司巡檢移駐西山爲西山司巡檢改湖北應山縣平里巡檢爲  
平靖關巡檢移駐三嶺店設孝感縣馬溪河巡檢一人裁廣東澄海縣東壘河泊所大使改設樟林鎮巡檢一  
人會典事例

十一年議准陞江南徐州爲府以州地置銅山縣爲府治設知縣一人典史一人糧河縣丞一人以原屬之豐  
沛蕭碭四縣併隸邳州之睢寧宿遷二縣隸徐州府析鳳陽府屬之壽州地置鳳臺縣設知縣一人典史一  
人並添設定遠池河驛巡檢一人會典事例

十二年議准改江南寶山縣主簿移駐高橋上海縣縣丞移駐黃家灣華亭縣縣丞移駐曹涇管理塘工會典  
事例

又改江南崇明縣大安司巡檢爲三角等九沙巡檢改廣西賓縣辛安寨巡檢爲五山汛巡檢陸村改平南



縣大同鄉巡檢駐大烏墟裁武宣縣安永巡檢一人改原駐武宣縣城巡檢移駐縣郭會典事例

乾隆元年奏准湖南沅州地處邊陲陞州爲府以州地置芷江縣爲府治設知縣一人縣丞一人典史一人改辰州府屬黔陽麻陽二縣隸沅州府會典事例

五年議准江蘇蘇州府吳江縣盛澤鎮地產綢綾商販雲集五方雜處改吳江縣縣丞移駐盛澤鎮專司稽查會典事例

十一年議准江蘇吳縣地廣事繁改縣丞移駐木瀆鎮其木瀆鎮巡檢改駐光福鎮與縣丞分地巡查會典事例

又改浙江歸安縣主簿移駐菱湖鎮象山縣趙嶼巡檢移駐三角地方定海縣沈嶼巡檢移駐金塘樂清縣縣丞移駐大荆倉會典事例

十六年議准江蘇贛榆縣荻水司巡檢原駐汾水鎮荻水口因山河流沙淤塞移駐青口鎮改爲青口鎮巡檢會典事例

十九年議准裁汰各省驛丞直隸三人江蘇十七人安徽二十人江西一人浙江九人福建十五人湖北四人湖南六人山西四人陝西二人甘肅二十八人四川一人廣東三人雲南六人貴州三人共裁一百二十二人將驛站錢糧歸各該州縣管理又江蘇裁大使二人會典事例

又議准浙江山陰縣柯橋地方爲水陸通衢改白洋司巡檢移駐彈壓會典事例

二十四年議准山東長清一邑境內有嶗山長城二驛南北交衝裁鄒平縣縣丞改設長清縣縣丞一人駐一

驛道中之張夏鎮又青萊兩府交界之景芝集人煙稠密改安邱縣丞移駐景芝集會典事例

又議准江蘇松江府金山縣本由婁縣分設就金山街爲縣治在縣境偏僻東南民間宗糧不便前於適中之涑涇鎮建倉徵收衛城只留典史防守未免疎虞將涑涇鎮改爲知縣駐劄之所並移典史同駐查金山縣縣丞柳橋司巡檢向皆駐劄涑涇鎮知縣典史既經移駐改柳橋司巡檢移駐金山街城改金山縣縣丞移駐寶山所爲寶山縣縣丞改寶山縣巡檢移駐七浦鎮爲七浦司巡檢會典事例

二十六年議准直隸靈河縣蘆台巡檢附近河干改爲兼河管理新河仍兼地方事務會典事例

又議准改陝西興平縣縣丞移駐店張鎮會典事例

又議准江蘇蘇州府屬元和縣角直鎮昇連崑山新陽二縣改元和縣縣丞移駐角直鎮兼管崑山新陽二縣附近該鎮村莊改角直鎮巡檢移駐周莊鎮爲周莊巡檢裁崑山縣主簿改設元和縣主簿一人專司水利又松江府屬上海縣濱海民刁原設縣丞主簿典史均駐縣城吳淞江巡檢駐劄法華鎮分管地方過於遼闊將近城二十五保歸在城主簿管轄附近海塘二十三保歸本縣管轄縣丞統轄又鎮江府屬丹徒縣東南外都天廟起至西門外排灣一帶水路要衝漕艘民船擠泊需員催攢改該縣管糧主簿移駐西門外京口驛又丹陽縣城外西南一帶爲連金壇溧陽要道兼通句容茅山向屬該縣典史管轄稽察雜周改該縣管糧主簿移駐縣城西南珥陵鎮會典事例

三十五年議准改安徽合肥縣石梁巡檢移駐青陽設合肥縣官亭巡檢一人改巢縣焦湖巡檢移駐柘皋爲柘皋巡檢設含山縣運漕巡檢一人會典事例

又議准改浙江嘉興府屬嘉善縣丞移駐斜塘鎮改温州府屬永嘉縣丞移駐永嘉場會典事例  
三十八年議准改浙江杭州府屬海鹽縣爲州裁知縣縣丞典史等官改湖州府屬安吉州爲縣設知縣縣丞  
典史等官會典事例

嘉慶二十一年諭內閣御史王松年奏嚴飭各督撫揀慎邑並首繁缺州縣一摺收令爲親民之官總以勤理  
民事爲重首縣爲通省倡率要缺亦賦重事繁必須慎選賢能方克稱職乃向來督撫大吏專以浮華便捷工  
於周旋應酬之人奏請升調甚至視首縣如奴隸各上司衙署一切日用所需悉皆取給該縣令日役役於供  
頓逢迎非賤削箇里之膏脂卽侵挪國家之帑藏直省州縣敢於公然虧缺肆無忌憚其風氣實開於此近雖  
漸知斂戢仍恐陋習未能盡除著通諭各督撫凡有升調首邑繁缺州縣務擇悃悃無華盡心民瘼者以端風  
尙如德品端方又才能幹濟自屬上選卽德優於才雖器局稍謹而樸誠任事廉潔愛民亦必不致貽累地方  
較之流俗波靡者其相去遠矣督撫爲吏治綱領其各正己率屬慎簡乃僉用副朕崇實黜浮至意 聖訓  
道光元年諭內閣各省親民之官莫如州縣州縣之賢否惟道府知之最真而民隱之能否上達州縣之上亦  
惟道府實扼其鍵近日小民有於道府衙門控告州縣及控吏胥而牽涉本官者該道府往往以一批了事仍  
發回本官辦理以致逼勒認誣私押醒命弊竇叢生冤抑者無路求伸刁健者任情挾制訟獄繁興牧令肆恣  
職此之由不可不加以振刷著通諭各督撫嚴飭各道府屏除積習於所屬被控之案務卽親行提訊辨別曲  
直秉公剖斷不得仍發回本州縣辦理並責成各該督撫留心察看如該道府有審斷不公者隨時駁正若惟  
知袒護屬員罔恤民瘼卽行嚴參懲辦以通民情而肅吏治 聖訓

九年諭內閣松筠奏酌定清釐案贖章程通飭各屬實力奉行一摺州縣爲親民之官若果於詞訟斷明斷則大而冤抑得伸細而是非立判不特兩造帖服而架詞唆訟講張爲幻者焉得暇而逞其伎倆無如近日州縣怠忽者多勤敏者少每遇差提案犯動輒累月經年即使剖判毫無枉縱而受其拖累者已多况未必悉臻平允因而纏轉上控該管上司又未能消除積習或仍發交該州縣審辦或復回護固結而遇事生風之徒遂得乘機搆捏淆亂黑白以致小民含冤屢控訟累日深此外省之通病深爲可恨此等劣員不顧天理不念人情置百姓疾苦於度外視國家法度如泛常任總書役如狼如虎擾害閭閻滅盡天良所謂以不忍人之心行不忍人之政者安在松筠於接署督篆後檢校各府州縣積案酌定章程以嚴考覈尙爲清釐積牘起見著將所請嗣後令各州縣將所收呈詞按月詳報已結若干未結若干兩造自請息訟者若干續接呈詞若干運案聲敘報明該督該司及本管道府查覈分別記功記過以昭勸懲該管道府及直隸州於所屬有關罪名出入之案如能於上控及審轉時據實平反改擬得當者仍照例具題由部覈明奏請鼓勵備該管上司不知勤恤民隱或不能慮吏提訊或仍批交該州縣審理致有拖累無辜冤獄莫伸之事卽一併從嚴參辦以慎庶獄而肅官常

肅官常 聖訓

十五年諭內閣御史岳鎮南奏請飭禁濫委佐貳佐雜等員署理州縣一摺州縣爲親民之官蒞民行政均關緊要豈容佐貳佐雜人員濫行署理致滋流弊茲據該御史奏稱近來各省代理知縣每委府經歷縣丞及州判等官甚至終年累月並不更換鄉試年分例准佐雜代理雖缺惟此項人員非正途出身向少懷芳履潔之人委以重任往往巧取民財任縱家丁差役弊端百出至同知通判在省候補多謀營好缺署理州縣剝民利

已且有已補本班因缺分瘠苦暗求調劑該上司由徇人情動謂人地相需俾署州縣之缺嘗有部選知縣到省該上司令其在省學習不肯遽使到任實爲調劑他人起見等語若如所奏是該督撫府尹等職徇情面不拘資格致敗責難奔競之漸於吏治官常大有關係嗣後各直省督撫府尹等務當破除積習一秉至公遇有州縣缺出惟慎選正印中賢能之員俾往署理不得濫用佐貳佐雜等官署理州縣卽間有州縣出差之缺正印中乏人委署不得不暫令佐貳佐雜人員前往代理亦當慎加遴選概不准以操守卑劣聲名平常者濫竿充數以致貽害地方尤不可設法調劑見好屬員一經代理輒至累月經年並不更換至部選知縣到省後該督撫府尹等惟當留心察看如果才堪造就卽飭令該員接印任事不得槩稱留省學習爲調劑他人之計經此次詳論之後該督撫府尹等儻仍狃於積習不知悛改復有前項弊端經朕查出或經科道糾參定將該督撫府尹等嚴懲不貸勿謂誥誡之不豫也將此通諭知之 聖訓

十六年諭內閣申敷賢奏恭刊 御製人臣儆心錄 欽定訓飭州縣規條頒布通省官員一摺所見甚是州縣爲親民之官果能各盡其職則天下自無不治膺是職者宜何如精白乃心勤求民事以副朕愛養元元之意若如該撫所奏州縣蒞任之始不問地方之利弊先問缺分之肥瘠凡前人所不敢存諸寤寐者今則直言諸大廷廣衆之中而無忤容一切公事委之幕友任之書役以故營私僞作徇利贖官積習相沿恬不爲怪夫吏治之廢弛全在該管各員設法化導多方振作使知奮愧思勉自可力挽頹風該撫刊刻書函俾各該州縣實力講求漸除錮習洵爲正本清源之論著照所奏辦理因思賢省吏治如此各直省想亦不免所有雍正八年 欽定訓飭州縣規條一書其中條列州縣事宜允爲牧令法守著各該督撫卽遵照原書敬謹刊刻頒

發所屬各該州縣俾得細心究習實力奉行有所據依以爲準則儻有陽奉陰違執迷不悟者卽著該督撫據實參劾毋得稍事姑容務使民咸樂業比戶可封大法小廉吏治蒸蒸日上朕實有厚望焉將此通諭知之

聖訓

十七年諭內閣給事中黎鑾奏州縣命盜案件多不親往驗勘請嚴行飭禁一摺州縣辦理案件以命盜爲最重該管地方一有命案卽應馳往相驗則受傷情形與罪名輕重無難立辨至境內偶有盜竊重案亦應親馳勘視迅速履緝庶兇犯不致遠颺若如該給事中所奏近來外省州縣泄沓成風往往擅委佐雜代驗代勘間或親自前往又復任意宕延顛預了事愚民無所申雪以致紛紛上控卽如上年廣東前署東莞縣知縣吳毓鈞於已完糧戶葉省之橫被差役鎖禁索贖在押病故率委佐雜代驗又捏稟已經親驗無異含糊勒結致釀鉅案又如浙江孝豐縣已革職員施錦心呈控伊媳屍棺被竊一案該縣延不往驗致令肆行誣賴拖斃多命似此尋常命盜之案遷延日久諸弊叢生總由地方官積習相沿不肯親自勘驗所致此等惡習不獨浙江廣東二省爲然若不亟行整頓何以挽積弊而清訟源嗣後著各該督撫通飭所屬州縣凡遇命案必當迅速親往驗看卽或因公出境亦應照例交鄰封代驗遇有盜案亦應親自勘驗儻敢濫委佐雜或託故遲延卽行指名嚴參以儆疲玩至州縣下鄉跟役書吏人等勒派夫馬供應使費小民既負冤抑又遭橫索尤爲向來惡習著一併嚴行申禁嗣後州縣因案下鄉務須輕騎減從約束胥役不許向民間需索分毫如敢有心徇庇或失於覺察卽著該督撫據實參處其一應官員因公過境概不准多帶丁役稍有需索滋擾致干咎戾將此通諭知之

諭知之 聖訓

光緒八年江蘇巡撫衛榮光奏竊太湖所轄之東山下楊灣村爲江浙通衢地方散漫並無一官駐守前據署太湖廳同知傅懷祖稟請派員駐紮藉以控制經臣飭司確查核議詳辦去後茲據蘇州布政使譚鈞培會同江蘇按察使許應鑠蘇松太道邵友濂詳稱太湖廳洞庭東西兩山分設東山角頭兩巡檢專司緝捕而東山周圍五十餘里四面皆湖又有前山後山之分該廳與東山司巡檢及太湖協副將守備均駐紮前山其後山相離廳治近者十里遠者三十里中間類多高山複嶺居民散而不聚或數十家或數百家巢棲山谷寄泊湖濱內下楊灣一村又係江浙往來水道通衢近成村市匪徒最易潛蹤民情亦屬強悍該處既無巡檢分防又無武職彈壓而離廳較遠一切巡緝稽查實有鞭長莫及之勢誠須派員擇要駐紮查向在前山之東山司巡檢因衙門自遭兵燹被燬貧民房搬移較易擬請移駐該村以資巡防飭據蘇州府查明並無窒礙由司詳請具奏前來臣伏查太湖廳所轄之洞庭東山孤峙湖中地方本極散漫該處後山之下楊灣村爲江浙水道通衢匪徒最易潛蹤民情亦屬強悍自非駐紮一官不足以保衛閭閻今既據該司道等飭查明確所有東山司巡檢堪以移駐應請卽將該巡檢分紮下楊灣村俾資巡緝而重地方謹會同大學士兩江總督臣左宗棠恭摺具奏 郵鈔

右知縣官屬附

應廟執事官四十人三品二人四品四人五品六人七品八人八品十八九品十人掌凡祭祀分獻及爵帛香祝之執事通典

雍正四年特旨增設各按品級給章服著衍聖公於孔氏子孫內選擇人品端方威儀矍鑠者報部充補每年

各給俸錢銀二十兩以曾經出仕而退休在籍或身有職銜而未曾出仕以及貢監生童皆可入選通典

司樂一人掌樂章樂器而教肄樂生通典

書文閣典簿一人掌書文閣書籍及禮生通典

屯田管勾一人以上並正七品掌祀田錢穀之出入祭祀則供其牲粢粢盛治膳羞醢醢之屬其屬有屯官八

員鉅野鄆城平陽各二人東阿獨山二屯各一人分掌五屯以供祀事通典

孔林守衛百戶一人兼視衛守備軍稽察戶籍供其灑掃戶役之事主守禮器祭祀則司滌濯犧牲之宰

通典

知印一人掌書一人書寫一人掌公府文書信印通典

奏差一人掌稱衍聖公表箋奏章通典

隨朝伴官六人以上並正七品掌隨從衍聖公朝覲辦事通典

以上官皆由衍聖公保舉咨部補授通典

右孔廟教事官





皇朝政典類纂卷二百四十八

職官十一

直省文武官兼轄駐防 盛京等處駐防 吉林等處駐防 黑龍江等處駐防 游牧察哈爾等處駐防

山東駐防 山西駐防 綏遠城駐防 河南駐防 江南駐防 福建駐防 浙江駐防 湖北駐防

陝西駐防 甘肅駐防 四川駐防 廣東駐防

畿輔駐防 副都統二人城守尉二人協領九人防守尉十六人佐領二十五人防禦六十九人驍騎校七十二人會典事例

順治二年昌平州固安縣采育里設防守尉各一人防禦各二人張家口古北口獨石口設防禦各二人會典事例

雍正十年諭附近京畿之小城駐防滿洲兵丁俱係協領官等管轄因無總管之大臣故教訓兵丁稽察官員之事殊為疎忽雖在地方妄行生事亦無約束之人應交相近居住之大臣令其兼管附近 陵寢者即交陵寢處大臣管轄附近天津者即交天津都統管轄若相近無有大臣居住之處由京城內特派大臣一員令其總理每年前往稽察一次則官兵自然奮勉遵奉法度在地方不致有妄行生事之人矣著大學士鄂爾泰詳察議奏欽此遵 旨議定直隸駐防官兵永平府玉田縣三河縣順義縣四處屬山海關總管兼轄喜峯口冷口羅文峪三處屬 景陵總管兼轄滄州駐防屬天津水師都統兼轄其獨石口千家店張家口古北口昌平州鄭家莊六處為一路良鄉縣寶坻縣固安縣東安縣霸州采育里保定府雄縣八處為一路由在京派護

軍統領或副都統每路各一員於每年秋季前往稽察會典事例

乾隆元年昌平州霸州良鄉縣順義縣固安縣東安縣寶坻縣雄縣采育里冷口羅文峪于家店各設驍騎校一人張家口古北口喜峯口獨石口各設驍騎校二人會典事例

四十五年諭從前古北口官兵祇係該處四品協領管轄並無大員故特命熱河副都統兼管今密雲縣現設有駐防副都統古北口相距甚近所有該處官兵即著密雲副都統兼管會典事例

四十八年以昌平州防守尉一人防禦二人驍騎校一人歸密雲副都統管轄會典事例

嘉慶七年諭從前巡查寶坻等九處駐防惟派一人但地方較多一人巡查未免需用時日亦不能周到嗣後卽爲二缺仍著該部將寶坻縣保定府滄州瀋州良鄉縣雄縣固安縣東安縣采育里等九處分爲左右兩翼臨期聽派二員分管巡查欽此遵 旨議定寶坻縣滄州東安縣采育里等四處作爲左翼保定府固安縣雄縣良鄉縣瀋州等五處作爲右翼會典事例

### 右翼輔駐防

盛京等處駐防○將軍一人副都統三人城守尉八人協領十四人內水師一人防守尉三人佐領一百二十九人內水師二人宗室二人防禦九十四人內水師四人驍騎校一百九十九人內水師八人 會典事例

順治元年 世祖章皇帝定都燕京以內大臣一員副都統二員及每旗駐防章京留守 盛京通典

三年改駐防大臣爲按班章京給鎮守總管印通典

康熙元年改爲鎮守遼東等處將軍通典

四年改鎮守遼東等處將軍爲鎮守奉天等處將軍會典事例

二十九年以 盛京佐領驍騎校移駐錦州各八人防禦移駐鐵嶺撫順各四人廣寧城設防守尉一人巨流河白旗堡小黑山間陽驛四處各設佐領驍騎校各二人以錦州佐領驍騎校各八人移駐小凌河寬運中前所中後所每處佐領驍騎校各二人會典事例

三十一年 盛京添設巴爾虎佐領驍騎校各三人熊岳開原遼陽鳳凰城復州金州岫巖七處各增設巴爾虎佐領驍騎校各一人義州增設佐領驍騎校各七人會典事例

乾隆元年廣寧城增設驍騎校三人會典事例

十二年改鎮守奉天等處將軍爲鎮守 盛京等處將軍會典事例

十三年牛莊蓋州各裁防禦四人各增設防守尉一人驍騎校四人會典事例

二十七年置 盛京將軍衙門主事一人筆帖式十有一人通典

二十九年以 盛京遼陽各防禦一人驍騎校二人復州防禦一人驍騎校一人熊岳開原鳳凰城牛莊金州

蓋州松嶺子各防禦一人義州岫巖各驍騎校二人廣寧城驍騎校一人撥往塔爾巴哈台會典事例

三十年諭向來奉天府尹事務令盛京將軍兼轄今思將軍與府尹所屬旗民事件各有專司若令將軍節制於公務未免牽制莫若照京城侍郎兼管順天府尹之例於盛京五部侍郎內派出一員管理永著爲令於體制更爲畫一會典事例

三十四年 盛京增設宗室總管族長一人宗室佐領二人分翼管轄會典事例

四十二年錦州裁佐領驍騎校各一人義州裁佐領驍騎校各二人補設撥往塔爾巴哈台之松嶺子防禦一人盛京驍騎校二人廣寧城復州遼陽岫巖各驍騎校一人會典事例

道光二十三年移熊岳副都統協領駐金州金州城守尉駐蓋州蓋州防守尉駐熊岳統歸金州副都統兼轄改岫巖歸盛京將軍轄東華續錄

右 盛京等處駐防

吉林即吉林烏拉等處駐防○將軍一人副都統五人協領十九人參領一人佐領一百二十二人防禦七十五人驍騎校一百二十四人管水手四品官二人五品官二人六品官二人會典事例

吉林駐防之地自將軍所治外其所屬各處曰寧古塔曰伯都訥曰三姓曰阿勒楚哈曰拉林曰打牲烏拉曰伊屯曰額木赫索囉邊門四曰巴延鄂佛囉曰伊屯曰克爾素曰布爾圖庫蘇巴爾漢皆設兵駐守置總管協領參領佐領防禦等員通典

順治十年寧古塔設昂邦章京二人梅勒章京二人佐領驍騎校各八人會典事例

康熙元年改寧古塔昂邦章京為鎮守寧古塔等處將軍梅勒章京二人為副都統會典事例

三年寧古塔增設佐領驍騎校各一人會典事例

十年以寧古塔副都統一人佐領驍騎校各十一人移駐吉林會典事例

十五年以寧古塔將軍移駐吉林通典

十六年吉林增設佐領驍騎校各二十六人管水手六品官二人會典事例

五十三年三姓地方設協領一人佐領防禦驍騎校各四人琿春設協領一人防禦二人佐領驍騎校各三人會典事例

雍正三年吉林設副都統一人拉林設協領一人副協領一人佐領驍騎校各五人防禦二人會典事例

四年改吉林巴爾虎佐領驍騎校各一人烏漢軍佐領驍騎校會典事例

六年以吉林佐領驍騎校各二人開原防禦二人驍騎校二人移駐伊通會典事例

十年吉林設協領二人增設佐領驍騎校各十人防禦八人會典事例

是年三姓地方設副都統一人協領一人裁副協領一人增設佐領驍騎校各十六人防禦十二人拉林增設

佐領驍騎校各三人會典事例

乾隆元年吉林設烏鎗營參領一人增設佐領驍騎校各八人琿春拉林各裁副協領一人會典事例

二十一年由三姓移往拉林佐領五人防禦八人驍騎校五人會典事例

是年阿勒楚喀地方添設副都統一人分爲二城阿勒楚喀副都統管轄協領一人佐領七人防禦五人驍騎

校六人拉林副都統管轄協領一人佐領六人防禦五人驍騎校七人會典事例

二十五年以打牲烏拉佐領驍騎校各二人移往寧古塔會典事例

三十四年拉林副都統裁汰其地方歸併阿勒楚喀副都統兼管令協領一人駐劄該處再由拉林移往阿勒

楚喀防禦四人會典事例

道光六年三月移甯古塔防禦四員駐拉林添設筆帖式二員東華續錄

光緒四年吉林將軍銘安奏竊維弭盜之方固在整軍講武而端本之治尤在察吏安民誠以吏治與軍務相爲表裏未有不講吏治而能清盜源者也吉林盜賊充斥師久無功夫豈賊勢難平而兵威未振哉蓋流賊之蔓延此拿而彼竄愚民之濡染習慣而性成不端其本而僅治其標徒恃武功未可以言勝殘去殺也奴才自前歲冬間查案來吉回奉後會同前署盛京將軍崇厚議奏辦馬賊禁賭博設民官查荒地四條迭奉諭旨諄諄以吉林地方積弊甚深亟宜力圖整頓 命奴才署理吉林將軍將所奏各節與崇厚妥慎籌商奏明辦理仰見我 皇上宏謨廣遠 聖慮周詳奴才具有天良敢不竭盡愚忱以副 勵精圖治之意向任後遵將地方情形細心體察博訪周諮查吉林省西自威遠堡門東至俄界不下二千餘里北至黑龍江交界南至鴨綠土們兩江源又不下二千餘里湖維 國初甯古塔所屬各城惟我旗人聚族而居自道光初年將軍富俊屢議開荒地遷流如水歸壑數十年來吉林民人之多已不啻數倍旗人良莠本自不齊梗頑因以成俗甚有窮鄉僻壤教不通土棍強豪自爲家長其間強弱相併大小相陵殺人放火既視爲故常拒捕抗官遂成爲積習蓋以司牧之官惟省城西北一隅設有三廳三廳之理事同知通判向由京秩旗員揀放雖間有長材而初膺外任歷練未深往往艱鉅乍投茫然無所措理但假於幕友丁胥之手繼或刁生劣監要挾把持而莫能制至阿勒楚喀三姓甯古塔等處命盜戶婚則就理於協佐衙門協佐等官但習騎射不惟不諳吏治且多不通漢文悉憑委筆帖式司達等任意軒輊任將軍止以武事爲重吏治多未講求所以民怨沸騰鋌而走險近年以來民愈窮而愈悍賊愈剽而愈滋峻法嚴刑人無畏志是皆不揣其本而齊其末不清其源而塞其流也現在大股賊匪已平金廠渠魁授首逋逃餘孽尙多潛伏深藏而

地採藥捕牲各項游民非內地遷流之戶卽亡命不逞之徒若不亟設民官劃疆分治政刑以化其頑梗教養以遂其生成專恃武功擄取失宜不惟重煩兵力且恐若火燎原益難撲滅又況甯姓所屬塞邊隨更宜安集拊循查奉省官制經前署將軍崇實奏請增改舊章後吏治民風大有起色是因時立制原無歷久不變之規而正本清源乃見俗美化行之效奴才與崇厚體察情形迭經往返函商意見相同并集所屬文武紳耆悉心討論皆以爲地曠人多非有地方親民之官不足以資治理奴才再四思維與其拘守成規循途而覆轍曷若權宜時勢改絃而更張擬請以所屬尤爲衝要之區酌中設立廳縣佐雜等官並將吉林廳升爲府治長春廳通判改爲同知俾資治理將來民地錢糧旗民詞訟專歸該廳州縣管理其協佐防校等官止准管理旗務防剿盜賊不准仍預地方詞訟以示限制而一事權惟添設廳縣則創葺城垣建修衙署倉庫監獄等項及官員廉俸書役工食所費不資當此庫儲支絀之時斷不能另請撥款祇有就地興利以本地所籌供本地所需但吉林地瘠天寒庶物本不豐阜商賈亦甚蕭疏松花一江不通海船既無船稅可收復無鹽釐可辦較之奉省尤爲枯窘且當凋敝之日正宜與民休養若操之太急祇圖遷就於目前或致貽弊於日後是以生財之道必須因地以制宜不敢腴民以斂怨現已派員前往種梨廠馬延河阿克敦城一帶查勘荒地照章改收押荒並飭各屬倣照奉天章程試辦斗稅擬以斗稅荒價二款作爲添官一切用度將來廉俸工食並各項用款亦由斗稅荒租項下動支惟試辦斗稅查丈荒地必須明幹廉潔之員方能有利無弊現在吉省辦理軍務及地方各事奴才前調之員不敷分遣亦不敢多調人員致糜經費荒務稅務祇可由近及遠以次興辦所有擬添之官須俟款項籌有端倪方能陸續添設一二年內恐難設齊謹先



擬定大槩章程另繕清單恭呈 御覽伏候 聖裁至旗民衙門應辦事宜並府廳州縣應定界址及各官廉俸書役食工添設綠營兵額口分一切詳細章程俟奉到 俞允後 奴才選派通曉政體之員前往各屬查明戶口地畝數目相度地方形勢詳慎斟酌奏明辦理其各廳州縣員缺應俟何處地畝斗稅辦有成效卽先委派委員前往該處試署並撰擬城名隨時奏請 飭部頒發印信以昭官守再吉林三廳向因專管旗人戶婚各事皆用理事人員今既民戶衆多政務殷繁與從前情形不同應請與新設之同通州縣均照奉天新章加理事銜滿漢兼用以廣材路其甯古塔琿春二城距省較遠應否設官分治及吉林將軍應否微照奉天將軍加兼文銜並省城地方應否添設巡道之處容 奴才隨時體察情形再行奏明請 旨遵辦

邸鈔

十一年吉林將軍希元奏竊查吉林省城西北爲長春廳境本古郭爾羅斯前旗游牧地也乾隆時以墾荒民戶安土重遷遂有借地養民之舉嘉慶五年始奏設理事通判於長春堡並設巡檢以司獄事道光五年因所屬寬城商賈輻輳移建通判衙署於此以資撫輯地闊而民未聚控制自綽乎有餘自咸豐年間馬賊肆擾以後流民日多撫循亦非易易光緒七年前任將軍銘安於吉林變通官制時奏改理事通判爲撫民通判仍加理事銜僅於農安城添設分防照磨專司緝捕其時方於省城及東南兩面添改府廳州縣各缺經費不敷未遑兼顧非謂該廳獨可因陋就簡也 奴才到任後訪知長春一廳案牘最繁號稱難治體察久之乃益信查長春幅員周五百餘里以南北相距最遠者計之幾及三百里東西亦然四境惟缺東南西南兩隅廳城在南面之適中而東西北三面空闊無比其勢偏重境內無山以山名者皆高阜耳既無險阻可恃

又僅有駐紮馬隊二起並無重兵一遇盜賊肆擾此拿彼竄如入無人之境則地爲之也其形勢之散漫如此該廳居民雖非土著然休養生息已百餘年當時所稱爲荒甸者今則屋宇櫛比鷄犬相聞三里一小屯五里一大屯而省東一帶無如是之稠密也其生聚繁庶如此廳屬戶口既盛良莠難齊睚眦卽肇釁端奸宄易於匿跡命盜等案紛至沓集往往印官勘驗方急南轅旋更北轍一月之內大半忙於奔馳公事積壓耽延勢所不免廳民又多好訟距城爲遠之民一經被告車馬盤費不資甚有因此抗傳者守候追比累月窮年官民交困其政教之難孚而訟獄滋豐又如此所以奴才在任五年爲該處因地擇人往往於守丞班內借員委署而終未奏補一人者職是之故前者吉林道豐伸泰有將該廳分建府縣之請正飭議辦適值鄭工籌款孔殷不果茲飭據候補知府王鳴珂會同現署長春廳通判賓州廳同知善慶履勘明確繪具圖說由道詳覆前來奴才詳核無異查原設通判所駐之寬城爲吉林赴奉天通衢大道實省城西北門戶今擬請將通判一缺升爲府治改設知府名曰長春府仍仿照本省吉林府之例自理地面命盜詞訟各事而於寬城正北相距一百二十餘里之農安城分設縣治名曰農安縣歸府統屬一切公牘由府核轉以符定例農安正北西北直達蒙古東北限以松花大江與伯都訥廳西與昌圖府接壤均可毋庸置議當以南副兩儀門西南自八保戶起至窪中高等處東南以紅石砬子靠山屯南面之驛馬河爲止計南北相距九十里東西相距二百數十里均歸農安縣管轄至靠山屯一處雖已劃歸農安而相距尙在百里以外近來烟戶較前爲稠擬請將農安原設分防照磨移設該屯以資巡緝惟長春既升府治應請將原設訓導升改教授原設巡檢改升經歷兼司獄事其裁撤之巡檢歸於裁缺班內遇缺卽補並於農安縣添設訓導巡檢各

一員巡檢管理監獄以專責成至廳屬地租向歸郭爾羅斯公自行設櫃徵收官爲督催而已惟雜稅解款及照章支給一成書役工食並酌留署內辦公錢文應以府歸六成縣歸四成各按原數分別解支以符定額而重公款奴才明知事關官制未容輕譁更張況去任有時何妨自安緘默而終不敢不據實上聞者爲民隱計爲吏治計爲地方久遠計無他念也合無仰懇 天恩俯准將經春廳改升府治並於農安分設一縣實於地方大有裨益如蒙 俞允所有以上升改添設正印教佐等官請 旨勅部鑄造印信鈐記卽行 頒發以昭信守 疏上 下部議行 卹

薩英額曰吉林古肅慎氏遺墟漢晉挹婁國南北朝勿吉地唐燕州黑水府渤海大氏龍泉府遼長春州金恤品路元合蘭府水達達路明設衛所 順治元年悉裁諸衛設內大臣副都統及每旗駐防十年原設寧古塔昂邦章京一員副都統一員十八年添設佐領八員驍騎校八員十三年添設防禦四員十八年添設佐領十員防禦二員驍騎校康熙元年將昂邦章京改爲鎮守寧古塔將軍三年添設副都統監都六品官一員佐領一員七年添設協領二員十年由寧古塔移駐吉林副都統一員佐領十一員驍騎校十一員吉林添滿洲協領八員防禦八員庫雅喇佐領十二員驍騎校十二員十三年添設防禦十五員管戰船運糧船四品官二員五品官二員十五年寧古塔將軍移駐吉林吉林副都統移駐寧古塔吉林另放副都統一員十六年添設新滿洲佐領二十六員驍騎校二十六員管戰船運糧船驍騎校二員十七年添設新滿洲佐領三員驍騎校三員二十年添設巴彥鄂佛囉伊通黑爾蘇佈爾圖庫等四邊門防禦四員筆帖式各一員二十三年管戰船四品官五品官驍騎校移駐黑龍江二十五年添設吉林運糧船

四品官二員五品官二員六品官二員添設驛站監督六品官一員二十九年移駐黑龍江佐領二十五員防禦十四員驍騎校二十五員吉林添設滿洲佐領五員錫伯漢軍佐領二員防禦十四員驍騎校七員漢軍佐領一缺由京補放添設醫官一員三十一年添設倉官一員由本處補放添設伯都訥印房左右司筆帖式四員吉林副都統移駐伯都訥添設滿洲佐領六員驍騎校六員錫伯佐領十六員驍騎校十六員喀勒喀巴爾虎佐領八員驍騎校八員又添設錫伯佐領三十員瓜勒察佐領十員添設協領二員防禦八員驍騎校四十員二十二年添設左右翼助教官二員蒙古編譯筆帖式二員俱由盛京八品筆帖式內補放三十三年添設管檔主事一員由吉林本處選放添設蒙古編譯筆帖式一員三十四年添伯都訥倉官一員三十八年添設滿洲佐領一員驍騎校一員錫伯移京裁汰佐領十六員驍騎校十六員錫伯瓜勒察等移盛京裁汰佐領四十員驍騎校四十員四十年裁汰協領六員添設蒙古佐領二員驍騎校二員二十五年添設靈古塔佐領三員防禦三員驍騎校三員添設滿洲瓜勒察佐領十員驍騎校十員五十三年添設三姓協領一員防禦四員新滿洲佐領四員驍騎校四員筆帖式二員琿春協領一員防禦二員庫爾喀氣佐領三員驍騎校三員庫爾喀氣朝鮮附近居住滿洲三姓筆帖式二員雍正三年添設吉林副都統一員阿勒楚喀協領二員佐領五員防禦二員驍騎校五員筆帖式二員四年添設伯都訥教習官二員裁汰巴爾虎佐領一員驍騎校一員添設陳漢軍佐領一員驍騎校一員添設五年永吉州知州一員吏目一員靈古塔教習官二員伯都訥長靈縣知縣一員典史一員三姓副都統一員教習官一員琿春協領一員吉林管檔主事一員改爲由京補放添設阿勒楚喀教習官一員

六年移駐伊通河佐領二員驍騎校二員由開原移駐防禦二員驍騎校二員八年添設吉林獄官一員九年改吉林左右翼助教官二員由本處選放十年添設三姓副都統一員協領一員打牲人佐領六員防禦四員驍騎校六員裁汰副協領一員添設八姓打牲人佐領十員驍騎校十員左右司筆帖式二員教習官二員由烏拉包衣閒散人等挑選兵一千名添設滿洲協領二員佐領十員防禦八員驍騎校十員在吉林當差添設阿勒楚喀佐領三員驍騎校三員十一年添設三姓防禦八員十二年添設永吉州學正一乾員隆元年添設烏鎗營參領一員佐領八員驍騎校八員參領佐領缺由京補放裁汰琿春副協領一員阿勒楚喀副協領一員二年添設吉林刑司生事一員九品筆帖式二員理事通判一員三年添設額穆赫索囉佐領一員防禦一員驍騎校一員四年由筆帖式四員內改編譯筆帖式二員添設三姓倉官一員倉筆帖式二員五年移協領二員佐領十員防禦八員驍騎校十員並原挑選打牲兵一千名於烏拉地方當差九年添設拉林倉官一員倉筆帖式二員阿勒楚喀筆帖式二員移駐拉林添設拉林副都統一員協領一員十二年裁汰永吉州知州改設吉林理事同知裁汰吏目改設巡檢裁汰州同典史改設巡檢一員十三年裁汰刑司主事一員九品筆帖式一員二十一年添設阿勒楚喀倉官一員筆帖式二員拉林教習官一員由三姓移駐拉林佐領五員防禦八員驍騎校五員添設阿勒楚喀副都統一員二十五年由編譯筆帖式內改設蒙古編譯筆帖式一員添設拉林筆帖式二員由烏拉移駐靈古塔佐領二員二十六年裁汰巡檢改設辦理蒙古事務委署主事一員二十七年由拉林筆帖式四員內移駐阿勒楚喀二員添設吉林委官六十員拉林四員阿勒楚喀四員烏拉四員伊通河六員額穆赫

案囉四員靈古塔三十員琿春九員三姓十五員伯都訥十二員由三姓移駐阿勒楚喀拉林佐領五員  
二十八年裁汰理事通判一員烏鎗營佐領缺改爲本處陳新漢軍驍騎校內選放三十年編巴爾虎錫  
伯人等入蒙古旗添設蒙古協領一員裁汰烏拉協領一員防禦四員移駐靈古塔三十四年裁汰拉林  
副都統歸阿勒楚喀管轄由拉林移駐阿勒楚喀防禦四員筆帖式二員吉林外記  
右吉林等處駐防

黑龍江卽薩哈連烏拉等處駐防○將軍一人副都統三人城守尉一人副都統職銜總管一人總管九人內  
水師一人協領十六人參領一人副總管二十六人佐領二百三十八人防禦二十四人驍騎校二百三十九  
人護軍校二人水師營管水手四品官四人五品官三人六品官五人會典事例

凡黑龍江駐防之地自將軍所治齊齊哈爾外其所屬各處曰墨爾根與黑龍江齊齊哈爾各營水師營曰呼  
倫貝爾曰呼蘭城曰布特哈曰博爾多皆設兵駐守沿邊卡倫四十有大皆遣官率兵防戍置城守尉總管副  
總管協領參領佐領防禦等官通典

康熙十三年自吉林移水師分駐黑龍江地方設水師營總管各員統轄水師會典事例

二十二年以靈古塔副都統薩布素征俄羅斯卽授爲鎮守黑龍江等處將軍會典事例

長白西清曰黑龍江始爲將軍者吉林滿洲薩布素富察氏以甯古塔副都統征羅刹有功因有是命  
據通志公在鎮垂二十年凡所興作足傳久遠故一時有文武幹濟之稱墨龍江外記

二十九年移黑龍江將軍駐墨爾根通典

三十八年復移駐齊齊哈爾城通典

四十年恩爾根城增設協領三人打牲處增設副總管一人佐領驍騎校各七人會典事例

四十九年恩爾根城復設副都統一人打牲處設佐領驍騎校各七人會典事例

雍正五年以黑龍江水師營四品官一人移駐恩爾根城並增設佐領驍騎校各二人打牲處增設副總管八

人會典事例

七年打牲處增設佐領驍騎校各二十一人會典事例

十年設呼倫貝爾統領一人索倫巴爾呼總管二人副總管四人佐領驍騎校各二十四人額魯特總管一人

佐領驍騎校護軍校各二人打牲處裁佐領驍騎校各五十人又復設佐領驍騎校各三人會典事例

乾隆七年由呼倫貝爾撥回打牲處佐領驍騎校各二十四人會典事例

十三年打牲處增設佐領驍騎校各十二人會典事例

三十六年恩爾根城裁水師營四品官一人會典事例

五十五年呼倫貝爾增設額魯特驍騎校二人會典事例

長白西清曰黑龍江與俄羅斯分界處歲以五六月間派齊齊哈爾恩爾根黑龍江協領各一員佐領驍

騎校各二員共兵二百四十名分三路至格爾畢齊額爾古訥墨里勒克楚爾海圖案楚爾海圖即粗魯

海圖有墨河山出金礦近車臣汗帳此地為俄人所垂涎詳見恭親王將軍公牘等河巡視謂之察邊格

爾畢齊額爾古訥二河齊齊哈爾卓帳處也墨里勒克河恩爾根卓帳處也楚爾海圖河黑龍江卓帳處



也每齊齊哈爾協領與墨爾根協領會墨爾根協領與黑龍江協領會各書銜名月日於木牌懸山上明年察邊者取歸以呈將軍副都統又各鑿木牌以備後來考驗此爲定例 察邊之事歲於七月內咨報理藩院而邊界查勘例於年終專摺奏 聞至將軍惟新任者察邊餘不爾 察邊者既至格爾畢齊河瑪玉爾先來謁待以賓禮明日請我官過其地盛設酒肴極款洽意屋不甚高敞四面多窗無櫺皆玻璃酒五色頗香清然限三碗不多進食則用匕故我官宴瑪玉爾設掛麵瑪玉爾愛之難於入口以彼俗不慣用箸虐之也瑪玉爾俄羅斯官名瑪玉爾來或與妻偕妻以喇嘛爲侍從跬步不離喇嘛深目高鼻鬚髮類西洋人官兵望而遠之不與談黑龍江外記

徐宗堯曰按中俄分江爲界黑龍江城傍江而治由西徂東幾及二千里外皆其轄境支河曲港環山抱嶺所在與俄人相望四顧空闊路少行蹤欲求扼要之險以憑守禦茫無定所水陸額兵不滿二千其防護漢河金廠以及養育屯丁師船水手皆在其中縱使將皆廉恥兵皆節制亦不免跋前疐後之虞總理各國事務衙門於開辦東三省練軍時奏稱黑龍江將軍遠駐齊齊哈爾控制非使副都統之任較重蓋亦嗚乎其言之矣今副都統兼理中俄交涉事件夙於例案邊情均少閱歷遇有交涉僅憑邊界官一言咨達將軍進止而歷任將軍及練兵大臣亦未嘗一至其境備攬形勢之要新舊練軍數至萬五千人部庫實餉歲至八十餘萬均在經制之外 朝廷籌邊大政不爲不至重且周當局者所當深體此義者也

龍江邊略

又曰興安城創始於將軍文緒公編旗設官事甚懇速總管由齊齊哈爾滿州協領內揀補公中副管由



各城揀選通習文藝之員分領左右二司以資教導實則寄居站房徒擁虛位並城署亦同虛設所部五路俄倫春深藏山中不一輕出副總管以下皆其打牲頭目爲之視職官俸餉固不足輕重也興安城橫跨全嶺與黑龍江城分治嶺之南北實爲墨爾根黑龍江兩城犄角改部落爲制兵以固邊實而杜敵誘始事者之謀慮甚深龍江邊略

### 右黑龍江等處駐防

游牧察哈爾駐防○都統一人副都統一人總管十人副總管一人參領八人副參領八人佐領一百二十人驍騎校一百二十人護軍校一百十五人親軍校四人捕盜六品官四人會典事例

二十五年察哈爾八旗每旗增設副參領一人協同參領辦事給與四品虛銜頂戴 會典事例

二十六年察哈爾設都統一人駐劄張家口總理游牧八旗事務兼轄張家口駐防官兵設副都統二人各在左右翼游牧邊界駐劄所有該處弁兵無庸京城八旗都統兼管 會典事例

二十七年察哈爾八旗副總管裁汰 會典事例

是年鑲黃正黃正紅鑲紅鑲藍五旗每旗各裁捕盜六品官一人 會典事例

三十一年察哈爾左右翼副都統內裁汰一人留副都統一人駐劄張家口協同都統辦事 會典事例

五十三年察哈爾駝馬場設四品總管一人牛羊羣牧場設五品副總管一人 會典事例

嘉慶四年察哈爾牛羊羣牧場設四品總管一人 會典事例

### 右游牧察哈爾駐防

山東駐防○副都統一人城守尉一人協領四人佐領二十人防禦二十人驍騎校二十人會典事例

雍正十年青州府設將軍一人副都統一人協領四人佐領防禦驍騎校各十六人會典事例

乾隆二十六年青州將軍裁汰留副都統管轄駐防官兵會典事例

三十五年青州府裁佐領四人其佐領事務均令協領兼管會典事例

右山東駐防

山西駐防○城守尉二人防禦八人驍騎校八人會典事例

乾隆二年裁右衛將軍一人副都統一人改駐綏遠城留副都統一人管轄右衛官兵會典事例

二十六年右衛裁副都統一人滿洲每旗裁佐領防禦驍騎校各二人蒙古每翼裁佐領防禦驍騎校各二人

漢軍裁佐領防禦驍騎校各四人共裁佐領二十四人防禦二十四人驍騎校二十四人其所裁佐領內揀選

二人改爲步軍總尉防禦內揀選八人改爲步軍校會典事例

二十九年右衛裁協領四人佐領十八人防禦十六人步軍校四人驍騎校十人移駐張家口會典事例

三十年右衛裁協領三人步軍總尉一人防禦二人步軍校一人驍騎校八人會典事例

右山西駐防

綏遠城駐防○將軍一人副都統一人協領五人參領十人佐領六十四人防禦二十人驍騎校六十九人內

副都統一人參領十人佐領四十九人驍騎校四十九人係歸化城土默特二旗 會典事例

乾隆二年山西綏遠城設建威將軍一人副都統一人協領十二人佐領防禦驍騎校各三十五人會典事例

六年以右衛佐領防禦驍騎校各五人移駐綏遠城會典事例

二十六年改建威將軍爲綏遠城將軍會典事例

二十八年歸化城都統裁汰所有土默特蒙古事務歸綏遠城將軍管轄仍留副都統二人一駐歸化城一駐綏遠城專止留歸化城副都統一人會典事例

三十五年諭嗣後歸化城副都統著管理綏遠城滿兵事務會典事例

### 右綏遠城駐防

河南駐防○城守尉一人佐領十人防禦十人驍騎校十人會典事例

康熙五十七年河南開封府設城守尉一人佐領防禦驍騎校各八人會典事例

乾隆三年開封府增設佐領防禦驍騎校各二人會典事例

### 右河南駐防

江南駐防○將軍一人副都統二人協領十人佐領四十六人防禦五十六人驍騎校五十六人會典事例

順治二年江南江寧府設將軍一人副都統二人滿洲協領八人佐領防禦驍騎校各四十人會典事例

十六年鎮江府京口改設鎮海將軍一人副都統二人漢軍協領總領各八人防禦八十人驍騎校四十人會典事例

雍正元年江寧府設蒙古協領兼佐領二人佐領十四人防禦驍騎校各十六人會典事例

五年江寧設駐防水師營協領四人佐領防禦驍騎校各十二人會典事例

乾隆十六年裁江寧駐防水師營會典事例

二十二年奉旨鎮守京口將軍距江寧不過百餘里較之乍浦之與杭州其路更近乍浦既屬杭州將軍統轄京口應照此例亦不必另設將軍歸於江寧將軍統轄為是其副都統二員專駐鎮江辦理旗務江寧將軍間月一次至京口查閱營伍考驗官兵所有照常辦理諸事副都統就近管理其應行會同將軍者仍會同辦理會典事例

二十八年京口裁副都統一人原設漢軍協領八人參領八人防禦四十人驍騎校四十人全行裁汰以江寧府蒙古協領兼佐領二人佐領十四人防禦驍騎校各十六人移駐京口會典事例

三十四年江寧裁副都統一人會典事例

右江南駐防

福建駐防○將軍一人副都統一人協領九人內水師一人佐領十人內水師二人防禦十人內水師二人驍騎校二十二人內水師二人會典事例

乾隆十九年福州駐防漢軍改駐八旗滿洲每旗設協領防禦各一人佐領驍騎校各二人均於在京八旗現任佐領以下各官及世爵內揀選引見發往其原設之四旗漢軍各官俟滿洲官到任交代後送部分別去留改補綠旗營會典事例

三十五年福州裁佐領八人其佐領事務令協領兼管會典事例

右福建駐防

皇明文苑 職官十一 官制文武官

浙江駐防○將軍一人副都統二人協領十四人內水師五人佐領三十四人內水師十一人防禦二十八人  
內水師八人驍騎校四十八人內水師十六人 會典事例

康熙十三年裁總管及漢軍都統改設滿洲將軍一人副都統二人漢軍副都統二人八旗滿洲每旗設協領防禦各一人佐領驍騎校各二人四旗漢軍每旗設協領參領各一人防禦三人驍騎校二人會典事例  
雍正七年移杭州駐防右翼副都統一人往駐乍浦設乍浦水師營副都統一人協領四人佐領十一人防禦八人驍騎校十六人會典事例

乾隆十六年諭杭州駐防兵丁較少於江寧二千有餘而額設副都統轉多一員且漢軍兵丁止一千六百名亦不必設兩副都統著將杭州漢軍副都統裁去一員會典事例  
二十八年定杭州裁漢軍副都統一人原設四旗協領四人參領四人防禦驍騎校各二十人全行裁汰會典事例

### 右浙江駐防

湖北駐防○將軍一人副都統二人協領十人佐領四十六人防禦五十六人驍騎校五十六人會典事例  
康熙二十二年以陝西西安府佐領驍騎校各十二人移駐湖廣荊州府改設荊州將軍一人副都統二人協領八人佐領防禦驍騎校各五十六人會典事例

### 右湖北駐防

陝西駐防○將軍一人副都統二人協領八人佐領三十二人防禦四十人驍騎校四十人會典事例

順治二年陝西西安府設昂邦章京一人會典事例

康熙元年改昂邦章京爲鎮守西安等處地方將軍會典事例

乾隆四十九年諭西安添駐滿兵副都統一人不敷管轄訓練應再添設副都統一員會典事例

### 右陝西駐防

甘肅駐防○將軍一人副都統二人城守尉一人協領七人佐領三十二人防禦四十一人驍騎校三十九人  
會典事例

乾隆二年陝西涼州府二十九年甯夏涼州俱隸甘肅設將軍一人副都統一人滿洲協領四人蒙古漢軍協領各一人滿洲佐領防禦驍騎校各十六人蒙古漢軍佐領各四人防禦各四人驍騎校各四人滿洲步軍尉二人蒙古步軍尉一人漢軍步軍尉一人莊浪設副都統一人滿洲蒙古漢軍協領各一人佐領各四人防禦各四人驍騎校各四人滿洲步軍尉一人蒙古漢軍步軍尉一人會典事例

### 右甘肅駐防

四川駐防○將軍一人副都統一人協領五人佐領十九人防禦二十四人驍騎校二十四人會典事例

康熙六十年四川成都府設副都統一人滿洲協領兼佐領四人佐領十二人防禦驍騎校各十六人蒙古佐領防禦驍騎校各八人會典事例

乾隆四十一年成都府設將軍一人會典事例

### 右四川駐防

廣東駐防○將軍一人副都統二人協領九人內水師一人佐領十人內水師二人防禦三十四人內水師二人騎騎校三十八人內水師六人 會典事例

乾隆十一年廣州府設水師營協領一人佐領防禦各二人騎騎校六人 會典事例

二十一年廣州駐防原設八旗漢軍改爲八旗滿洲八旗漢軍兼駐原設協領八人作爲滿洲漢軍各四人裁參領八人改設佐領十六人滿洲漢軍各設八人原設防禦四十人內裁八人騎騎校四十八人內裁八人各留三十二缺滿洲漢軍各十六缺六師營原設協領一人作爲滿洲缺佐領防禦各二人均分爲滿洲漢軍各一人騎騎校六人分爲滿洲漢軍各三人 會典事例

右廣東駐防

皇朝政典類纂卷一百四十九

職官十二

直省文武官提督 總兵 副將 參將 游擊 都司 守備 千總 把總 外委 新疆各官

邊疆各官 各處駐劄大臣

提督職掌軍政統轄諸鎮與直省督撫並稱封疆大吏通考

直隸提督駐古北口節制馬蘭泰寧宣化天津正定五鎮本標四營山東提督駐濟南府節制兗州登州二鎮

本標二營山西提督駐太原府節制太原大同二鎮本標二營河南提督駐開封府節制河北南陽二鎮本標

二營江南水陸提督駐松江府節制崇明狼山壽春三鎮本標五營江西提督駐南昌府節制南昌贛州二鎮

本標二營福建水師提督駐廈門節制金門海壇南澳臺灣四鎮本標五營陸路提督駐泉州府節制福寧汀

州建寧漳州四鎮本標五營浙江水師提督駐寧波府節制黃巖定海温州處州衢州五鎮本標五營湖廣提

督駐常德府節制襄陽宜昌鎮寧永州四鎮六標四營四川提督駐成都府節制川北重慶建昌松潘四鎮本

標五營陝西提督駐固原州節制延綏興漢河州三鎮本標五營甘肅甘州提督駐甘州府節制西寧寧夏涼

州肅州四鎮本標五營安西提督駐迪化城節制一鎮本標五營廣東提督駐惠州府節制左翼右翼碣石潮

州高州瓊州南澳七鎮本標五營廣西提督駐柳州府節制左江右江二鎮本標五營雲南提督駐大理府節

制臨元開化騰越鶴麗昭通普洱六鎮本標五營貴州提督駐安順府節制安籠古州鎮遠威靈四鎮本標四

營初提督帶左都督右都督銜者正一品帶都督同知銜者從一品帶都督叅事署都督事者正二品乾隆十

職官十一 直省文武官



八年省都督等銜定爲從一品通典

雍正四年諭督撫提鎮俱係朝廷簡用之大臣其因公晉接自有一定之禮儀不應過卑過亢以違制度乃間有不肖督撫倨傲妄行而不肖提鎮送卑躬屈節以行其諂媚者如年羹堯當日視提鎮等如同奴隸每令其披執進見常跪在江南時自坐於中而令兩司侍立於旁此皆妄誕不法之甚嗣後督撫提鎮相見務遵會典所載一定儀注倘有違例披執者一經發覺定將倨傲諂媚之人一同治罪雍正內閣 上諭

嘉慶五年諭內閣提督總兵皆係一二品大員向有奏事之責而近來各提鎮所遞奏章祇循例奏報雨水及請陛見謝恩等摺於該管事務從無一人奏及其識見若何朕亦無由而知從前雍正年間各提鎮於地方營伍事務條陳利弊者甚多此時各提鎮卽以地方事件本非專辦未能深悉而營伍是其專責亦未將如何整飭訓練之處隨時陳奏本日蘇靈差人齎摺專係恭謝恩賞千叟宴詩并用駢句掉用文墨殊屬非是著傳旨申飭嗣後各提鎮應循照雍正年間各武職奏事舊規將營伍事件認真經理如有所見不拘清漢字繕摺具奏卽地方事務遇有關係緊要者聞見既確亦當據實奏聞毋得仍前僅以尋常奏謝及其報雨水等摺塞責將此通諭各提鎮知之 聖訓

七年諭內閣額勒登保等奏請將固原陝安提鎮仍因舊制并另籌漢南添設營汛各事宜一摺國家設立督撫提鎮原擇扼要適中之地駐劄以資控馭而垂永久不可因目前情形稍涉緊要遽議更張前長麟等請將固原提督移駐漢中經兵部議准此祇係一時權宜并未計及久遠朕意此事所關甚重原欲降旨不改舊制今額勒登保等以現在漢中地方雖較固原爲緊要若大功告竣後所應辦者不過盤緝奸宄等事非若固原

之防範邊陲彈壓番族者可比所見甚是著照所請固原提督無須移駐漢中紛更營制至向例每三年提督至興安漢中巡閱一次爲期太遠該處萬山叢雜地方遼闊奸民最易藏跡必須常有大員往來稽查方足以資鎮撫現在海疆提鎮卽有每年出洋會哨之例嗣後陝安鎮協及盩陝鎮俱著該提督每年巡查一次餘著該部覈議具奏 聖訓

道光十三年諭內閣國家設立營伍專以嫻習弓馬爲事操防騎射是其本分總在平日習勞不許稍耽安逸自將軍副都統提鎮以至將備宜如何振刷精神無事則士盡干城有事則人思敵愾方爲無忝厥職從前乾隆嘉慶年間因將弁偷安坐轎並不乘馬節經頒發 諭旨嚴行禁止煌煌 聖訓自應永遠欽遵朕臨御以來諄諄誥誡猶前志也卽如原任福建提督許松年身在行間乘坐肩輿特降旨革職懲辦不少姑息仍恐日久生懈不可不防其漸總在督撫大吏嚴行查察有犯卽參方可整飭戎行日成勁旅夫身爲武員而憚於乘騎必致開驕惰之端而啟廢弛之漸安望其整軍而經武乎著通諭各直省將軍副都統提鎮將備等除高山峻嶺逼仄崎嶇或稻田水曲不能乘騎者准其乘坐竹兜外其餘均不准坐轎喧耀街衢儻違例乘坐該督撫卽行查參毋稍瞻徇經此次訓誡之後仍敢陽奉陰違將來科道參奏或經朕別有訪聞除本員照例從重治罪外定將該督撫嚴行懲處決不寬貸 聖訓

### 右提督

十九年十月以四川越嶲馬邊等廳距省遙遠命提鎮等各就所轄按期分駐巡防東邊總領

總兵官掌一鎮之軍政管轄營協將弁爲重鎮大臣仍受提督節制通考

直隸馬蘭鎮泰寧鎮宣化鎮天津鎮正定鎮各一人山東兗州鎮登州鎮各一人山西太原鎮大同鎮各一人  
河南河北鎮南陽鎮各一人江南崇明鎮狼山鎮壽春鎮各一人江西南昌鎮南贛鎮各一人福建金門鎮海  
壇鎮南澳鎮臺灣鎮福寧鎮汀州鎮建寧鎮漳州鎮各一人浙江黃巖鎮定海鎮温州鎮處州鎮衢州鎮各一  
人湖廣襄陽鎮宜昌鎮鎮寧鎮永州鎮各一人四川川北鎮重慶鎮建昌鎮松潘鎮各一人陝西延綏鎮興漢  
鎮河州鎮各一人甘肅西寧鎮靈夏鎮涼州鎮肅州鎮巴里坤鎮各一人廣東三翼鎮右翼鎮碣石鎮潮州鎮  
高州鎮瓊州鎮南澳鎮各一人廣西左江鎮右江鎮各一人雲南臨元鎮開化鎮騰越鎮鶴麗鎮昭通鎮普洱  
鎮各一人貴州安籠鎮古州鎮鎮遠鎮威寧鎮各一人通典

嘉慶元年諭軍機大臣等前此畢沅奏請撤兵意存遷就此時亦自知前奏失當善後事宜自己悉心籌辦類  
勒登保德楞泰於帶兵打仗是其所長於善後事宜未能諳悉畢沅等議應如何酌留兵丁駐守之處妥爲分  
駐至三廳地方惟鎮筭設有總兵駐劄鳳凰廳永綏乾州祇有副將一員駐劄永綏恐不足資鎮撫畢沅等察  
看情形如須添設總兵卽於帶兵出力及苗衆畏服者酌留一員駐劄控制又三廳地方皆辰州所屬而該省  
提督連駐常德未免鞭長莫及著畢沅一併籌酌如應移駐卽奏明辦理總期聲威聯絡控馭得宜方爲久遠  
之計

聖訓

五年諭內閣書麟奏請將黔省總兵以下照浙江之例交貴州巡撫節制一摺所見甚是黔省地控苗疆界連  
川楚兵防最關緊要雲貴總督駐劄雲南離黔省較遠其貴州營伍不能時加校閱而鎮將平日訓練之勤惰  
亦恐耳目難周自應令貴州巡撫就近考察俾資整飭嗣後黔省總兵以下均著巡撫節制所有各鎮協營官

兵責成該撫隨時校閱如有怠玩廢弛卽知會總督分別參革著爲令 聖訓

又 諭軍機大臣等陝西五郡地方層巒複嶂道路分歧奸民易於藏匿自當專設總兵大員永資鎮守以爲西安省城屏障著照長麟所請設立總兵一員賜名靈陝鎮在五郡廳駐劄其應設將備及安置墩汛各事著該督撫酌議具奏 聖訓

道光元年添設直隸大名鎮總兵官一 東華續錄

二十三年添設江南福山鎮水師總兵 東華續錄

咸豐七年諭御史王德固奏請添設總兵一摺據稱河南額設總兵二員河北鎮在省西北南陽鎮在省西南其東南之歸德等處並未設有專閫大員歸德府爲東面入省門戶地無險阻接壤潁亳蕭碭曹單向爲匪徒出沒之區僅有參將一員難資鎮壓見值剿擒喫緊請添設總兵一員其毗連歸德之光州陳州府各屬營伍均歸管轄並請將歸德原設參將一員量移光州藉資策應自爲地方緊要酌量變通起見著奕桂酌度地方形勢及營伍兵數多寡是否應行添設移改之處妥議具奏將此諭令知之 東華續錄

八年升歸德營爲歸德鎮設總兵官一駐府城 東華續錄

### 右總兵

副將爲提鎮分守險汛者曰協標參遊以下胥隸焉爲總督職司關防統理軍務者曰督標中軍爲總河督理河員並稽核工汛者曰河標中軍爲總漕催護漕船督率官弁者曰漕標中軍直隸八人督標一人山東三人河標一人山西二人江南五人將軍標二人督標一人河標二人漕標一人江西二人福建七人福州將軍標

一人浙江十一人督標一人湖廣十二人督標一人陝甘十八人督標一人四川四人督標一人廣東十四人督標一人廣州將軍標一人廣西七人雲南三人督標一人貴州九人通考

乾隆五十年諭內閣向來各省副將缺出兵部於由部推升者將本省之合例應升參將同各省俸深及一等卓異人員開單進呈而於應題之缺外省如無合例人員兵部開列請旨則止將記名及一等卓異者繕單進呈其本省參將及各省俸深人員並不開列雖係向例如此但條例繁多轉易取更胥高下其手之弊嗣後各省副將缺出兵部開列時無論部推題補等缺著將本省合例應升參將及各省俸深人員與記名及一等卓異者概行開單進呈候朕簡放以昭畫一著為令

嘉慶二年二月癸巳改四川綏甯營參將為綏甯協副將東華續錄

道光十二年改廣東崖州營參將為崖州水陸副將東華續錄

### 右副將

參將或專城守分守或同守一城皆有分汛備禦管轄將弁之責其為撫標中軍提標中軍者亦如之直隸七人提標一人山東八人撫標一人山西十四人撫標一人河南四人撫標一人江南十三人撫標二人提標二人河標二人漕標一人閩浙十六人撫標二人提標三人湖廣十人撫標二人提標二人陝甘十七人撫標二人提標二人四川七人提標一人兩廣十五人撫標二人提標二人雲貴十六人撫標二人提標二人通考

### 右參將

遊擊職守與參將同充各鎮中軍官直隸二十三人山東七人河標二人山西八人河南二人兩江三十人江

寧將軍標三人河標三人漕標四人閩浙六十一人福州將軍標一人湖廣三十二人  
十二人兩廣四十四人廣州將軍標三人雲貴五十五人通考

咸豐八年新設直隸天津海口前右營遊擊一東華續錄

### 右遊擊

都司叅書職守與參遊同充副將中軍官直隸六十一人山東十二人河標二人山西  
江四十六人江寧將軍標二人河標三人漕標五人閩浙四十二人福州將軍標一人  
十二人四川三十一人兩廣五十一人廣州將軍標一人雲貴三十六人通考

嘉慶十八年六月乙巳增設直隸大沽營都司一東華續錄

咸豐八年以萬沽營遊擊改駐前左營都司一以鞏華城都司改駐中左營都司一以

沽協左營都司爲中右營都司右營都司爲後右營都司東華續錄

### 右都司

營守備管理營務職掌糧餉悉聽各提鎮管轄充參遊中軍官直隸六十八人河標一  
六人山西二十八人河南十七人兩江七十人江寧將軍標三人河標二十四人漕標  
福州將軍標一人湖廣六十八人陝甘一百有九人四川四十三人兩廣一百一十人  
百有大人通考

衛守備直隸一人山東四人兩江十九人江西三人浙江七人湖廣十人甘肅六人

謹按初設有直隸延慶陝西大通四川越嶲雷波四衛乾隆二十五年六月兵部吏部奉 諭旨議准將四衛

裁三分隸州縣誠以所衛專司徵屯此四衛並無漕政不宜以武弁而騰民社之寄也其他專司領運及有訓

練屯丁之責者仍循舊制

右守備

營千總直隸一百三十八人河標八人倉場二人山東四十七人河標十二人山西六十三人河南二十九人

兩江一百三十六人江寧將軍標九人河標二十六人漕標十二人閩浙二百五十一人福州將軍標四人湖

廣一百三十六人陝甘一百九十七人四川一百有四人兩廣二百三十七人廣州將軍標八人雲貴二百三

十人通考

守禦所千總山東湖廣各一人江西八人浙江三人浙江嘉湖所乾隆二十五年裁併杭嘉二衛守備管理甘

肅一人四川四人

衛千總直隸四人山東三十九人兩江一百二十八人江西十七人浙江三十七人湖廣十二人貴州九人甘

肅五人 山東德州左右二所乾隆二十五年裁併德州衛守備管理 通考

右千總

把總直隸三百十六人河標十五人倉場二人山東一百人河標十九人山西一百三十六人河南六十五人

兩江二百八十六人江寧將軍標十七人河標五十人漕標二十六人閩浙五百有六人福州將軍標八人湖

廣二百七十五人陝甘四百四十二人四川二百有三人兩廣四百五十五人廣州將軍標十六人雲貴四百

六十九人通考

右把總

外委把總直隸三百二十有九人山東一百二十人山西二百十有八人河南六十有七人江甯三百三人江西九十有四人福建四百六十有三人浙江三百九人湖廣二百七十人四川二百九十有四人陝西二百六十有二人甘肅四百六十有五人廣東三百九十有四人廣西一百八十有一人雲南三百一人貴州二百六十有一人通典

右外委把總

謹按漕標河標各武官已詳載漕運總督河道總督門茲不復贅列

總統伊犁將軍一人統轄新疆之軍政山北山南皆聽節制 參贊大臣一人裁設無定 參贊軍務與將軍同駐伊犁 領隊大臣六人分統遊牧駐惠寧城者一駐惠遠城者五 印房司官二人筆帖式二人糧餉處司官二人筆帖式一人駝馬處司官一人筆帖式一人卡倫侍衛十二人 總管六人副總管七人分理營務錫伯一副一索倫達呼爾一副一察哈爾二副二厄魯特二副三 協領十有二人駐惠寧城者四駐惠遠城者八 佐領一百有八人惠寧城十六惠遠城四十錫伯八索倫達呼爾八察哈爾十六厄魯特二十 防禦五十有六人惠寧城十六惠遠城四十 驍騎校一百有八人各如其佐領之數 署理營務筆帖式十人滿洲蒙古二錫伯二索倫達呼爾二察哈爾二厄魯特二俱經制之缺由伊犁所屬之旗揀補又有領催委署前鋒校或給七品頂帶或給六品頂帶在卡倫侍衛上行走者舊無定額 總理回務頭等台吉三品阿奇木伯克



一人總理回部諸務四品伊什罕伯克一人副之 五品噶匝納齊伯克二人掌理田賦 五品商伯克二人掌征輸 六品哈子伯克二人掌詞訟 六品都官伯克一人掌遞送兵馬糧餉文案一切官物及分撥差務 七品密喇布伯克六人掌水利 七品明伯克六人掌千戶之征輸一切雜務 七品什和勒伯克一人掌驛館薪芻諸務 七品帕察沙布伯克一人掌巡緝牢獄諸務 七品玉資伯克一人掌百戶之征輸一切雜務

烏魯木齊都統一人副都統一人掌烏魯木齊之軍政滿洲綠營官兵皆屬焉舊惟設安西提標綠旗五營乾隆三十六年始以滿洲兵駐防設參贊大臣一人三十八年又設領隊大臣二人四十二年始定爲今制 協

領大人佐領二十有四人防禦二十有四人驍騎校二十有四人九品筆帖式二人卡倫侍衛三人乾隆三十

七年設管理厄魯特官兵總管一人副總管一人佐領四人驍騎校四人四十二年移駐塔爾巴哈台又有管

理台站屯政廠務各員或由陝西甘肅二省除派或由伊犁調撥無定額 通典

庫爾喀喇烏蘇領隊大臣一人舊以待衛駐劄屬於烏魯木齊不得自奏事其文移亦由烏魯木齊轉行不給

印信乾隆三十五年始請給印信仍屬烏魯木齊三十七年始定爲今制 管理糧餉官一人有管理臺站屯

政文武各員或由陝西甘肅二省除派或由伊犁烏魯木齊調撥無常員 通典

塔爾巴哈台參贊大臣一人領隊大臣二人乾隆三十年設初駐雅爾後移駐今治 總管一人副總管一人

佐領八人驍騎校八人卡倫侍衛十二人印房章京三人筆帖式三人管理糧餉官一人總管驛駐烏魯木齊

乾隆四十二年移駐今治 通典

巴里坤領隊大臣一人協領四人佐領十六人防禦十六人驍騎校十六人印房筆帖式二人並乾隆三十九年設議接巴里坤今爲鎮西府治已列在郡縣且原隸版圖不在新疆之數以其爲新疆北路之門戶而分設駐防亦與新疆一例故以領隊大臣列新疆卷中 通典

總理烏什等處參贊大臣一人協理大臣一人兼設無定阿克蘇領隊大臣一人掌烏什之政令兼統賽哩木拜城其阿克蘇一城舊別設辦事大臣乾隆三十一年亦併隸烏什而裁專設副都統一改設參贊大臣以阿克蘇大臣移駐其領隊大臣則自喀什噶爾移駐 印房章京二人筆帖式三人管理糧餉官一人印房章京員額乾隆三十一年設筆帖式舊設一員乾隆三十一年增二員管理糧餉官舊調用陝甘二省典史一員亦乾隆三十一年改用部員其換防屯田等官由陝甘二省自調將以下除派舊無常員 協領一人佐領二人防禦二人驍騎校二人護送伯克侍衛一人卡倫侍衛十有一人軍臺委署筆帖式十人佐領防禦驍騎校員額俱乾隆三十一年由烏魯木齊巴里坤調撥移駐卡倫侍衛則舊所設也通典

管理回民五品阿奇木伯克一人六品哈子伯克一人七品明伯克一人七品密喇布伯克一人分理阿克蘇三品阿奇木伯克一人四品伊什罕伯克一人五品噶匝納齊伯克一人五品商伯克一人六品哈子伯克一人六品巴濟吉爾伯克一人六品伯克二人七品訥克布伯克一人七照都官伯克三人七品莫提色布伯克三人七品木特幹里伯克三人七品明伯克二人七品阿爾巴布伯克一人七品帕察沙布伯克一人七品什和勒伯克二人七品伯克三人分理阿克蘇所屬六品阿奇木伯克一人喀勒喀勒六品阿奇木伯克一人七品哈子伯克一人七品密喇布伯克一人七品明伯克二人雅爾巴什七品密喇布伯克一人七品明伯克一

人庫庫巴什七品密喇布伯克一人七品明伯克一人阿克雅爾七品密喇布伯克一人七品明伯克一人哈喇塔勒七品密喇布伯克一人七品明伯克一人哈爾噶額密什七品密喇布伯克一人雅爾賽喇木七品明伯克一人愛庫爾七品密喇布伯克一人英額阿里克七品明伯克一人赫色額七品明伯克一人分理賽噠木三品阿奇木伯克一人四品伊什罕伯克一人五品噶匝納齊伯克一人六品哈子伯克一人七品密喇布伯克一人七品明伯克一人分理拜城四品阿奇木伯克一人五品伊什罕伯克一人六品噶匝納齊伯克一人七品密喇布伯克一人七品哈子伯克一人七品明伯克一人凡巴濟吉爾伯克掌稅務訥克布伯克掌營建莫提色布伯克掌回衆之教法不與政事木特幹里伯克掌管受田產與其稅務阿爾巴布伯克掌差役六品伯克掌修燭管臺七品伯克掌探銅餘伯克與伊犁同名者其所掌並同通典

葉爾羌辦事大臣一人協辦大臣一人乾隆二十六年設領隊大臣二人尋省以協辦大臣兼理領隊事務印房章京二人筆帖式三人委署筆帖式二十人管理糧餉官一人佐領二人驍騎校二人聽差坐卡侍衛十有三人佐領驍騎校員額並乾隆三十六年設由伊犁烏魯木齊等處調屬侍衛乾隆二十六年設初定十五員後減二員通典

管理回民三品阿木奇伯克一人四品伊什罕伯克一人四品商伯克一人五品密喇布伯克一人五品訥克布伯克一人五品木特幹里伯克一人五品哈喇都官伯克一人五品帕察沙布伯克一人五品哈子伯克一人六品巴濟吉爾伯克一人六品明伯克一人六品都官伯克一人六品莫提色布伯克一人六品什和勒伯克一人六品匝布梯墨克塔布伯克一人六品巴克瑪塔爾伯克一人六品哲博伯克一人六品阿爾巴布伯

克二人六品賽特里伯克一人分理托古斯哈特五品阿奇木伯克一人六品哈子伯克一人六品明伯克一人分理英額齊盤五品阿奇木伯克一人六品塞喇布伯克一人六品明伯克一人分理哈爾噶里克五品阿奇木伯克一人六品哈子伯克一人六品塞喇布伯克一人六品明伯克一人分理和什阿喇布五品阿奇木伯克一人分理伯什恰特五品塞喇布伯克一人分理薩納珠五品阿奇木伯克一人分理舒帖五品塞喇布伯克一人六品明伯克一人分理裕勒阿里克六品阿奇木伯克一人分理色哩克郭勒五品阿奇木伯克一人六品伊什罕伯克一人六品商伯克一人六品哈子伯克一人六品阿爾巴布伯克一人七品什和勒伯克一人七品巴匝爾伯克一人分理巴爾楚克六品阿奇木伯克一人分理塔克布依六品阿奇木伯克一人分理坡斯恰木六品哈子伯克一人分理阿喇巴特齊六品塞喇布伯克一人分理鄂滿楚魯克六品塞喇布伯克一人凡匝布梯墨克塔布伯克掌教習經館巴克瑪塔爾伯克掌果園哲博伯克掌修造甲械賽特里伯克掌巡察街道園林果木諸務巴匝爾伯克掌市肆細務餘與伊犁諸處同名者所掌並同通典

和闐辦事大臣二人委署筆帖式二人通典

管理回民三品阿奇木伯克一人四品伊什罕伯克一人五品哈什伯克一人五品木特幹里伯克一人六品哈喇都官伯克一人七品納克布伯克一人七品莫提色布伯克一人七品木特幹里伯克一人七品都官伯克一人七品哈喇都官伯克一人七品什和勒伯克一人分理額勒齊五品噶匝納齊伯克一人六品哈子伯克一人七品帕察沙布伯克一人七品明伯克一人分理額勒齊屬境七品塞喇布伯克一人七品明伯克三人分理玉隴哈什四品阿奇木伯克一人五品商伯克一人六品哈子伯克一人分理玉隴哈什屬境七品塞

喇布伯克二人七品明伯克二人分理哈喇哈什四品阿奇木伯克一人五品商伯克一人六品哈子伯克一人七品帕察沙布伯克一人七品都官伯克一人分理哈喇哈什屬境七品密喇布伯克三人七品明伯克四人分理齊喇四品阿奇木伯克一人六品哈子伯克一人七品密喇布伯克一人七品明伯克一人分理塔克四品阿奇木伯克一人六品哈子伯克一人分理克勒雅四品阿奇木伯克一人六品哈子伯克一人分理克勒雅屬境七品密喇布伯克一人七品明伯克二人內惟哈什伯克掌探玉哈喇都官伯克暨安設臺站修整兵械餘與伊犁諸處同名者所掌並同通典

喀什噶爾辦事大臣一人協辦大臣一人乾隆二十四年設參贊大臣一人總理各回城事務又設領隊大臣一人三十一年移駐烏什改設辦事大臣專司境內之事其協辦大臣則仍二十四年所舊設也 印房章京一人辦理回務章京一人筆帖式一人委署筆帖式六人軍臺委署筆帖式一人管理糧餉官一人印房章京及辦理回務章京員額俱乾隆二十六年設筆帖式二十七年設管理糧餉官亦二十六年設又有駐防滿洲領隊官無常員 總管一人參領二人防禦一人驍騎校三人聽差守卡侍衛十有三人總管等官俱乾隆二十四年設侍衛乾隆二十六年設初十五員三十五年移駐塔爾巴哈台二員通典

管理回民三品阿奇木伯克一人四品伊什罕伯克一人四品噶匝納齊伯克一人四品商伯克二人五品哈子伯克一人五品訥克布伯克一人五品莫提色布伯克一人五品木特幹里伯克一人六品巴濟吉爾伯克一人六品明伯克一人六品都官伯克一人六品阿爾巴布伯克一人六品帕察沙布伯克一人六品克喀克雅喇克伯克一人六品什和勒伯克一人六品巴克瑪塔爾伯克一人七品明伯克一人分理牌租巴特四品

阿奇木伯克一人七品明伯克一人分理塔什巴里克四品阿奇木伯克一人分理阿斯屯阿喇圖什五品阿奇木伯克一人六品哈子伯克一人七品明伯克五人分理玉喇屯阿喇圖什六品阿奇木伯克一人六品哈子伯克一人七品明伯克一人分理伯什克時木五品阿奇木伯克一人六品哈子伯克一人六品密喇布伯克一人六品明伯克一人分理提期衰五品密喇布伯克一人分理阿喇古六品阿奇木伯克一人六品哈子伯克一人分理鄂坡勒六品阿奇木伯克一人分理汗阿里克六品密喇布伯克一人六品哈子伯克一人七品明伯克一人分理霍爾千六品密喇布伯克一人六品明伯克一人分理克色勒布依六品密喇布伯克一人分理塞爾滿六品密喇布伯克一人分理托庫薩克六品密喇布伯克一人分理托普魯克七品明伯克一人分理岳普囉克七品明伯克一人分理英吉沙爾四品阿奇木伯克一人六品哈子伯克一人六品密喇布伯克一人總理英吉沙爾五處卡倫伯克一人英吉沙爾屬賽哩克七品密喇布伯克一人內惟克時克雅喇克伯克掌商賈貿易收其稅入餘與伊犁諸處同名者所掌並同通典

庫車辦事大臣一人兼轄沙雅爾乾隆二十四年設 印房章京一人筆帖式二人委署筆帖式三人辦理糧餉官一人並乾隆三十一年設章京原設二員二十四年裁一員辦理糧餉官乾隆二十四年設二十六平定以陝甘二省縣丞典史差充管理回民三品阿奇木伯克一人四品伊什罕伯克一人五品噶匝納齊伯克一人五品商伯克一人六品哈子伯克一人七品密喇布伯克二人七品訥克布伯克一人七品明伯克三人七品都官伯克三人七品木特幹里伯克一人七品莫提色布伯克一人七品阿爾巴布伯克一人七品帕察沙布伯克一人七品探銅伯克一人分理沙雅爾三品阿奇木伯克一人四品伊什罕伯克一人五品噶匝納齊

伯克一人五品商伯克一人六品哈子伯克一人七品密喇布伯克一人七品訥克布伯克一人七品都官伯克二人七品莫提色布伯克一人七品採銅伯克一人通典

哈爾沙爾辦事大臣一人 印房筆帖式六人管理糧餉官一人又有管理屯政等官由陝西甘肅二省以參將遊擊除派無常員通典

管理庫爾勒回民三品阿奇木伯克一人四品伊什罕伯克一人五品噶匝納齊伯克一人五品商伯克一人

六品哈子伯克一人七品明伯克一人七品訥克布伯克一人七品玉資伯克一人六品伯克一人七品伯克

一人管理布古爾回民三品阿奇木伯克一人四品伊什罕伯克一人五品噶匝納齊伯克一人五品商伯克

一人六品哈子伯克一人七品明伯克一人七品訥克布伯克一人七品玉資伯克一人六品伯克一人七品

伯克一人自阿奇木伯克至玉資伯克所掌皆與伊犁諸處同其六品伯克則專司查臺七品伯克則專司採

銅均乾隆三十一年設旋因移回戶于庫撤滿裁六品哈子伯克一員增四品阿奇木伯克一員併移五品噶

匝納齊伯克一員七品玉資伯克一員前往治之後回戶仍移歸庫爾勒官制亦仍如舊額通典

吐魯番辦事大臣一人辦事大臣初駐關展統綠旗兵三百名乾隆四十二年改定今制移駐吐魯番 參領

二人佐領十有五人騎校十有五人印房章京一人正八品筆帖式一人委署筆帖式六人乾隆二十六年

設印房筆帖式一員後改設章京二員四十一年裁一員其筆帖式一員四十年設委署筆帖式二十六年設

初定十三員後裁七員又有聽差各員於內地鎮營員弁內派撥無定額通典

總理回務扎薩克郡王一人協理回務喇嘛拉克齊二人分駐羅布淖爾五品伯克三人六品伯克七人通典



哈密辦事大臣二人掌哈密之屯政與其儲積之數印文稱哈密辦理糧餉大臣而地方諸務亦治焉 印  
房章京一人驍騎校一人筆帖式六人總理回眾郡王一人管轄五堡回民屯眾諸務以聽於大臣 謹按哈密  
雖舊有之地以其爲新疆南北兩路之門戶故列於新疆卷中 通典

乾隆二十四年平定回部因其舊俗於各城設伯克等員阿奇木伯克統理城村大小事務爲諸伯克之長伊  
什罕伯克協同阿奇木伯克辦理庶務噶雜那齊伯克管理地畝糧賦商伯克職司徵收糧務哈子伯克總理  
一切刑名密喇布伯克職司水利疏濬灌溉之務訥克布伯克管理匠役營造帕提沙布伯克巡緝奸宄捕訪  
賊盜及提牢諸務摩提沙布伯克管理經典整飭教務不與民事密圖瓦里伯克職司交易田園房屋孳其契  
券治其爭訟兼收其稅入雜布提摩克均布伯克專司教習館事務克勒克雅喇克伯克掌商買賣徵收  
其稅斯帕哈子伯克辦理頭目詞訟拉雅哈子伯克辦理細民詞訟巴濟格爾伯克職理稅務阿爾巴布伯克  
管理派差催課事務巴克瑪塔爾伯克經理各處文移記檔一切分撥官項事務哈喇都管伯克管理安設臺  
站修整兵械多博伯克徵輸二千戶糧賦明伯克分領回眾頭目玉資伯克徵輸百戶糧賦鄂爾沁伯克徵輸  
數十人糧賦哲博伯克巡察街道園林果木什呼爾伯克職司驛館米芻都爾噶伯克係阿奇木首領官巴匝  
爾伯克管理市集細務哈子伯克兼辦探玉事務克圖瓦爾伯克辦理工程鄂克他克奇伯克掌燕會牲畜果  
品之屬會典事例

二十八年議准喀什噶爾葉爾羌阿克蘇和闐烏什庫車沙雅爾庫爾勒布古爾英吉沙爾賽哩木拜城哈喇  
喀什克哩雅塔克玉噶哈什車等城之三四品阿奇木伯克遇有缺出將各城應陞之伯克開例奏請 簡



用其四品之伊什罕伯克遇有缺出亦照阿奇木伯克辦理其喀什噶爾所屬之派蘇巴特塔什密里克阿斯  
圖阿爾圖什巴什克塔木阿爾呼烏帕勒玉斯圖阿爾圖什葉爾羌所屬之巴爾楚克阿奇蘇所屬之柯勒品  
烏什所屬之魯克沁托克孫哈喇和卓圖展洋海等城鄉之阿奇木伯克雖係四五品俱屬大城之三四品阿  
奇木四五品伊什罕噶雜那齊商伯克等管轄差委其體制與小伯克頭目相等遇有缺出應將各該管地方  
應陞之伯克奏補其四五六品伊什罕噶雜那齊商伯克等缺出亦照此辦理此外各城鄉之五六七品小職  
銜伯克缺出係五品伯克由各城擬定正陪奏補如六品以下伯克由各大臣等揀選補放年終彙奏惟葉爾  
羌所屬之沙爾渾地方乃另一部落回子其阿奇木伯克缺出應照舊揀選本處應陞之伯克奏補又奇坪係  
葉爾羌邊地與沙爾渾接壤遠在深山之中遇有阿奇木伯克缺出亦將本處應陞之伯克奏放此兩處六品  
以下伯克缺出仍同各城一體補放彙奏庫爾勒之回子由羅布渾爾移來未久布古爾之回子係由葉爾羌  
移來之人其地方距西邊各城較遠習俗亦異除二城之阿奇木伯克缺出開列奏請 簡放外所有伊什罕  
噶雜那齊商伯克等應儘將本城應陞之伯克奏補其六品以下伯克等缺出亦與各城一體補放彙奏會典

事例

嘉慶四年諭保甯見已補授大學士向來新調辦軍將軍大臣簡任大學士後自應入閣辦事但伊犁將軍任  
關緊要一時未得其人保甯著暫留伊犁仍當照常實心辦事俟朕簡放有人再降諭旨更換來京東業續錄  
道光八年諭那彥成奏敬陳回疆歷年補放伯克積弊擬定章程一摺所議甚屬周妥定例各城大小伯克缺  
出由本城大臣擬定正陪咨送喀什噶爾參贊大臣驗放分別咨咨戶據那彥成等查明從前伯克缺出往往

有賄屬營謀等弊積習相沿回民受累見在回疆底定首重撫綏欲戢衆心先清弊竇自應明定章程以垂久遠著照所議嗣後各城三品至五品伯克缺出由本城大臣查明先儘出力受傷或家口被害之人次儘死事人之子孫次儘出力世家並視其人才能否辦事逐細聲明照內地體制造具四柱清冊一勞績二資格三人才四家世填註專摺出具切實考語將應升應補之人開列四三員咨送參贊大臣驗看其應升之員亦定爲應俸三年之例俸滿者方准保送如有蒙混不清卽行駁查如果覆覈無異卽照各城大臣原送考語開單奏請補放此後該伯克犯有公過與原保大臣無涉若有擾累回衆或將已革陋規改易名目斂錢肥己等事一經發覺卽將原保大臣嚴加議處其六七品伯克及金頂回子缺出由各城大臣詳加遴選查明俸滿應升及應補之人亦造四柱清冊著保三四員咨送參贊大臣驗放無庸具奏仍咨明理藩院查覈此外回子工匠及阿奇木家人並在京爲奴遇赦釋回之回子均因通曉漢語充當通事各城辦事大臣以其當差熟識或瞻徇情面遂至違例升用伯克此輩出入衙門內外串通滋事滋擾著於見在伯克內查明如有曾充工匠家人及有罪赦回之犯有已放伯克之人卽行斥退以後此等出身之回子充當通事不准升補伯克至各城阿奇木伯克伊什罕伯克都管伯克均有經營糧賦差徭之責一切苛派弊竇皆出其手乾隆年間舊例大伯克回避本城小伯克回避本莊近來阿奇木伯克多用本城回子小伯克以本莊之人辦本莊之事該伯克等情形熟悉剝削尤甚嗣後升補各城阿奇木伊什罕都管等伯克回避本城五六七品伯克回避本莊如有蒙混錯誤補放者理藩院查出照例請旨交部議處該參贊大臣仍隨時密訪如有前項各弊嚴行參奏從重辦理以昭炯戒至舊制英吉沙爾屬於喀什噶爾和闐屬於葉爾羌屬城與本城著一律回避東華續錄

又諭那彥成奏裁革各城陋規條款一摺所奏甚是回疆各城大小衙門一需費繁多阿奇木伯克等往往藉辦公之名向各回戶攤派苛斂從中肥己據那彥成等查明相沿陋規分別條款或此有彼無或此多彼少其尤甚者每月按戶派錢名爲克列克里克如有不敷再行續派名爲色里克似此行同蠶蠶殊出情理之外若不嚴行禁絕何以安回衆而靖邊陲著照那彥成等所議即將前項擾累之事勒石永遠革除一勒各城大臣衙門一勒各城阿奇木衙門通行刷印分貼各回莊明白曉諭並令各城大臣按季查覈有無干犯例禁之人報明參贊大臣每屆年終彙奏一次至伊犁將軍統率各城尤當破除情面認真查察儻章京伯克等違禁滋擾該管大臣奏明嚴辦若瞻徇容隱經參贊大臣查奏即將該管大臣照例議處各城大臣或受已禁陋規或改易名目仍有侵削參贊大臣奏明參辦卽照乾隆年間格綳額之例立行正法所有濫應中飽之阿奇木等亦予正法若參贊大臣不能潔身表率干犯禁令及徇庇各城大臣有犯不舉著伊犁將軍訪查參奏並准各城大臣指實揭參如將軍有瞻徇容隱情事別經發覺除將不法之員治罪外定將該將軍一併嚴懲決不寬貸至各城回子如有受該處大小官員賂削者准其赴參贊將軍各衙門呈控如該衙門不爲究辦卽於年班進京時赴理藩院呈控備理藩院仍不代奏准其赴在京各衙門控告所控得實免其坐罪其申訴不實或未經在參贊將軍等衙門呈告者仍照例治以誣告及越訴之罪自此次明定章程各城大小臣工務當各矢天良潔己奉公毋得仍蹈前轍至干咎戾將此通諭知之東華續錄

及那彥成等奏回疆西四城三品至五品伯克四十大缺請以托克托尼雜爾等升補並請裁改喀什噶爾英吉沙爾等處伯克員缺得旨照所請升補責成各城大臣隨時察看如果實在潔己辦公俟一年期滿出具

者語咨明參贊大臣另行奏請實授如不稱職立即撤參另據委員請補至葉爾羌所屬之色喀庫勒地方向設五品阿奇木及伊什罕等小伯克距卡倫較遠與什克南巴達克山連界非本莊之人熟悉情形不能勝任毋庸照卡內回避本莊之例著遇有缺出由該城大臣秉公據補咨明參贊大臣分別奏咨辦理喀什噶爾額設五品納可布伯克五品密圖瓦利伯克五品莫提色布伯克三員管理工匠及田房地契等件均無重任罕魯里克和色爾布衣二莊回戶較多原設六七品伯克照料雜糧察拉根地方係大河拐開墾新田處所向無伯克經營著將前項五品伯克三員各給與五品阿奇木職銜移設罕魯里克等處駐紮其阿爾瑚莊額設六品阿奇木伯克與六品哈資伯克品級相等無所統屬著將六品哈資伯克移駐察拉根管理農田又阿斯圖阿爾圖什莊額設七品明伯克五員著裁撤二員以一員移駐察拉根辦農田事務以一員移駐阿爾瑚莊抵補六品哈資伯克裁缺英吉沙爾額設四品阿奇木一員並無伊什罕伯克幫辦該城公事較繁所有六品哈資伯克著照拜城之例賞給五品伊什罕職銜以資襄理

東華續錄

又諭前經大學士軍機大臣議覆那彥成奏回疆積弊請加考覈摺內請將西南兩路各城辦事領隊大臣分隸統屬由該將軍都統參贊大臣認真考察如將軍都統參贊大臣有正己秉公者亦准各城大臣據實參奏以資維制當降旨悉照所議本日朕恭閱 皇考仁宗睿皇帝實錄內載嘉慶六年二月奉 聖諭向來回疆總辦大臣遇有公事會同協辦領隊大臣等列名具奏其協辦領隊大臣遇有應奏之事亦准專摺密陳烏里雅蘇台塔爾巴哈台兩處畫一辦理該二處協辦之參贊領隊大臣有應行據實密陳者俱准於請安摺便專摺具奏等因欽此仰見我 皇考整飭邊疆豫垂 成憲曷勝欽服本年所議於北路未經並及所有烏

里雅蘇台塔爾巴哈台二處如有應行密奏之事不准將軍等職司綜領務期秉公覈實不得稍有瞻徇即將軍參贊等如有不公不法之處該協辦之參贊領隊大臣亦准其據實密奏總期互相維制以重邊陲庶幾仰副 聖訓及朕諄諄申諭之至意 東華續錄

又諭內閣新疆各城辦理印房等處事務章京向由在京各衙門保送邊遠地方關繫緊要額設員缺無多必須年壯才明方足以資助理乃各衙門保送之員往往以衰庸者塞責昨日吏部以塔爾巴哈台章京員缺將太僕寺等衙門所保之員外郎常斌等六員帶領引見除清長一員已經簡放外其餘五員察其年力才具均難勝任著即撤銷不准復送嗣後遇有新員缺各該堂官務遴選年力富強素能辦事者咨送吏部帶領引見不得任其濫竽充數如該員果能辦事勤奮出力年滿更換時著該處辦事大臣據實保奏回京之日由該部帶領引見量予鼓勵儻不稱職亦即隨時甄別懲處勿得姑容貽誤 聖訓

二十三年定喀喇沙爾裁屯安戶事宜仍設千總把總經制外委各一 東華續錄

二十六年諭前據薩迎阿奏請添設印房回務章京當交軍機大臣會同該部議奏茲據會議奏稱英吉沙爾臨邊臺卡甚多地方亦屬緊要自應添設章京以專責任英吉沙爾著准其添設印房回務章京一員卽專用大部筆帖式毋庸用起廢人員 東華續錄

三十年諭軍機大臣等德齡奏署烏什辦事大臣文興不遵國制朝夕鼓樂出入聲轍果如所奏實屬任意妄爲著德魁於抵任後確切查明據實具奏毋稍徇隱 聖訓

光緒五年欽差大臣左宗棠奏竊臣於光緒四年十一月奏覆新疆情形一摺欽奉 諭有事關創始必須熟

籌於事前乃可收效於日後刻下伊犁未經收還一切建置事宜尙難遽定其餘南北各城應如何經理之處卽著左宗棠悉心籌畫次第興辦總期先實後名俟諸事辦有眉目然後設官分職改設郡縣自可收一勞永逸之效所有辦理情形並著隨時詳細具奏嗣於五年九月續奉 諭旨新疆地方愚回錮習未除自應規畫久遠移其風俗俾就範圍該大臣所擬改設郡縣應如何辦理之處並著妥籌具奏欽此竊惟新疆南路各城頻年辦理善後事宜均有端緒所有詳細情形業經會銜陳奏臣與楊昌濬再四諮度分設郡縣實於時務相宜如蒙 恩旨俞允會同籌商辦理從此邊地腹地綱舉目張城郭廬帳羣萃州處彼此各仍其舊治外則軍府立而安壤有藉疆圉奠焉治內則吏事修而政教相承民行興焉上無鄙夷其民之心下有比戶可封之俗長治久安之效實基於此臣兩次欽奉 諭旨恭錄咨行新疆在事諸臣意見相合竊計改設郡縣經出經入費用較之從前部撥常年實數不但無增且可漸減誠及此時籌議興辦開設行省於國計邊防不無裨補按新疆形勢所在北路則烏魯木齊南路則阿克蘇以其能控制全疆地居天山南北之脊居高臨下左右伸縮足以有爲也謹擬烏魯木齊爲新疆總督治所阿克蘇爲新疆巡撫治所彼此聲勢聯絡互相表裏足稱其形勢將軍率旗營駐伊犁塔爾巴哈臺改設都統並統旗綠各營並擬增設伊犁兵備道一員塔爾巴哈臺擬增同知一員以固邊防北路鎮迪道應仍其舊擬改迪化州直隸知州爲迪化府知府擬增置迪化縣知縣濟木薩縣悉爲濟木縣知縣鎮西廳同知治巴里坤擬改爲鎮西州直隸州擬仍復原設宜禾縣知縣附郭哈密通判擬改爲直隸廳同知吐魯番境一名廣安州爲入南疆衝要首站擬增設廣安道一員以資控扼其吐魯番同知擬改爲廣安州直隸知州南路擬設阿克蘇巡道一員喀什



噶爾兵備道一員擬設知府四員一治阿克蘇一治庫車並隸阿克蘇擬升闡展巡檢爲闡展縣知縣托克遜烏魯木齊通南入城衝要擬就地舊托遜縣知縣一員以資聯絡南路擬設阿克蘇巡道一員喀什噶爾兵備道一員擬設知府四員一治阿克蘇一治庫車並隸阿克蘇巡道按阿克蘇卽古溫宿國擬設溫宿府知府一員溫宿縣知縣一員附郭擬設尹河縣知縣一員治尹河瓦提擬設拜城縣知縣一員治拜城均隸溫宿府知府管轄庫車卽古龜茲國擬設鳩茲府知府一員鳩茲縣知縣一員附郭擬設沙雅爾知縣一員治沙雅爾歸鳩茲府管轄喀什噶爾卽古疏勒國擬設疏勒府知府一員疏勒縣知縣一員治漢城疏附縣知縣一員治回城並附郭歸疏勒府知府管轄葉爾羌卽古莎車國擬設莎車府知府一員莎車縣知縣一員治漢城疏附郭縣知縣一員治回城並附郭歸莎車府知府管轄喀喇沙爾卽古焉耆國擬設焉耆直隸州知州一員治喀喇沙爾並設庫勒縣知縣治庫爾勒歸焉耆直隸州管轄和闐古于闐國擬設于闐直隸州知州一員治和闐並設于闐縣知縣附郭歸于闐直隸州管轄烏什卽古尉頭國擬設尉頭直隸州知州一員治烏什英古沙爾卽古依耐國擬設依耐直隸同知一員治英古沙爾凡茲所擬建置大略雖經臣與新疆在事諸臣悉心商訂具有規模而地非親歷究難信之於心既擬設省分置郡縣則政務繁簡地畝肥磽物產盈虛丁戶多寡差徭輕重爲缺分苦樂所關非儘其經出經入實數爲之斟酌損益俾適於中則官困而民必受其病適奏調浙江候補知府陳寶善到營臣晉居幕中令其熟閱新疆各局往來公牘面爲講求預將興革諸務貫澈胸中飭三月下旬出關遍歷新疆察驗一切一面就近稟商各總統一面稟報聽候核示陳寶善久官牧令廉幹耐勞熟嫻吏事茲令參商建置興革事宜或有裨益至該熟甫興學政及府廳州

縣校官應緩議設其丞倅佐雜應候分設郡縣後再分別陳奏請 旨遵行新疆各員應否按照邊俸選調  
 升轉暫時亦可緩議至各城應安設臺站驛遞增設提鎮副將參遊都守千把外額大小武職及額兵俸廉  
 餉乾本折均應俟新設督撫會同議擬具奏而滿臬大員均隨督撫駐紮庶總匯之司得所署承事無不舉  
 凡此皆應由新疆督撫奏明次第興辦者非臣所得預議也如新疆置省分設郡縣仰荷 諭旨允行應懇  
 天恩先 簡新疆總督巡撫以重事權俾得隨時陳奏徑達 宸聰其新疆軍務臣有督辦之責固不敢稍  
 有諉謝也

上諭左宗棠奏覆陳新疆宜開設行省請先簡督撫一摺所擬建置事宜慮為詳悉惟現在伊犁尚未收復布  
 置一切不無窒礙所有新疆善後諸務仍著該督因地制宜次第籌辦原摺著暫留中再候諭旨將此由四百  
 里諭令知之

八年新疆巡撫劉錦棠奏竊臣等承准軍機大臣字寄光緒八年三月十七日奉 上諭譚鍾麟奏籌度新疆  
 南路情形一摺所請酌度七城廣狹籌備設立丞倅牧令一員更於喀什噶爾阿克蘇兩處各設巡道一員  
 如銅迪道之例著劉錦棠體察情形會商該督妥議具奏等因欽此仰見 朝廷眷顧西陲動規久遠之至  
 慮跪聆之餘莫名欽感伏念新疆嘗久亂積靡之後今昔情形判若霄壤所有邊疆一切事宜無論拘泥成  
 法於時勢多不相宜且承平年間舊制亂後蕩然無存萬難再圖規復欲為一勞永逸之計固合增設郡縣  
 別無良策種種情由經大學士前任陝甘督臣左宗棠迭次奏明有案仰蒙 聖明洞鑒准其因時制宜在  
 事諸臣先後稟承 宸謨籌辦善後諸務罔敢稍涉疏懈現在地利日闢戶口日增各族漸知向化諸事均

直省文武官

十二



有成效郡縣之設時不可失茲奉 旨命臣等會商妥議久安長治之基實鑒於此自當就愚慮所及熟籌  
審度以期妥協而垂永久謹按經野建官之道必量其地之民力物產足以完納 國課又可供給官吏得  
役而有餘然後視其形勢之衝僻繁簡設官以治之非徒寬預爲計畫則官困而民必受其害故新疆添置  
郡縣設官未可過多此必然之勢也惟南路各城人民較多腴區較廣其轄境之最遼闊者縱橫至數千里  
少亦數百里若設官太少又慮鞭長莫及難資治理不足爲經久定簡 臣鍾麟原奏內有一城不過數十莊  
不及東南一小縣七城各設一官足矣等語經 臣錦棠就近體察情形此說蓋亦不盡然又 臣鍾麟原奏將  
吐魯番作爲南路城池因有七城設官之議 臣錦棠查吐魯番現不在八城數內自吐城以西喀喇沙爾庫  
車阿克蘇烏什是爲南路東四城葉爾羌喀喇沙爾英吉沙爾和闐是爲南路西四城應統八城通盤籌畫  
一律改設郡縣以上各節均經 臣錦棠 臣鍾麟往復函商意見相合公同酌議除自哈密南至吐魯番北至  
精河應暫照 臣鍾麟原奏無須另設多員外回疆東四城擬設巡道一員駐札阿克蘇該道以守兼巡爲兵  
備道督飭所屬水利屯墾錢穀刑名事件撫馭部彈壓布魯特稽查卡倫作爲衝煩疲三項要缺喀喇沙  
爾與土爾扈特和碩特游牧地方犬牙相錯每有交涉事件擬設直隸廳理事撫民同知一員治喀喇沙爾  
城庫車擬設直隸廳撫民同知一員治庫車城阿克蘇爲古溫宿國擬設溫宿直隸州知州一員治阿克蘇  
城拜城縣知縣一員治拜城歸溫宿直隸州管轄烏什縣都布魯特部落爲極邊要隘擬設直隸廳撫民同  
知一員治烏什城以上各屬州縣應統歸東四城總道管轄回疆西四城擬設巡道一員駐札喀什噶爾回  
城該道以守兼巡爲兵備道管理通商事宜督飭所屬水利屯墾錢穀刑名諸務彈壓布魯特稽查卡倫作

爲衝煩疲難請 旨最要缺喀什噶爾爲古疏勒國擬設疏勒直隸州知州一員治漢城疏附縣知縣一員  
治回城歸疏勒直隸州管轄英吉沙爾緊鄰布魯特爲極邊衝要情形與烏什略同擬設直隸廳撫彝同知  
一員治英吉沙爾城葉爾羌爲古莎車國擬設莎車直隸州知州一員治漢城葉城縣知縣一員治回城歸  
莎車直隸州管轄葉爾羌所屬瑪喇巴什一城爲回疆東西咽喉要地積年河水爲患必須置員撫治擬設  
直隸廳水利撫民通判一員治瑪喇巴什城和闐爲古于闐國擬設和闐直隸州知州一員治和闐城于闐  
縣知縣一員治哈拉喀什地方歸和闐直隸州管轄以上各廳州縣應統歸西四城巡道管轄凡茲建置大  
略較之光緒六年四月十八日左宗棠奏擬設立各官稍爲簡省較之巨鍾麟原奏七城各設一官之議略  
爲加增斟酌損益務適於中冀免流弊而成永圖至於佐雜人員應俟郡縣設定由道員暨各丞倅牧令就  
近察酌地方情形將其必不可少者詳請奏設其各廳州縣疆界應俟立官畫分後再行奏咨各處地方暫  
時責成諸軍統領營官督率營勇駐防俟兵制議定再行奏請設立總兵副將參游都守千把等官其餘未  
盡事宜統候陸續籌議隨時奏請 睿裁所有擬設新疆南路郡縣大概情形謹會同幫辦軍務臣張曜幫  
辦新疆善後事宜臣楊昌濬摺覆陳是否有當伏乞 聖鑒訓示施行 卹鈔

再哈密以西各滿營旗丁亂後子遺僅存舊制萬難規復卽以古城烏魯木齊兩處言之前此古城領隊大  
臣勝安由京西來道出哈密與臣談及古城滿營房屋久已鞠爲茂草該處旗丁總共不過十數人勝安自  
以補授斯缺原應卽行赴任究竟古城無隊可領無營署可住進退維谷殊形狼狽臣比囑其與金順恭鏗  
熟商自處之道悵然踰天山北去臣於光緒二年夏秋之交率師克復烏魯木齊其時滿城傾圮瓦礫荒涼

未見旗丁一人嗣臣進克南路各城始將旗丁之被賊裹脅者陸續拔出咨送烏魯木齊安插然爲數亦屬無多故以恭鐘之精明強幹世受 國大恩銳意欲有所爲以圖報稱然所管旗丁只有此數雖都統有兼轄鎮迪道之責而政務亦甚簡少不足以發舒其才氣他如哈密辦事臣明春所部健銳威儀各營現已奏明全行裁撤其所轄回務亦經左宗棠奏准歸哈密通判管理欽遵在案竊維 國家建官分職原各有分內應辦之事現在新疆時事變遷都統暨辦事領隊各大臣兵少事簡幾無異投閒置散此不但非 朝廷設官之意亦諸 臣心所不安也如蒙 聖明體察 臣言准照擬設甘肅巡撫之議則烏魯木齊自須設立撫標官兵南北兩路均宜另設額兵添署總兵副將參遊都守千把等官以爲永遠防邊之計烏魯木齊提督應移駐喀什噶爾城以扼要害吐魯番暨南路舊有參贊辦事領隊各大臣員缺固可一律裁去卽自哈密北至伊犁所有都統暨辦事領隊各大臣員缺亦宜酌量裁撤巴里坤古城烏魯木齊庫爾喀拉烏蘇等處所餘旗丁如目前之零星分布終恐無濟實用不如併歸伊犁滿營生聚教訓以期漸成勁旅查承平時新疆南北兩路係歸伊犁將軍總統烏魯木齊都統亦兼轄鎮迪一道如設巡撫不但鎮迪道無須都統兼轄卽將軍亦無庸總統全疆免致政出多門巡撫事權不一其伊犁滿營似應改照各省駐防將軍營制從新整頓務求精實可用庶於邊防有所裨益總之新疆不復舊制便當照行省辦法若二者並行則一切夾雜牽混之弊難以枚舉願茲伊犁已還界務將竣大局急宜定奪 臣恭摺 欽符既有所見不能不據實直

陳 邸 鈔

九年新疆巡撫劉錦棠陝甘總督譚鍾麟奏竊 臣錦棠承准吏部咨遵 旨會議 臣等前請變通新疆官制具

陳一摺奉 旨依議欽此粘連原奏知照到營當即欽遵分咨關外在事諸臣並飭現辦善後局員各將所管地段界址暨一切情形詳細察奪具報去後伏維體 國經野通籌局勢須原始以要終庶可大而可久物當創辦之初有因一處之妨而致疑全局之多碍有因一端之阻而動謂衆辦之未宜風氣之所浸漬成例之所拘迫欲變之於一旦微論法制尙未詳訂急切靡所適從即使綱舉目張自謂燦然大備且有箕風畢雨之好足以滿我視聽擾我神明種落之殊教令之別非獨其地有以限之抑由其俗積漸使然也關隴爲天下之屏蔽而塞外又居關隴之上游山水之所從出其地則高寒而多沙礫其人渾樸而不聯屬不問向之居國行國究其居處服食文字語言迥異中土漢唐以來殷憂西事罔不經營捍衛聊因吾圍蓋旣爲形勢所必爭則卽爲聲教所必及乃化其習尙無復他虞夫因創之所乘實由天時人事之所濟拍蠱者漢置河西四郡當時雖不免耗中事西之苦而至今賴之西域自古羈縻之地往往一隅蠢動腹地爲震自祖宗朝櫛風沐雨先後裁定南北兩路或分置屯防或間設郡縣星羅棋布遠近相維南疆地雖饒沃而因俗類榛狉難驟繩以禮法於是分 命大臣督率文武員弁兵丁鎮駐扼要之區彈壓巡緝差徭賦稅量爲徵收舉凡疏節關目用壯厥聲靈堅其趨嚮以待我 皇太后 皇上今日因時制宜變通盡利臣錦棠適躬逢其盛前陳應設應裁應改應移諸端仰荷 睿衝 飭部會議茲各部院議覆摺內於議設者如置巡撫布政使及鎮迪道加按察使銜管理刑名改迪化州爲縣設迪化府各節暫從緩議而議裁改議移者如裁各城都統參贊辦事領隊各大臣應俟南八城建墾事宜辦有成效奉 旨准設巡撫再行會奏請旨又裁去回官阿奇木伯克等另行酌設頭目則以均有職掌責任歷更體察妥議章程核辦改設額兵將

烏魯木齊提督移駐喀什噶爾亦令俟議請 旨回童現入義塾讀書有能誦習一經熟悉華語者咨部給予生監頂戴議以向無成案擬請俟回童粗通文藝時酌設學額憑文取進如以該回童等但須讀書認字不必責其文理應另酌給獎勵請 旨遵行至請南路改設清廳州縣各官均經先行議准令將應辦事宜會商妥協次第奏明辦理各等因譯繹部院諸臣議覆各條其於應准應緩之事體無不斟酌至當上慰宸衷試以損益之舉動關久遠之規縱使疑無可疑猶當慎之又慎然創制早開乎其先則變通宜善乎其後從前滇黔之改流官近如臺灣奉天吉林之添設郡縣皆時會之所趨 聖化翔洽幾若行乎其所不得不行回童如能熟誦儒書諳悉華語日久漸摩帖然就範既已革其舊習自當被以政教故應裁應改應移者刻下卽須籌擬一則一氣相承因勢利導可收及時整飭之功一則經費宜定合計從長可免異日虛糜之弊部臣深知其然而現未卽請 旨飭辦者應俟准設之官具有規模然後分別舉行蓋卽臣鍾麟所擬設立行省當從州縣辦起之意自准部覆卽經往返函商熟籌辦法定卽由臣錦棠就近先行委員往署詳察東西兩道應分之界限並各直隸州與其轄縣應分之村境各處城垣多未完固尙有應行改建增修之城各官衙署能否各就善後辦公局屋改作或應別籌營造 壇廟倉廩監獄亦應擇要修建驛傳塘站視其冲僻安設文員雜職量輔分司現除教職緩議外其各廳州縣之照磨吏目典史應與印官同城佐理此外各屬轄境遼闊應添州判縣丞巡檢分防各按所屬繁簡酌添以便控制凡此要圖務爲先正其名而後能實其事否則委員以空名行實政既無職守亦無考成難期與斯民相維繫誠有如臣鍾麟所云者臣錦棠擬遵部議就差遣各員內分委道員同知直隸州知州通判知縣各官前往署理暫刊木質關防鈐記給

令敢用俾昭信守惟是設官之復文移徵收詞訟宜照官署之式南路向無漢民鎮迪所屬自經兵燹書吏  
更少於前無可調派前經分飭甘肅各府州於所屬書吏中揀公事諳練者各派數名優給川資令其攜眷  
西來備日後之分撥回官三四品阿奇木伊什罕伯克階職較崇臣前慮其權重擾累曾請裁去銜額實欲  
杜漸防微相沿已久未可驟加屈抑擬請仍留頂戴略如各省州縣之待所轄紳士假以禮貌使有別於齊  
民昔之衆伯克等分理糧役訟獄諸務將來擬分撥爲吏戶禮兵刑工各書與漢書胥雜處互授漢回文書  
以期相觀而善既可收其把持之權又可藉爲公家之用似屬兩有裨益俟印官履任後徐爲圖之如能行  
之有濟屆時另行奏報每年應支廉俸公費銀兩已經部議照鎮迪道所屬數目支領所有應設書辦及各  
項人役名數月支工食銀兩麪斤數目亦應請照鎮迪道所屬定章招設支發以歸一律兩道綜司各屬政  
務須有通曉各項文字之人以備繙譯應請各添清字回文書辦各數名各屬傳訊訟案勘畫經略必先通  
其語言乃能從而剖斷應請各添回書通事數名以上月支工食銀兩麵筋數目均請照鎮迪道所屬書吏  
章程開支道員以下各官印信應懇 飭部按照擬就各項缺銜鑄造頒行查吐魯番同知之印文係兼用  
清漢回字此項印信似應一體兼鑄回文併懇 飭下妥議定鑄南疆此次設官事屬創始當就練習邊情  
之員先將應辦事宜趕緊興辦方足以資治理現准先設各官額懇 天恩准照吉林新設民官各缺成案  
統歸因地擇人由外揀補一次則相從邊塞者知所奮勉吏治可期起色至於城垣衙署倉廩監禁應修各  
工舉不容緩南路土性鬆浮多曠卽燒成之磚塊曾不數年多被潮濕剝蝕墻垣基身務較寬厚始可耐久  
已飭湘楚各軍選派勇丁趕將城工挑築並商幫辦軍務臣張曜飭令嵩武軍營勇擇要興脩許以事竣懇



恩擇尤獎勵均能踴躍用命第計工程浩大仍須兼雇纏回乃能期其成功其需用之鐵木各器及各項工匠器物防營之不能辦者令各委員核實動用再懇 飭撥的款以濟要工值此經費支絀之際臣等受恩深重尤當格外撙節無如地處邊荒工係創建但期力杜浮冒未能率合成規合無仰懇 聖慈俯准俟後歲役除繪圖貼說咨部外卽照實用實銷開單具報藉省一再造冊之煩徭賦上關 國計下繫民生綜計南路正糧每年二十餘萬石將來兵制酌改需糧較少日久積儲勢難多備倉厥變價又苦無從銷售潮腐堪虞臣錦棠擬飭各屬於此後科定賦役時權其輕重或有前章稍重者仰體 皇仁卽予酌減微糧較多之處核計兵食之外所餘尤多卽行折徵銀兩湊充度支以爲涓滴之助庶倉糧不至霉朽而邊儲得以常充矣 謹

十一年新疆巡撫劉錦棠奏竊新疆改建行省治迪化省城所有省會應設各官自應分別添改除臬司仍照原議無庸專設經 臣奏請 加鎮迪道按察使銜兼管全疆刑名驛傳事務外惟省會應有首府附府應有首縣以期指臂相使大小相維 臣前奏設甘肅新疆巡撫布政使摺內請改設迪化府縣等官嗣經部議應俟南路八城建置事宜辦有頭緒再行酌量具奏奉 旨依議欽此欽遵在案伏查南路建置諸務隨時舉辦漸有規模 臣與藩司魏光燾業經先後抵任籌辦一切需員臂助省會各官未可再緩應請升迪化直隸州爲迪化府設知府一員治迪化城增置迪化縣一員爲附郭首縣與迪化州原屬之昌吉綏來阜康奇臺共五縣均隸迪化府屬遇事由該府核轉其迪化州原管之戶籍田賦驛刑考試及地方一切事宜稟歸迪化縣經理此外藩司衙門首領各有職司擬請設布政司經歷一員又庫大使一員專司庫務擬請名新裕

至鎮道既兼刑名應請設道庫大使兼按司獄一員迪化府首領應設府經歷兼司獄一員查迪化城等  
有巡檢一員爲稽查彈壓而設現既建置省會情形不同擬請卽裁該巡檢缺改設府經歷迪化縣應設縣  
典史一員專司監獄督捕擬請改迪化州吏目爲縣典史學官則迪化州原設學正一員兼管所屬各縣學  
務今升州爲府擬請設府學爲府教授照舊兼管各縣學一俟將來學校大興再擬添設以省糜費以上各  
缺應定爲何項缺分俟設定後再行擬議辦理仍懇照吉林新設各缺酌補一次成案由外揀補一次庶於  
地方有裨據藩司魏光燾詳請具奏前來臣覆查無異合無仰懇 天恩俯准 飭部核覆以便遵循卹鈔

### 右新疆各官

外藩蒙古科爾沁等二十四部四十九旗喀爾喀四部八十五旗青海四部二十九旗阿拉善厄魯特一旗烏  
蘭烏蘇厄魯特二旗額濟納土爾扈特一旗杜爾伯特十六旗每旗扎薩克一人協理旗務二人或四人管旗  
章京一人副章京二人或一人參領每六佐領則一人佐領每百丁或二百丁或二百五十丁則一人驍騎校  
每佐領下則一人惟札薩克掌治一旗之政令或由世襲或由 簡任不拘爵秩蒙古科爾沁等部四十九旗  
及青海四部落二十九旗每旗扎薩克以王貝勒貝子公台吉爲之惟喀喇沁添設一旗以一等塔布囊爲之  
喀爾喀等部八十五旗及杜爾伯特十六旗每旗扎薩克以汗王貝勒貝子公台吉爲之阿拉善厄魯特以王  
及公烏蘭烏蘇厄魯特以貝子額濟納土爾扈特以貝勒協理旗務掌佐札薩克之政亦以台吉以上爲之自  
管旗章京以下至驍騎校皆掌統其所屬之衆以聽于札薩克惟青海遠喇嘛察漢諾們汗所屬蒙古分四佐  
領不統于各旗給印令遠喇嘛管轄每旗按丁數編爲佐領設佐領一人驍騎校一人領催六人驍騎五十人



大佐領設參領一人佐領多者設管旗章京一人副章京二人十佐領以下設章京副章京各一人並於每旗台吉內遴選以原籍兼任如台吉內無人於參領內遴選參領於佐領內遴選佐領於驍騎校內遴選以次遞升按外藩蒙古自康熙三年以前來歸者歸內札薩克自康熙二十七年以後來歸者稱外札薩克設官雖同而分地各異其大別有二一爲漠南科爾沁等部一爲漠北喀爾喀四部一爲青海四部若阿拉善厄魯特額濟納土爾扈特皆在漠南甘肅邊外亦漠南地杜爾伯特在喀爾喀疆理之內烏爾烏蘇又喀爾喀賽音諾顏部所轄也故以漠南漠北青海等部區別爲三回部哈密一旗札薩克一人協理旗務一人管旗章京一人副章京一人參領二人佐領十三人吐魯番一旗札薩克一人協理旗務二人管旗章京一人副章京二人參領二人佐領十五人伯克十人凡回部之久經內屬者一如蒙古之制編爲旗分設札薩克以下等官哈密扎薩克以功晉郡王貝勒吐魯番晉郡王按哈密吐魯番二部雖並膺王封而實佐我駐劄大臣共理庶政故互見于新疆各官屬而其屬則冠以天朝之品秩仍存諸部之舊稱謹具列于此 通典

雍正三年議准喀爾喀設蒙古副將軍三人鈐轄各部落蒙古兵丁均給與勅印會典事例

五年覆准管理喀爾喀兵丁之副將軍三人應各給筆帖式二人上三旗護軍一杆旗牌十二面所給之號纛旗牌卽令筆帖式齎往其筆帖式更代定以三年爲期俟副將軍等所屬之人熟習後奏明停遣會典事例乾隆十七年奏准土爾扈特貝勒羅卜藏達爾扎今年已及歲可以辦理旗務應將駐劄司官撤回會典事例十八年議准土爾扈特貝勒羅卜藏達爾扎不能辦理旗務約束屬下人應仍遣司官一人駐劄其更代限期及願給銀悉照前例會典事例

二十年議准杜爾伯特汗王屬下之台吉授以公及扎薩克等爵台吉屬下之宰桑授以梅勒扎蘭蘇穆章京  
昆都播什庫達魯罕等職梅勒之職與副章京同扎蘭與參領同蘇穆章京與佐領同昆都與騎校同撥什  
庫與領催同達魯罕與什長同會典事例

二十四年奏准土爾扈特貝勒羅卜藏達爾扎現今二十六歲已能辦理旗務屬下人俱遵法度駐劄額濟納  
司官停止更換會典事例

二十七年議准杜爾伯特左右翼設副將軍二人給以勅印右翼副將軍給正黃旗纛左翼副將軍給正白  
旗纛各一杆仍各給箭十二會典事例

三十年奏准輝特所屬之人設一佐領給扎薩克印信添設佐領騎校各一員會典事例

三十六年諭新投誠之土爾扈特郡王舍稜等呈請願居住科布多阿爾泰等處地方永受朕恩等語甚屬至  
誠允其所請將舍稜補放盟長沙喇扣肯補放副盟長同車稜烏巴什輪流居住科布多學習行走伊等應得  
之印信及編給旗分佐領一切章程交該部照例辦理會典事例

四十年議准土爾扈特和碩特汗王貝勒等五人給與盟長印信各一策璘納木扎勒汗印一策博克多爾濟  
十三扎薩克印信各一顆會典事例

又議准土爾扈特和碩特添設參領佐領等官會典事例

右藩屬各官

各處駐劄大臣

喀爾喀軍營定邊左副將軍一人烏里雅蘇台參贊大臣一人科布多參贊大臣一人掌喀爾喀四部之軍政凡四部會盟參贊大臣間歲分駐會聚稽其邊防軍實之事總聽左副將軍裁決具疏以聞通典

阿勒台烏里洋每歲秩大臣二人副都統一人總管四人佐領二十七人驍騎校二十七人通典

庫倫辦事大臣一人掌俄羅斯之往來明其禁令司員一人掌庫倫貿易諸務稽察奸宄平其爭訟謹按乾隆四十九年正月奉旨增派大臣二人同辦庫倫事務係出特簡不在定制之內故不列爲額缺分駐恰克

圖辦事司員一人掌俄羅斯貿易諸務聽節制於庫倫大臣通典

西靈辦事大臣一人司員一人筆帖式三人掌西靈之軍政凡青海三十六旗之會盟一如喀爾喀四部之制間歲舉行聽簡命大臣裁決具疏以聞通典

乾隆元年議准西靈駐劄大臣一人本院司官一人筆帖式三人皆令互相交錯更代統以三年爲期其更換大臣由院於散秩大臣八旗護軍統領副都統暨各部院侍郎內視其諳練蒙古事務者開列簡用會典事例

西藏辦事大臣二人司員一人筆帖式一人掌西藏之政令凡噶卜倫代貢第巴堪布皆屬焉有事則與達賴喇嘛定其賞罰由特旨簡派三年更代通典

雍正四年議准西藏設駐劄大臣二員辦理前後藏一切事務會典事例

乾隆四年議准駐劄西藏辦事司官筆帖式照駐劄哈密瓜州司官筆帖式例二年一換俟新去之司官筆帖式到後令舊駐劄之人留住三月將舊事交代明白再令回京會典事例

十年議准駐劄西藏大臣司官筆帖式均一例定爲三年更代會典事例

五十一年九月命嗣後駐藏大臣等所兼京缺不必開 東華續錄

五十六年諭西藏戴琿第巴缺出由駐藏辦事大臣會同達賴喇嘛商議揀選補放至噶布倫責任更要遇有缺出時若卽將達賴喇嘛議定正陪之人奏放仍不免徇情滋弊著交駐藏大臣嗣後凡噶布倫缺出會同達賴喇嘛於應陞用人內擇其能事者秉公選定正陪於各人名下注明如何出力之處奏請補用俟朕揀放駐藏大臣儻有徇私不公者一經發覺必加重譴著爲令會典事例

五十七年議准駐藏大臣督辦藏務應與達賴喇嘛班禪額爾德尼爲平等噶布倫以下番目及管事喇嘛分係屬員無論大小事務俱稟命駐藏大臣駁辦至扎什倫布諸務亦一體稟知駐藏大臣辦理毋得仍令歲琿堪布代辦以致滋生弊端併令駐藏大臣於巡邊之便稽查管束以除積弊會典事例

右各處駐劄大臣

皇朝政典類纂卷二百四十九終

皇朝政典類纂卷二百五十

職官十三

土官直省土官 附僧道官 陰陽學 書學

甘肅土指揮使八人指揮同知七人指揮僉事八人土千戶八人正千戶一人副千戶二人上百戶九人青海千戶一人百戶二十四人百長二十六人西藏百戶十六人百長十人 內土指揮使河州衛一人狄道衛一人平番縣三人西寧縣三人指揮同知河州衛一人平番縣一人西寧縣一人碾伯縣四人指揮僉事平番縣一人西寧縣二人碾伯縣三人洮州廳二人土千戶河州保安撒喇四房一人保安撒喇族五人平番縣一人武威縣一人永昌縣一人古浪縣一人碾伯縣一人大通縣一人正千戶平番縣一人副千戶平番縣一人洮州廳一人上百戶河州亂藏一人平番縣二人碾伯縣二人岷州四人青海奇克巴彥南稱族千戶一人阿里克族百戶二人格爾吉族百戶三人蒙果爾津族巽希葉布族百戶各一人玉樹族百戶四人蘇魯克族尼牙木錯族庫固察族稱多族百戶各一人札武族百戶二人下札武族下阿拉克沙族上隆壩族下隆壩族蘇爾莽族多倫尼托克安都族百戶各一人葉爾吉族阿薩克族列玉族阿永族拉爾古族丹巴族巴彥南稱界綽庫爾族桑博爾族隆東族百戶各一人洞巴族爾長三人上隆壩族百長一人下隆壩族百長三人阿拉克額族百長四人附住玉樹界內噶爾布族附住札武界內班石族白利族哈百受族吹冷多爾族巴彥南稱界內拉布庫克白長各一人西藏納克書貢巴族納克書色爾查族納克書畢魯族納克書奔頓族納克書拉克什族納克書達格魯克族勒納夥爾族印布納克魯族夥爾族百戶各一人印布噶魯族印布色爾查族百戶

皇朝政典類纂卷二百五十 職官十三 土官

各二人格魯克族上岡鳴魯族夥爾遜提嘛爾族百戶各一人白臘岡扎嘛爾族撲錯族三查族三納拉巴族  
上阿查克族下阿查克族上多爾樹族下多爾樹族夥爾彭他嘛族夥爾拉塞族百長各一人通典

四川土通判二人土知事一人土巡檢一人土副巡檢一人宣慰使五人副使一人宣撫使五人副使三人安  
撫司二十人副使三人長官三十有七人副長官三人千戶四十人土千總二人土百戶一百六十有三人

內節安府土通判一人土知事一人石砫土通判一人水草坪牟托土巡檢各一人竹木坎土副巡檢一人軍  
民宣慰使司一曰明正長河西魚通宣慰使一人宣慰使司五曰董卜韓胡曰布拉克底曰巴旺曰梭磨

各宣慰使一人曰德爾格忒宣慰使副使各一人宣撫使司五曰邛部曰沙罵曰綽斯甲並宣撫使一人曰夷  
塘宣撫使一人副使二人曰巴塘宣撫使一人副使一人安撫司二十曰長靈曰加渴瓦寺曰沃日曰瓜別曰

木裏曰單東革什咱曰巴底曰瓦述餘科曰竹窩曰綽倭曰霍耳章谷曰霍耳孔撒曰霍耳甘孜  
磨書曰霍耳咱護曰霍耳林惹曰上納奪各安撫司一人曰喇滾曰下瞻對曰春科各安撫使一人副使一人

長官司三十有七曰阿都長官一人副長官一人曰靜州曰隴木曰岳希曰寶大關曰松岡曰卓克塞曰覺壩  
曰威龍州曰普濟州曰昌州曰沈邊曰冷卓曰瓦述崇喜曰瓦述毛丁曰瓦述曲登曰瓦述色他曰瓦述更平

曰霍耳納林沖曰霍耳白利曰霍耳東科曰春科高日曰上瞻對曰蒙葛結曰中瞻對茹色曰泥溪曰平茶洞  
曰平夷曰蠻夷曰沐川曰九姓曰河東曰嘉克杜時述曰石耶喇曰邑梅各長官一人曰地壩曰馬喇各副長

官一人曰咱哩曰松坪曰雙則紅凹寨曰班佑寨曰川柘寨曰余灣寨曰祈命寨曰寒盼寨曰商巴寨曰谷爾  
斯那浪寨曰竹當寨曰包子寺寨曰甲多寨曰黑若寨曰阿強寨曰呷竹寺曰丟谷寨曰雷昌寺曰沙壩曰阿

思洞寨曰峨眉喜寨曰七布寨曰毛革阿按寨曰麥雜余灣寨曰楊林地曰暖帶寨曰暖帶田壩曰蘇州曰黎  
漢州曰迷易所曰鹽井衛中所曰左所曰右所曰古柏樹曰瓦述寫遠曰膽對峪緝曰上納奪曰中郭維克押  
落寨曰中阿樹曰上膽對撒敦土千戶各一人曰河西曰雷波千萬貫土千總各一人曰沙卡阿業曰木噶媽  
寺猛呷阿他曰瓦七立曰惡落曰白桑曰惡熱曰上八義曰下八義曰沙誤石曰作蘇策曰八哩籠壩曰上波  
噶喇佳寨曰中渡亞出卡曰他咳曰索窩籠巴曰惡拉曰八烏籠曰拉里曰姆朱曰樂壤曰上渣壩惡曼曰上  
渣壩卓泥曰中渣壩熱錯曰中渣壩業窪石曰中下渣壩沱曰渣壩莫藏石曰扒桑曰木轆曰革窪卡巴曰呷  
那工弄曰吉增卡桑阿龍曰魯密東谷曰普共磔曰郭宗曰結藏曰初把曰祖卜柏哈曰昌拉曰取貞曰達媽  
曰格桑曰本滾曰長結杆尖曰長結松蹄曰白隅曰梭布曰達則曰卓籠曰窪黑曰阿招曰膩乃窠曰旁阿孤  
曰朋州樂土曰油石洞窰希曰大羊腸曰斡田壩曰麻柳壩曰輸沃曰冷紀曰阿細柘弄寨曰巴細蛇任壩寨  
曰上作革寨曰合壩獨雜寨曰轄幔寨曰下作革寨曰物藏寨曰熱當寨曰磨下寨曰甲凹寨曰阿革寨曰耶  
情安出寨曰下泥巴曰熱霧曰拈佑曰疊溪閭外曰沙壩曰大姓黑水曰小姓黑水曰疊溪閭內小姓曰松坪  
曰料林坪曰野猪塘曰白石村曰前後山曰六翁曰老鴉灘曰阿得橋曰白路曰虛郎曰苗出曰太村曰糯白  
瓦曰窩卜曰迤東大鹽井曰熱郎哇曰中村曰架州曰三大支曰河西地曰繼事田曰長村曰大石頭曰者保  
曰紅卜直曰普隆曰披砂曰鹽井衛前所曰後所曰上撒路曰中撒路曰下撒路曰崇路各謨寨曰作路生納  
寨曰上勒凹曰下勒凹曰瓦述更平曰瓦述墨科曰霍耳孔撒科則曰蘇述曰霍耳圖根滿牒曰籠壩曰雜谷  
馬竹卡曰瓦述色他曰上郭羅克曰下郭羅克曰上阿樹曰下阿樹曰小阿樹曰鷓個寨曰雲多曰僂蓋曰麻



林曰瓦述毛茂了曰上臨卡石曰下臨卡石曰岡真曰桑隆曰上蘇阿曰下蘇阿曰郭布曰柔阿龍百戶各一人曰三舍羊喇曰瓦述更平東撒曰雜竹卡曰東書曰革齊曰下革齊曰黎州大田百戶各二人曰上納齊黎高百戶三人曰上革齊百戶四人通典

廣西土知州二十六人土州同一人土州判一人土知縣四人土巡檢十二人長官二人副長官一人其土州知州二十六人曰南丹州那地州田州歸德州果化州忠州萬承州全茗州憑祥州下石西州太平州安平州蒼盈州結安州信倫州龍英州都結州鎮遠州江州思州上下凍州下雷州上映州思陵州向武州都康州土州同一人曰上蘭州土州判一人曰陽高州土知縣四人曰忻城曰羅陽曰羅白曰上林土巡檢十二人曰上龍司曰湖濶寨曰白山司曰興隆司曰那馬司曰定羅司曰舊城司曰下旺司曰安定司曰都陽司曰古零司曰隆順長官司二曰承順長官一人副長官一人曰永定長官一人通典

雲南土知府四人土同知一人土通判二人土知事一人土經歷一人土知州四人土州同四人土州判二人土縣丞五人土主簿二人土巡檢十有九人土典史一人土驛丞三人宣慰使一人指揮使二人宣撫使五人副宣撫使二人安撫使三人長官三人副長官三人土守備四人土千總二十有八人土把總五十有五人內土府知府四人曰景東府曰永寧府曰蒙化府曰孟定府土同知一人曰廣南府土通判二人曰麗江府曰鶴慶州土知事一人曰景東府土經歷一人曰開化府土州知州四人曰富州曰北勝州曰灣甸州曰鎮康州土州同四人曰姚州曰順州曰北勝州曰鎮南州土州判二人曰新興州曰鎮南州土縣丞五人曰雲南曰平彝曰新平曰南關曰楚雄土主簿二人曰雲南曰定遠土巡檢十九人曰練象關曰南平關曰定西嶺曰青案

鼻曰鳳羽鄉曰上江鶯曰下江鶯曰箭杆場曰蒲陀壑曰納更山曰三岔河曰保甸曰猛麻曰猛猛曰觀音山  
曰鎮南關曰阿雄關曰回蹬關曰沙矣舊土典史一人曰浪窩土驛丞三人曰板橋驛曰在城驛曰觀音山軍  
民宣慰使司宣慰使一人曰車里指揮使二人曰整欠曰孟良宣撫使司宣撫使五人曰千崖曰隴川曰南甸  
曰耿馬曰孟連副宣撫使二人曰盞達曰遮放安撫使司安撫使三人曰潞江曰猛卯曰芒市長官司長官二  
人曰戶撒曰騰撒副長官三人曰十二關曰那樓茶甸曰麇容甸土守備四人曰儒林等里一人麗江府一人  
迭巴二人土千總二十八人曰儒林等里曰永豐等里曰斗門磨沙曰喇博曰猛遮曰普藤曰檢溪阿興曰六  
庫曰老窩曰江邊曰格哨曰泥西曰魚掌登埂曰鎮遠各一人曰寶靈縣曰麗江府曰神翁曰奔子欄曰阿墩  
子各二人曰元江州四人土把總五十五人曰納更司曰寶靈縣曰永豐等里曰定南等里曰岩旺曰他曰曰  
老是達曰猗邦茶山曰猛腊曰易武曰猛阿曰猛籠曰打羅曰猛海曰猛混曰頂針曰猛旺曰整董曰猛烏曰  
耿馬曰洗馬溪曰漕灣曰臨城曰瀾滄江曰其宗喇普曰奔子欄曰阿墩子曰次竹曰古勇曰明光關曰鎮遠  
曰橄欖樹曰烏得各一人曰六困曰大塘關曰威遠各二人曰迭賓十六人通典

貴州土同知二人土通判一人土推官一人土吏目一人土縣丞五人土主簿二人土巡檢二人長官司長官  
六十六人副長官二十一人 內鎮遠府土同知土通判土推官各一人獨山司土同知一人重安司土吏目  
一人安化縣土縣丞土主簿土巡檢各一人餘慶縣土縣丞土主簿各一人印江縣鹽水司草塘司土縣丞各  
一人盤江司土巡檢一人長官司六十五曰爛土曰麻帶曰豐靈上曰豐靈下曰上馬橋曰方番曰臥龍番曰  
小龍番曰金石曰大龍番曰程番曰小程番曰羅番曰章番曰養龍曰大平伐曰小平伐曰新添曰沙營曰施

漢曰邦水曰樂平曰平定曰楊義曰八舟曰中林曰瀾曰古州曰新化曰亮寨曰頂營曰蠻夷曰募役曰虎墜  
曰大谷龍曰小谷龍曰羊鵬曰平伐曰岩門曰宣化曰龍里長官各一人曰盧番曰都坪曰都素曰黃道溪長  
官各二人曰木瓜曰底寨曰白納曰都勻曰歐陽曰湖耳曰省溪曰烏羅曰印水十有五洞蠻夷曰提溪曰沿  
河佑溪曰朗溪曰潭溪曰洪州泊裏曰垂西曰平頭署可各長官一人副長官一人曰偏橋長官一人左右副  
長官二人曰石阡曰新西堡曰康佐副長官各一人思南府隨府屬辦事長官一人通典

順治初年定土官無子者許弟襲無子弟許其妻或婿為夷民所信服者一人襲其應承襲之人由督撫具題  
將該土官頂戴宗圖親供司府州縣印甘各結及原領勅印親身赴部由部覈明方准承襲會典事例

康熙十一年題准土官子弟年至十五方准承襲未滿十五歲者督撫報部將土官印信事務令本族土會護  
理俟承襲之人年滿十五督撫題請承襲每承襲世職之人給與鈐印號紙一張將功次宗派及職守事宜填  
註於後後遇子孫襲替本省掌印都司驗明起文或由布政使司起文並號紙送部查覈無異即與題請襲替  
將襲替年月頂戴填註於後填滿換給如遇有水火盜賊損失者於所在官司告給執照赴部查明補給如有  
犯罪革職故絕等事都司布政使司開具所由將號紙繳部註銷如宗派冒混查出參究會典事例

四十六年總督兩廣等處地方軍務兼理糧餉兵部右侍郎兼都察院右副都御史臣趙弘燦謹奏為請循土  
司承襲舊例事該臣看得潛除土司一案准部咨開降職承襲諸子分割地方關係緊要該督撫提鎮身在  
地方深知情形應審行詳確定議具題到日再議等因奉旨依議仰見我皇上慎重邊疆安民善後之  
至意臣甫經蒞任情形尚未深知今據撫提鎮臣各議而酌計之查土司深山窮谷舊種居處歷設土府州

縣以分轄之則彼各得其所此因地制宜以人治人之意也今給事中陳允恭條奏降職承襲請子分割地方是欲次第分散其勢位不使欺隱夫膏腴策誠善也然土司外得交彝內屏各郡未嘗不爲中土之臣民若令長庶降變分管恐將來勢均力敵弟不遜兄互起爭端雖田土有肥瘠不一然皆納賦輸糧諸子分割各管各業則必各懷猜忌從此互相爭奪不休何暇按數册報巨竊以爲循照舊章俾各土司世守境土永享誠和之治惟飭該地方文武各官一體撫綏時加勸勉惇恭厥職則遐荒萬里聖教長通若曰錢糧丁口從可添增 皇上歲蠲租賦勸輸百萬似又不必與邊徼之民計盈虛者矣 皇清奏議

雍正三年諭各處土官鮮知法紀所屬土民每年科斂較之有司徵收正供不啻倍蓰甚至取其馬牛奪其子女生殺任情土民敢怒而不敢言莫非朕之赤子而土民獨使向隅朕心深爲不忍然土官之敢於恣肆者大率皆漢姦爲之指使或緣事犯法避罪藏身或積惡生姦倚勢橫行此輩粗知文義爲之主文辦事教之爲非無所不至嗣後督撫提鎮務嚴飭所屬土官愛惜土民毋得濫行科斂如申飭之後不改前非一有犯事土官參革從重究擬漢姦立置重典切勿姑容寬縱以副朕子惠元元遐邇一體之至意會典事例

四年復准土官土目有隨師効力應議敘之人止就原職加銜如宣慰使司宣撫使司安撫使司則有各司使副使同知僉事等銜招討使司副招討使司長官司則有招討使長官副長官等銜指揮使司則有指揮使同知僉事正千戶副千戶百戶等銜照原官品級以次陞授遞加至宣慰使指揮使而止如有餘功准其隨帶仍令以本職管事及仍替時亦止以原世職承襲會典事例

雲貴總督鄂爾泰奏爲窮除夷官清查田土以增租賦以靖地方事竊以苗獠逞兇皆由土司土司肆虐並

無官法特有土官土目之名行其相殺相劫之計漢民被其摧殘夷人受其荼毒此邊疆大害必當翦除者也臣受 恩深重職任封疆日夜籌思若不盡改土歸流將富強橫暴者漸次擒拏懦弱昏庸者漸次改置縱使田賦兵刑盡心料理大端終無頭緒稍有瞻顧必不敢行稍有憚怠必不能行不敢與不能之心必致負 君父而累官民故以臣愚昧統計滇黔必以此爲第一要務然改歸之法計擒爲上策兵剿爲下策令自投獻爲上策勒令投獻爲下策前鎮沅土府刀濤霑益土州安於蕃經臣屢禁題參後隨分委幹員將各田畝戶口銀穀數目逐細清查緣土州安於蕃地土更廣私莊尤多清冊尙未造報現據游擊楊國華威遠同知劉洪度造報鎮沅土府每歲額徵米一百石今每歲應納米一千二百一十二石零每歲額徵銀三十六兩今每歲應納銀二千三百四十八兩零是其徵之私窠者不啻百倍數十倍而輸之倉庫者十不及一二百不及二三由此類推又何可勝計再查附近鎮沅之者樂甸地方與元江新平景東接壤四面皆隣漢土一線緊逼哀牢素爲野賊出沒門戶其江形山勢尤爲險阻且當接版各井獻鹽要道原係世襲土長官司管轄該長官司刀聯斗昏庸乖戾受漢姦把目主使爲害地方民夷怨恨若不一併改流終難善後臣就告發各件卽委楊國華同劉洪度止帶兵一百名徑至者樂甸質審案擬相機行事而刀聯斗自知罪無可逃隨即出迎投獻印信號紙但求免死情願歸流據此情狀猶有可原除俟臣題參改土歸流外仰懇 聖恩但收其田賦稽其戶口仍量予養贖授以職銜冠帶終身以示鼓勵則強不如安於蕃刀濤勢不如刀聯斗者皆將遵法輸誠不煩威力而邊地糧餉亦不無小補矣至於黔省土司與滇省異一切兇頑半出寨目因地制宜更須別有調度臣已面與新提臣楊天縱詳細密商并將各要件逐一開單交付查訪以便會辦

務期兩省邊方永達寧謐仰副 聖懷而心長力短時切惶悚伏乞 聖主訓示遵行文體公奏疏  
又奏竊惟流土之分原以地屬邊徼入版圖未久蠻烟瘴霧窮絕壑之區人跡罕到官期地者其於獮俗  
苗情實難調習故令土官爲之鈐制以流官爲之彈壓開端始勢不得不然今自有明以來已數百年中  
外一體流土同官既有職銜寔無考察乃仍以夷待夷遂致以盜治盜徒令挾土司之勢以殘虐羣苗隨後  
逞羣苗之兇以荼毒百姓橫徵苛斂貢之 朝廷者百不一二而燒殺劫擄我生民者十常八九必須控  
制有方約束有法使其燒殺劫擄之技無能施爲而後軍民相得以安伏讀 聖諭以流官有設立吏目者  
職分卑微無印信可行無書役可遣土司意中倘有輕忽之念則未必肯遵其約束今可否酌土司之大小  
將微員如何改設重其職守使流土相適地方各安該督撫會同密議具奏大哉 王言所以爲邊方計者  
無微不至無遠弗照矣 臣竊念流官固宜重其職守土司尤宜嚴其考成土司之考成不嚴則命盜之案卷  
日積大凡殺人劫財皆係苗獮雖一經報聞隨即緝捕而潛匿寨中已莫可窺探故無論吏目等微員任呼  
不應即使府州關移臬司牌票亦置若罔聞十無一解非知情故縱卽受賄隱藏其在流官束手無策大吏  
深難其事不敢咨題多從外結其實得外結者亦復無幾故劫殺愈多盜賊益盛擄人男女掠人財物苗人  
無道賊抵命之憂土司無降級革職之罪有利無害何靳不爲此土司之考成不可不嚴所當與文武流官  
劃一定例者也據 臣愚見事各有專責應分爲三途盜由苗寨專責土司盜起內地責在文員盜自外來責  
在武職責在土司者未減流官責在文員者未減武職責在武職者亦未減文員參罰雖俱不免輕重各有  
攸分盜由苗寨者是平時不行鈐束而臨事又不行防閑此土司之罪也盜起內地者是鄉保不能稽查而

捕快又不能緝獲此文員之罪也盜自外來者是塘汛不能盤詰而兵丁又不能救援此武職之罪也以此三者分別謬罪土司無辭流官亦服然所以清盜之源者莫善於保甲之法臣屢與督臣揚名時撫臣何世璽熟商酌議擬立規條行之兩省及閩邸鈔知荷蒙 聖恩著九卿詳議具奏 臣等伏候奉 旨部行到日當卽頒行一體遵奉按保甲之法舊以十戶爲率雲貴土苗雜處戶多畸零保甲不行多主此議不知除生苗外無論民夷凡自三戶起皆可編爲一甲其不及三戶者令遷附近地方毋許獨住則逐村清理逐戶稽查責在鄉保甲長一遇有事罰先及之一家被盜一村干連鄉保甲長不能覺察左隣右舍不能救護各皆酌擬無所逃罪此法一行則盜賊來時合村百姓鳴鑼響應互相守望互相救護卽有兇狠之盜不可敵當而看其來跡尾其去路盡力尋緝亦無所逃至於保甲之外最重者莫如嚴責捕快與汛兵蓋內地之盜捕快多有知情外來之盜塘兵且爲通氣平時緝盜之捕快皆宜分定鄉村某方失盜罪在某捕快而捕快之中亦有姦良不一能否不齊又須每十人立一快頭如緝盜不獲者捕快與快頭一同治罪大抵盜情未有能欺捕快者其塘兵之設原以晝則盤詰夜則巡防伊等平日毫無所事每晝則看牌賭錢夜則飲酒酣睡甚或乘空偷竊出人不意種種非爲又或夥衆結強咬使劫掠陽防陰助其惡不可勝言必須嚴加號令定爲成法使不得不留心盡力盤詰稽查則盜賊既弭而兵丁亦皆可用矣

文端奏疏

五年諭容美等處土司田旻如朕卽位以來念該土司昔曾効力是以加恩優待嗣有人參奏該土司在地方不能安靜奉法者朕令該督撫訪察奏聞據該督撫奏稱該土司近日已悛改前愆慎守法度是爾實能悔過懲警以承恩澤也嗣後果能小心恪慎撫輯苗人約束閩屬共禦王章自可永保世職彼保靖桑植二土司肆



行背理生事擾民在國法難以寬貸是以聲罪致討爾雖近接鄰境行有攸司爾但自省無過不必疑懼內閣

上諭

六年諭桑植土司向國棟保靖土司彭御彬暴虐不仁動輒殺戮且骨肉相殘土民如在水火朕聞之深加憫惻既有被害男婦紛紛來歸情願編入版籍以免殘虐若拒而不納則結怨之土民必至無遺類矣朕撫有四海內地苗疆皆朕版圖漢土民人皆朕赤子偶有一夫不獲皆慮朕懷況數千土民安忍置之度外今俯順輿情俱准改土爲流設官綏輯彈壓其應行審理之舊案著該督撫一併審結但帶兵入內官弁等須仰體朕心不得殺戮無辜並曉諭平日奉法之士司仍各安居樂業不必疑懼其土民向被桑植保靖二土司殘虐者著加意撫恤去其苛政務使出水火而登衽席以副朕除暴安民之意如有助惡黨與卽行剪除倘歸誠嚮化皆從寬釋其向國棟彭御彬應安插何省不令失所之處著該督撫酌量定議以廣朕法外之仁仍將此曉諭附近土司咸使悉知朕意內閣 上諭

七年諭各處土司呈請改土爲流者朕俱不允屢降諭旨甚明今據四川提督黃廷桂摺奏黃蠟土司國保屢次具呈懇請題達且稱祖遺土地多被隣封侵佔兼以轄屬愚頑難以管教惟恐貽累子孫所有四子倘得學習禮法猶可成人等語朕念該土司國保素知遵奉法紀自會剿米貼軍興以來隨營効力更爲恭順其所轄土民亦無助逆惡蹟今屢次呈請改土爲流情詞懇切既於伊身及其子孫有益朕不忍違其所請著給與守備職銜并賞銀五千兩爲立產安居之用其願居何處著該提督向伊詢問悉心酌議善爲安插俾其永遠得所以副朕懷內閣 上諭



倪說土官說邊徼多土官子孫世守當漢唐宋時漸分流土而其銓敘轉選稍殊焉自元及明分流判然矣滇土官大小俱備漸就裁改所存無幾而世每謂土官家爭殺淫縱之爲悉屬邊蠻沴氣天固不與之以善性者芟奪而刈殺之宜也雖然世祿之家鮮克由禮春秋二百四十二年左傳所載諸侯卿大夫家事豈不有甚於今日土官家所爲者齊魯鄭衛豈是邊蠻其驕淫殺奪無所不有蓋非太公康叔貽謀之不善亦封建世官之流弊必至於此極者也故譏秦之廢封建而立郡縣爲非計者誠迂儒矣然而雲南內地土官消磨亦易暴橫不法者參劾而去之老病死亡者停殮而免之苟有賢者薦而達之與流官一體陞遷如此二十年而土官皆可以盡既不利其所有而起意驅除又不坐之無名而恣情斬殺春秋代謝一循天則之自然又何有恩怨之得生於其間哉獨是相隣交細各司仍須羈縻屬不宜輕有改更亦非謂其尾大不掉而廢之也特以地居荒遠瘴癘特甚設流官不諳風土立防兵難免瘴病運糧米又恐勞民卽其渠帥而用之此固諸葛武侯經營簡易之宏模也經世文編

藍鼎元論邊省苗蠻事宜書楚蜀滇黔兩粵之間土民雜處曰苗曰獠曰犵狫皆苗蠻之種類也其深藏山谷不籍有司者爲生苗附近郡邑輸納丁糧者爲熟苗熟苗與良民無異但性頑嗜殺或與漢民有睚眦輒乘夜率衆環其屋焚而屠之白晝出鄉井五里則惴惴憂其不遑是以亦畏漢民而尤懼官長此可以教化施恩法令馴服者也但土民之頑順惟視土司土司多冥頑不法坐縱其行兇殺奪而因以爲利卽使事跡敗露大吏督責無參罰處分之加乎其身是以無所忌憚而敢於無所不爲也苗民受土司荼毒更極可憐無官民之禮而有萬世奴僕之勢子女財帛總非本人所自有愚聞黔省土司一年四

小派三年一大派小派計錢大派計兩土民歲輸土徭較漢民丁糧加多十倍土司一日爲子娶婦則土民三載不敢婚媾土民一人犯罪土司縛而殺之其被殺者之族尙當斂銀以奉土司六十兩四十兩不等最下亦二十四兩名曰玷刀銀種種腴削無可告訴聞昔年有閩村離散呈請地方大吏改土籍歸流官管轄遂有更生之慶曾未幾時而土司擊賂闕說又復改還土屬丁壯舉家屠戮妻子沒賣爲奴其他土部不得不吞聲飲泣忍受摧殘然其望見天日願如漢民沾被 皇恩則千萬人如一心四五省如一轍也愚以爲苗獠獠均屬 朝廷赤子當與漢民一例軫恤教化惟在地方大小吏加意綏輯使知孝弟禮讓奉公守法自然不敢行兇殺奪倘土司暴虐太甚或其民有行兇殺奪俱將該土司照漢官事例參罰處分第漢官有罰俸降級革職而土司無俸可罰無級可降革職則子孫承襲仍舊爲太土司得以暴虐其民愚以爲惟有削土之一法可令土司畏懼請題定削土則例照所犯重輕削奪村落里數以當罰俸降級所犯重大至革職者相其遠近強弱可以改土爲流卽將土地人民歸州縣官管轄勿許承襲併土民有不甘受土司毒虐願呈改土籍爲漢民者亦順民情改歸州縣其深山窮谷流官威法所不及之處則將所削之士分立本人子弟爲衆土司使其地小勢分事權不一而不能爲害將來教化日深皆可漸爲漢民至山中生苗黃成附近土司招徠嚮化一體恩撫如此數年之間生苗可化爲熟苗熟苗可化爲良善不特五大省地方享寧靜和平之福而自唐虞以來僅傳七旬舞干一格者至我 皇上而悉爲衣冠禮義戶口貢賦之區此日之堯舜賢於唐虞遠矣 鹿洲初稿

劉彬永昌土司論天下惟滇夷最多種類色目殆數十餘而附於永昌者居其大半其先皆各居其地自

相君長或有仇殺亦以夷陵夷未敢犯我中華自元命劉深擊八百媳婦無功而回外國始有輕中國之心於是燒案牘掠百姓終元之世討緬者再討八百媳婦者再僅能分設宣慰邊境竊安而已明時桀驁尤甚思可思任思機刀幹孟罕拔岳鳳莽瑞體思仁丙側莽應鯉等先後釀禍擾我疆土屠我城池殺我將士逞兇肆毒了無顧忌卒至勢師動衆財殫力痛數征之而後定嗚呼蠻夷之禍自古有之撥厥所由非激於誅求卽逼於凌虐或有蠱會妄動狡焉啟疆始則防禦不慎繼而剿撫失宜熒熒不滅遂至燎原此皆已然之勢論者固未可執一而觀治者尤當因時而變何況今日彝困於賤削日益貧窮習於風氣日益刁詐更非向日之彝可比不獨一永郡爲然也余以纂修永志姑卽永郡之彝論之有內地之彝有外地之彝有沿邊之彝有雖在沿邊而實同於內地之彝內地者如永平之土縣丞土驛丞保山之潞江安撫司是也此皆地界通衢境連郊邑井閭相望阡陌相錯與漢人雜處而居者也沿邊者如鎮康灣甸芒市遮放蓋達猛卯千崖隴川是也此則環永騰西南北鄰江城奉節制供差發者也其西北之沿邊者灣湖上江此外卽爲茶山里麻古勇野人等夷雖有節制之名而已非我部屬儼然外地野人則並非控制赤髮野人又在野人之外矣雖在沿邊而實同於內地者如騰越之南甸司保山之十五喧二十六寨是也其境界相連田里相雜猶夫永平之土縣丞土驛丞保山之潞江安撫司也外地者如威遠孟連耿馬等縣是也此則雖在控馭直隸之內不過供差發屬屬而已法令所不及也又其外如緬甸車里八百老撾木邦孟艮猛密緬蠻莫達西鈕兀諸彝其土地之廣有數千里者千餘里者數百里者大小不一強弱攸殊各異其長各世其世此則地廣勢厚最著名於諸夷中者也其他雜小夷人未易指計若此

數者之中緬最强車里八百木邦次之老撾猛密孟良蠻莫鈕兀又次之然吾所爲致論者不在外地之夷而在沿邊之夷與內地之夷與雖在沿邊而實同於內地之夷何也外地者誅求不能及凌虐不克施階臺之起既無其由而況時當全盛彼諸夷又豈敢有不逞之念哉若沿邊之彝內地之彝雖在沿邊而實同於內地之彝則不然其地最近勢最柔故其爲累也最苦爲禍也最易爲惡也又最深以彼區區一土司人之視之者特蠢茲夷人耳狎而易之也誅求者有矣久而不繼凌虐者有矣甲來而施之可也乙來而施之亦可也施之施之難乎其爲受者矣故曰其爲累也最苦也至若狡悍鸞刻又其本性或激於一忿或蓄於平時變起倉皇出於不意呼吸之間卽受其禍雖有智者能預爲之防乎又或憑崎負險劫掠中道一落深箐散入萬山展轉道途卽覲面而不知其爲盜捕緝固不可得行查僅屬虛文故曰其爲禍最易也而猶未睹其惡也彼之官世官也彼之民世民也田產子女唯其所欲苦樂安危惟其所主草菅人命若兒戲莫敢有咨嗟歎息於其側者以其世官世民不得於父必得於子於孫且數倍獲故死則死耳無敢與較者嗟此夷民何辜而罹此慘耶漢人苦於所司動輒嗚於上官此則不敢嗚卽嗚之矣彼固有所恃而不恐歲時饋獻不過差目具文一有提調則閉匿深藏負嵎以待其洋洋然山頭望廷尉良以平日無事寬容太過及其有事雖有譴罰之名曾無懲創之實彼固視爲故事自謂士官世職莫可如何以致驕縱滋蔓尾大不掉所由肆屠虐而不悛玩法紀若罔聞者故曰其爲惡最深也嗚呼其惡宜除也其禍宜防也其苦宜恤也往者滇省常受其害如阿賽鳳繼祖阿克普名聲吾必奎猛庭瑞莽應龍沙定洲輩一夫作難全省震蕩前車已覆後車不戒豈非以其固結已久黨類實繁猝難遽去且地方守令

鎮防將弁莫不利其蠶慳留爲魚肉之資誰肯輕言去之者曩歲曾有疏請裁革行令各省查議乃有司  
鎮將或受其賄賂或徇於私情僉言不宜裁革而止嗚呼果盡不宜裁革乎蓋前疏內於土夷情形猶未  
透悉故於何者宜去何者宜留未知分晰議者遂得以徇私混復漏偏見而阻大計莫甚於此竊以爲在  
內地之士司可裁也雖在沿邊而實同於內地之士司亦可裁也宋祖云臥榻之旁豈容他人鼾睡顧使  
侏儻異類深根固蒂分踞郡縣中豈國家久安長治之善策乎且考此輩先人受職之始皆非有開疆辟  
土不世之勳治亂扶危非常之績也夫茅土分封河山結誓猶有不能保其終者此輩何功何德反得子  
孫世守其官世虐其民匪但宗藩世祿所不能及元明迄今已六百餘年而彼不移安然坐享不朽之業  
揆厥由來則去之宜也非過也或者謂夷人鳥語卉服習俗攸殊爰置土司統之所以藉其保固藩籬之  
用而奈何去之是殆不然夷民種類雖別而畏威懼法之心與舍苦就樂之情則一苟善撫之曷非赤子  
就溟而論從前皆夷也而今之城郭人民風俗衣冠改土歸流變夷爲夏者十且八九未聞必藉土司而  
後保固也若所謂藩籬者乃邊境之外者也豈有在內地者而亦藉以爲藩籬乎或者又謂夷人在內地  
者雖屬土官管轄土官仍屬流官節制比於子民相安已久何以更張爲哉此庸流淺見也籌邊之道在  
乎防微保民之方貴於經久若僅泥於目前非不晏安無事而不知其有事之機自在也且以土人言之  
同在中華之內而風化不能及恩澤不克沾蓋各有土官以隔別之在流官曰此土人非我百姓漢視之  
耳至於科派之重刻虐之慘則惟土官司之在流官又曰此土人非我百姓奚預我事又漢視之耳若徭  
差役使土官得以疲之者流官亦得以疲之徵求需索土官得以苛之者流官亦得以苛之若近值營餉

之處則又加以將奔之驢挽其苦萬狀更僕莫數嗟乎率土之濱莫非王臣乃忍令若輩人子孫奕葉永  
沉淪苦海中乎救焚拯溺是誠不可緩者也雖然若一旦盡去之勢又不能必有道焉參處降調一依流  
官之例倘罪應斥革卽以漢官代之停其承襲善哉令孤編所以處官官者曰有罪不赦有缺不補則以  
漸而去耳毋務爲姑息養癰之計而兼不失乎燥急然後錄其人民籍其田地減賦役以甦其力給牛種  
以裕其源選用循良善加撫恤不出百年內地可以肅清肘腋可以無虞使數千萬衆蚩蠢窮羸悉得變  
禽獸而隸編氓出湯火而見天日其於固邊境安夷獯豸小補之哉若沿邊之士司則宜存也彼既不  
在我腹衷之地與我土地不相錯雜城郭不相逼近無事則藉爲藩籬之用設或有事猶可一面禦之非  
若內地者一有不虞卽在心腹之間也然非徒存之已也必有以漸變之必有以善撫之禁有司鎮防之  
貪黷絕漢奸流棍之勾唆隣近豪民毋使有侵漁凌侮出入資商毋使有欺騙擾害禍患必毋因其有  
事而棄之荒歉必拯毋因其被災而絕之於是申之以法而彼知懼則其惡無敢肆嚴之以威而彼知警  
則其亂何由生爲之百姓者既獲免於荼毒爲之統馭者又不病於掣肘復爲之潛消焉獸化焉又養之  
以恩恤之以惠使彼得以生息焉久之久之鮮不爲我良民矣然後由近而推之由漸而被之舉疆甸八  
百郡縣之可也夫何慮於永哉曷豈獨永爲然哉全滇之士司皆然也天下之士司皆然也經世文編

乾隆五十六年諭軍機大臣等據成德奏金川河東土守備丹比西喇布病故所遺員缺請令伊子郎爾結承

襲並將所賞丹比西喇布之翎頂廉俸移賞郎爾結等語丹比西喇布前在軍營甚屬奮勉是以賞戴二品翎

頂食都司廉俸原非給與世襲卽伊守備亦非世襲之官番衆均屬一體宜選其出色者授官馭衆假令承襲

則將如八旗勦舊佐領及內外蒙古扎薩克久之番衆皆爲伊屬下矣所奏斷不可行其守備員缺著卹爾結承襲一次但丹比西喇布著有勞績且伊母年邁著賞給都司半俸以終餘年俟卹爾結成立時如果奮勉再加恩施將此傳諭鄂輝成德等嗣後如遇此等事件留心辦理

嘉慶四年諭軍機大臣等台布覆奏廣西土司典出地畝未便卽令備價回贖請開設官當以濟土司緩急並土境客民另編客籍一摺所奏殊屬非是前因成林條奏開墾廣西空閒地畝招徠客民耕種一事將原摺發交台布閱看卽以客民占據土境相沿已久多有窒礙難行台布接奉諭旨後自應察看該處情形果在難辦原不妨據實覆奏今既查明漢民占種土司田畝爲日已久如概令備價回贖則土司疲憊無力若欲分別查辦悉數追還則漢民資本全虧必致失所是成林所奏斷不可行朕前交台布查勘之意本以成林既有此奏自不得置之不議並恐台布意存拘泥特將種種未便之處詳悉諭示俾其得有主見乃台布既明知此事難辦又恐全行議駁近於畏事復支吾其辭爲開設官典編造客籍之奏試思客民占種土司地畝重利準折尙干禁例今乃欲官爲開設典當豈非朝廷欲貪土司之利而爲此盤剝之事乎況據稱數年後得有息銀足敷典本卽將本銀撤回歸款再有餘息解司報撥充公等語試思所開典當如取息甚輕數年後焉有盈餘足敷典本備借取價則內地民人尙不準其重利放債又豈得以地方官吏爲此市井牟利之舉重困土司且漢土相安已久卽土司疲乏無力亦祇可聽其自爲生計又何必官爲過問乎各省陋習於地方典當往往勒索常規今台布欲於土境開典自係地方官欲藉此需索典規因以爲利而台布爲其所愚輕於聽信儻日朕月削致滋事端究所由來竟由於官設典當釀成其事更復成何政體耶至編造客籍一事內地編查保甲非



不立法周詳而地方官日久懈弛尙且有名無實視爲具文何況行之土壤覺察難周不過徒爲吏胥需索之地有何裨益前此成林所奏已屬無謂然猶祇欲招徠客民開墾荒地今台布乃欲於土壤創設從來未有之官賞種種擾累土民較之成林所見尤爲紕繆著傳諭嚴行申飭

聖訓

又諭貴州巡撫馮光鵬黔省苗民甫定宜嚴禁土司橫徵科斂并漢民重利盤剝等事若土司不知體恤窮苗昧求無已奸民加利放債算及錙銖是上困於本官下困於漢奸進退維谷有不激而生變者乎此皆朕所深知汝應留意焉

聖訓

十六年諭內閣據豐紳常明奏嶺夷向化改土歸流一摺據稱嘉定府峨邊廳通判所屬十二支嶺夷自嘉慶十三年夷目約列等震聳天威率衆投誠奏准卽令約列等充當頭人管束十二支夷衆認納糧石茲該夷人約列等以川省所轄各路土司向有改土歸流之例情願一心向化永作盛世良民並請升科納糧更名易姓一體當差等語該夷人僻處窮邊不通聲教自歸服以來業經數載漸通內地語言畏法奉公飲和食德今具詞環籲輪忱內附願列齊民著加恩准其改土歸流以遂其臚誠慕義之懷所有戶口冊籍及升科糧數著該督查明分別題咨辦理

聖訓

道光十四年諭內閣阮元等奏查辦思茅土職滋事始末情形撤回兵練並已革土職連逃未獲另擇承襲一摺雲南思茅屬所屬已革車里土司刀繩武因輕聽奸徒播弄屢次集練向其叔土舍刀太康圖諭令解息藐抗不遵甚至脅兵求助縱而激釁謬妄不職前據該督等奏明業降旨將刀繩武土職褫革嗣因其不知悔罪仍復勾結猥夷始終抗玩經內地派弁兵攻捕卡破練散帶印潛逃是刀繩武先之同室操戈猶爲可恕後



之糾結外夷官跋屢騷動內地實屬罪無可逭現據該督等飭令該鎮道委員分飭兵練追蹤緝拿諒已革土司遠逃邊外不能再滋事端自不值令兵練深入窮追祇須責令沿邊隘口留心偵查去路密為購緝並諭外域近邊土目如逃入卽行擊送內地治罪其附和刀繩武之漢奸夷奸幫唆聲譽情殊可惡雖據截獲王瀛等數犯解省審辦此外恐尚有倖逃法網匿跡潛蹤必須密速訪拿從嚴究辦仍一面出示明白曉諭不准此等奸徒妄肆雌黃搖惑生事所有前調兵練著卽撤回其所遺車里土司世職現在刀繩武既經負罪帶印竄逃家屬法應另徙其子照例不准再娶茲據該督等取具宗圖冊結另擇合例之人奏請承襲著照所請准其以土舍刀太康之長子刀正宗繼與刀太和爲嗣承襲車里土司世職以專責成所有應行另頒銅印著該部照例辦理至車里極邊荒遠接壤外夷土司新與該督等務飭令該鎮道督飭該應襲土司暨土舍刀太康各猛土弁等慎守土職內安外和遇有應辦事宜飭遵辦理永靖邊圉不得稍有貽誤另啟聲端致干罪戾

訓  
咸豐五年諭軍機大臣等長齡等奏緬甸國王遣送車里土司刀繩武進關籌酌辦理一摺普洱府思茅屬車里土司刀繩武於道光二年被緬目誘往孟良經該國王令將刀繩武送回而刀繩武以伊叔刀太康經人離間未敢回歸其子年幼暫令該土司之妻刀刀氏護理土職茲據該督等奏稱該國王派大頭目護送刀繩武及土弁刀燦星進關實屬恭順該土司嗣因奸夷召土鼎挾嫌播弄又以叔姪夙隙心生疑慮尙非有心逗留該土司年力正壯近支又無妥幹堪以承襲之人著仍飭刀繩武回任以觀後效並著該督等嚴飭該土司嗣後務當慎守厥職率同族目妥爲撫戢夷眾以固藩籬而免咎戾並根查刀太康下落使叔姪敦睦如初免

滋費端其土司印信已據呈驗著仍給該土司鈐用前給刀刀民護理鈐記卽令繳銷其在逃逸犯召土顯嚴緝務獲照例懲辦至該省先行籌備邊費銀十萬兩存貯司庫以爲防邊雇練之用所有先後調派思茅盧洱二廳縣巡防兵練借支鹽糧折銀著准其在庫貯邊費項下動支照例題銷 聖訓

### 右直省土官

僧錄司左右善世各一人左右闡教各一人左右講經各一人左右覺藝各一人掌釋教之事通典

各直省府屬曰僧綱司都綱一人副都綱一人州屬曰僧正司僧正一人縣屬曰僧會司僧會一人各掌其屬釋教之事通典

道錄司左右正一各一人左右演法各一人左右至靈各一人左右至義各一人掌道教之事通典

各直省府屬曰道紀司都紀一人副都紀一人州屬曰道正司道正一人縣屬曰道會司道會一人各掌其屬道教之事通典

天聰六年定各廟僧道設僧錄司道錄司總之凡通曉經義恪守清規者給與度牒會典事例

順治二年定內外僧道均給度牒以防姦僞其納銀之例停止凡寺廟耆觀若干處僧道若干名各令住持詳詢籍貫具結投僧道官僧道官加具總結在京城內外者均令呈都在直省者赴所在地方官呈送彙申撫按解部頒給度牒不許冒充混領事發罪坐經管官會典事例

又定嚴禁京城僧道沿街設置神像念誦經咒或持擊梆磬募化者該管僧道官卽行重治如住持募化罪及闖寺如散衆募化罪坐住持及該管僧道官一併治罪會典事例

十七年議准僧道度牒免其納銀令各該撫詳開年貌籍貫及焚修寺廟備造清冊並送紙張投部印給度牒  
會典事例

康熙元年定凡作道場者止許在本家院內其當街建設席棚揚幡懸榜及僧道張繖奉持香帛過街行走取  
水畫地開闢都穿戴甲冑等項悉行禁止違者僧道杖二十為民該管僧道官革職其作道場之家保官交該  
部議處係民治以違禁之罪會典事例

十三年定僧錄司普世闍教講經覺義左右各二人左普世由右普世補右普世由左闍教補左闍教由右闍  
教補右闍教由左講經補左講經由右講經補右講經由左覺義補左覺義由右覺義補右覺義以候補僧官  
補道錄司正一演法至靈至義左右各二人左正一由右正一補右正一由左演法補左演法由右演法補右  
演法由左至靈補左至靈由右至靈補右至靈由左至義補左至義由右至義補右至義以候補道官補如無  
候補之人行僧錄道錄司選取在京僧道送部出題考試取經典諳熟並為人端潔者十名或取二十名咨送  
吏部存案按名遞補皆不支俸會典事例

十六年定京城內寺廟庵院不許設教聚會男女混雜並不許建設高臺演劇斂錢酬神賽會僧道錄司及該  
管僧道官不時稽察有違禁者執送到部將本人及寺廟住持一併治罪該管僧道官不行稽察由部處分會  
典事例

乾隆元年諭朕前以應付僧火居道士竊二民之名而無修持之實甚且作姦犯科難於稽察約束是以酌復  
度牒之法使有志修行者永守清規而無賴之徒不得竄入其中以為佛老之玷其情願還俗者量給資產其

歸歸以留為養濟窮民之用此亦專為應付僧火屠道士而言也名山古剎閉戶清修者在所不問前降諭旨  
 蓋明理交與王大臣九卿會議乃聞外省傳述錯誤一切僧道皆有惶惑不安之意恐將資產歸公遂爾弊端  
 百出有將己身田宅謫寄他人戶下希圖藏匿者有謀囑書吏分立花戶詭名以多報少者有減價建求售賣  
 變銀入窠者且有局外匪類從中藉口索詐者夫此僧道既謀利戀財如是揆之仙佛之法乃糠粃稂莠也即  
 取其私囊歸公以養濟貧民亦何不可之有天下後世自有公論但朕之本意原以天地好生之心為心一物  
 不得其所如己推而納之溝中此庸愚無知之僧道亦天下之一物耳朕何忍視同膜外況朕先所降旨蓋明  
 原以護持僧道而非有意苛削僧道今觀伊等情形是愚昧無知被人恐嚇而不知原降之諭旨也蓋該部先  
 行曉諭去其迷惑至於應付僧火屠道士之資產因無所歸蓋是以有養濟窮民之說究竟國家養濟窮民豈  
 需此區區之財物亦可不必稽察歸公此處著重議具奏又聞外間有尼僧一種其中年老無依情願削髮者  
 尚無他故其餘年少出家之人心志未定而強令寂守空門往往蕩閑踰檢為人心風俗之害且聞江浙地方  
 竟有未削髮而號稱比丘者尤可詫異似亦應照僧道之例不許招受生徒免致率引日眾有情願為尼者必  
 待年齒四十以上其餘概行禁止著將此一併入於會議中妥議具奏會典事例

又 諭釋道原為異端然誦讀經書而罔顧行檢者其得罪聖賢視異端尤甚焉且如星相雜流及回回天主  
 等教國家功令原未嘗概行禁絕彼為僧為道亦不過營生之一術耳窮老孤獨多賴以存活其勸善戒惡化  
 導愚頑亦不無小補帝王法天立道博愛無私將使天下含生之類無一不得其所僧道果能閉戶焚修亦如  
 隱逸之士避跡山林於世教非有大害豈必盡驅還俗使失業無依或致顛連以終世哉至於少年為尼恐心

志未定別生事端故待年已老成始許披剃亦非盡絕其教也會典事例

五年諭僧道亦窮民之一朕不忍概從沙汰故復行頒給度牒使有所覈察會典事例

十二年覆准江西張氏世居龍虎山真人名號非朝官鄉尹之稱存其舊名正所以別於流品前因無案可稽兩遇 覃恩加至光祿大夫封及三代邀榮逾分理應更正嗣後應不許援引假藉題給 封典至正一真人有統率龍虎山上清宮道衆之責視提點演法稍優按太醫院使秩正五品醫巫類本相等應將正一真人亦授爲正五品從前所用銀印繳都換給其真人承襲由來已久不過令其奉祀宮觀非若文武勳階爲 國家酬庸之典爰及苗裔以示顯庸者可比嗣後有缺應補仍由該撫察其子孫應襲者取具地方官印結咨部獎補照道官例註冊至於朝覲爲述職大典筵燕賓惠下 隆恩未便令道流廁身其間應請一概停止以肅體制會典事例

三十一年 諭曰正一真人向係承襲一品前據左副都御史梅穀成奏請量加裁抑經大學士會同該部議覆降爲五品第念其自宋元以來承襲已久世守道教卽遇有過愆亦應抵其人以罪耳不應議及其世襲也然舊例一品班序未免太優遽降五品又未免過於貶損且其法官襲近垣現係四品而伊品秩轉卑亦覺未協今正一真人既來朝進京著加恩視三品秩永爲例通考

五十四年甲戌諭軍機大臣等據巴忠等喇嘛兄弟孜仲綏綽等各賞與經典名號俟有別廟堪布缺出卽行補放等語此事不值如此辦理達賴喇嘛兄弟近年並未聞有恣意妄行之處若如此辦理未免情事張皇此皆巴忠舒濂等譏見短淺致有此奏著傳諭舒濂曹爾等亦照常看待止須密爲留心體察儼伊等有滋事舞

弊之處卽行奏聞治罪如無別故不得妄事紛更以示體恤 聖訓

嘉慶二十四年己卯諭朕恭閱 皇考高宗純皇帝實錄內載乾隆十二年十二月大學士等議覆梅穀成所奏將正一真人改爲正五品秩缺出由該撫咨部補照道官例註冊朝覲筵宴均如所奏停止奉旨允行正一真人係屬方外原不得與朝臣同列嗣後仍照舊例一應朝覲筵宴舉行停止 聖訓

道光二年諭達賴喇嘛之呼畢勒罕朕撫馭天下惟期萬方各安生業振興道學昨據駐藏大臣等奏稱自呼畢勒罕降生後藏內屢著吉祥且爾容貌端方舉止沈重經卷熟練並能辨認前代達賴喇嘛供過佛尊用過物件故普藏僧俗皆傾心悅服擇於二月十二日釋迦牟尼佛傳教吉期在布達拉等廟令呼圖克圖等念經七日並在班禪額爾德尼前念經禱祝後詣 高宗純皇帝聖容前行禮畢由金奔巴瓶內將爾名掣出覽奏實深欣悅降旨將爾作爲達賴喇嘛之呼畢勒罕並派駐藏大臣文幹成都副都統蘇沖阿章嘉呼圖克圖等於本年八月初八日在布達拉廟內公同監視爾坐牀所有賞爾各色物件派理藩院司員帶往到時祇領爾正聰明長進之時理應感戴朕恩勤習經卷闡興黃教俾僧俗人等均安居樂業毋忽特諭 聖訓

咸豐六年諭軍機大臣等滿慶奏達賴喇嘛圖寂將商上事務暫交呼圖克圖掌管一摺據稱時徵阿齊圖呼圖克圖人尙穩妥從前曾代辦商上事務數年均無乖錯見因達賴喇嘛圖寂該大臣已將一切事宜令該呼圖克圖暫行代管惟以後商上事務該呼圖克圖掌辦能否勝任著滿慶悉心察看再行具奏至唐古忒僧俗人等見在是否照常安靜並著該大臣妥爲彈壓毋令滋事將此諭令知之內閣 上諭

同治九年己未諭內閣恩麟等代奏達賴喇嘛呈請前往布齊棚兩寺講經熬茶請旨一摺達賴喇嘛遵照向

例前往舊建寺院布施熬茶並化導所屬具覓誠悃朕心深為嘉悅達賴喇嘛本年選定吉期前赴布賽綏兩寺講經時著恩麟等隨時妥為照料 聖訓

右僧道官

康熙十三年議准在外陰陽學等官由該撫將應補之人咨部詳查註冊停其具題填給劄付移咨該撫行令任事會典事例

雍正七年覆准各省星學等應責令陰陽學管轄由地方官遴選素行端方者咨部照例給劄會典事例

右陰陽學

醫學○原定由直省地方官遴選諳於醫理者咨部給劄與陰陽學同會典事例

右醫學

職官十四

勳官世爵世職

世爵世職之等有九曰公曰侯曰伯曰子視一品曰男視二品曰輕車都尉視三品曰騎都尉視四品曰雲騎尉視五品曰恩騎尉視七品自公至輕車都尉又各有三等通志

世職

一等公

二等公

三等公

一等侯

二等侯

三等侯

一等伯

二等伯

三等伯

一等子

二等子

三等子

一等男

二等男

三等男

一等輕車都尉

二等輕車都尉

三等輕車都尉

騎都尉

雲騎尉

恩騎尉俱無定員通考襲次見封爵門

天聰五年定他國貝子當太平無事舉國來歸者或陣亡或病故子孫准與世襲罔替危急來歸者陣亡准襲五次病故准襲三次若每戰身先有功及一二次首先攻克城池者或陣亡或病故各照原官世襲罔替仍察其舊日有無罪過另行酌奪有出首叛逆大罪者量授官職准襲六次又自他國太平無事有子身來歸者陣

職官十四 勳官



亡准襲四次病故准襲二次有臨難危急而子身來歸者陣亡准襲二次病故准襲一次至于無職之人或首先登城或當先戰死者准給官爵襲二次拿獲姦細授職者陣亡准襲一次病故不准襲通考

順治八年定凡遇 恩詔其原有襲次者俱准世襲罔替給與 誥命其原無襲次官員今 恩詔中准授騎

都尉者亦給與 勅書陣亡准襲病故不准襲其効力軍前所得雲騎尉准襲一次通考

九年諭已得誥命之人後又得官職者准其贈給其襲次有過十次以上者卽准世襲會典事例

十七年諭各官得世襲不幸無子孫者卽斷其承襲無以示鼓勵嗣後承襲如無親生子孫者與親祖父及伯

叔兄弟姪男姪孫承襲其輩數疎遠及過繼族中之子不准承襲永爲定例會典事例

十八年題准一等精奇尼哈番襲十四次二等精奇尼哈番襲十三次三等精奇尼哈番襲十二次一等阿思

哈尼哈番襲十次二等阿思哈尼哈番襲九次三等阿思哈尼哈番襲八次一等阿達哈哈番襲六次二等阿

達哈哈番襲五次三等阿達哈哈番襲四次拜他喇布勒哈番襲二次拖沙喇哈番襲一次○又題准襲職舊

例應襲子男兄弟原係職官有以二三人之職兼併承襲至公侯伯者嗣後世襲許以無職親近之人承襲若

無其人方准有職親近之人兼併承襲亦不得過子孫會典事例

康熙元年定凡世爵合并至公侯伯者其子弟承襲時照原襲幾人之爵仍與幾人分襲通志

雍正十二年奏准承襲世爵人員該旗咨部題覆查其已得 誥命之後又得官職者計其襲次有過十次以

上者准其世襲罔替未及十次者仍准歸併照依襲次承襲不得概爲世襲罔替會典事例

又奏准八旗世爵員缺該旗卽將出缺緣由並世爵 誥勅送部由部查對案卷有恭遇 恩詔加級之官應

行銷去者查明銷滅存覆該旗照部所定之冊具奏承襲奉 旨後仍咨部註冊揭送內閣增書 誥勅會典  
事例

乾隆十一年題准凡世襲官員所犯公私等罪治以革職枷責者察其所犯之罪並非枉法婪贓使盜錢糧等  
罪其所遺世爵應准承襲如現在乏嗣亦無應襲族人俟生子後仍准承襲若終身無嗣該旗將原領 誥勅  
送部查銷會典事例

十五年定自一等公襲二十六次至雲騎尉襲一次均按所開襲次載入 誥勅 皇上垂念陣亡之後襲次  
已畢復 錫恩騎尉以傳之永久而綠營陣亡議敘之例止得難贖一次非奉 特旨加恩不能得有世職通

志

二十八年諭恩騎尉世職原因襲職世次已完朕念其祖父曾在軍營出力特沛恩施賞給者承襲之人果能  
感念朕恩循分供職病故之後自應准其承襲其獲罪革退者即不應承襲嗣後承襲恩騎尉之人病故或因  
公罪革職者仍准予承襲若因貪婪私罪革職者俱不准承襲著為令會典事例

三十二年諭朕恭閱 實錄內所載海澄公黃芳度闔門殉節忠盡可嘉業經准襲公爵十二次以酬義烈因  
思綠旗世職向無承襲罔替之條但如黃芳度之捐軀授命大義炳然自應破格施恩賞延於世以昭褒盛  
典至如征剿吳逆時將軍張勇趙良棟王進寶平定噶爾丹時提督孫思克諸人並各懋建勳庸昭垂史冊其  
承襲世職亦當一體加恩予以罔替又如提督陳福於王輔臣之亂勦勞闕寄被賊贖戕及近日剿平回部時  
總兵高天喜等雖不如張勇等之勦勞茂著然均能奮勇疆場抒丹効命皆宜厚與恩卹用慰忠魂其襲次滿

時俱著照八旗之例賞給騎尉俾其子孫得資以上進永遠承恩世食忠貞之報會典事例

又諭向來綠旗世職無承襲罔替之例第念官弁等果能宣力效忠勳猷卓越則國家延賞酬庸誼無歧視前經降旨將黃芳度張勇等特予加恩准其子孫永遠承襲世職並令軍機大臣會同兵部詳查國初以來凡有功冊可稽者分別等差通行列名具奏請旨茲據覆奏內有殉節陣亡之張國彥等十七員又軍功較著之惠應詔等十四員核其事蹟或致命疆場克昭義烈或折衝閩外茂著勤勞均宜錫以殊施俾臣工共知激勸所有張國彥等子孫其世職有尙應承襲者俟將來襲次滿日著加恩各賞給恩騎尉並准其世襲罔替四十年諭例載陣亡所得之世職如替世次完後仍賞給恩騎尉世襲罔替此特欲陣亡之子孫常荷朕恩之至意但陣亡之人有親生子孫者理應如此辦理若原立職之人並無子嗣令其胞弟兄承襲者即襲職之人有子與孫亦不過照例計其應襲次數襲替而已不必賞給恩騎尉世襲罔替著爲會典事例

五十年又命凡陣亡人員無論滿漢及旗人之用于綠營者一體給與世職卽襲次已完亦照例給恩騎尉俾得賞延于世而文職陣亡人員亦得並邀恩卹其一品官照參贊都統例議給與騎都尉兼一雲騎尉二三品官照副都統例議給騎都尉四品官以下未入流以上照參領以下有頂帶官員以上例議給雲騎尉通

志

又議准報部委署文武人員均照旗員例授委署品級議給世職其候補人員卽照實在官階議給世職至綠營人員有先受世爵後陣亡者均照旗員例辦理會典事例

又議准文武陣亡人員應襲世職俟襲次完時均照旗員例一體給與恩騎尉世襲罔替其因傷亡議給世職

書滿次完時毋庸給與恩騎尉會典事例

又議准凡陣亡議給世職應行承襲人員令該督撫查明年歲照依旗員例年已十八歲者送部引見承襲  
發標學習准食全俸其未及歲者先將宗圖冊結察覈具題請襲奉旨後給與半俸俟及歲時補行引見

照例辦理會典事例

嘉慶二年題准捐職投効人員即照實在官議給世職會典事例

六年諭乾隆六十年先經軍機大臣等將在京八旗從前殉節諸臣具奏補給恩騎尉世職茲又據各省陸續  
奏到從前殉節諸臣各該員子孫均著加恩補給恩騎尉世職等除情願入標學習當差者仍照  
舊例支給俸餉外其有願應文試者即以本職頂戴作為文生員願應武試者亦如之准其一體應試會典事  
例

十年奏准各省承襲雲騎尉人員如本係文武生員呈請考試者准其應試給與俸銀其本非文武生員於未  
經發標學習之前呈請考試者祇准其以雲騎尉頂戴應試不准食俸其由捐納貢監生應襲世職呈請考試  
者亦不准食俸如發標學習未經期滿引見者亦准其一體呈改其有應試數次仍願入標學習者俟其入  
標學習時照例給俸至期滿引見後世職人員不准呈改會典事例

又奏准各省承襲恩騎尉人員除情願入標學習當差者仍照舊例支給俸餉外其有情願呈請考試如本係  
文武生員襲職者給與俸銀其改爲文武生員應試者不給俸銀會典事例

同治二年諭內閣正白旗滿洲奏世爵病故無嗣應否仍准承襲開具家譜請旨一摺據稱該旗所置三等子

鄂素病故無嗣經該旗咨查吏部當據覆稱應以那彥成長子容安之子孫承襲惟容安前係獲咎之員鄂素所出子爵應否停襲抑或照吏部覆文將容安子孫帶領引見等語鄂素之曾祖那彥成前於嘉慶年間因親督兵勇攻復滑縣城池勲勞懋著奉 旨賞給三等子爵准予世襲現在鄂素病故襲次未完所有此項三等子爵著仍准其承襲卽由該旗將容安之子孫揀選帶領引見 聖訓

四年諭內閣前據降調通政使司徒奕參安徵巡撫喬松年請飭會國藩察看當經諭令會國藩據實具奏嗣據覆奏喬松年門丁常杏洲捐納官階跡涉招搖後還本姓名曰楊澍當降旨將楊澍卽常杏洲斥革並諭令喬松年將其驅逐出境不准在署逗留茲據喬松年奏稱查明楊澍係原任江南提督楊捷之後因應募爲書手變姓名爲常杏洲該撫會雇令繕錄文件並未充當門丁後仍用原名加捐官職並准部覆承襲楊捷輕車都尉世職今既經指參奉旨斥革業將楊澍逐令回籍不准逗留其所襲世職懇恩另揀合例人員承襲等語楊澍既係楊捷之後應募備書亦非賤役何以輒更易姓名致招物議且據會國藩查有招搖情事予以斥革實屬咎有應得惟原任提督楊捷於康熙年間曾著勲績功臣後裔自應仍留世職以示矜全楊澍所捐之同知銜知縣著一併斥革其所襲楊捷之輕車都尉世職著兵部查明如實係應行承襲該部覆准有案卽著無庸斥革 聖訓

六年諭內閣鑲紅旗滿州奏據二等男爵兼勳舊佐領侍順呈稱伊子恩樸生子遵旨繼與壽臧和碩公主爲嗣據情代奏一摺恩樸之子文熙著繼與壽臧和碩公主爲嗣俟十三歲及歲時著照例給與和碩額駙品級

聖訓

十年諭內閣鑲黃旗滿洲奏承襲恩騎尉世職請旨辦理一摺據稱該旗世襲恩騎尉一缺現應揀選富綿擬正該員現在貴州知州可否仿照各省駐防調取來京承襲等語富統所出恩騎尉一缺即著該旗奏請承襲富綿著毋庸調取嗣後外省官員遇有恩騎尉及雲騎尉世職應行承襲之處即照此次諭旨奏請承襲俟該員因公來京或例應引見時再由該旗補行帶領引見以示體恤 聖訓

又諭內閣正白旗滿洲奏已故大學士官文之子榮綵年未及歲應否進譜承襲請旨遵行一摺榮綵應襲官文所遺一等伯爵著於百日孝滿後由該旗即行進譜奏請承襲毋庸補行帶領引見 聖訓

右世爵世職

封階封贈事例 加級給封 賜封堂辦 給封限制 封贈妻室 封贈外祖父母 緣事追奪

文職

正一品光祿大夫

從一品榮祿大夫

正二品資政大夫

從二品通奉大夫

正三品通議大夫

從三品中議大夫

正四品中憲大夫

從四品朝議大夫

正五品奉政大夫

從五品奉府大夫

正六品承德郎

從六品儒林郎吏員出身者宣德郎

正七品文林郎吏員出身者宣議郎

從七品徵仕郎

正八品修職郎

從八品修職佐郎

正九品登仕郎

從九品登仕佐郎

武職

正一品建威將軍

從一品振威將軍

正二品武顯將軍

從二品武功將軍

正三品武義都尉

從三品武翼都尉

正四品昭武都尉

從四品宣武都尉

正五品武德騎尉

從五品武德佐騎尉

正六品武略騎尉

從六品武略佐騎尉

正七品武信騎尉

從七品武信佐騎尉

正八品奮武校尉

從八品奮武佐校尉

正九品修武校尉以下新增

從九品修武佐校尉通考

正從一品曾祖母祖母母妻各封贈一品夫人正從二品祖母母妻各封贈

淑人正從四品母妻各封贈恭人正從五品母妻各封贈宜人正從六品母妻各封贈安人正從七品母妻各

封贈孺人正從八品母封八品孺人正從九品母封九品孺人會典事例

順治初年定 覃恩及三年考滿例給封贈一品至五品皆授以 誥命六品至九品皆授以 勅命會典事例

五年定一品封贈三代二品三品封贈二代四品至七品封贈一代八品九品封本身而止軸制一品四軸二品三軸四品至七品二軸八九品一軸其軸頭一品用玉二品用犀三四品用裏金五品以下用角會典事

康熙四年停官員三年考滿給與封典例會典事例

六年議准八旗世爵年幼未經引見者不封丁憂患病候補各官不在現任者不封綠旗營外委不封詔後職仕病故官准照原官封贈會典事例

八年議准應封武職各官祖與父品級大於子孫者祖與父祖母與母各照祖與父原官封贈如祖與父係文職移咨吏部祖父品級小者各照子孫官封贈命婦因子孫品級受封並加太字若已故及曾祖祖父在者不加太字會典事例

又題准喪伯叔之屬者准封贈伯叔父母與祖爵者仍封贈其父母凡封母者止封嫡母生母繼妻所生子謂其母曰生母繼母不准受封嫡母在所生母不得並封庶母之子謂其母曰所生母嫡母歿准封若嫡母已受封所生先歿者准其追贈父官大於子者嫡母以父官封所生母以子官封封妻者止封正妻一人正妻未封而歿應封繼妻者止妻准追封繼妻止封一人會典事例

### 右封贈事例

順治十四年題准凡恩詔內有加級者均准其以新加之級給與封典會典事例



康熙五十二年題准凡加級請封人員其級多者仍限以制七品以下不得逾五品五六品不逾四品三四品不逾二品捐納之級不准計算 會典事例

乾隆元年議准外任官員有加級者不論新舊不准照加級請封 會典事例

五十年奏准在京八品至從九品未入流人員俱得照加級請領五品 封典不惟逾分亦覺太優嗣後八品以下不得逾七品

嘉慶十一年奏准議敘三四品職銜人員加級捐請二品 封典准其加倍交銀照現任及候補候選人員例一體給封 會典事例

十三年奏准京外各官恭遇 覃恩准其於請封限內報捐新級請封仍照七品不得過五品之例以符限制京官除舊捐之級不准計算其餘各項加級均准計算外官雖有加級並舊捐之級概不計算捐級銀數京官照常例報捐外官照隨帶例報捐將執照送部查驗按品給封亦不得將此項加級抵銷處分 會典事例

### 右加級給封

雍正三年覆准嫡母繼母生母准其並封其四品以下應封父母及本身妻室各官有願將本身妻室封典賜封祖父母者准其地封二三品官地封曾祖父母者請 旨定奪 會典事例

又議准八九品官止封本身不封妻室如願將本身封典地封父母者准父母並封八品官母封八品孀人九品官母封九品孀人 會典事例

乾隆十七年諭臣子封贈之典以三代爲限此卽古者大夫三廟之義其地封之例蓋專爲二三品官不能封

贈其曾祖父母四品以下不能封贈其祖父母推廣錫類之恩以曲成其報本之意若已得三代封典而又請封高祖父母是四代矣綸綽之錫上及二世臣子之分已爲極榮更等而上之抑將何所限制乎會典事例

二十七年諭奏請賜封非格於定例者其事率宜允行惟是京員三品以上例得自請餘俱由吏兵二部查覈彙奏而外官文自藩臬武自副參以下一皆以專摺具奏待朕降旨陳牘紛繁殊於政體未協嗣後除督撫提鎮等仍循舊例自行摺奏請旨外其藩臬副參以下各員著詳報督撫提鎮駁明與例相符彙齊具奏仍飭交吏兵二部覈覆准行則大員俱候朕裁衆職亦均歸畫一將此通著爲例會典事例

又議准欽奉 恩詔有賜請誥封者由吏兵二部查覈彙題會典事例

三十七年諭覃恩舊有賜封之例原以子孫已列通顯而祖若曾或未登仕版或原秩較卑因准廣爲推恩以遂顯揚之志若子孫官品不及祖父之崇則父爲大夫子爲士記有明文向卽照其祖父原階封贈定例本未允協嗣後凡子孫職大祖父職小者自應廣錫類之恩其子孫職小祖父職大者雖其在任時未得封典亦不當因子孫遇有覃恩仍照原官封贈其如何定例之處著該部詳悉另議具奏欽此遵 旨議定嗣後文武各官除子孫職大祖父職小者仍照子孫官階封贈外其祖父職大子孫職小者均不准照祖父原官封贈所有嫡母繼母從父官封者亦毋庸給與其生母從子官封者仍照舊辦理會典事例

五十年定一本宗賜封宜定以品限一二品官不得賜封高祖父母四品及五六品官均不得賜封曾祖父母以符體制一外姻賜封官嚴以限制凡賜封外姻止許遵會典賜封外祖父母其餘外姻概不准請以杜冒濫

通考

嘉慶元年諭內外大小各官如贈封曾祖父母伯叔祖父母伯叔父母庶母兄嫂及外祖父母係例得贈封者俱著彙報吏部查覈所請情節分別准駁彙題以省煩瀆而昭限制會典事例

### 右贈封彙辦

舊例官員遇 覃恩每任中止封贈一次會典事例

順治十四年題准京官陞授在 詔前者不分已未到任皆准給與封贈會典事例

又題准滿漢各官職銜以 詔下之日爲定給與封典其有 詔後身故者仍准給封會典事例

十六年題准 詔後降調官員非犯貪酷者仍給與前任封典會典事例

康熙元年題准內外官員有請改新銜者揭送內閣改給不必具題其初次未領再遇 恩詔者仍改給新銜

已領者繳還原軸亦准改給會典事例

六年題准告假患病候補等官不在現任者不准給封若係在 詔後告假患病仍准給封 會典事例

二十七年題准內外滿漢官員遇前 詔已經封過後改任者照改任封贈陞任者照陞任封贈如前 詔已

照現任品級受封今雖加級不曾換職者不准重封會典事例

雍正十三年諭朕登極恩詔內凡內外滿漢官員自一品以至九品均予封贈所以錫類敷恩遂臣子顯揚之

應勸移孝作忠之風也舊例丁憂人員不得均邀封典朕思丁憂之員乃恪遵朝廷定制自盡其爲子之情與

廢斥在家告假回籍者不同況在任守制者皆得一體霑恩而丁憂之員轉不得邀恩以榮顯其親情既可憫

卹理亦未協著該部查明伊等原官品級一併給與封典以成孝思會典事例

又諭凡官員丁憂守制者遇有恩詔例不准封朕前降旨加恩給與封典其養親回籍之員皆因父母年高棄官歸養幸遠親存猶逢曠典而亦格於成例不得請封情殊可憫著將回籍終養人員照伊等原官品級一併給與封典遂其孝思會典事例

乾隆元年覆准凡初選及別補人員在 詔後到任者不准請封其奉 特旨陞授以及推陞題陞等官已離原任未到新任者仍照伊等前任職銜一例准給封贈會典事例

又議准凡陞銜留任各官准其陞銜給封以在本任實授復借管別任者照本任實授品級給封其餘實授及署任各官既在各現任應照各現任給封會典事例

五十年奏准改任受封係專指品級雖同另改新任者而言如員外郎之改御史同知之改庠隸州知州官階相等職任迥殊自應照新銜給封其餘如司員調部道府州縣調任銜新職舊豈得前後一官兩次請封嗣後凡衙門調易而官階職任相同者不准重封會典事例

嘉慶四年奏准在京各衙門職掌互異在外各地方繁簡攸分既經調任秩雖未增銜已非舊且會典內既有陞任改任之分則調任卽爲改任嗣後內外大小各官業經受封而調任在 恩詔以前者悉照調任新銜給予封典其未經調任者止准補請本身妻室不准再請賜封如上次請過本身妻室封典此次不准再請賜封如前次將本身妻室封典賜封此次准其補請本身妻室封典 會典事例

五年奏准革職有餘罪報捐請封人員照捐復原官之例如問擬笞杖已經贖免者銀數酌加十分之二未經贖免者酌加十分之三輕徒已竣者酌加十分之五滿徒已竣及軍臺已滿換回贖回者酌加十分之六軍流

贖免者酌加十分之八發遣新疆已經放回贖回者加倍如犯十惡貪污等項事故者不准捐封會典事例  
八年奏准捐納分發各部院學習行走人員恭遇 覃恩例不給封嗣後應令其具呈戶部照常例報捐封典  
不准在吏部呈請具奏會典事例

### 右給封限制

封贈命婦一品妻爲一品夫人二品妻夫人三品妻淑人四品妻恭人五品妻宜人六品妻安人七八九品妻  
孀人命婦但論品級不分正從一品封贈三代二三品封贈二代四品至七品封贈一代八九品止封本身凡  
一品至五品皆授以 誥命六品至九品皆授以 敕命通考

順治初年定凡應封妻者止封正妻一人如正妻未封已歿繼室當封者正妻亦准追贈其再繼者不准給封  
會典事例

康熙二十九年議准內外八九品官有捐納榮親封典者不封妻室會典事例

雍正三年議准凡八品以下各官均准其封父母不封本身妻室如父母已受封准封本身會典事例

乾隆二十七年議准請封文結止敘明某人室女以禮聘娶不必填註並無再醮字樣如有隱匿察出將  
勅追繳匿情冒請之員革職出結官分別議處會典事例

### 右封贈妻室

康熙四十七年議准仕宦至三品幼爲外祖父母撫養其外祖父母歿無嗣者許照伊官階捐贈會典事例

乾隆五十年奏准凡官員贈封外祖父母者准其贈封其餘外姻一概不准贈封會典事例

右封贈外祖父母

原定各官封贈後但犯贓私者並行追奪其祖父有官階非因子孫封贈者不在追奪例會典事例  
又定婦人因夫與子得封者不許再嫁違者 誥勅追奪治如律會典事例

順治九年題准八旗職官之妻已經受封其夫亡故願回母家者許其父母領回繳還 誥勅會典事例

康熙二十年題准凡失誤軍機貪污革職者追奪若因公望誤與別項革職者永免追奪會典事例

右緣事追奪

緣秩世職俸銀祿米 在京文武官俸薪祿米 在京官恩俸 在外文武官俸銀俸薪 直省文武官發

廉 旗員養廉 致仕官俸

世職俸銀祿米一等公至閒散公歲給銀七百兩至二百二十五兩有差米三百五十石至一百二十七石五斗有差一等侯又一雲騎尉至閒散侯歲給銀六百二十五兩至五百六十兩有差米三百一十七石五斗至一百十五石有差一等伯又一雲騎尉至伯品級官歲給銀五百三十五兩至二百五兩有差米二百六十七石五斗至一百二石五斗有差一等子又一雲騎尉至三等子歲給銀四百三十五兩至三百六十兩有差米二百一十七石五斗至一百八十石有差一等男又一雲騎尉至三等男歲給銀三百三十五兩至二百六十兩有差米一百七十六石五斗至一百三十石有差一等輕車都尉又一雲騎尉至三等輕車都尉歲給銀二百三十五兩至一百六十兩有差米一百一十七石五斗至八十石有差騎都尉又一雲騎尉歲給銀一百三十五兩米六十七石五斗騎都尉歲給銀一百一十兩米五十五石雲騎尉歲給銀八十五兩米四十二石五

斗恩騎尉歲給銀四十五兩米二十二石五斗通志

右世職俸銀祿米

在京滿漢文武官員俸薪祿米正從一品歲給銀一百八十兩俸米九十石正從二品歲給銀一百五十五兩俸米七十七石五斗正從三品歲給銀一百三十兩米六十五石正從四品歲給銀一百五兩米五十二石五斗正從五品歲給銀八十兩米四十石正從六品歲給銀六十兩米三十石正從七品歲給銀四十五兩米二十二石五斗正從八品歲給銀四十兩米二十石正九品歲給銀三十三兩有奇米一十六石有奇從九品及未入流歲給銀三十一兩有奇米一十五石有奇 盛京五部及守護 陵寢文武各官俱照京官正俸 內府及王公府屬佐領照八旗佐領一體頒給俸祿又筆帖式歲支俸銀三十八兩至二十一兩有差米亦如之初制漢文武官有柴薪銀滿洲軍古漢軍大小各官俸銀俸米亦參錯不一俱順治十三年議定文武俸祿不論滿漢一例照品支給並裁漢官柴薪銀兩 通志

右在京文武官員俸薪祿米

官員於正俸外加倍給賞曰恩俸其數與正俸同通志

雍正五年諭乾清門侍衛著照品級加給俸銀一停米石不必加給嗣後凡令在乾清門行走之侍衛俱照此給與通考

六年諭吏戶兵刑工五部堂官今皆各履厥職贊勳政治共相阻勉矢勤矢慎端方自持剔除情弊杜絕請託甚屬可靠朕深許之夫大臣者果能廉潔自守其用度必不敷朕因國家政事資藉六臣之力而使之分心家

計朕心不忍五部大臣內除差往外省署印外俸銀俸米當加倍給與其署理之大臣亦照此賞給昔遇罰俸案件將朕分外所給之俸不必入議通考

乾隆元年諭禮部堂官照五部堂官例給與雙俸通考

又諭從前在京文員俸入未足供其日用時虛皇考聖懷是以雍正三年特旨增添漢官俸米而各部堂官又加恩給與雙俸其餘大小各員原欲次第加恩俾得均沾渥澤今朕仰體皇考加恩臣工之意仿佛雙俸之例將在京大小文員俸銀加一倍賞給令其用度從容益得專心官守所給恩俸著自乾隆二年春季爲始通考

道光三十年諭內閣現值天氣嚴寒寶錄館人員朝夕蒸纂書籍著加恩於例支柴炭外十一月十二月正月每月賞銀五十兩在廣儲司支領 聖訓

### 右在京官員恩俸

在外文官俸銀直省大小官俸銀俱照在京文官正俸按品支給初制在外文職又有薪蔬四項銀各有等差先後俱裁

在外武職俸薪正從一品俸銀九十五兩八十一兩各有奇薪銀各一百四十四兩正從二品俸銀六十七兩五十三兩各有奇薪銀與一品同正從三品俸銀三十九兩有奇薪銀一百二十兩正從四品俸銀二十七兩有奇薪銀七十二兩正從五品俸銀一十八兩有奇薪銀四十八兩正從六品俸銀一十四兩有奇薪銀三十二兩正從七品俸銀一十二兩有奇薪銀與六品同初緣營有以小銜加品食俸後改照銜支給一例更定將



提督定爲從一品總兵官定爲二品副將以下各官俱照品級給俸如額又綠旗武職俸薪外又有葦菜燭炭心紅紙張等項銀兩俱按品有差 通志

### 右在外文武俸銀俸薪

養廉之設自各省耗羨存公以備公用卽其贏餘定爲各官養廉 通考

雍正六年 諭曰錢糧之加耗羨原非應有之項朕勤求治理愛養黎民本欲將此悉行禁革而博採輿論留心體訪知州縣地方官實有萬不得已公私兩項之用度若全革耗羨其勢必不可行爲有司者果能減輕收納不苛取於民在民亦所樂從此耗羨所以未盡裁革之故也州縣既有耗羨而上司官員無以養廉勢不得不收州縣之餽送是上司冒貪賊之罪以爲日用之資在謹慎小心者則畏懼而不敢行必至過於窘迫而貪取濫用者又因無所限制借規禮之名恣意橫索弊端種種州縣公私之用既有不敷必致加派巧取爲害於民況上司旣收屬員之規禮則必有瞻顧回護之處而下屬反得操上司之短長於察吏之道大有關係所以雍正二年間山西巡撫諾岷請以通省耗羨提解存公將閩省公事之費及上司下屬養廉之需咸取於此上不誤公下不累民無偏多偏少之弊無苛索橫徵之擾實通權達變之善策朕是以降旨允行此提解火耗之所由來也向來山西虧空甚多國帑久虛不能彌補從前撫臣多請將虧空之員革職留任以爲彌補之計夫以不肖之徒令其留任還帑是以虧空爲護官之符不但無益於國計亦且有害於民生而德音在任又借彌補虧空之名提火耗以肥私室及諾岷接任潔己奉公實心辦理將虧空劣員悉參革州縣火耗嚴行裁減而酌留羨餘以補無著之虧空既不累及于閭閻而有司亦免參罰又爲官員定養廉之資爲公事留辦理之費

諸岷此舉爲國計民生上下公私均有裨益然伊當始行之時不但晉省屬員怨望而內外臣工皆有異詞朕此時降旨曰此事准如諸岷之督撫方能行之耳蓋朕之意原聽各省督撫自爲之而至於不能行之督撫不便行之地方則朕並未強之使行也諸岷舉行之後隨有數省倣效其意提解十分中之二三以備公用亦以地方公務繁多若不預爲計畫則一時需費乃至累及小民然此亦皆督撫自行奏請者非由朕諭也伊都拉搜諸岷之任曾奏稱山西虧空漸次清楚將來耗羨便可充餉朕嚴切訓飭曰本地之羨餘只應作本地之用度若歸公充餉斷無是理且恐相沿日久遂成公項不肖官員竟有重複徵收之事矣田文鏡亦曾奏稱豫省虧空彌補已清火耗尙有贏餘等語朕批示之曰此項耗羨原係豫省官民之物假使果有贏餘則當增添官員養廉之資使其用度寬裕倘再有贏餘則當再減民間火耗之數使其儲蓄充贏蓋朕之准其提解耗羨者原爲優養官民之苦心若以支給地方公用之外尙有餘資卽請收作公項朕必不爲也今魏廷珍又以上江提解火耗之事具摺陳奏恐外人不知以爲出自朕意故特頒此旨明白曉諭蓋提解火耗之舉若行之果善亦督撫分內之事不得居功倘行之不善實足爲伊身家性命之患無所逃罪總在伊等自行度量其願行者朕不拒阻其不願者朕亦不强也通考

六年江西巡撫布蘭泰參奏小溪驛驛丞餽送道府縣官規禮奉 上諭布蘭泰識見器量甚屬狹小此本內所參小溪驛餽送道府知縣等官之規禮乃地方舊日相沿之陋例也從前上司各官無養廉之資勢不得不受屬員之餽送而屬員之力難以供應故地方陋規不能悉行裁革相沿已久習爲固然數年以來朕百計籌畫爲大小官員酌定養廉之項使之公私有賴俯仰無憂倘再有索取規禮者自當重治其罪至於從前之陋

規各省各項何處不有今若但就一二事參劾懲治而其餘悉置之不問則嚴於此而寬於彼用法不得其平若將既往之事一一追溯查參恐大小官員無人得免處分繁擾紛紜殊非爲政之體況不教而加之以罪乃聖人之所戒其間如貪贓侵帑甚有關係之事該督撫查出自不可隱匿姑容以長貪風而廢國法使墨吏不知儆懼若地方多年相沿之陋規只當禁約於將來不應追究其既往布爾泰此奏甚爲苛刻即使本人自首情願繳出布爾泰亦只應具摺請旨或將此留爲地方公事之用今乃顯然具本題參且欲將此銀歸作公項非情理也此案不必究問著該部行文將朕此旨訓諭布爾泰嚴加申飭

又諭陝屬之河西官員等奉職邊方地瘠事繁非內地可比加以承辦大差更多勞費朕心深爲軫念聞向來各官養廉皆於徵糧耗米內分派支給朕思耗糧一項未能充補大小官員之用查三邊稅務有贏餘銀兩著總督岳鍾琪會同該撫將河西道府廳州縣衛所分別大小衝僻於河西稅羨耗糧二項下比照陝員銀數支給以爲養廉之費具摺奏聞卽行辦理俾伊等用度從容勤於職業以副朕加恩邊地官員之至意雍正內閣 上諭

乾隆元年 諭曰聞江南佐雜等官向來未議養廉該省事務繁多差遺絡繹信於他省微員俸少力薄未免衣食維艱查江蘇有不充餉之鹽規銀兩安徽司庫有存公耗羨銀兩著總督趙宏恩巡撫顧琮祖國麟同查核仿照江西湖廣之例酌定數目每年賞給以爲養廉示朕體恤微員之至意通考

二年 諭曰向來浙江等省佐雜微員未曾議給養廉朕聞江南地方事務處繁差遺絡繹已於上年特頒諭旨賞給養廉以資日用今思浙省事務差遺亦屬繁多微員等俸少力薄所當一體加恩著將應給各官查照

江南之例從乾隆二年爲始

五十年奉 諭各省州縣官於耗羨內有自行動支抵算養廉者耗羨歸公原爲各官養廉之費但官員自收自支其中恐滋影射冒混情弊此後應一併禁止令儘數解司後再行由司庫動支給發以杜弊混並令該督撫於年終分晰報部查核通考

道光二十五年諭直省大小官員自雍正年間議設養廉由督撫以至州縣藉以爲辦公之資迄今將屆百年督撫司道俸廉較厚者尙敷公用至府廳州縣養廉止此定額而差務之費捐攤之款日益加增往往有全行坐扣祿入毫無者雖在潔清自好之吏一經履任公事叢集難爲無米之炊勢不得不取給陋規以資挹注而不肖者則以爲少取多取均干吏議轉恣意徵求除辦公之外悉以肥其私囊上司心知通省官吏莫不皆然豈能繫行糾劾遂陽禁而陰縱之於是箕斂溢取之風日甚一日而閭閻之蓋藏槩耗於官司之賤削民生困敝職此之由與其私以取之何如明以與之朕思國家立制必循名責實始能奉行無弊直省相沿陋規如舟車行戶火耗平餘雜稅存貯鹽當規禮其名不一有此邑有而彼邑無者有彼邑可裁而此邑斷不能裁者與其號爲禁革巧取如常上司可藉以恐嚇屬員小民可藉以控告長吏何如明定章程立以限制使無所藉口乎惟各省情形不同著該督撫督率藩司將所屬陋規逐一清查應存者存應革者革勿博寬厚之名勿爲苛刻之舉務各秉公詳議期於久遠可行或以此之有餘補彼之不足俾府廳州縣足敷辦公而止奏定之後通行飭諭如再有以賠累爲詞於此外多取於民者一經發覺卽行從重治罪不稍寬貸庶廉吏得以措施貪人無從影射此係朕恤吏之心正所以愛民之意名實不淆吏治清而民生自厚矣東華續錄

任源祥制祿議有明官制上彷彿周而俸給則大遠於古額數既少又折支焉甚非養廉之道也三代以上姑無論卽如漢太守號二千石實食一千二百石中二千石實食一千石今正一品歲祿一千四十四石是三公之俸已不及漢太守實食之數矣內本色俸三折色俸二除支米一十二石外支銀二百一十五兩零是三公實食之俸不及漢三公屬僚實食之數也等而下之至從九品除支米一十二石外歲該銀一十九兩零計八口之家謂足以代其耕否乎且一品至九品皆支米一十二石是無等殺也折色俸徒有其名而以無用之鈔關支是導欺也上之欺下者一下之欺上百矣以律言之職官自俸給外但有所取分毫皆贓既乏衣食之資又乘得爲之勢而一介不取非中人以上不能吾恐三百年來完人可屈指數耳其初文具相取上下相蒙其究食墨成風雖嚴加誅戮不能止則制祿使然所節者小所虧者大也今縱不能復古制而姑就一千四十四石等而下之之數實給本色量支米絹布錢以足其數則上免導欺之咎下裕養廉之資非其不肖雖犯贓者亦寡矣古者制賦原以爲宗廟朝廷百官五禮之經費後世兵制不蓄費天下大半之賦又或者耗於侈靡耗於乾沒而不知察顧獨嗇百官之俸以爲儉果足以爲儉乎食之者寡豈是之謂乎若果人稱其職職稱其官而祿亦與之相稱不亦宜乎不然顯導之欺陰縱之貪賧民膏以爲利而禍亂從之盜賊煩興兵革不息費耶儉耶胡不思耶

光緒二十七年江督劉坤一鄂督張之洞條奏查京職俸銀俸米爲數無多加以銀贖物貴實不足以自給而科道爲風憲之官翰詹爲儲才之地俸廉尤宜從優光緒八年戶部奏定令各省關籌解京官律貼銀二十大萬兩乃行之一年旋將此項撥充餉需且原定數目較少大小各官不能遍及其分給者爲數亦不敷用

度今日亟宜另籌辦理至三品以上大員用度較繁關係甚重必應一併籌及其名目即稱為養廉勿庸再稱津貼方為名正言順謹擬仰懇 天恩即以原議京官津貼銀二十六萬兩仍行發給各官至此項餉需應令各省照數另籌奏明抵補此外擬請即以此次奏陳裁汰屯衛各官所省之款并衛田新擬酌捐之款發給抑或另籌他款應請 飭議施行大約必須籌款百萬乃足敷各衙門辦公之需杜乞貸苞苴之術至外省若府縣等官甘苦亦不一致州縣有民社之寄知府有表率之責斷不可令其苦累州縣瘠區則科派繁獄而病民衝繁則虧挪庫款而病國不得已而為調劑諸署之策則傳舍無常而國與民交病其號稱優缺者不過隱匿契稅雜稅減削驛站經費甚至捏報例災蓋州縣官卑事繁科場考棚之攤捐招解緝捕之繁費驛路大差之供億委員例差之應酬其養廉萬不足以給用不得不迫而出此故州縣多一分之繁費則國帑貽傷一分之進款知府公費無非取給州縣然公費多少不一往往藉端挑剔格外誅求故府州縣皆須令其辦公有資然後能盡心於國事民事應請 敕下各省體察本省情形省州縣之繁費禁上司之需索其辦公不敷者擬為撥給職田一法考晉唐宋明以來郡縣等官皆有職田明又有邊城養廉田此制仍可仿行查各州縣大率皆有充公之田私墾官荒並未升科之地及原主久亡契據久失地棍冒認爭訟不休之業此類各項田地若認真清查一州縣至少亦有數十頃應將此業即撥充州縣職田之用收其租課以資辦公州縣既無累可言則可令其久任責以實政設遇地方有重要難辦之事只可因擇人而量移不准因恤累而更調一切公款責令切實報解不得藉口侵欺知府辦公竭蹶者亦為籌增公費至增加養廉公費以後京外各官如再有貪墨敗檢者除參革外仍行追罰充公方今度支困絀之際豈願更增用款

然果使賢才無北門資囊之憂當官有公爾忘私之志則爲 國家所省者多矣

右直省文武官養廉

在京旗員養廉領侍衛內大臣養廉銀九百兩滿洲都統養廉銀七百兩蒙古漢軍都統前鋒護軍統領各養廉銀六百兩滿洲副都統步軍統領養廉銀五百兩蒙古漢軍副都統步軍翼尉內大臣散秩大臣鑾儀使內三院卿各養廉銀四百兩參領養廉銀六十兩副參領前鋒侍衛印房官各養廉銀四十兩通考

右在京旗員養廉

致仕官之給俸祿始於唐沿於宋至於有明雖宰執致仕在籍者或賜羊酒或賜文綺尙書以下未之聞焉我朝優禮臣工超軼前古 皇上御極之元年卽奉 恩諭滿漢大學士及曾爲都院尙書予告在家俱按品給與全俸三年奉 詔凡大臣遇京察自陳准其原品致仕者令該旗該部查明酌量給予半俸至八旗告休

勒休武職由兵部分別軍功按其品秩或給全俸或給半俸請 旨以行 茂典煌煌至優極渥矣通志

同治四年諭內閣本日據大學士祁藻奏衰病日久難以起假入直籲懇致仕一摺據稱醫治經歲病體總未痊愈自顧衰軀已成廢疾力懇退出內廷差使停賞全俸准予致仕覽其所奏情詞真切若不允其所請轉不足以示體恤祁藻著准其開弘德殿差使以大學士致仕仍加恩支食全俸以示篤念耆舊至意

十一年諭內閣前據朱鳳標因病兩次奏請開缺疊經降旨賞假調理茲據奏稱假期屆滿病尙未痊仍懇開缺等語朱鳳標年逾七旬精力尙健襄贊繪屏深資倚畀今以病未就痊復請開缺情詞懇摯自應勉如所請朱鳳標著以大學士致仕加恩賞食全俸俾資醫養用示眷懷著碩恩禮優加至意

聖訓

右致仕官俸

皇朝文獻通考 卷二百五十一 職官十四 勳官

十三



皇朝政典類纂卷二百五十一終

皇朝政典類纂卷二百五十二

職官十五

官品京官外官文職品級 京官外官武職品級 蒙古官品級 漢軍官品級 土官品級

正一品 太師 太傅 太保 殿閣大學士初定滿洲一品漢人二品後俱改為正二品兼各部尚書銜今定正一品

從一品 少師 少傅 少保 太子太師 太子太傅 太子太保 各部院尚書初定滿洲一品漢人二品後俱改為二品康熙中復改滿洲為一品後俱改為正二品今定從一品 都察院左右都御史初正二品今定從一品

正二品 太子少師 太子少傅 太子少保 各省總督加尚書銜者從一品 各部院左右侍郎初定滿洲二品漢人三品後俱改為正三品今定正二品 內務府總管初定三品今定正二品

從二品 內閣學士初定滿洲漢軍二品漢人三品後俱改為正五品以兼禮部侍郎銜從侍郎品級為正三品今定從二品 翰林院掌院學士正五品以兼禮部侍郎銜從侍郎品級為正三品今定從二品 翰林院掌院學士正五品以兼禮部侍郎銜從侍郎品級為正三品今定從二品無專員以

關部大臣翰林出身者領之 各省巡撫 布政使司布政使

正三品 都察院左右副都御史 宗人府府丞 通政使司通政使 滿洲初係二品後改為三品復改為二品後改為正三品 大理寺卿 滿洲初係二品後改為三品復改為二品今定為正三品 詹事府詹事 太

常寺卿 順天府府尹 奉天府府尹 武備院卿 上駟院卿 奉宸苑卿 孔廟三品執事官 按察

職官十五 官品

使司按察使

從三品 光祿寺卿 太僕寺卿 都轉鹽運使司運使

滿按舊有苑馬寺卿康熙二年裁又舊有布政使司參政乾隆十八年並正四品之按察使司副使從四品之

布政使司參議正五品之按察使司僉事俱改為守道巡道列正四品

正四品 通政使司副使 滿洲初係三品後改為正四品 大理寺少卿 滿洲初係三品後改為四品復改為

三品今定為正四品 詹事府少詹事 太常寺少卿 太僕寺少卿 鴻臚寺卿 滿洲初係三品後定為正

四品 順天府府丞 奉天府府丞 四品 太廟尉 陵寢掌關防官 陵寢尙茶正 陵寢尙膳正

孔廟四品執事官 各省守巡道

滿按舊有督捕理事官康熙三十八年裁 盛京五部理事官六十年裁都察院僉都御史乾隆十三年裁

從四品 內閣侍讀學士初係三品後改為從五品兼太常寺少卿銜尋停兼銜今定為從四品 翰林院侍

讀學士初係從五品後定為從四品侍講學士同 翰林院侍講學士 國子監祭酒 滿洲初係三品後定為

從四品兼太常寺少卿銜後停兼銜 都轉鹽運使司同知 各府知府

正五品 左右春坊左右庶子 通政使司參議 滿洲初係四品後定為正五品 光祿寺少卿 滿洲漢軍初

係四品後定為正五品 六科給事中 滿洲初係四品後改為七品復改為四品復改為七品今定正五品

宗人府理事官初係三品後改為四品今定為正五品 各部院郎中 滿洲初係三品後改為五品復改為四品

復改為三品今定為正五品 五品 壇尉 五品 太廟尉 順天府治中 奉天府治中 欽天監監正

滿洲初係四品後改爲三品復定爲五品 太醫院院使 陵寢副掌關防官 孔廟五品執事官

盛京鳳凰城迎送官 各府同知 鹽運監學同知 各直隸州知州

謹按舊有尙寶司卿順治十五年裁大理寺寺丞康熙三十八年裁太常寺滿所牧乾隆二十六年裁

從五品 翰林院侍讀初係六品後定爲從五品侍讀同 翰林院侍講 司經局洗馬 各道監察御史滿

洲漢軍初係三品後改爲七品後復改爲四品後復改爲七品今定爲從五品 鴻臚寺少卿 內閣侍讀初係

四品今改爲從五品 宗人府副理事官初係從四品今定爲從五品 各部院員外郎滿洲初係四品後改

爲五品後改爲四品後定爲從五品 鹽運使司副使 鹽課提舉司提舉 各州知州

謹按舊有尙寶司少卿順治十五年裁市舶提舉司提舉康熙五年裁右春坊右諭德五十二年裁左春坊左

諭德乾隆十三年裁

正大品 左右春坊左右中允 國子監司業 各部院主事滿洲初係四品後改爲六品復改爲五品今定

爲正六品 宗人府主事 宗人府經歷初係四品後改爲五品今定爲正六品 起居注主事 理藩院主

事 大理寺左右寺丞滿洲漢軍初係四品後改爲六品復改爲五品今定爲正六品 都察院都事 都察

院經歷 太常寺寺丞 內務府副內管領 內務府司俎官 武備院掌蓋 武備院庫掌 奉宸苑六品

苑丞 奉宸苑六品庫掌 六品 壇尉 欽天監監副滿洲初係三品後改爲四品今定爲正六品 欽天

監奉夏秋冬五官正 太醫院院判 王府管領 孔廟六品執事官 京府通判 京縣知縣 兵馬司

指揮 神樂署署正 六品朝鮮通事 盛京管官屯六品官 盛京管干丁六品官 盛京管理琉

官十五 官品

禮審官 各府通判

謹按舊有尙寶司司丞順治十五年裁太僕寺寺丞康熙二年裁理藩院院判三十年裁都司經歷斷事雍正二年裁

從六品 左右春坊左右贊善 翰林院修撰 大理寺寺丞 光祿寺署正初係四品後改爲六品復改爲

五品今定爲從六品 欽天監滿洲五官正 王府典膳 王府馬羣牧長 布政使司經歷 布政使司理

問 鹽運司運判 各州同知

謹按舊有京府推官康熙六年裁光祿寺寺丞大理寺左右寺副俱于三十八年裁鴻臚寺寺丞五十二年裁

正七品 翰林院編修 通政使司知事初係四品後定爲正七品 通政使司經歷 大理寺左右評事滿

洲漢軍初係四品後改爲七品復改爲五品今定爲正七品 內閣典籍滿洲漢軍初係正五品後改爲從六

品今定爲正七品 皇史宬尉 太常寺博士 太常寺典簿 七品 堂子尉 國子監監丞 太僕寺

滿主簿 各部寺內務府司庫 武備院司弓 武備院司幄 上駟院廐長 上駟院牧長 奉宸苑七品

苑丞 奉宸苑七品苑副 奉宸苑七品庫長 孔顏曾孟四氏儒學教授 孔廟七品執事官 孔廟

司樂 孔廟管勾 孔廟典籍 京府儒學滿漢教授 京府儒學滿洲導 兵馬司副指揮 京縣縣

丞 各部院衙門七品筆帖式 七品朝鮮通事 盛京管理驛站官 盛京管千丁七品官 按察使

司經歷 各縣知縣 各縣儒學教授

謹按舊有各府推官康熙六年裁上林苑監丞三十七年裁行人司司正乾隆十三年裁

從七品 翰林院檢討 內閣撰文辦事中書舍人 中書科中書舍人 滿洲初係四品後改爲從七品 國

子監助教 國子監博士 詹事府主簿 光祿寺典簿 光祿寺各署署丞初係六品今定爲從七品 樂

儀衛經歷 順天府經歷 奉天府經歷 京府儒學漢訓導 太常寺各祠祭署奉祀 欽天監五官鑿臺

郎 王府司庫 布政使司都事 鹽運司經歷 各州州判 衛經歷

謹按舊有太僕寺漢主簿苑馬寺主簿俱於康熙二年裁京衛經歷二十六年裁布政使司副理問三十八年

裁宣慰司經歷招討司經歷雍正四年裁行人司副行人乾隆三年裁

正八品 翰林院五經博士 國子監學正 國子監學錄 欽天監主簿 各部院衙門筆帖式 八品朝

鮮通事 太常寺協律郎 太醫院御醫 八品 堂子扇 各部院司務 內務府司匠 武備院司矢

武備院司匠 奉宸苑八品苑丞 奉宸苑八品苑副 孔廟八品執事官 布政使司庫大使 按察使

司知事 各府經歷 同知經歷 各縣縣丞 各州儒學學正 各縣儒學教諭 鹽課司大使 鹽運司

批驗所大使

謹按舊有欽天監五官保章正後裁上林苑監署丞康熙三十七年裁理藩院知事三十八年裁

從八品 翰林院典簿 國子監典簿 鴻臚寺主簿 欽天監五官挈壘正 太常寺各祠祭署祀丞 神

樂署署丞 太醫院八品吏目 王府司匠 王府牛羣牧長 王府羊羣牧長 布政使司照磨 鹽運司

知事 各府州縣儒學訓導

正九品 禮部太常寺 盛京讀祝官初係五品後定爲正九品 內務府太常寺 盛京贊禮郎 滿洲初係

四品改爲九品後改爲六品復改爲五品今定爲正九品 各部院九品筆帖式 寶泉寶源局大使 會同

館大使 欽天監五官監候 欽天監五官司書 孔廟九品執事官 按察使司照磨 各府知事 茶

馬司大使 各縣主簿

謹按舊有各牧監監正康熙二年裁理藩院副使二十八年裁布政使司檢校雍正二年裁營繕所所丞四年

裁

從九品 翰林院待詔 司經局正 國子監典籍 四譯館正教序班 太常寺司樂 鴻臚寺鳴贊 鴻

臚寺序班 工部內務府製造庫司匠初係七品後定爲從九品 欽天監博士 欽天監五官司晨 刑部

司獄 京府照磨 京府司獄 太醫院九品吏目 府宣課司大使 布政司倉大使 按察司司獄 道

庫大使 各府照磨 同知照磨 各州吏目 府稅課司大使 各府司獄 通判司獄 巡檢司巡檢

各府倉大使

謹按舊有詹事府通事舍人順治十五年裁市舶提舉司吏目康熙五年裁兵部督捕司獄三十八年裁詹事

府錄事五十二年裁都司儒學教授雍正三年裁

未入流 翰林院孔目 內務府庫掌 內務府署庫掌 內務府監造 奉宸苑未入流苑丞 奉宸苑未

入流苑副 禮部鑄印局大使 兵部司吏目 長官司吏目 崇文門副使 各府檢校 各縣典史 各

庫大使 鹽茶大使 驛丞 茶引批驗所大使 鹽運司庫大使 州縣稅課司大使 插官 遞運所大

使 河泊所所官 道倉大使 州庫大使 州倉大使 縣倉大使 營倉大使

謹按舊有鹽課司副使康熙五年裁各衛武學訓導三十二年裁衛稅課司大使雍正二年裁以上並通考

### 右京官外官文職品級

乾隆五十一年七月欽奉 諭旨以向來文武官階諸多未協武職爲 國干城同膺心膂之寄其階級自應與文職相埒方足以重闡寄而勵戎行 特命軍機大臣會同大學士吏兵二部詳晰定議經核定具奏後奉 旨遵行于是文職自正一品至從九品一十八階武職亦定自正一品至從九品共一十八階體統所垂昭然畫一內外相制文武兼資並無畸重畸輕之流弊不獨遠軼前代實千古設官分職之極軌也

正一品 領侍衛內大臣

從一品 內大臣 八旗滿洲蒙古漢軍都統 外省駐防將軍 烏嚕木齊都統 察哈爾都統 提

督

正二品 左右翼前鋒統領 八旗護軍統領 提督九門步軍統領 巡捕五營 八旗滿洲蒙古漢軍副都

統 鑾儀使 外省駐防副都統 總兵

從二品 散秩大臣 副將

正三品 一等待衛 冠軍使 火器營翼長 健銳營翼長 步軍翼尉 包衣護軍統領 圓明園營

總 烏鎗營總 前鋒參領 護軍參領 烏鎗護軍參領 驍騎參領 陵寢總管 圍場總管 黑龍

江總船廠水手總管 察哈爾總管 城守尉 王府長史 參將

從三品 圓明園包衣營總 包衣護軍參領 包衣驍騎參領 吉林參領 黑龍江參領 察哈爾參



領 駐防協領 一等護衛 遊擊

正四品 二等侍衛 雲麾使 前鋒侍衛 副護軍參領 副烏鎗護軍參領 副前鋒參領 副驍騎參

領 佐領 步軍協尉 信礮總管 南苑總管 陵寢副總管 陵寢司工匠 園場翼長 上都達

布遜諾爾達里崗愛總管 太僕寺馬廠駝廠總管 防守尉 黑龍江吉林等處管水手四品官 司儀長

都司

從四品 城門領 包衣副護軍參領 包衣副驍騎參領 包衣佐領 舊列正四品查包衣副參領係從四

品佐領與副參領體制相等今改入從四品 察哈爾副參領 舊列正四品查察哈爾參領係從三品副參領亦

應列入從四品今改入從四品 察哈爾佐領 舊列正四品查察哈爾副參領今改入從四品其佐領與副參領

體制相等亦改入從四品 四品典儀 二等護衛

正五品 三等侍衛 治儀正 步軍副尉 步軍校監 守信礮官 南苑門章京 陵寢防禦 陵寢

管理燒造磚瓦官 分管佐領 蓋州牛莊二處滿洲掌印防禦 關口守禦 黑龍江吉林等處管水手五

品官 守備

從五品 四等侍衛 委署前鋒參領 委署護軍參領 委署烏鎗護軍參領 委署前鋒侍衛 新增 下

五旗包衣參領 新增 五品典儀 三等護衛 守禦所千總

正六品 藍翎侍衛 整儀尉 親軍校 前鋒校 護軍校 烏鎗護軍校 驍騎校 監造火藥官

陵寢祭祀供應官 太僕寺馬廠駝廠翼長 黑龍江吉林等處管水手六品官 門千總 營千總 舊列從

六品查武舉揀選定例一二等以營千總用三等以衛千總用營用較衛用爲優不應在衛千總之下今改入正六品

從六品 委署步軍校 新增 內務府六品翎長 新增 六品典儀 衛千總舊列正六品今以營千總改入

正六品 應將衛千總改入從六品

正七品 城門吏 盛京遊牧正尉 太僕寺馬廠駝廠固山達 七品廕監生 把總

從七品 盛京遊牧副尉 七品典儀

正八品 盛京養惠牧左右翼長 八品廕監生 外委千總 新增

從八品 八品典儀 委署親軍校 以下新增 委署前鋒 委署護軍校 委署騎騎校 副護軍校

正九品 各營藍翎長 以下新增 外委把總

從九品 太僕寺委署固山達 以下新增 額外外委 以上並通考

### 右京官外官武職品級

從四品 內閣蒙古侍讀學士 由六科掌印給事中給事中各道監察御史各部院郎中翰林院侍讀侍講 經局洗馬國子監司業 陞任陞太常寺少卿鴻臚寺卿太僕寺少卿 會典事例

正五品 六科掌印給事中 由給事中轉給事中 由各道監察御史轉陞太常寺少卿鴻臚寺卿太僕寺少卿 內閣蒙古侍讀學士 左右春坊庶子 又六部蒙古郎中 理藩院蒙古郎中 由六部蒙古員外郎 理藩院蒙古員外郎 太僕寺蒙古員外郎 游牧員外郎 內閣蒙古侍讀 陞任陞通政使司副使 大理寺少卿 太常寺少卿 鴻臚寺

鄉太僕寺少卿內閣蒙古侍讀學士左右春坊庶子各道監察御史國子監蒙古司業郎內閣侍讀據補轉補  
大科給事中陞太常寺少卿鴻臚寺卿太僕寺少卿內閣蒙古侍讀學士左右春坊庶子又六部員外郎由六  
部主事太僕寺主事 盛京刑部主事理事同知通判陞任陞六部理藩院郎中各道監察御史翰林院侍讀  
侍講司經局洗馬國子監司業又理藩院員外郎太僕寺員外郎由理藩院主事 盛京刑部主事唐古特司  
業理事同知通判陞任陞六部理藩院郎中各道監察御史翰林院侍讀侍講司經局洗馬國子監司業又游  
牧員外郎由游牧主事蒙古護軍校曉曉校陞任陞六部理藩院郎中會典事例

正六品國子監司業由各部院郎中員外郎據補陞內閣蒙古侍讀學士翰林院侍讀學士侍講學士國子監  
祭酒左右春坊庶子又唐古特司業由唐古特助教中書陞任陞理藩院員外郎太僕寺員外郎又內閣侍讀  
由內閣中書陞任如無人方以理藩院主事唐古特司業陞任陞六部理藩院郎中各道監察御史翰林院侍  
讀侍講司經局洗馬國子監滿洲司業又六部司主事由內閣中書欽天監五官正吏部兵部太僕寺等衙門  
筆帖式陞任陞六部員外郎左右春坊中允直隸州知州又太僕寺主事由內閣中書欽天監五官正吏部兵  
部太僕寺等衙門筆帖式陞任陞六部員外郎左右春坊中允又理藩院堂主事由本院司務本院筆帖式陞  
任陞理藩院員外郎太僕寺員外郎左右春坊中允直隸州知州又理藩院司主事由國子監助教內閣中書  
欽天監五官正唐古特助教中書理藩院司務理藩院筆帖式驛站將軍駐防筆帖式陞任陞理藩院員外郎  
太僕寺員外郎左右春坊中允直隸州知州又 盛京刑部主事由國子監助教內閣中書欽天監五官正唐  
古特助教中書理藩院司務理藩院筆帖式陞任陞六部員外郎理藩院員外郎太僕寺員外郎又游牧主事

由國子監助教內閣中書欽天監五官正唐古特助教中書理藩院司務各部院衙門筆帖式蒙古護軍陞任  
陞游牧員外郎會典事例

從六品欽天監五官正由本監靈臺郎陞任如無人方以掣靈正陞任陞六部理藩院太僕寺主事 盛京刑  
部主事游牧主事會典事例

從七品欽天監靈臺郎由本監掣靈正陞任如無人方以博士陞任陞本監五官正又內閣中書由貼寫中書  
各部院筆帖式陞任陞理藩院主事由理藩院等衙門出身者陞六部主事太僕寺主事由吏部等衙門出身  
者陞內閣侍讀 盛京刑部主事游牧主事左右春坊贊善理事同知通判撫民同知通判又國子監助教由  
理藩院修書處筆帖式蒙古教習陞任陞理藩院主事 盛京刑部主事游牧主事左右春坊贊善理事同知  
通判撫民同知通判又唐古特助教由唐古特學中書陞任陞唐古特司業理藩院司主事 盛京刑部主事  
游牧主事左右春坊贊善理事同知通判撫民同知通判又唐古特中書由唐古特筆帖式陞任陞理藩院司  
主事 盛京刑部主事唐古特司業助教游牧主事左右春坊贊善理事同知通判撫民同知通判會典事例  
正八品理藩院司務由本院筆帖式陞任陞理藩院堂司主事 盛京刑部主事游牧主事理事同知通判撫  
民同知通判會典事例

從八品欽天監掣靈正由本監博士陞任陞本監靈臺郎會典事例

從九品欽天監博士由本監天文生除筆帖式陞任陞本監掣靈正 會典事例

筆帖式各部院衙門七品筆帖式由文舉人繙譯舉人員生除各部院衙門八品筆帖式由監生文生員繙譯

生員除各部院衙門九品筆帖式由官學生除陞各部院堂司主事 盛京刑部主事游牧主事左右春坊贊  
善欽天監五官正內閣中書國子監助教唐古特中書理藩院蒙古司務理事同知通判外縣知縣會典事例  
右蒙古官品級

正六品內閣侍讀先儘內閣漢軍典籍漢軍中書揀選陞任如不得人將滿洲中書揀選陞任陞各部郎中又  
六部堂主事理藩院堂主事由欽天監秋官正太常寺博士內閣典籍撰文中書辦事中書各部院衙門筆帖  
式陞任陞各部員外郎直隸州知州又 盛京刑部主事由本處各衙門筆帖式陞任陞各部員外郎又大理  
寺左右寺丞由二品官廕生除欽天監秋官正太常寺博士內閣典籍撰文中書辦事中書各部院衙門筆帖  
式陞任陞各部員外郎會典事例

從六品欽天監秋官正由國子監算學助教本監靈臺郎相間陞用陞各部院堂司主事都察院都事大理寺  
左右寺丞會典事例

正七品太常寺博士由各部院衙門筆帖式陞任陞各部院堂司主事都察院都事大理寺左右寺丞府同知  
又內閣典籍先儘內閣漢軍中書揀選陞任如不得人將滿洲中書揀選陞任陞內閣侍讀各部院堂司主事  
都察院都事大理寺左右寺丞府同知會典事例

從七品內閣撰文中書辦事中書由各部院衙門筆帖式陞任陞內閣侍讀各部院堂司主事都察院都事大  
理寺左右寺丞內閣典籍府同知又欽天監靈臺郎由本監司晨博士陞任陞本監秋官正會典事例  
從九品欽天監司晨博士由本監天文生陞任陞本監靈臺郎筆帖式各部院衙門七品筆帖式由舉人貢生

除陸各部院堂司主事都察院都事大理寺左右寺丞太常寺博士內閣撰文中書辦事中書外縣知縣各部院衙門八品筆帖式由監生生員除陸各部院堂司主事都察院都事大理寺左右寺丞太常寺博士內閣撰文中書辦事中書通判運判各部院衙門九品筆帖式由官學生除陸內閣撰文中書辦事中書州同州判縣丞會典事例

右漢軍官品級

正三品甘肅土指揮使○從三品宣慰使司宣慰使甘肅土指揮同知○正四品宣慰使司同知甘肅土指揮僉事○從四品宣慰使司副使宣撫使司宣撫使○正五品宣慰使司僉事宣撫使司同知甘肅土正千戶○從五品宣撫使司副使安撫使司安撫使招討使司招討使甘肅土副千戶○正六品宣撫使司僉事安撫使司同知招討使司副招討使長官司長官甘肅土百戶○從六品安撫使司副使○正七品安撫使司僉事長官司副長官○蠻夷官苗民官千夫長副千夫長土官中土會頭目無專職品級會典事例

右土官品級

皇朝政典類纂卷二百五十二終

皇朝政典類纂卷二百五十二終